

リ退治セントテ總陣ヲ引拂ヒ江州へ還ル角テハ鷲ノ森ノ通路止ルヘシトテ其手ノ用心トシテ公方家ヨリ武田大膳大夫信賢ニ命シ北白河ニ城ヲ構ヘ入置給フ然ル故ニ坂本ノ商買鷲ノ森ノ通路障碍無シ其サヘ敵山ノ訴訟トテ折々ニ差塞ケル程ニ長坂ヨリ加茂へ下リ御靈口へ通リテ丹波口一口ナルカ動モスレハ加茂ト御靈ノ間ニシテ運送ノ物ヲ取落サレケル總ツテ洛中洛外ノ亂妨諸國ノ爭亂限リナシ

○中國西國蜂起事附攝州合戰事

其比防州ニハ大内介ガ被官ニ尾加賀守弘直ト云者政弘ガ伯父大内道頼禪門ヲ取立テ國中ニ蜂起ス加賀守カ二子ニ尾十郎同七郎在京シケルニ國許ヨリ父加賀守云遣ケル子細有テ或夜赤松勢ノ浦上美作守カ手ノ者共相國寺佛殿ノ燒跡草ノ中ニ伏テ待ケレハ兼テ約束ヤシタリケンニ尾十郎同七郎二百餘人ニテ出來タリ頼テ管領勝元モ當職政則モ二尾兄弟ニ對面シテ即奉書ヲ申シ沙汰シ様々ニ褒賞メ公方家ノ味方ニセラレケレハ其ヨリ中國ハ彌以蜂起セシム筑前國へハ前太宰少貳嘉頼ガ子教頼ト云フ者對馬國ヨリ打入テ奮領ヲ取還ス其ヨリシテ九州モ大ニ亂レ島津伊東菊池大友等互ニ合戰止ム隙ナシ且又攝州ニハ池田筑後守同遠江守先年大内介政弘上洛ノ時降參シケルガ細川家ノ當守護代藥師寺與市ニ語ハレ又細川ノ味方ト成ル因レ茲大内家ノ軍勢早速池田ノ城ヲ取卷キ攻寄タル由告來ル間勝元ヨリ彼表へ加勢ノ事ヲ被ニ沙汰ニ赤松家ヨリハ安丸河内守光綱ヲ被ニ差下ニ光綱即透間ヲ見合セ城中へ入り籠リ居テ晝夜防戰フ處ニ其比東陣ノ山名彈正是豐備後國ノ住人宮下野守退治ノ爲彼國へ馳

下リ宮ヲ打從へ歸洛スル折ナレハ其儘攝州ノ兵庫ニ陣ス又播州ヨリ赤松下野守政秀宇野越前守則尙小寺藤兵衛尉則識明石道祖鶴松丸ヲ始トシテ同時ニ攝州へ打入リ神尾十林寺武庫山^{忍頂}任定寺ニ陣取タリ其ヨリ毎日ノ合戰イツ果ベシト不見其外國々ノ戰鬪不レ違レ記レ之

○勝智院殿御追善事

同八月八日公方家ノ御母堂勝智院殿御七回忌ニ相當レリト様々追善ノ御佛事念比ニ被執行此時飛鳥井權大納言藤原雅親卿和歌ヲ詠シテ公方家へ被レ進

今日ハサソ七年サメヌ思ヒニテ半ノ秋ノ夢モ悲シキ
數ナラヌ袖ニモ秋ノ露ゾ置ク世ニオホヒテシ陰ヲ忍テ

今一首有レ之闕文

公方家御返歌

見シ夢ノ別ハ程モ七年ノ跡問フ今日ゾ更ニ悲シキ

皆人哀レテ催シケル抑此勝智院殿ト申シ奉ルハ裏松贈内大臣重光卿ノ御娘重政卿ノ御妹征夷大將軍義政公ノ御母君ナリ

○一條殿下御方御生害事同太閤御閑居事

當時一條攝政關白兼良公ト申スハ近代博覽ノ智者ニテ詩歌管絃ノ道モ無ニ雙方ニ諸事ノ才覺優長ノ君子ニテ既ニ博陸ノ官職ニモ三箇度マテ被任公家武家共ニ渴仰シテ縑素皆崇敬シ奉ル然ルニ其御孫政房卿ト申ス御方御本領ナレハトテ其比兵庫庄ニマシクケルガ常ニ御裝

東モ直衣狩衣御着用ニテ他ニ紛ルベキ様モ無クイカナル荒夷モ貴人ト可レ奉レ見ニ亂世無道ノ淺猿サハ同年十月七日彼地ノ合戦ノ最中ニイカナル時節カ到來シケン武士一人走り來テ長身ノ鎧ニテ政房卿ノ御心モトヲ突通シ奉ル然レモ政房卿少シモ御身ヲ不被レ動南無西方極樂世界阿彌陀佛ト唱ヘ給ヒ其儘其所ニテ御逝去アリクテ祖父ノ太閤兼良公京都ニ於テ被レ聞召レ御愁嘆無限アマリノ事ニヤ御詠歌アリ

兔テモ死ヌル命ヲイカニ武士ノ家ニ生レヌ事ソ悔シキ

寔ニ無止事人ノ角亡サセ給ハノ故ニヤ昨六日京都ニ於テ内侍所鳴動アリ末世ト云ナガラ不思議ノ事トソ世ノ人ノ云合ヒケル角テ翌年ノ秋七月太閤兼良公關白職ヲ御辭退有テ南都ニ御閑居最幽ナル御住家ニテ月日ヲ送ラセ給ヒ畢ヌ此外公家堂上ノ方々過半ハ諸國ヘ落行テ諸大名ニ身ヲ寄セ或ハ富家ニ便リヲ求テ口ヲ養フ人多シ是皆近年洛中ノ兵亂故ナリ抑左遷朝敵ノ身ニアラズシテ官家如レ斯落魄ノ例上古未レ聞レ之且又頃年兵火ノ度々舊記古文秘書正傳燒失タル事無レ限

○後花園上皇崩御葬禮事

文明二年庚寅冬十二月ニ至テ仙洞ノ御所御不豫ノ義有リ事假初ノ様成シニ次第ニ重ラセマシマノ同月廿七日ノ夜半許於ニ室町御所泉殿ニ聖算五十二歳ニテツイニ崩御ナラセ給フ去ル應仁丁亥ノ九月ヨリ主上ト諸共ニ室町ノ御所ニ御幸成テ終ニ還幸ノ御事ナク御隱レ有ケレハ百官貴賤一入ニ愁悼スルコト限リ無シ就レ中公方家殊ニ御哀傷有リ白雲ノ聖壽寺ヘ出シ

マイラセ御葬禮ノ御營アリ諸僧參向シテ其沙汰ヲ被レ執行ニ明レバ文明三年辛卯正月三日於ニ悲田寺^院上皇御葬禮有之上古ヨリ東山泉涌寺ニテ被レ執行ニ事舊例ナレトモ兵亂ニ因テ彼寺破却シタル故悲田寺^院ニテ被レ行之大樹源義政公御藁履ヲ召サレ白雲ヨリシテ御車ノ跡ニ供奉シ給フ御信敬ノ程皆人奉ニ感嘆ニ白雲ヨリ出御有テ御前ノ布衣ヲ始メ役人等如レ例辻堅メ有レ之時ノ管領細川右京大夫勝元當職赤松次郎政則并ニ所司代浦上美作守則宗御警固仕ル堂ノ後ヨリ一町許ノ間衆僧威儀ヲ正シ御迎ニ參リ靜ニ淨土ノ讚ヲ唱フ堂中ヘ御車ヲ寄セテ御龕玉ノ緒ヲオロシマイラセ佛前ニ昇居奉テ暫時御儀式有レ之公方ハ堂ノ南ノ御堂ト井垣ノ間ニ北面ノ立セ給フ善ノ綱ヲ御手ニ持タレ御通リノ時暫ク躡踞御佛事様々アル内立セ給ヌ井垣ノ内ニハ四智讚十重禁戒ヲ讀奉ル元應寺ノ長老惠忍秉炬ノ役ヲ勤メラル御葬儀事終テ公方家還御五旬ノ間ノ御吊モ懇誠ヲ盡サレ畢ヌ始ハ後文徳院ト御謚ヲ奉ル後日ニ又改メテ後花園院ト御追號アリ其比飛鳥井大納言藤原雅康卿江州柏木ト云フ所ニ閑居シテマシケルガ上洛セラレケレ程過ケレハ御追善ニモ逢ヒ給ハズ泣々歌有リ

色香知ル君モ無キ世ニサク梅ノ花ノ上マデ哀トソ見ル
月ハ猶淚打添霞ム夜ノ雲ガクレニシ空ヲナゲキテ
サスガ皆歎キシヅマル程ナラバオクテ聞テ哀トハ知レ

三首共ニ秀逸ノ由世ニ沙汰ス
○但馬丹波合戦事

今茲文明三年三月廿三日山名彈正是豐ノ子七郎ト云フ人但馬ノ國九日表へ亂入ス九日ノ河向ニ七郎陣ヲ取ケレバ味方ニ心ヲ合セケル奈佐太郎ナンドト云フ者共九日ノ西戸邊羅山ニ陣シタリ九日ノ城ニハ山名入道宗全ガ被官垣屋越中守入道宗忠孫ノ龜王九ヲ養育シ居タリ于時垣屋越中入道ガ子平右衛門尉馳合セテ戸邊羅山ヲ追崩シ奈佐ヲ始テ悉ク討取シカバ河向ニ陣ヲ取シ山名彈正ノ七郎捨鞭ヲ打テ引退ヌ丹波國ヲ爲ニ退治ニ武田大膳大夫國信ヲ被ニ差下ニ其内一郡ヲ細川典厩拜領ス因レ茲武田方ヨリ逸見駿河守青江貫科等典厩方ヨリ天竺孫四郎等四月朔日丹波へ打入リ大畧打從ヘケル處ニ但馬國ヨリ山名入道ノ被官垣屋平右衛門尉同出雲守等發向シ丹波國普甲山ニ陣取ケルヲ武田勢モ天竺モ四方ヨリ攻上ル廣キ山寺ニテ諸勢打散サレケレトモ平右衛門尉大力ノ剛ノ者故少シモ不撓切崩シ天竺孫四郎ヲ討取リ武田勢モ敗軍ス近國皆平右衛門ガ武勇ヲ稱美ス出雲守ハ是ヲバ不知但州ノ九日マテ遠逃シケルトテ諸人はヲ嘲哂シタリ角テ典厩ヨリ重テ又一宮左京亮ヲ被ニ差下ニ此國ノ合戦イツ果ベシトモ見ヘザリケル

○醍醐山科稻荷邊軍事

其比京都ニハ醍醐山科ヲ三寶院殿義賢僧正御持有リ其御合カトシテ赤松武田ガ勢ヲ添ラル斯ニ多賀ノ豊後守高忠カ所司代ヲ勤メシ時走回リシ骨皮ノ左衛門尉道源ト云者洛中洛外ニ手ノ者多ケレハ望申ス子細有テ勝元ヨリ稻荷山へ被ニ差向ニ吳服ノ織物金作ノ太刀ヲ賜ル扱道源ハ山科ノ御陣ニ在テ目付ヲ仕タリシカ稻荷ヲ攻ントテ稻荷へ打越ヘ社務ノ羽倉出羽守

ト示シ合セ山上ノ社ニ陣取リ伏見小幡藤ノ森三栗栖深草淀竹田鳥羽法性寺本殿小路マテ目ノ下ニ見オロシ郷民多ク降參サセ下京イカハ有ント云處ニ山名方ヨリ畠山義就ノ諸勢ヲ遣シ稻荷山ヲ責ラル、山上ニ籠リシ道源方ノ者共ハ所々ノ惡黨物取リナンドト云フ奴原ナレハ一支モ無ク蛛ノ子ヲ散スカ如ク我先ニト皆迷失タリ大將ノ道源ハ潜ニ女房ノ眞似ヲシテ板輿ニ乘リ後ノ山へ落行ケルヲ山名方ノ河原ノ者追驅テ討取ケリ落首アリ

昨日マテイナリ廻リシ道源ヲ今日骨皮トナスソ空シキ

其比京童部共古ノ實盛ハ錦ノ直垂ヲ著テ北國ノ衢ニ名ヲ揚ゲ今ノ骨皮ハ吳服ノ織物ヲ稻荷ノ山ニ投捨ルナンドト曲舞クマヒヲ作テ謳ヒハヤス社司ノ羽倉出羽守モ從類トモニ何處トモナク散々ニ落行ケレハ稻荷山ハ退治シヌサラハ醍醐山科ヲ攻ヨトテ山名方ヨリ武衛家ノ朝倉彈正左衛門并ニ足輕高野藤七等ヲ遣シ揉ニ揉テ攻ケル程ニ逸見駿河入道以下悉ク退散シテ是モ西陣勝利ヲ得ケリ

○朝倉彈正忠降參事同畠山能登守護參御方事

都鄙ノ合戦毎度山名方利ヲ得ル事多シト云ヘトモ數年ノ在京ニ力屈シ財寶盡果諸勢悉ク困窮ス其上攝丹兩州ハ細川家ノ領國也播州ハ赤松家ノ舊領ナルニ今度政則拜領ノ上意ヲ蒙リ思ノ儘ニ國人ノ心ヲ靡ケ譜第ノ輩招集メテ皆彼家へ歸服ス然レハ山名方ノ西陣へハ皆分國ヨリ運送ノ道ヲ遮レテ兵糧ヲ可レ入様無レハ西陣ノ上下逐レ日勞苦ス其上分國ノ士民等一揆ヲ企テ家人國人ニ謀叛ノ者モ出來ケレハ先ヅ是ヲ退治シテ重テ又攻上ラントテ西陣、土岐

一色等其外山名一族ノ中モ拔々ニ下國スサシモ一方ノ大將タリシ斯波左兵衛督義廉モ分國尾張遠江ニ土一揆ノ亂起テ國人騷動セシメケレハ先ヅ其亂ヲ鎮メントテ急ギ尾州へ下國セシム且又東陣ノ細川方ニモ拔々ニ歸國ノ人モ有リ次第京勢手薄ニ成ル于斯同年五月五日斯波ノ家長越州ノ朝倉彈正左衛門敏景東陣ノ花ノ御所ノ味方ニ參ル是ハ此日來公方家ヨリ御招キ細川家取持ヲ以テ斯波治部大輔義敏ヨリ越前國ヲ可ニ讓賜ニ之間味方ニ參ルベキ趣依レ被ニ約諾ニ也頓テ同月廿一日越前國守護職拜領ノ御判ヲ被レ下同六月九日敏景ガ嫡子孫次郎氏景ニ公方家ヨリ御劔ヲ賜リ急ギ父子共ニ越前へ下向シ彼國ノ亂ヲ鎮メ追々北陸ノ道ヲ切開テ軍勢ノ通路兵糧ノ運送無レ妨様ニ可ニ相計ニ由被ニ仰付ニ誠ニ以父子共ニ希代ノ面目無雙ノ公恩也抑此敏景ハ先祖ハ但州ノ人本姓ハ日下部氏ニ尾張修理大夫高經ヨリ以來代々斯波家ノ被官也敏景此年來斯波左兵衛督義廉ノ家長トシテ彼家ノ執事ノ職ヲ勤メ去ヌル應仁ノ亂ニモ武功ヲ顯シ宗全入道ノ褒賞ニ預ル雖然此比主君義廉ハ尾張へ下國シ其留主ヲ幸トシ一方ノ主筋斯波義敏ニ招カレテ御所方ト成リ倍臣忽昵近ノ臣ニ列シテ越國ヲ拜領シ御敵退治ノ公命ヲ蒙リ畢ヌ因茲敏景氏景急ギ越前ニ下向セシメ先ヅ義敏ノ怨敵增澤甲斐守祐徳千福中務丞二宮左近等ヲ討捕ル彼等ハ皆敏景ガ同僚ニテ斯波義廉ノ長臣ナレ共近年ハ在國シテ自立ヲ企テ亂ヲ好ム逆徒ナリ此者ドモ亡ビテ後ハ越州忽令ニ平治ニ敏景氏景國民ヲ撫テ諸士ヲ懷テ政道宜ク子孫ニ至ルマデ終ニ越前一國ノ守護ト成ル誠ニ以テ名譽ノ士ナリ又其後西陣能州ノ守護畠山修理大夫義統モ連々從ニ公方家ニ色々ニ宥メテ御招キ且又越前ノ朝倉

御所方ト成テ彼國ヲ退治シ加州ハ富樫介政親カ領國ナリ旁以テ能州ヨリ京陣ノ通路ヲ絶レ在京難レ叶ガ故ニ終ニ義統東陣へ降參シテ公方家ノ味方ト成リ隣邦越中ノ國ノ亂ヲ鎮メテ能越兩州ノ守護タルベキ由管領勝元被ニ推舉ニ義統施ニ面目ニ畢然バ北陸ノ通路皆開ケテ彌々東陣運送ノ煩無ク西陣逐レ日困窮ス因レ茲東陣ノ味方ト成ル者多シ

○山崎天王山合戰事附大内介降參事

于斯先年ヨリ山名彈正忠是豐ハ一家ヲ離レテ御所方ト成リ攝州兵庫ニ在ケルガ京都へ責上リ東陣ニカチ合スベシトテ山崎ノ天王山ヲ城郭ニ拵ヘ先ヅ是マデ攻上テ彼城ニ楯籠リ上ト下トヲ相抱テ西陣兵糧ノ通路ヲ遮リ留メ淀鳥羽八幡ヲ攻ケレバ山名方ヨリ受手トシテ畠山右衛門佐義就西岡ノ勝龍寺ヲ陣城ニ構ヘ是ヲ防ク大内介政弘モ上山城ノ狛ト云フ所ニ城ヲ構ヘ究竟ノ兵ヲ遣シ置キ山崎ノ敵徒淀邊へ働カバ押留ント支度ノ既ニ合戰ニ及バントス狛野ノ邊ノ土民等悉ク歸服ス然ル處ニ是豐ガ領地備後國ノ住人山内新左衛門ガ館へ宗全入道ノ留主ニ置レシ一族宮田備後守多勢ヲ率シ攻來テ備州蜂起ノ由ヲ告ル敵モ敵ニコソヨレ急キ是豐下國ノ此敵ヲ追拂ヒ領國ヲ平治セン由頓ニ東陣へ令ニ訴訟ニ其時御所方ノ評定ニハ是豐ヲ下國サセ山崎ヲ其儘置ナラバ敵ニ取ラレテ惡カルベシ赤松次郎政則人數ヲ割分番替リニシテ彼城ニ可ニ指置ニ由爲ニ上意ニ被ニ仰下ニ于レ時政則ハ當陣受取ノ持口差抱ルノ上ニ又山崎ノ城ヲ難ニ相守ニ由再三以テ辭退ス勝元政長意見ヲ加テ申サルハ山崎ノ構ヘハ第一武功ノ入ル處是ヲ守ル事軍忠無ニ比類ニ其上先代ニ貴方ノ先祖圓心入道義兵ヲ揚シ始メ此山崎ニ

攻上テ合戦ニ及ビ關東ノ大將名越尾張守高家命ヲ隕テヨリ終ニ兩六波羅被ニ攻落ニ又吉例ニ
 二分明ナレバ不レ可レ被ニ辭退ニ由様々ニ諫メケレバ政則漸令ニ領掌ニ其ヨリ山崎ノ要害へ番兵
 ナ遣シ置是豐即備後へ下向ス于レ斯赤松勢ノ同氏下野守政秀宇野上野入道浦上美作守則宗
 天王山ヲ廻リ番ノ時文明四年八月二日畠山義就勝龍寺ヨリ兵ヲ勝テ山崎ノ要害天王山へ夜
 討ス兼々案内者ヲ連テ忍ビ入タリケルヲ城兵遲ク聞付テ城方十二人討死シ生捕ラル、者數
 多有リ下野守ノ手ノ者浦上ガ手ノ者皆五位川口へ引退ケレヒ三將共ニ不相騷其中ニモ美
 作守申ケルハ城ハ早敵ニ取ラレヌ此上ハ爲ン方無シ只今此山下ニテ腹ヲ切ルベシ井上土井
 尻ハ無キカト呼ル井上治部丞土井尻左衛門太郎等はニ在リトテ差出ケレバ美作守又云フ様
 此城ノ後ニ忍ビ道ヤ有ル若又可レ被ニ攻上ニ哉ト問フ土井尻云ケルハイカニモ可レ被ニ攻上ニ程
 ノ忍道コソ候へ某案内仕ント云フ作州悅デ左アラバ各々案内セヨトテ井上ニハ帶タル太刀
 ナ解キ與へ土井尻ニハ差タル刀ヲ遣シトラセ貴方達ハ故伊豆守殿譜第ノ奉公人トシテ一入
 頼母數勇士等也案内能シテタベヨト云テ早々二人ヲ先ニ立テ茂ミノ中ヲ忍ビ上リ又敵兵ハ
 只今城ヲ攻取タレヒ未ダ此城不案内ニテ唯口々ヲ抱ヘシマテ也殊ニ拂曉霧深クシテ尺寸ノ
 間モ不見ニ美作守ノ足輕共堀ヲ乘越シ攻入テ寄手一同ニ鬪ヲ揚ル敵兵城中ニテ周章騷ク
 所ヲ多勢討捕リ殘徒等ヲ追拂ヒ終ニ其曉天王山ヲ取返シテ又味方ノ勢楯籠リヌ是偏ニ美作
 守則宗手早キ手柄ノ働ナリトテ其比人々皆以稱美シケリ京都エモ注進シケレハ御感不レ斜
 ケリ扱又防州ノ大名大内介政弘ハ數年山名隨一ノ味方トシテ西陣楯戈ノ名將ナリシガ領國

遠境故近年防州ノ家臣等動レハ私ニ亂ヲ起シ領國悉ク騷動ス加之遠國ヲ隔テ、數年ノ在
 京軍用ニ財寶悉ク盡果ケレバ長ク王城ニ張陣シ難ク剩へ防州ノ中途ナル播州攝州所々ニ於
 テ細川赤松ノ家臣共ニ還路ヲ支ヘラレテ如何ヒスベキ様無シ且又東陣降參ノ輩ハ其身無何
 事ノミニアラス却テ新恩ヲ蒙リ面肩ヲ開ク時節ナレバ漸ニ心變シテ終ニ東陣へ降參シテ公
 方家ノ味方ト成ル是モ勝元推舉シテ急ギ防州へ下リ分國ノ亂ヲ鎮ムベシトテ先ヅ家人等ヲ
 差下ス政弘ハ向後山陽山陰ノ兩道探題職ニ拜セラレテ是又面目ヲ施シ畢ヌ今ハ西陣ニテ山
 名一家ノ外宗徒ノ大將タル者ハ畠山右衛門佐義就六角四郎高賴バカリゾ京都ニ陣ヲ張居タ
 リ又或説ニ今年山名入道宗全モ下國スト云々

○關東兵亂事

近年京都ノ亂ヨリ起テ近國隣鄉皆兵革ノ岐ト成ルノミニアラズ關東ノ亂逆年久シクシテ騷
 動更ニ不ニ相止ニ逐レ日令ニ蜂起ニ其大概ノ趣ハ去ヌル亨德ノ比ヨリ關東ノ兵亂再興シテ鎌倉
 ノ新御所成氏朝臣公儀ヲ蔑如ニシテ恣ニ戰伐ヲ行ハル、ノ由彼執事上杉ノ一黨言上ニ就テ
 公方家ヨリ御退治ノ爲駿河ノ國守今川上總介範忠ヲ大將トシ御旗ヲ賜リ多勢ヲ屬ラレ鎌倉
 へ發向ス又關東ニハ上杉ノ一黨其外國人大軍ヲ促シ是モ鎌倉へ寄ルニ因テ成氏忽一戰ニ打
 負野州古河ノ城へ沒落ス干レ時亨德四年六月十六日鎌倉ハ兵火ノ爲ニ燒拂ハレ治承以來幕
 府ノ地只一片ノ赤土ト成テ是ヨリシテ後永ク里民ノ郊居トナレリ範忠ハ是ヨリ歸陣ス于レ
 斯東國ノ古家千葉小山宇都宮結城佐竹那須小田壬生ヲ關東ノ八家ト稱シ大名ナル故上杉ノ

幕下タランヲ恥無ニ御所方へ心ヲ寄セ上杉ト合戦不レ止關東不レ治ニ因テ去ル長祿元年京都ヨリ御下知有テ澁川左衛門佐義鏡ヲ關東ノ探題職トシ武州へ被ニ差下ニ上杉ヲ彌以テ關東ノ管領トシ諸家其下知ニ從テ成氏ヲ可ニ退治ニ由被ニ相觸ト云ヘトモ東國ノ者共猶御下知ヲ不レ用於是上杉等又訴望シ公方家ノ御舍弟政知卿ヲ申下シ奉テ寛正年中ヨリ此政知ヲ關東ノ御所ト稱シ東國ノ大名高家皆此御所へ拜趨メ上杉此管領トシ關左ノ亂ヲ靜メントス鎌倉炎上ノ後ニ御所無ニ政知卿ハ豆州堀越ニ御寓居アツテ堀越御所ト稱ス角テ上杉ト成氏ト武州五十子ト云所ニ數年對陣シテ未タ雌雄ヲ決セサル處ニ文正元年二月十二日上杉家ノ大將兵部大夫房顯病死シ其翌年ヨリ應仁ノ大亂ニテ都鄙悉ク戰國トナリ只騷動ニ月日ヲ送ル終ニ文明十年ノ春上杉方ト成氏朝臣和睦アツテ古河城ニ安居セラレ近隣少々領知セラル於是政知卿ハ威勢盡果テ誰モ取立申ス者ヲク纒ノ所帶ヲ領シテ堀越ニ御住居有レ之云々

○齋藤入道妙椿感ニ和歌ニ還ニ遣押領之地事

其比東下野守平常緣ハ武畧ノ達人和歌ノ好士也詠吟ノ徳ニ因リ一劍ニ不ニ血塗ニシテ本領ヲ還附セラル其所以ヲ尋ルニ常緣ノ大祖千葉介常胤ハ桓武帝ノ後胤平將軍村岡五郎重門ノ末孫ニテ右大將賴朝卿崇敬ノ大名也常胤ノ一男千葉新介ヨリ代々彼嫡家ヲ嗣ク二男ヲ相馬小次郎ト云フ三男武石三郎四男大須賀四郎五男國分五郎ト云フ六男ヲ東六郎大夫胤賴ト號シ右大臣實朝公ノ寵臣ニテ下總國東庄三十四郷ヲ知行ス是常緣ノ家祖也胤賴ノ孫中務丞胤行入道素暹ノ代ニ承久ノ亂ノ軍功ニ因テ濃州郡上ト云所ヲ加領セラレ代々歌人ニテ其後公方

家へ近仕シ郡上ノ城ニ住事久シ然ルニ常緣ノ代ニ至テ近年關東ノ兵亂打續キ嫡家ノ總領千葉介モ二方ニ分レ陸奥守入道常喜父子同家老原越後守等古河御所ノ味方ト成リ實胤自胤兄弟ハ上杉ノ味方ト成テ互ノ合戰騷動ニ千葉ノ家領分崩離折シ既ニ滅却ニ及ントス于レ時康正元年乙亥ノ秋常緣ヲ召サレ公方家御下知有ケルハ關東連年ノ兵革ニ因テ汝ガ本國下總モ悉騷亂シ嫡家ノ千葉氏滅亡ニ及ントス常緣急キ下向シテ彼國ノ亂ヲ鎮メ總領實胤ヲ千葉へ移シテ本領安堵致サスベキ由被ニ仰付ニ御旗并ニ御教書ヲ下シ賜リケル故今茲乙亥ノ秋常緣急テ總州ニ下向ス此時濱民部少輔源春利ト云者モ麾下ニ屬シテ下向セシム常緣即チ本領ノ東庄ニ下著シ千葉ノ總領實胤ヲ取立テ相馬大須賀國分ヲ始メテ一族ヲ催シ家人ヲ集メ實胤ノ敵徒千葉陸奥守入道等ヲ退治セント欲メ先ヅ當國馬賀ノ城ヲ攻落シ原越後守ヲ追拂ヒ所々ノ攻戰勝利ヲ得ルト云ヘ共大敵一旦ニ退治成難キガ故同國小金ノ城ニ濱春利ヲ籠置常緣先ヅ東庄へ歸陣シ訖メ其後陸奥守入道方へハ古河御所御合力アリ常緣ハ上杉方ト一味シ合戰ニ多年ヲ經ル處ニ去ル文正元年上杉ノ棟梁民部大夫房顯陣中ニ於テ卒去ノ後上杉方ノ者共悉威ヲ失フサレドモ堀越御所先立テ御下向アリ上杉ノ殘徒又寡カラズ因レ茲先敗ノ餘類ヲ催シ古河方ト堀越方ト少々諍亂ヲナス處ニ程無ク應仁ノ大亂勃興シテ都鄙長ク戰國ノ世ト成リ彌以テ關東ノ兵革無ニ止時ニ然レバ去ル康正元年常緣總州ニ下向シテ十三年ノ間空ク攻戰ニ日ヲ送リシ其留守ヲ幸トシ應仁二年戊子ノ秋山名方ノ齋藤持是院妙椿濃州ノ士ナル故ニ多勢ヲ催シ攻入テ郡上ノ城ヲ乘取リ常緣ノ領地ヲ悉ク押領シスマシメ雖レ然常緣詠歌

ノ徳ニ據リ又妙椿法印モ荒夷ノ人ナレドモ常ニ和歌ヲ好メル故彼吟詠ヲ感發シテ郡上ノ城ト同キ領地ヲ皆常縁ニ還附シ訖又因シ茲常縁總州ヲ捨テ上國シ再タヒ濃州郡上ノ城ニ居住ス彼ノ家ノ集ニ云ク

美濃の國にしる所侍り承久二の年より常縁まで十代におよひ心のまゝの事にて侍るを此ころの亂れ高き賤しきわかぬ習に事よせて應仁二年九月六日にあらぬさまになりぬ是は御旗を下し給ひあつまの陣にくたりし跡の事なり此よし傳へきゝてころのわきまへなく侍る其比父の爲に僧供養しけるつゝてによめる

あるかうちにかゝる世をしも見さりけん人の昔の猶も戀しき

此歌を志たしく友なひける濱民部少輔源春利といふ人傳へ聞て兄このかみの豊後守康慶の許へかゝるあはれ成ことこそ侍とて書てつかはしける歌好む人なればこゝかしこにて口すさむ程に國事執沙汰する持是院法印妙椿つたへきゝていとあはれにもよめるものかな此人歌よみて送りたらしかはかへし志なんものをと申ける彼康慶の方より春利のもとへ申送られける事のやうよろしき色もことに侍るなどいと念比に心してこまかなる文の侍るを見よとて春利より送りけるを見てやかて其時十首の歌をよみて康慶を知るよすかとして持是院もとへつかはしける

堀川や清き流をへたて來てすみかたき世を歎くはかりそ
いかはかりなけくとかふる心からふみ迷ふ道の末のやどりを

形はかり殘さん事も今かゝるうき身は何と敷島の道

思ひやる心のかよふ道ならてたよりもあらぬふるさとの空

便なき身を秋風の音ながらさても戀しき古郷のはる

さらに又頼むにまじぬうかりしは行末遠き契なりけり

木の葉ちる秋のおもひよあら玉の春にわするゝ色をみせ南

君をしもふるへと頼む道なくは猶古郷やへたてはてまし

三吉野に鳴雁金といささらはひたふるに今君によりこん

我世へんふるへと今もたのむ哉みのゝち山の松の千年を

返し 持是院法印妙椿

言のはに君か心はみつくりの行衛とをらは跡はたかはし

同し時康慶のもとへつかはしける 常縁

和歌の浦や汀のもくすもくすにも猶數ならぬ程をみえぬる

霧こめし秋の月こそよそならめかさしににほへ古郷の花

かへし 濱豊後守康慶

和歌の浦や汀のもくすもくすとも見えぬよみかく玉の光に

かへり來ん君かためとや古郷の花も八重たつ錦なるらん

かやうにて二月二日比より申かよはして四月廿一日に東の陣より上りて五月十二日持是

院に對面して知る所うけて取てかへるに

妙椿

世中を遠くはかれは東路に今すみなからいにしへの人
返し使をたてなから

常縁

世中を遠くはからはけふまで君か詞の花におくれし
又知行所より持是院へつかはしける

返し

妙椿

このころの志るへなくともふる里に道ある人そやすくかへらむ
京より安富勘解由元盛といふ人かゝる事とも聞傳へ彼十首の歌感心の思ひ切なるうちに
もころのかよふ道ならてなど侍る氣味休かたきよし申て

元盛

立かへりさこそ今を思ひやるころの道やおなし古郷

このたひの言のはよりそ聞えくる代々をかけたる和歌の浦波

かへし

常縁

とはれぬる詞の花の色にこそ古郷なからすむかひもあれ

立かへりけふにあひても代々をふる跡と思はぬ和歌の浦波

以上

應仁廣記卷第四終

應仁廣記卷第五

○山名家由來事

大亂ノ張本山名右金吾入道宗全ハ曾祖父ヨリ以來公方家御家門ニ列スト云ヘ共元是新田家ノ氏族也其由來ヲ尋ルニ昔清和天皇七代ノ御末鎮守府將軍源朝臣義家ヲ八幡太郎ト稱シ源家ノ正統希代ノ人傑也義家ノ御子數多有之嫡子但馬守義親ハ謀叛ノ誅セラレ二男河内守義忠ハ伯父刑部丞義光ノ爲ニ害セラレ又三男式部大夫義國ハ下野國エ下向シテ足利ノ庄ニ居住セリ是ヲ足利家ト號ス四男六條廷尉爲義ハ實ハ故義親ノ子ニシテ嫡孫ナルガ故歟義家ノ家督ヲ繼リサレ共朝敵ノ子タル故ニ其嫡孫ナル事ヲ世ニ隱シテ義家ノ四男ト稱スト云リ爲義ノ嫡男ハ左馬頭義朝其子即チ鎌倉右大將賴朝卿是也抑式部大夫義國關東ニ居住ノ事其說數多有リ一說ニ義家朝臣東征トノ下向ノ時下野國住人足利左太郎大夫基綱ガ館ニ旅宿シテ彼娘ヲ最愛シ義國ヲ生ス生長ノ後基綱即足利庄ヲ義國ニ讓リ與ヘテヨリ足利義國ト稱スト云或說ニ義家ノ嫡子義親同二男義忠相共ニ叙爵ノ朝廷ヲ勤メ在京ス其外ノ庶子ハ思々ニ諸國ニ散テ各其家ヲ立タリ義國モ庶子ナルニ因テ東國エ下向ス共云リ又一說ニ義國モ朝廷ニ仕ヘテ從五位下式部丞ニ任シ帶刀ノ長タリシガ或時參陣ノ日路次ニ於テ右大臣實能公ニ行逢ヒ郎從等無禮ヲ致ニ依テ右府ノ隨身是ヲ怒リ悉追逐ツ此意趣ヲ含デ後日ニ義國ガ郎從等右府ノ本所ヲ燒拂テ狼藉ヲ致セシ故ニ忽義國勅勘ヲ蒙リ野州エ下テ足利庄ニ塾居ス共云リ是即崇徳院ノ御時也人皇七十六代近衛院御宇久壽二年乙亥六月六日於足利庄ニ義國病死セ

リ此人武勇モ世ニ勝レ禮儀ニモ達シケレバ武家ノ禮節ヲモ定タリシ人也此義國二人ノ子有リ一男ハ義重ト號メ上州新田庄ヲ知行シ寺尾城ニ住ス後ニ大炊助入道上西ト號ス是新田家ノ元祖同ク山名家ノ祖也義國ノ二男ハ義康ト名乗テ家督ヲ嗣キ足利新判官ト號メ朝廷ニ仕ヘ在京シ一方ノ大將軍ヲ蒙リ後白川院ノ御宇保元ノ亂ニ當テ勳功有ノ故ヲ以テ昇殿ヲ聽サル是足利家ノ正統ニテ征夷大將軍尊氏公ヲ始メ參ラセ代々公方家ノ御先祖是也就中尊氏公ハ義康判官ヨリ八代ニ當ラセ給フ且又足利家繁昌ノ起リヲ尋ルニ義康判官ハ熱田大宮司季範カ娘ヲ娶テ爲義ノ嫡男左馬頭義朝ト相躰也義朝ノ子ハ賴朝也然レハ義康ノ子息達ハ賴朝同性ノ上ニ外戚ニ付テモ又親シ義康ノ子三人有リ嫡子矢田判官代義清次男上西門院藏人義長三男足利上總介義兼是也義清ハ木曾左馬頭義仲ノ妹躰ナルカ故ニ彼麾下ニ隨逐シ壽永二年ノ冬平家追討ノ將トシテ備中國水島ノ軍ニ討死ス義長モ此時兄ト一所ニ討レ又義清ノ子孫ハ今ノ仁木細川ノ兩家也義清義長討レシ後上總介義兼亡父ノ遺跡ヲ領メ足利ノ家ヲ相續ス北條四郎時政カ娘ヲ娶テ賴朝卿ノ相躰ナレハ重縁ノ親戚也或說ニ此義兼ハ去ル保元ノ亂ニ亡シ鎮西ノ八郎爲朝ノ子也ケルヲ義康深ク隱メ養ヒ置キ給シト云何レニ就テモ義兼ハ賴朝ニ親ク北條ニ昵シカリケル故鎌倉ニテモ威高クメ一方ノ豪傑源家ノ貴族也是ヨリ代々足利家繁昌シテ故義重ノ子孫モ義清等ノ子孫モ皆足利家ノ麾下ニ屬シテ彼餘慶ヲ蒙ル故ニ義兼ノ子孫ヲ押而足利殿ト稱シ自然ト源氏ノ棟梁ト成給ヘリ扱又始メニ言フ新田大炊助義重ハ聳ノ惡源太義平朝敵ト成テ平治ノ亂ニ亡シ後ハ朝廷エモ疎ク又其後鎌倉エモ不レ諂上

州ニ潜居ノ寺尾城ニテ病死ス行年六十八上西入道是也其子數多有リ一男ヲ山名伊豆守義範ト云フ平氏追討ノ時賴朝卿ノ擧用ヲ以テ源氏六人受領セラル其一人是也二男里見太郎義俊三男新田大炊介義兼四男得川四郎義季五男額戸五郎經義此外庶子尙有之然處イカナル故カ山名里見ハ家督ニ不レ立三男大炊助義兼ト云人上西入道ノ家ヲ嗣テ是ヲ新田ノ嫡流トシ彼家ノ正統ト成シヨリ山名里見得川額戸其外是等ノ末流共皆義兼ノ子孫ニ歸附シ是ヲ新田ノ氏族ト云元弘ノ亂ニ大功ヲ立ラレタル新田左中將義貞ハ大炊助義兼ヨリ七代ノ嫡孫彼氏族ノ棟梁也于時後醍醐帝ノ御宇鎌倉ノ相模入道高時ヲ追伐有テ公家一統ノ政道ト成シ時義貞一時ノ軍功ニ誇リ過分ノ恩賞ニ慕テ代々麾下ニ屬シタル足利家ニ無禮ヲ爲ス大將軍尊氏公此事ヲ御鬱憤ニテ兩家ノ確執不ニ相止ニ終ニ新田足利ノ二流立別レテ同性怨敵ト成リ建武ノ亂發起ノ數十年ノ兵亂終ニ御當家御利運ニテ天下ノ權ヲ取ラセ給ヒ新田ノ氏族滅亡セシ事世以通知スル處也サレハ建武ノ亂ノ比ハ山名里見ノ人々皆義貞ノ麾下ニ附テ當家ニ敵對ナリシ處ニ延元二年ノ冬義貞於ニ北國討死ノ後山名義範七代ノ後胤彌次郎政氏ノ子山名伊豆守時氏始メハ上州市ト云所ニ纒ノ所帶ヲ領シ山名三郎トテ有ケルカ如何シケン氏族ヲ放レテ尊氏公ノ味方ト成ルサマテノ戰功見ヘサレ共將軍其忠志ヲ御感有ケルカ天下一統武家ノ世ト成シ時時氏ヲ伊豆守ニ任セラレ因幡國ノ守護ニ補セララル始而諸侯ノ列ニ成テ御一族ノ員ニ備ル是山名家ノ中興也或說ニ時氏其比將軍ノ權臣高武藏守師直ニ執入り寵セラレテ其子右衛門佐ヲ元服サセ師直カ一字ヲ乞請ク且又師直カ若名ヲ付ケ山名右衛門佐師氏

ト號ス後師義ト改ムト云ヘリ曆應三年春雲州ノ住人鹽冶判官高貞師直ヲ怨ル事有テ逆意ヲ企テ同二月廿七日京ヲ落テ出雲エ下ル師直即山名父子ヲ彼討手トシ差遣ス父子是ヲ追驅ケルニ程無ク攝州ノ賀久川ニテ追着タリ于時右衛門佐師氏纒十四歳若武者ナレ共父ニ勝レル武勇ノ人ニテ自身先ヲ驅テ切テ廻リ高貞カ弟鹽谷六郎ヲ始トシ數多ノ敵ヲ討捕殘徒等悉逃亡ス其軍時刻ヲ經ル間ニ大將高貞遙々ト落延テ同月晦日ニ本國雲州エ落着キ手勢ヲ集テ當國ノ佐々布山ニ楯籠ル時氏師氏モ當國エ寄來テ國人ヲ催シ多勢手ヲ碎テ佐々布山ヲ攻ケル程ニ鹽冶高貞防戰ニ術盡自ラ腹切テ死ケレバ殘徒皆伏誅ノ城忽ニ陷タリ山名父子於レ是始而武功ノ名ヲ顯ス角テ康永元年ニ時氏ハ將軍家ノ侍所ノ別當ニ補セラル是ハ執事管領ニ續シ重職也其後兵亂又起テ觀應文和ノ比尊氏將軍ハ暫ク鎌倉ニ在マシ御子寶篋院義詮公未宰相中將殿トテ京ノ守護ニ御座有ケル時南朝後村上天皇ヨリ京都ヲ攻テ三皇ヲ擒ニシ合戰ニ及ト云ヘ共又中將殿御利運ニテ南朝御敗北再度天下武家ニ歸ス此時ノ合戰ニ山名師氏軍功有ト云ヘ共忠賞ノ遲キヲ怨ミ且又中將殿ノ寵臣佐々木道譽入道ガ無禮ナルヲ憤テ文和二年ヨリ時氏師氏父子共ニ南朝ノ味方ト成リ却而將軍御父子ニ叛キ御敵ト成ル事十箇年其中合戰度々ニ及ヘリ其中ニ山名父子ハ連々隣國ヲ切從ヘテ數箇國ヲ領スト云ヘ共天下亂國故誰有テ相支フル者無去程ニ延文三年戊戌四月廿九日尊氏公御病死有リ奉稱等持院殿御子中將殿義詮朝臣被任征夷大將軍武家ノ世ヲ御相續天下ノ武君ト仰カレ給テ諸侯諸士偕仰ス此義詮將軍ハサノミ武勇合戰ノ譽ハ在マサ、リケレ共天性仁愛ニ渡ラセ給テ人ヲ殺ス事ヲ好マ

セ給ハズ能人ノ諫メヲ聽カセ在マシケレハ世ノ人思ヒ付ケル故タトヘバ御敵ト成ル族モ只是讒口ノ故ナラント思辨ケル迄ニテ一向將軍ヲ怨ル者ナシ寔ニ寬仁大度ノ人主ナリケル故ニ德化世ニ廣マリテ年々歸服降參ノ者多シ歸服降參ノ輩ニモ先非舊惡ノ怨ヲ不被レ殘皆本領ヲ賜テ諸侯諸士安堵シケレバ南朝ノ猛威逐レ日衰ヘ有テモ無カ如クニ成テ貞治年中ニ天下一統悉ク將軍ニ歸服シ奉テ始テ泰平ノ基ヲ開カレタリ此時ニ及テ山名伊豆守時氏同右衛門佐師氏父子本ノ如ク將軍ニ降參シ今迄御敵仕切取テ押領セシ近隣ノ分國因幡伯耆丹波丹後美作ノ五州ヲ其儘ニ下シ賜ルヘキ歟某父子御敵ト成シ事全ク將軍ヲ怨奉ラズ只傍輩ノ無禮ヲ咎テ如レ斯成行タル由様々陳謝申シケレハ義詮將軍御許容有テ此後忠義ヲ專ニ可レ被レ致トテ即件ノ五箇國ヲ山名父子ニ下サレケリ其比ノ人々是ヲ情_ナンデ大名ニ成ラント思ハ、一旦御敵トナラシニ不如トテ嘲リケルトゾ聞ヘシ同六年ノ冬義詮公御逝去有リ奉レ稱_レ寶篋院殿_ニ御在世ノ中ニ細川武藏守頼之ヲ若君ノ御後見天下ノ管領ニ被_レ仰付_レ若君子_レ時十歳ニテ大樹ノ家督ヲ御相續御元服有テ義滿公ト申鹿苑院相國是也頼之ハ文武ノ道ヲ專トシ政道私無ク天下ヲ預リ管領セラレケル程ニ纔三四年ノ間ニ都鄙悉平治シテ貴賤皆相悅フ然レ共南朝ノ餘類未盡故ニ先ツ斯波治部大輔義將ニ命シテ越中桃井ヲ退治シ攝州河州ノ楠黨ハ敵ナレ共義士ノ末也トテ寬宥ノ御沙汰ヲ以テ是ヲ招キ傾ケラル今ハ吉野ノ殘黨ト筑紫九國ヲ押領スル菊池ノ一黨計也於是應安三年ノ冬武州自ラ大軍ヲ將テ南方ノ餘類ヲ鎮メ其跡ニ時氏ノ二男修理大夫義理其弟陸奥守氏清ヲ留メ置テ彼守防ニ備ヘシメ吉野山中ノ再亂ナカ

ラシム同四年二月廿八日山名伊豆守時氏病死ス此人ノ法名號_ニ道靜_ニ同七年春鹿苑院殿義滿公御年十七歳自十萬ノ軍士ヲ將ヒ頼之其軍監ヲ司テ九州ニ御進發菊池黨ヲ御退治有リ此時山名右衛門佐師氏先驅ノ大將承テ一類皆軍功ヲ抽テ終ニ數戰勝利ヲ得テ菊池等軍門ニ降參シ九國二島悉ク治テ五畿七道オシナヘテ皆將軍家一統ノ御世ト成リ天下干戈ノ歟無シ其レヨリ師氏在國ノ彌々領國ノ政事ヲ執行ヒ義理氏清ハ南方ヲ鎮メ相守テ年月ヲ送り專公門ノ忠ヲ勤シ程ニ鹿苑院殿御威有テ義理ニ紀伊國ヲ賜リ氏清ニ和泉國ヲ賜ル其外一族加恩ノ領地次第ニ莫大也ケル程ニ凡ソ此一族ノ領スル處十一箇國程有リトテ其比ノ人異名ノ山名ヲ六分一殿ト云フ是ハ日本六十餘州ノ六分一ヲ領スト云事也永和二年三月十一日山名右衛門佐師氏卒去ス行年五十二其嫡子讚岐守義幸家督ヲ嗣ト云ヘ共病身ニテ物ノ用ニ立カタクレハ末子播磨守滿幸ヲ家督相續ノ惣領ニ定メ師氏ノ弟伊豫守時義ヲ後見トシ一家ノ政事ヲ司テ分國ヲ治テ我意ヲ舉動義理氏清ハ幕府ニ仕ヘテ威勢ニ誇ル其侈莫大ナル故ニ鹿苑院殿モ伊豫守カ過分ノ舉動御退治有ラント有ケル比康應元年五月九日時義病死シヌ其子宮内少輔時熙右馬頭氏幸ガ領地ヲ召放サレテ隱岐出雲ヲ滿幸ニ賜ル滿幸ハ元來本領丹後伯耆ヲ取リ合セテ四箇國ノ大守ト成リ一家ニハ惣領也又々侈ヲ恣ニシケル程ニ出雲國横田庄ハ仙洞後圓融帝ノ御厨領ニシテ守護不入ノ所ナルヲ滿幸是ヲ押領ス急キ可還上由度々公方家御下知御教書有ト云ヘ共更ニ不用之而剩地下人等ニ心ヲ合セ皇家ノ御代官ヲ追出シヌ於是鹿苑院殿御怒有リ滿幸雲州ノ守護職ヲ被召放テ其身ハ丹後ニ逐被下在國サセラレタリケレバ先非ヲ

悔ル心ハ無ク滿幸忽ニ野心ヲ企テ陸奥守氏清ヲ語ラフ氏清ハ滿幸ガ伯父ナガラ舅父ナル程ニ忽ニ同意シ氏清滿幸相共ニ謀叛ヲ起シ京都ニ攻登テ二條大宮ニ於テ合戰ニ打負氏清ハ討死シ滿幸ハ逃亡ス于時明德二年辛未十二月ノ事也是ヲ明德ノ亂ト云フ其後滿幸僧ト成テ隱居タルヲ應永元年筑紫ヨリ搜出サレ終ニ頸ヲ刎ラレ訖又宮内少輔時熙右馬頭氏幸ハ明德ノ亂ニ公方家ノ御方ニ參テ忠節ヲ盡シ戰功ヲ抽ケレバ鹿苑院殿御感有テ又其家ヲ再興ス去程ニ山名ノ家領此時ノ亂ニ皆闕國ト成ケルヲ其時戰功ノ輩ニ鹿苑院殿ヨリ恩賞ニ下シ賜ル細川畠山山名一色佐々木等也中ニモ時熙ニハ但馬ノ國ヲ下シ賜リ再興ノ守トナル義理ハ氏清滿幸ト一味ノ者ナレハ討手ヲ差向ラレケルニ紀州ヲ落失テ出家遁世ノ身ト成リ落魄シケリ其甥ニ中務大輔氏家ト云人公方ノ寵臣ナリケルガ氏清滿幸ニ語ラハレテ心ナラズ御敵ト成タル由様々ニ佗言降參申上タリケルヲ御免有テ本領安堵ス又一族右馬頭氏之ハ時熙ト同シク味方ニ參テ忠戰ヲ盡シケル故伯耆國ヲ賜ケリサレハ明德ノ亂ノ後ト云ヘ共宮内少輔右馬頭中務大輔三家相並其家領ヲ全サレ共昔ノ三分一ニモ不レ及威勢モ領地モ寡カリケリ然ルニ明德ノ亂終テ同三年ノ春管領細川頼之入道常久病死ス鹿苑院殿殊ノ外ニ御愁歎有リ其病中ニ鹿苑院殿御成有テ常久ニ御對面何ニテモ所存アラハ可被申上之由懇思ヲ盡サレケルニ常久病床ニ臥シナガラ猶子右京大夫頼元ヲ以テ申サレケルハ某今死ニ臨ト云ヘ共更ニ心ニ懸ル事侍ラス某平生ノ志ハ只天下泰平ノ御治世ヲ願ヒ思フ計也去年迄ハ山名ノ者共莫大ノ國郡ヲ領シ涯限無キ猛威ノ餘リニ動者公儀ヲ蔑如ニシ奉テ憲式ニ背キヌ是公方家ノ凶徒

ニシテ天下ノ亂ヲナスベキ者也何トソシテ彼等ガ威ヲ抑ヘ心服從事スル様ニ有ラマホシク存セシニ案ノ如ク氏清滿幸橫逆ノ餘ニ謀叛ヲ企自滅ノ却而御敵ノ種盡果タレハ當時其外ノ大名ニ逆意ヲ存セシ者無レ之天下悉平治ノ常久ガ怡悅爰ニ窮レリ自今以後モ猶以天下ノ政道ユルガセニ不可思召管領職タラン者能其器量ヲ撰ハルヘシ此外某ガ身ニ於テハ庶幾スル事一ツトノ無之候ト云テ卒去セラレケルト也其後鹿苑院殿義滿公勝定院殿義持公普廣院殿義教公此三代ノ間ハ山名モ尋常ノ大名ニテ佐々木家赤松家ノ如ク公儀上用ヲ勤メ分國ヲ治居ケリ宮内少輔時熙ヲ右衛門佐ト改名ス死去ノ後大明寺ト號シ是ヲ一家ノ惣領トス扱又何レノ御時ニカ山名故修理大夫義理ノ孫教清モ召出サレテ修理大夫ト號ス時熙ノ子持賢是今ノ右衛門佐入道宗全也抑此宗全入道ハ勝定院殿ヨリ御一字ヲ賜ケル故持賢ト名乘リ其レヨリ以來普廣院殿慶雲院殿當御所ニ至ル迄四代ノ公方ノ侯臣ナレハ拔群威勢ヲ振フ事其子細多キ中ニ去ル嘉吉ノ亂ニ故赤松滿祐入道カ普廣院殿ヲ弑シ參ラセ播州旗山ノ城ニ籠リシテ討手ノ多勢切立ラレシニ宗全此時氏族ヲ盡シ手勢ヲ將テ播州ニ切入度々ノ軍ニ打勝テ終ニ滿祐入道ヲ擊捕リ旗山ノ城ヲ攻落シ莫大ノ戰功無二ノ忠義ヲ立ケル程ニ慶雲院殿義勝公幼君タリト云ヘ共管領ト議セラレケルカ今度忠功ノ恩賞行レテ滿祐カ關國播磨ヲ宗全ニ賜リ加領セラル山名修理大夫教清ニ美作國ヲ被レ下同相模守教之ニ備前國ヲ賜テ何レモ御感ニ預ケル程ニ一族各面目ヲ施シ訖又中ニモ宗全入道ハ一家ノ總大將ナレハ彌々威勢強ノ人望世ニ超タリケル處ニ當公方家ノ御時亨德三年ノ春前管領畠山德本入道其實子義就ヲ愛シテ

故無キニ家督ノ養子政長ヲ逐出シ老耄故歟不義ノ舉動皆人はヲ嫉ミケルニ政長カ家人等皆宗全ヲ頼ミ居ケリ宗全入道モ其比ハ德本ノ不義ヲ惡ミ政長方テ最負ナル故頓而政長ノ家人共且又其外ノ浪人武者ヲ驅集メ數多撃手ニ差遣シ德本ヲ攻サセテ彼館ヲ燒拂ヒ防戰フ者共ヲ一々ニ討捕テ忽德本ト義就ヲ逐出ス洛中洛外ノ騷動オビタ、シカリケレハ公方家甚々驚カセマシ、テ御内モ外様モ周章シケルヲ山名相模守教之細川兵部少輔勝久等各手勢ヲ率シ來テ御所ヲ守護シ奉リ漸々無爲ニ鎮ヌ是即同年秋八月廿一日ノ夜ノ事也德本入道ハ其レヨリ建仁寺ノ西來院ニ蟄居シ義就ハ忍テ河州ニ没落ス或説ニ伊州ニ落行ケル共云フ政長ハ再度德本ノ家督ヲ相續シヌ然ルニ今度洛中ノ騷動御所ノ周章皆是宗全入道ガ公儀ヲモ不憚狼藉ノ舉動言語道斷ノ所行也トテ公方家大ニ怒ラセ給ヒ宗全入道ヲ彼領國但州ニ逐下シテ蟄居ノ體ニ被ニ差置ニ其子伊豫守教豐ヲ京都ニハ留メ置テ公儀上用ヲ勤シム角テ暫時ハ穩便ノ體ナリケル處ニ其比故滿祐ガ猶子ニ赤松彦五郎則尙ト云者有リ滿祐ガ一跡斷絶ノ事ヲ歎訴シテ年月ヲ經ケレ共御讎敵ノ近親ナレハ公儀御許容無リケル故時變ヲ待テ居タリケルニ今度宗全上意ニ背キ但馬ノ國ニ蟄居シケルヲ能キ幸ト悅ヒ細川讚岐守成之モ方人シテ頻ニ歎訴申シケルカ又ハ内縁内奏ノイカナル秘計モ有ケルカ歎訴忽相叶テ康正元年ノ秋ノ比彦五郎則尙御赦免ヲ蒙ルサレ共播州ノ本領安堵ノ御沙汰ハ無リケルニ此則尙早雄ノ若者ニテ早播州ニ打入テ赤松譜代ノ浪人等ヲ驅集メ國郡ヲ取返サントス宗全入道大ニ怒テ自身分國ノ多勢ヲ率シ彼國ニ打入テ忽彦五郎則尙ニ自害サセ其外赤松譜代ノ者共悉追拂テ彌々播

州一圓ニ知行シケレハ是ヲ取持ケル細川讚岐守成之モ却而面目ヲ失ケリ宗全入道ハ則尙ヲ擊テヨリ蟄居ノ御免モ不待シテ推而上洛在京シ公儀ヲモ不憚心ノ儘ニ舉動ルレ共誰有テ是ヲ押ヘ止ムル者無シ宗全威勢ノ品一事ニアラズ先ツ此入道ハ嘉吉ノ亂ニ他家ニ勝レ武功ノ手柄ヲ見セ置タル其比無雙ノ名將也大名ノ中ノ老人也先祖ハ源東部義國ノ嫡孫伊豆守義範ノ正統也一家ノ所領ヲ合スレハ但馬播磨因幡備前伯耆美作石見合而七箇國ノ大名也一族家ノ子譜代ノ臣古參新參國人等人數不レ可ニ勝計ニ嫡男伊豫守教豐ヲ始トシテ器量ノ子息數多有リ剩管領細川勝元斯波ノ義廉六角高頼ハ婿也縁家外戚相連テ皆彼家風ニ競進ム寔ニ榮耀一事トシテ關タル事ノ無キ故ニ當時ノ權柄誰有テ此宗全入道ニ肩ヲ並ル人無レハ一向ニ侈ヲ極メ公儀ヲモ不レ恐管領諸侯ヲモ侮テ諸事我儘ニ行ハレヌ塔ナガラ勝元ハ天下ノ管領ナル故ニ山名家如此猛威ヲ振テ重疊セハ後ニハ天下ノ亂タルヘシ何トソ威勢ヲ減セント深キ遠慮モ有ケル歟又ハ一族讚岐守ガ意趣ヲ合テ時々ニ讒シ進メケル歟宗全入道ニ楯ヲ衝ベキキ赤松次郎法師政則ヲ取立テ近年色々ニ執奏シ終ニ政則公方家ノ御免ヲ蒙リ所領少々賜テ專ラ奉公ヲ勤メ徘徊ス宗全入道ハ此事ヲ憤リ是ヨリ勝元ト婿舅ノ中呢シカラズ互ニ心ニ確執ヲ懷カレケル程ニ果シテ應仁大亂ノ基ト成シト也

○偃鼠草案并序

夫於ニ前代陵谷之變化ニ者考ニ家之志記ニ雖ニ普載ニ之而未ニ曾聞ニ謂レ記此應仁丁亥大動亂大抵吾朝終始之興廢者聖德太子之未來記雖ニ委書ニ之敢無レ如ニ寶誌和尚之野馬臺ニ又就ニ野馬之

詩二十四句內上十八句前代騷仁皆所下註也雖然於末六句者時代未來故先人曾不註之處也而此間時世滅亡體偏如野馬臺之末句相似於是某偃鼠荷嘆無所記飲何叨膽腑以鷓鴣和尙之床前呈一枝之草案耳前所謂野馬臺丹水流盡後天命在三公ト云迄ハ先人ノ注ヲ下ス處也百王流畢竭テ猿犬稱英雄ト云フ是ヨリ以後ハ必申戌ノ歲ノ人有テ威ヲ四海ニ振ハント書テ筆ヲ絶セリ于斯愚輩請此末句ニ注解スル者也百王流畢テ猿犬稱英雄ニ星鳥野ノ外ニ流レ鐘鼓國中囂シ青丘與赤土ニ茫茫遂爲空矣誠哉斯言蓋繇此觀レ之其一者起丁亥亂ニ兩將細川右京大夫勝元永享二年庚戌ニ生レ山名右金吾入道宗全ハ應永十一年甲申ニ生ル不_レ是日_レ猿犬稱英雄乎其二者九重交_レ檐四衢並_レ薨侯卿大夫之大厦高樓皆悉成_レ灰塲畢_レト_レ天座於農夫之田_レ停_レ雲車於牧童之野_レ故鶉聲ヲ以聞_レ燕處之檀枕_レ雲雀ヲ露臺軒端之粧_レ敵覽有_レ不_レ是日_レ百王流畢竭星流_レ鳥野外_レ乎其三_レ者洛下ノ民屋_レハ徒_レ荒原耳其餘孽稼_レ五穀_レ待_レ麥秋_レ京師爲_レ之變_レ青色_レ加之西幢東山之寺院皆剽掠焚蕩而遂收_レ焦土_レ不_レ是日_レ青丘與赤土_レ乎其四_レ者朝廷依_レ無_レ治世臣_レ不_レ能_レ平_レ東夷_レ西戎_レ退_レ南蠻_レ北狄_レ四海ノ外萬國ノ内強者伐_レ弱賤者凌_レ尊互_レ相殘滅而以爭_レ於是乎臣弑_レ其君_レ子弑_レ其父_レ理_レハ爲_レ財錢_レ所_レ埋道_レハ爲_レ最負_レ所_レ眩而天下庶民悉失_レ據上下返顛倒而猿_レ如_レ鼯犬_レ如_レ唾_レ狼烟覆_レ天鯨波動_レ地山々搞_レ大鼓_レ里々推_レ早鐘_レ無_レ暫時體不_レ是日_レ鐘鼓囂_レ國中_レ乎其五_レ者依_レ此大亂_レ竹園槐門ノ君達部公卿大臣ノ上達部官位ノ道重_レ職跡無_レ而皇室淑女媚_レ於穹廬_レ取_レ帚拂_レ塵掖庭ノ頁人降_レ於沙漠_レ歡_レ蔬食_レ衣_レ蒿被_レ商人收馬之郎飽_レ鱸魚_レ贈雁鴝之羹_レ足輕河

原者裁_レ衣綾羅錦繡_レ數_レ寄震旦百濟珍物_レ誇_レ榮花_レ顛倒シタル有様_レハ不_レ是日_レ茫茫遂爲_レ空乎然者今時王道佛法一同_レ滅却畢_レテ無_レ經史之繩墨_レ故五常即絕破_レ師範之龜鑑_レ故三綱自盡去經論堂社俱燒失學侶寺領共廢沒無_レ據事矣可_レ聞_レ寬正六年後土御門院之御即位ノ御時_レハ上薦車及_レ二百兩_レ諸人歎曰後白河法皇三十三間御堂供養ノ御時_レハ乘車八百兩ト聞傳ル_レ今纔減而二百兩是併陛下ノ御威風輕而公家中ノ衰微知_レ之京童ノ口歌セシ_レ今將無_レ一兩_レ也終_レ鳳輿五輦_レ車網代車大八葉小八葉管車檳榔車絲毛車ナド云フ事_レ眼_レニ_レ不_レ遮其名_レヲ不_レ聞世ト成ヌル事_レ思_レフ_レ無_レ情偃鼠_レ身_レニ_レモ_レ只袖_レニ_レ餘ル_レハ_レ涙耳也嗚呼悲哉七百餘歲ノ花_レ洛今何_レ成_レ犬戎境_レ乎就是近代予が見及處京白川ヘカケテ二十萬間ノ人家皆郊野ト成ヌル事_レヲ先_レ措_レ佛閣僧坊大家大仁ノ舊迹悉絶果_レテ名_レヲサヘ不_レ殘事_レヲ歎_レ敷存ルマ_レ閑居ノ暇_レニ_レ零シテ_レ舉_レ其_レ一二_レ以待_レ後君子_レ直當_レ字_レ而廣_レ之而已先_レッ北_レハ_レ西藏口_レヨリ_レ下_レハ_レ七條ニ至_レリ西_レハ_レ壬生_レヨリ東_レハ_レ至_レ朱雀_レ其交_レヒ皆悉人家也故_レニ_レ九重并_レ薨萬國捧_レ筐江ノ南北湖ノ東西處ト_レ無_レ不_レ朝眞_レニ_レ名_レニ_レ負_レフ平安城也シ_レニ_レ不_レ量應仁ノ兵亂_レニ_レ因_レテ_レ今_レ赤土ト成ラントハ就_レ中禁裏紫宸ト成ル_レハ_レ仙洞也今_レ伏見殿是也高宮聳_レ雲複道行_レ空五步_レニ_レ一樓十步_レニ_レ一閣出入ノ騷人墨客心_レヲ_レ不_レ留_レハ_レ無_レリケリ近比西芳寺ノ風景_レヲ_レ被_レ移山_レニ_レハ_レ楊梅桃李ノ名花_レヲ種_レヘ池_レニ_レ鯨鯢龍鳳ノ怪石_レヲ_レ立_レテ_レ求_レ友鴛鴦_レハ_レ愛_レ水鏡_レ弄_レ花俶女_レハ_レ奏_レ雲絃_レ椒蘭ノ烟綺羅ノ艷_レ燾_レ四方_レ翻_レ九天_レ粧_レ正_レ秦阿房宮ト云共是_レニ_レハ_レ不_レ如_レト_レ覺_レ侍_レリケル_レ又_レ花_レノ御所_レノ薨_レ鑿_レ珠玉_レ鏤_レ金銀_レ其費六十萬緡_レナレバ_レ淺_レキ智_レノ筆_レニ_レ記_レシ_レ難_レシ并_レニ_レ高倉ノ御所_レノ事_レ大樹義政

公御母御臺后居入是モ其營財ヲ尋ヌレバ腰障子一間ノ直二萬錢ト也此嚴麗以レ之ハカルベシ東ニ烏丸殿アリ是モ當公方家御幼少ノ御時立給シ處トテ美麗ト云モ中々ニ言ノ及フ處無シ三條殿ハ故贈大相國義教公ノ北ノ政所藤原ノ御里ナル故ニ巧匠術ヲ盡サレタル日野廣橋モ當元帥室町殿ノ御外戚イヅレモ珠玉ヲ鑲テ其外タヘナル公家ノ御所ハ近衛一條鷹司久我德大寺花山院洞院菊亭西園寺轉法輪此御門家ヲ始トシテ冷泉飛鳥井四條黨世尊甘露寺清水谷中御門藪庭田中山高辻園坊城萬里小路山科ト菅家ノ人ノ殿宇也其外醫陰兩道外記官務ニ至ル迄凡二百有餘箇所四足棟門立並檜皮ニテ有ラヌ殿ゾ無キ并二條殿ノ御事ハ驪山ノ昔ヲ真似温泉臨華清宮四季ニ絶セヌ詠有リ春ハ桃花ノ巴木ノ宴手先ツ遮ル盃北ハ藤波咲時ハ望ヲ懸ル九重ノ人雪頰スル庭ノ面ハ錦ヲ曝ス八重躑躅グニ紅ノ雪ゾ降ル扱又夏ハ涼ミトル蔭モ岩井ノ眞清水ニ冷シムスベシ大和瓜是ヤ驪山ノ内園ニ二月ニ進メル瓜ナラン秋ニモ成レハ終宵月見ル床ノ上ニ蚌兔ノ遊不淺冬ハ千年ヲ松ノ雪白キヲ後カ繪ニ庭ノ詠アカサルニ此殿ノ跡ヲシ見レバ賤ガ屋ヲ御池ノ上ニ作り懸ケ不淨ヲ流ス有様ハ古ノ金谷園詩ニ顯ス當時歌舞地不説草離離今日歌舞盡滿園秋露垂ト是ヲ和シテ云ク當時二條地不説糞離々今日二條盡滿園屎尿垂ト淺猿々々大名ノ家作り吉良石橋澁川等ヲハ先ゾオキテ武衛細川畠山山名一色六角ハ上土門ヲ立ニケル又冠木門ノ武士方ハ讚州相模土岐京極能登美作兩大夫備中守護因幡守護和泉兩守護淡路守護大館富樫伊勢武田大野大夫甲斐ヤ織田畠山ニハ播磨守中務少輔遊佐ノ有ル細川方ニハ右馬頭下野守仁木ノ一族ニ五郎少輔ト葦原ト扱京極ニ加賀守黑

田トコソ聞ヘシ土岐ノ下ニハ池尻此外奉行頭人ト奉公外様ノ大名ノ家々ノ殿作り注サントスル際限無シ或ハ藥醫平門ノ大名ノ内輪ニ至迄凡六七千間ハ左有ントゾ覺ル所記其中ニ取萱ハ曾テ有ヘカラス又門跡ヲ考ルニ先ツ仁和寺ノ四十九院大覺寺ノ諸院ト三寶院ハ東寺家ノ長者司ノ門家也中ニモ御室ノ御所作リ並ヒノ岡ヲ木密トシ池ノ見越ノ比叡山流レノ末ノ雪山ヲ問ヘバ木寺ノ宮ノ花送ル嵐ニ雪ノ瀧波荷モ思出ル平ノ經正ノ住アカザリシ宮ノ中ト詠セシ事コソ理ナレ扱山門ノ諸院家ハ梶井ノ御所青蓮院妙法院ヲ始トシ安居院石泉院毗沙門堂尊勝院法輪院定法院大率舉閣而中ニモ梶井ノ宮造ハ舟岡山ノ瀧頭ニ東尾ヨリ行松ノ雲ニ聳テ御池ニハ常ニ群居鸛鴨ノ近江ノ湖水ニ不異所モ名ニ負フ花盛雲ノ林ノ宮所雲井ノ春ニモ劣メヤ并ニ三井ノ御門徒ニハ圓滿院聖護院華頂實相若王寺吉田靈山近衛坂アルカ中ニモ花頂山ハ唐ノ天台山ヲ移シ來テ嶺ニモ尾ニモ雲ノ端ノ咲埋レテ夕日影豊ニ花ノ照添テ吹共見ヘス散ル比ハ嵐モ香ニヤ咽フラン圓頓院ノ眺望ハ遠キ邊鄙ノ行客ヲ居ナガラ前ニ都路ヤ知モ知ヌモ逢坂ノ行モ歸ルモ家産ニ花ヲカザサ又袖ゾ無キ扱又諸宗ノ寺々ヲ數ルニ先ツ相國寺ノ廣大ナルヲ一隅ヲ舉テ可レ量近年造ル處ノ十三塔頭ヲ混メ一所ニ集共昔ノ塔頭一ツノ弊ニ比セシニ百分ノ只一ナラン大抵祇園精舍摩尼寶殿ト申ス共是ニハ不遇トゾ覺ヘタル又洛中ノ藍舍ニハ安居ニ廣覺寺五辻ニ景愛寺千本ニ兩觀喜寺此寺ニ定家葛ノ墓有リ一條大宮ニ圓弘寺佛心寺此寺ト申スハ賀茂ノ齋ニ備リ給フ朝顔ノ更衣ノ墳有リ堀川ニ雲ノ寺一條ノ道場東北院是ハ上東門院ヨリ居給フ寺ナレハ和泉式部ガ軒端ノ梅有リ河崎秋野淨華

院大炊ノ道場南御所等持寺四條安國寺通立寺安禪寺入江殿麓ノ道場八講堂大宮ニ三箇寺悲
 田院安樂光院長講堂亭子ノ院河原ノ院此寺ハ融大臣ノ血鹿ノ鹽竈ヲ移サレシ舊跡也東山南
 禪寺五十箇所ノ塔頭ハ星ヲ并ル如ク也龜山法皇ノ御建立毘盧頂上ノ寺ナレバ肩ヲ雙宗ノ無
 キ其塔頭ノ慈氏院十刹モ不及ト申ケル東岩倉元應寺此寺ト申ハ後宇多天皇添モ龍ノ御手ニ
 錦ノ簀ヲ持給ヒ土壇ヲ築セ給フナレハ十三塔頭鏡ヲ懸ク就中法勝寺ハ代々皇居ノ寺トシ
 常ノ伽藍ニ事替リ今離宮ヲ殘サレテ八間四面ノ五大堂ハ天下ニ雙無リケリ南面ノ池殿ハ蓬
 萊宮ニ不レ異源順ガ此檻ニ遊覽ノ南ニ望メハ有ニ關詠之長一行人征馬駱ニ驛於翠籬之下東ニ
 顧レハ有ニ林塘之妙ニナル紫鷺白鷗逍遙于朱檻前一作リシ事コソ理ナレ中山ノ觀音岡崎ノ文
 殊兩岡崎新黒谷善法寺鹿谷禪林寺粟田口ニハ善勝寺慈生寺太子堂白毫院常在光院長樂寺光
 堂崇徳院雲居寺ト申ハ奈良半佛尊像ニテ雲ヲ穿ツ大伽藍鷺ノ尾并ニ金仙院觀照寺谷河原坂
 面ニハ北斗堂七院六道興善院玉泉寺小松谷殿等光寺扱新熊野ニ三所宮十二所權現ノ透廊ニ
 神樂乙女ソ並居タル又泉涌寺ハ佛殿ニ劣ラサリケル十六ノ觀堂コソハ有ニケレ雲龍院ノ大
 サニ塔頭ト云人ゾ無キ毘沙門谷ニ梅ノ坊百梅ヲ盡ノ木密ニキリ山ヲ作りテ色々ニ谷嶺ヲコ
 ソ透シケレ北ハ黄ニ南ハ青ク東シ白西紅ニ染色ノ山トハ此事ニヤ有ケリト云又人コソ無リ
 ケリ又左女牛ノ八幡ハ金ノ椽玉ノ翠簾陣頭ニ列ル八乙女ノ鈴ヲ手ニセヌ事ソ無キ内野ニメ
 ハ神祇官大内ヲ殘ス官廳眞言院ト申ハ是天下ノ火事祈禱所也都ノ西ニ谷ノ堂峯堂西芳寺法
 輪寺扱又至ニ嵯峨ニ有ニ四百八十箇所寺中ニ取テモ天龍守ハ五山ノ棟梁タル故ニ是ヲ本寺ニ

用ル也所ノ景ヲ詠レハ主山ニ龜山客山ニ嵐ノ峯コソ見ヘニケレ此嵐山ト申ハ吉野ノ花ノ種
 ナ移シ龍田ノ楓ノ苗ヲ取り萬株ヲ集メ千本ヲ植ヘ春秋ヲコソ期セラレケレ山如レ畫ニ黃纈
 纈ニ地似レ敷ニ紅錦繡ニツラノ渡月橋ノ邊ニ臨メバ堰ニ疊ム月ノ氷ハ笈士ノ棹ニ碎ク抛水漁
 梭ハ織ニ落葉錦ニ眺望セン方モ無キ風景也又臨川寺ノ水車ハメケル跡無ク成果テ昔ノ嵯峨ノ
 舊洛草深キ野ト成ニケリ不レ計萬歲期セシ花ノ都今何ソ狐狼ノ伏土ト成ントハ適殘ル東寺
 北野サヘ灰土ト成ルヲ古ニモ治亂興亡ノ習也ト云ヘ共此應仁ノ一變ハ猿犬ノ戰タルニ因テ
 佛法王法共ニ破滅シ諸宗皆悉ク絶果ヌル事更ニ堪ニ感歎ニ雖然集而爲一編ニ以示後人者也
 起ニ感於猿犬ニ絶ニ筆於猿犬ニ孔孺童ノ春秋ヲ記シ給シ時起ニ感於獲麟ニ絶ニ筆於獲麟ニ良有レ謂哉
 ナレヤシル都ハ野邊ノ夕雲雀アガルヲ見テモ落ル涙ハ
 飯尾彦六左衛門尉常房

明治十五年一月一校 全三十三年七月再校了

近藤瓶城

應仁廣記卷第五終

應仁後記總目錄

卷之上

應仁亂後諸將京都退散事
常徳院殿江東征伐同於陣中御逝去事
豆州堀越御所生害事同御曹司御上洛事
畠山家由來事

卷之中

堀越御曹司公方家御相續被任大樹事附前將軍家御沒落事
雪敲事附畠山義豐自害事
和州所々合戰事
細川家亂根事
藥師寺與一騷動事
細川政元生害事

卷之下

細川六郎澄元任管領職事
前公方家御沒落事
佐々木六角四郎高頼參將軍味方事

常徳院殿御政務事
將軍家御代替江州御動座事
河州正覺寺城合戰畠山政長自害事

赤澤宗益澤藏軒攻落河州高屋城事
江州合戰事
同政元邪行事
兩畠山和睦事附細川六郎澄元上洛事
源九郎澄之最期事

前將軍家御歸洛御還職事附盜賊御誅伐事
四國勢攻上事附前公方家御逝去事
船岡山合戰事

江州九里備前守誅伐事
 大内介義興功成辭職歸國事同家傳事
 三好希雲居士降參自害事
 高瀬澄元卒去事附細川民部少輔高國任管領職事

斯波今川於遠州一軍事附朝倉出身事
 攝州所々合戰事附若槻伊豆守辭世事

應仁後記卷之上

○應仁亂後諸將京都退散事

人皇一百餘代後十御門院御宇故尊氏將軍八代ノ公方室町ノ大樹義政公御政務ノ御時應仁ノ兵亂九重ノ岐ニ起テ是ヨリ五畿七道永ク太平ノ期ヲ不知其發起ヲ尋レバ山名細川ノ兩將確執ノ故ナレ共猶モ彼亂根ハ公方家御養子ノ今出川義視卿ヲ斥ケ參ラセ御實子ノ若君ヲ御家督ニ立ラレ度トノ御内存ヨリ事起テ天下ノ亂ト成リ訖又抑去ル應仁元年丁亥ノ春ノ比ヨリ洛中ニ軍始リ敵味方東西ノ二陣ニ分レ互ニ挑合ケルガ始メハ公方家父子御一所ニマシマシタレ共中頃ヨリシテ今出川殿御心ノ儘ナラヌ西陣ニ入ラセタマヒケリ角テ京都ノ大兵亂數年不止ケル處ニ文明五年癸巳三月十九日西陣ノ惣大將山名右金吾入道宗全病死ス行年七十歳遠碧院ト退號ス無ニ幾程シテ同五月十一日東陣ノ管領職細川右京大夫勝元モ病死ス于レ時四十四歳龍安寺ト諡ス或記ニ云ク癸巳五月廿二日雨下雷一聲細川勝元今日葬禮悲田院之内地藏院云々敵ノ山名入道去三月十八日死去之時雷鳴雨下今又如レ此不審也云々去程ニ東西ノ兩陣力ヲ落シ是ヨリ後ハハカク敷軍モ無ク折々野伏セリ合シテ空シク對陣ニ月日ヲ送ル扱有ヘキニ有ラザレハ同年十二月十九日東陣室町ノ御所ニ於テ公方家ノ若君御元服有リ御年九歳ニ成ラセ給ヒ御名ヲ義尙公ト稱ス其後義熙ト御改名有リ加冠ハ御父義政公理髮ハ柳原宰相廣光卿ト聞ヘシ其日即宣下有テ義熙公ヲ征夷大將軍正五位下左近衛中將ニ任セラル禁色昇殿ヲ聽サレ同月廿五日御參内有り此時畠山尾張守政長モ管領職ニ再任ノ

此御儀式ヲ勤仕シ其後ハ辭職ス或説ニ此以後彼家ノ庶流修理大夫義統シハラク當職ニ任スト云々同六年正月義熙公御弓始同年六月從四位下ニ叙セラル同七年正月被_レ兼_ニ美作守_一同四月正四位下九月參議ニ任セラル同十月御讀書始有リ此時御年十一歳未タ若冠ノ御身ナレ共御才德世ニ超給テ文武ノ道ヲ好マセ給ヒ和歌書筆ヲモ御嗜アリ其外諸道諸藝ニ於テ何レモ暗キ御事無ケレハ寔ニ以希代ノ明君名譽ノ良將出來サセ給者哉トテ世ノ人押ナヘテ渴仰ス然ル上ニ或ハ小槻ノ宿禰雅久ヲ召テ論語ノ講談聞シ召サレ又ハ卜部家ノ神官兼俱ニ仰セテ神代卷ヲ御聽聞有リ又或時ハ花ノ御所御廐ノ前ニ於テ犬追物ヲ被_ニ興行_一弓馬ノ武藝ヲ試給フ其時ハ小笠原民部少輔長朝伊勢守貞宗大館伊豫守尙氏其外陪臣多賀豐後守高忠秋庭備中守元重布施下野守奈其備前守等各彼會ノ役ヲ相勤ム同八年正月從三位ニ叙セラル同年十一月十三日ノ夜子刻ハカリニ室町ノ御所ノ西ノ在家ニ火燃出東南ヘ燒廻リ大風頻ニ其火御所ノ四足ノ御門ヘ吹付ケル程ニ金銀ヲ鑊メ作ラレタル室町ノ花ノ御所殿舎一字モ残り無ク悉燒失シ翌十四日卯ノ刻ニ火ハ漸々消タリタル諸人ノ歎息限ナシ然レ共此時畠山政長諸軍勢ヲ將ヒ來テ御所ノ廻リヲ警固シケレハ西陣ノ敵モ不_ニ寄來_一主上ハ玉體御恙無ク彼御所ヲ出サセ給テ小川ノ新造ノ御所エ入御有ケレハ公方家御父子モ無_ニ異變_一先ツ此御所ニ落著カセ給ケレ共分内狹ノ何レモ御一所ニ御住居成難ケレハ其後公方家ハ伊勢守貞宗ガ北小路ノ宿所エ御父子共ニ入ラセ給テシバラク斯ニ御坐有ケリ扱モ今度ノ火災ニ朝廷累代ノ御重寶モ皇家ヨリ私家マテモ代々相傳ノ文書記録其數ヲ不知悉ク燒亡ケルト聞ヘシ同九年

丁酉正月六日義熙公ヲ正三位ニ叙セラル今年又畠山政長ヲ管領職ニ成サレテヨリ以後十箇年相勤ム抑應仁元年ヨリ今茲文明九年迄十一年ノ亂中ニ主上ハ公方家ト御一所ニマシ_レ武士ハ東西ノ二陣ニ分レ毎度ノ合戰ニ悉精力屈シ數年ノ對陣ニ財用皆盡果タリ初メハ山名方勝利ヲ得ル事多カリシニ斯波義廉土岐一色等分國ニ騷亂出來テ各下國セシメシ後越前ノ朝倉能州ノ畠山周防ノ大内介等皆公方家ノ味方ト成リ細川方ヘ加リケレハ西陣日々微々ナレ共流石名將勇士等ニテ故宗全入道ノ跡ヲ守リ數年支ヘテ居タリシ處ニ西陣宗徒ト頼レケル畠山右衛門佐義就今年沒落シタリケリ然レハ山名氏族ノ外他家ノ大名ニハ宗全入道ノ聲六角四郎高賴只一人西陣ノ味方トシテ京都ニ陣ヲ張居ケレハ山名方ノ人々永ク在京叶難ク士卒多分ハ拔々ニ落下リ殘リ留ル者共モ日々危キヲ踏テ退散ノ時節ヲ待ツ處ニ同キ十一月十一日誠ノ天災カ又放火カ或ハ自燒ヤシタリケン西陣悉ク燒亡ス是ヲ時節トシタリケル歟同十二日ノ夜ニ入テ山名一家ノ輩同緣者ノ六角等落殘リタル諸軍勢悉ク陣ヲ拂テ皆分國ヘ落行ケレハ今ハ洛中ノ兵亂盡果テ京都自然ト靜謐ス誠ニ時節到來哉トテ貴賤悅限無シ主上モ内裏ヘ還幸成テ目出度事トハ賀シケレ共是ヨリ天下ノ大名小名公儀在京ヲ不_ニ相勤_一諸國ノ騷動諸所ノ戰亂凡ソ日本六十餘州前代未聞ノ戰國ト成ケレハ諸人一日モ安堵ノ思ヲナス者無シ公方家深ク歎カセ給ヒ餘ノ事ニ御歌有リ

愚ニモ尙治レト思フ哉角亂レタル世ヲハ厭ハテ

或家記云文明九年九月廿二日畠山右衛門佐義就沒_ニ落河内國_一云云同廿四日今日聞西岡住人

跡自御方進發入務勝龍寺追落云云同十月十五日當國木津城自右衛門佐方追散同十一月十一日敵陣所々燒亡同十二日今夜敵陣軍勢悉沒落大内左京大夫降參今夜下向西國仍今出川大納言殿室町殿令御弟落下美濃國給土岐美濃守同道申云々仍所々陣屋放火燒失仙洞燒亡隨身所燒殘内裏不燒失無爲云々私考此說大同小異歟

○常徳院殿御政務事

文明十一年ノ春新將軍義熙卿御判始御評定始有リ是ヨリ天下ノ政道ヲ被ニ執行ニ御年纔十五歳未タ御若冠也ケレ共御才徳イミシフシテ御慈悲深ク渡ラセ給フニ理非分明ニテ御學業怠ラテハカ、ル明君出來サセ給フ事天下ノ者ノ悦ヒ哉ト皆人亂世ノ愁眉ヲ開ケリ公方家義政公ハ今年諸國御治世ノ儀政道皆以新將軍家エ御與奪有テ御喜悅不レ斜其レヨリ公方家御隱居ニテ東山慈照寺ノ院内ニ東求堂ヲ造ラシメ此所ニ御閑居有ケレハ時ノ人々オシナヘテ東山殿ト申シケル抑此東山殿ハ御若冠ノ御時ヨリ天性遊興美麗ノ事ヲ好マセ給ヒ藝能數寄ノ御嗜世ニ超サセ給ヒケレハ萬ツニ結構ヲ盡サセ給フカ御隱居ノ後ト云ヘ共累代ノ奇物和漢ノ名器ヲ集給テ茶ノ湯ノ會ヲ催サレ世事雜用ヲ遁レマシノ只老樂ノ御タノシミニテ月日ヲ送ラセ給ケリ其比御身近ク召仕ハレシ面々ハ御供衆大館刑部大輔政重畠山中務少輔伊勢因幡守貞誠御部屋衆ニ細河治部少輔政信一色兵部少輔義遠御走衆後藤佐渡守藤民部中次ニハ大館畠山伊勢右京亮貞遠伊勢上野介貞繼御同朋ニハ吉阿彌長阿彌其外番方勤仕シ奉ケルト也御臺所大方殿ハ同年ノ秋伊勢太神宮エ御參宮有リ是ハ一天下ノ兵亂ヲ相鎮メラレ度

トノ御立願ト聞ヘシ其比飛鳥井雅庸入道二樂軒ハ洛陽ノ亂ヲ遁レテ江州甲賀郡柏木ノ里ニ閑居ヲトシ花ニ吟シ月ニ嘯テ世ニ與カラス居給ケル其山庄エ音信サセ給ツ、近隣ニ御旅宿有リ二樂軒取アヘス和歌ヲ詠シテ献セラレケリ

世ヲ祈ル君カ心ノ誠ニソ内外ノ神モ惠添ラン
御臺所御返シ有リ

世ヲ祈ル心ヲ神ノ受ヌ共此言ノ葉ニ更ニコソ知レ

御參宮無ニ事故ニ相濟ケレハ無レ程御歸京マシノケリ同十二年新將軍家ハ從二位ニ被レ叙同三月御鞠始御會ノ御人數先ツ新將軍家飛鳥井雅親卿同雅康入道扱東山殿ト聞ヘシ蹴鞠終テ雅康入道歌ヲ詠シテ献セラル

君々ノ千代モ連テ袖ヲ見テ身ニ餘リナル今日ノ嬉シサ

東山殿御返歌ニ

末遠ク連テ袖ニ包テモグニウレシサソ身ニ餘リナル

同年秋七月近代博覽ノ君子ト聞ヘケル一條禪定殿下兼良公ヘ天下ヲ治ル政道ノ義記シ給ルヘキ趣御懇望有ケレハ殿下御辭退不レ叶シテ一卷ノ書ヲ著シ新將軍家ヘ呈進セラル今ノ樵談治要是也同十二月八日室町殿小川ノ御所ニテ主上第一ノ宮御元服有リ去ル十三日親王宣下十七歳御諱勝仁御母儀庭田大納言入道道賢法名祐紹女大納言典侍云々同十五年新將軍家從一位ニ叙セラル又或說ニ今年六月廿七日東山御山庄ヘ義政公御移徙有リ造營周備セルニ

因テ也同七月十日ヨリ新將軍家ヲ室町殿ト稱シ義政公ヲ東山殿ト云々同年冬十月奥州ノ大名伊達兵部少輔藤原成宗遼遠千里ノ路ヲ凌キ上洛ノ公方家ヘ拜謁ス近年ハ戰國ヲ幸トシテ近國ノ諸侯サヘ上洛ヲ不遂處ニ成宗カホトニ公方ヲ崇メ奉ル事誠ニ奇特ノ至哉ト皆人稱美セシメケル同十六年斯波治部大輔義敏ヲ管領ニ任セラル其後此人剃髮シテ道海禪門ト稱シテ前ノ管領畠山政長ハ度々ノ執權連年ノ武功並ヒ無キ宿老ナレハトテ新將軍家御執奏ニテ從三位ニ叙セラル武家ノ執事從三位ニ任スル例是レ始メトソ聞ヘシ扱故細川勝元ノ一子聰明丸モ成長ノ今年元服シ政元ト名乗ル同十七年六月十五日於ニ嵯峨二尊院一東山殿御飾ヲ落サセ給フ同年秋八月新將軍家右大將ニ被任政元未タ若冠ナレ共父祖代々ノ職ヲ續テ管領ニ被ニ成下ニ右京大夫ニ被ニ補任ニ翌文明十八年秋七月二十九日右大將拜賀ノ爲ニ新將軍家御參內有リ御供ノ人々亂後微力ノ身ナレ共我劣ラシト綺羅ヲ盡シアタリテ拂テ供奉シケリ洛中洛外ノ貴賤上下是ヲ見物シ奉ル東山殿モ棧敷ヲ構ヘテ御覽有リサコソ嬉シク思召クン禮儀ノ故實ハ二階堂判官政行ニ被ニ仰付ニ次第作法ヲ定ラル先ツ小侍所ハ細川右馬頭政賢先陣ヲ承テ騎馬十人ヲ打セタリ其次ニ雲客二十餘人其次重代ノ武士打コミニ番長隨身次ニ帶刀左右十二番其次將軍家御車ニ召サレ參向有リ次ニ衛府官人次ニ公卿二十人御供也菊亭權大納言公與卿御簾ノ役柳原別當重光卿ハ御香ノ役ヲ勤ラル次ニ畠山政長ノ嫡子御見九尙順佐々木治部少輔經秀伊勢備中前司貞陸富樫介政親等各騎馬後陣ハ時ノ管領職細川右京大夫政元騎馬十騎ヲ從ヘアタリテ拂テ供奉セシム行列正シテ天氣モ更ニ快晴シ珍シカリシ壯觀也

○常徳院殿江東征伐同於ニ陣中ニ御逝去事

文明一統ノ後ト云ヘ共諸國ノ兵革未レ已先亂ノ餘類猶國々ニ散在シテ互ニ相押領ス就レ中近江國ノ住人佐々木六角四郎高賴近國ニ在ナカラ其後上洛スル事無ク公方ノ御下知ニ不順我意ニ任セテ逆威ヲ振フ剩山門ノ領地ヲ妨ケテ山徒ノ訴訟頻ナレハ旁以指置難シ先ツ彼ヲ御征伐アラントテ于レ時長亨元年九月十二日新將軍家數多ノ勢ヲ御供ニテ江州ヘ御進發有リ其日ハ坂本ニ着カセ給フ斯ニ暫ク御陣ヲ被レ召越前ノ守護故朝倉氏景カ家督彈正左衛門孝景多勢ヲ催シ馳上テ味方ニ加リ奉リ頓而高賴ヲ攻ラレケレハ高賴モ一家ヲ盡シ出向テ合戦ニ及ト云ヘ共新將軍家御武勇ヲ勵サレ御供ノ人々我劣ラシト攻戦ケル程ニ終ニ高賴一戰ニ打負己カ居所觀音寺山ノ城ヲ落テ山賊ノ望月山中和田ト云者ヲ賴ミ同國甲賀山ノ中ニ隠レテ行方不レ知ナリニケル角テモ其儘置カルヘキカ昔寶篋院殿ノ御時南方ノ敵徒御退治トメ畠山入道道誓等京鎌倉凡ソ天下ノ大軍ヲ催サレ大樹自南方ヘ御進發御敵不日ニ退散シ國中治リケル程ニ敵少々山中ニ隠レ居タリ共此上何程ノ事ヲカ仕出スヘキトテ早速ニ御歸陣有ケレハ和田楠ノ輩其比南帝ヲ守護シ身ヲ潜メテ芳野與賀名生ノ山中ニ隠レ居テ大樹御歸座ノ御跡ニ無ニ幾程ニ立返リ國人等同意シテ又元ノ如ク蜂起セシカハ大樹南方御進發ノ功無リキ其後鎌倉御所基氏朝臣此事ヲ後悔有テ東國新田ノ氏族ヲ御退治トシテ鎌倉ヲ出馬有シニ武州入間河ト云處ニ數年ノ間陣ヲ取テ毎日敵徒ヲ搜サレケレハ無ニ幾程ニ新田ノ氏族悉誅伐セラレ御敵皆盡果シ後漸々鎌倉ヘ歸陣有ケル程ニ其以後關東再亂ノ煩無ク諸人安堵ノ治

ヲ成シケリ然レハ今ノ六角モ御退治此儘ニテ早速ニ御歸座有ハ又元ノ如ク立歸テ譜第ノ家
人重恩ノ國人等又彼ニ令ニ同意ニ蜂起反覆スルナラハ御動座征伐ノ甲斐有マシ今度ノ序ニ高
賴ヲ初メテ殘徒等一々ニ尋出シ御敵ノ根ヲ絕葉ヲ枯シテ後難無キ様ニ御誅伐有ヘシト新將
軍家御下知有リ然レ共此甲賀山ハ深嶺幽谷人跡絶テ輒ク攻入カタケレハ一旦ニハ搜サレ惡
シ且又彼殘徒數多ニシテ高賴カ舊領廣ク一類所々ニ隱レ居テ不日ニ御退治成カタケレハ連
々ニ彼輩共搜出シテ御誅伐有ヘシトテ同十月四日新將軍家坂本ヨリ湖上ヲ御船ニ召サレテ
安養寺へ御陣ヲ被替ケルカ此旨御父東山殿へ御使ヲ以テ御注進有ケル次而御歌ヲ被獻ケリ
坂本ノ濱路ヲ過テ波安ク養フ寺ニ住ト答ヘヨ
東山殿御返歌有

頓テ又國治リテ民安ク養フ寺モ立ソ歸ラン

同シキ廿八日同國鈎ノ里へ御着陣斯所ニ三箇年迄御在陣ニテ高賴カ行衛ヲ尋ラレ又彼徒黨
ノ輩ヲ一々ニ御退治有リ同年十二月二日侍從中納言實隆卿ヲ勅使トシテ今上皇帝忝モ陣中
へ御製ヲ下サレケルハ

君スメハ人ノ心ノ鈎ヲモサコソハスクニ治メナスラメ
新將軍家ヨリ御返シテ獻上セラル

人心鈎ノ里ソ名ノミセル直ナル君カ代ニ仕ヘツ、

角テ長陣ノ間御徒然ヲ慰メラレンカ爲且ハ御得心ノ爲ニトテ折々春秋傳ト孝經ノ講談ヲ御

聽受アリ常ニ天下ノ亂ヲ退治シ泰平ノ世ニナサレントノ御志深カリケレハ一日片時モ御身
ヲアタニ不レ被ニ指置ニ翌年秋九月新將軍家ヲ内大臣ニ被ニ拜任ニ此時御名ヲ義熙ト改ラレケ
リ然處長亨三年ノ春ノ比不圖御不例ノ御事有リ只假初ノ様ナリシカ次第ニ重ラセ給ツ、療
治モ盡果テ祈誓モ驗無ク同三月廿六日辰ノ刻鈎ノ里ノ御陣所ニテ義熙公終ニ御逝去有ケレ
ハ御父君東山殿御母公大方殿ノ御歎ハタトヘテ謂ン方モ無ク抑此君ハ御年イマタ廿五歳器
量才藝皆以世ニ超給ヒ殊更天下ノ武將トシテ御行迹イミシキカ世ヲ去ラセ給フ事偏ニ當時天
下ノ兵亂ツイニ治ルマシクシテ扶桑一州ハ長ク戰國タルヘキ歟ト貴賤上下オシナベテ一方
ナラス泣悲ム扱有ヘキニ有ラサレハ新將軍家ノ尊骸ヲ御輿ニ納メ奉リ御供ノ軍勢打圍テ同
月晦日御歸洛有リ直ニ北山ノ等寺院ニ入レ奉リ同四月九日此寺ニテ御葬儀有リ勸修寺大納
言ヲ始トシ武家昵近ノ堂上方各參向シ給テ貴賤ノ參詣群聚セシム此日比甯臣ニテ幕府ノ權
柄司リシ結城越後守政胤同弟近江新介尙豐ハ其夜中逐電ス同月二十七日勅使ヲ立ラレ新將
軍家ヲ左大臣ノ御贈官正一位ノ御贈位有リ常德院殿ト御追號ヲ奉ル哀悼ノ尊卑多キ中ニ飛
鳥井權大納言藤原雅康卿ハ是君歌鞠ノ御師範ニテ御シタシミ深カリケレハ愁歎ノ餘リニ一
首ノ短歌ヲ詠吟シテ御手向ニ供ヘラル其短歌ニ云ク

始無ク 終リ無キ世ニ メグリ來テ テノヅカラナル
コトハリテ 見シモ聞シモ 止マラズ 過シ中ニモ
タノミツル ヒロキ樹ノ 影カクス 闇ノウツハハ

誰モ皆	夢ニマサラヌ	思ヒニテ	心マヨヒノ
兔ニ角ニ	日數ウツリテ	卯月テフ	名モウラメシキ
コ、ヌカノ	朝タノ煙	タツト見シ	涙モ消テ
マホロシノ	有カ無カノ	オモカゲハ	ナニ中々ニ
殘ルラン	ナレニシ事ヲ	ツク、ト	思ヘハ悲シ
和歌ノ浦ニ	道ヲ學テ	マナ鶴ノ	アサル渚ノ
シホカヒニ	玉藻數々	アラハレシ	波ノ打キ、
人シレズ	カクシ心ハ	袖ヌル、	ヨスガトノミゾ
ナリハツル	アハレ昔ベ	イヒ置シ	稀ナル齡
七十ノ	餘レル迄ニ	ナガラヘテ	惜カラヌ身ノ
カハリ行ク	習モカナト	思ヘ共	猶オクレ居テ
歎ク比哉			

○將軍家御代替江州御動座事

長亨三年卯月十日改元有テ延徳ニ移サル扱モ今出川殿義視卿ハ去ヌル文明九年諸國ノ軍兵京都ヲ退去シケル比美濃國ニ御開有リ其時十二歳ニ成セ給シ若君ノマシ、ケルヲ同ク誘引御退去アリ此若君ノ御母上モ裏松殿ノ御息女ニテ大方殿ノ御妹也長亨元年ノ秋八月濃州

ニ於テ此若君竊ニ御首服マシ、ケテ從五位下左馬頭ニ被任御實名其比ハ義材ト申シ奉ル其後度、御改名有リ明德三年ニハ義高ト被レ改文龜元年ニハ義尹ト申ス永正十年終ニ義植公ト稱ス皆是義材ノ御事也斯ニ今春常徳院殿御早世有ケル以後東山殿ニ御實子無ク天下ノ武將大樹ノ位ヲ可ニ相續、人無レハ今ハ東山殿モ大方殿モ御心折レサセ給テ今出川殿御和睦有リ彼御子左馬頭殿義植ヲ東山殿ノ御養子ニ成シマヒラセ征夷將軍ノ位ヲ授ク天下ノ政務ヲ與奪有ヘシト御定有ケレハ延徳元年己酉四月十四日今出川大納言義視同左馬頭義植濃州ヨリ御歸洛今日既ニ御上着有リ三條東洞院通玄寺ニ入ラセ給テ斯寺ニ三箇年御住居有リ是ハ此寺ノ住持ノ禪尼ハ義視卿ノ御息女ナル故也或説ニ今出川殿御和睦ノ事ハ先年常徳院殿江州ノ御長陣ニ御意届マシ、ケテイカニモシテ左馬頭殿ヲ御和睦ノ上ニ御陣代トシ江州ニ被ニ差置、御自身ハ御歸京可有トノ御内存マシ、ケテ密々濃州へ被ニ仰越、頻ニ御和睦有シト云々角テ義視卿御父子御上京マシ、ケレハ即左馬頭殿義植ヲ東山殿ノ御養子トシテ公方ノ家督ヲ御相續有東山殿今出川殿御中如故ノ御親昵アリ然所今年四月十二日ヨリ東山殿御中風有テ漸々御病氣重ラセ給ヒ翌年延徳二年ノ春正月七日御年五十六歳ニテ東山殿義政公終ニ薨御有ケレハ是モ北山等持院ニテ御葬禮ヲ執行ヒ正一位太政大臣ヲ贈ラレ慈照院殿ト御謚ヲ奉ル今出川殿義視卿ハ御飾ヲオロサセ給テ道存入道ト御法名ヲ着カセ給ヒ准后ノ宣旨ヲ蒙ラセ給ヒシカ是モ無ニ幾程、御病身トナラセ給ヒ剩ヘ御快氣ナク其次ノ延徳三年正月七日御逝去有リ御年五十三歳御兄弟ノ御終焉年ヲ續ク月日ヲ同シク寔ニ希有ノ御事哉ト諸人

追悼シ奉ル同月廿五日是モ又等持院ニテ御葬禮ヲ執行ヒ大智院殿ト御謚ヲ奉テ太政大臣從一位ヲ贈ラレケリ扱モ左馬頭殿義植ハ去年七月征夷大將軍宰相中將從四位ニ任セラレ今年程無ク三位ニ叙セラル通玄寺ヲ出サセ給テ同六月廿一日細川彦四郎義春カ宿所ニ御座有ケルカ其後御所へ御移徙有テ天下ノ政務ヲ執行ハル管領ハ本ノ如ク細川京兆政元也角テ今度公方家ノ御代替ニ國々ノ大名或ハ自身上洛ノ御禮ヲ申シ又ハ名代ノ使者ヲ上セテ拜趨進獻シ奉ル于斯江州ノ六角四郎高賴ハ故將軍家薨御ノ後ニ時ヲ得タリト悦ヒ甲賀山ヲ立出家人國人打順ヘ今ハ憚ル處モ無ク江州ニ居住スルニ誰咎ムル者モ無シ剩ヘ今此御代ニモ不_レ上洛_二近國ニ在ナカラ上意ニ不_レ應逆威ヲ振フ_一又是テ御退治有ヘシトテ翌年明應元年秋九月將軍家江州へ御動座有テ三井寺ニ御陣ヲ召サル或記ニ云ク延德三年八月廿四日一昨日室町殿就_二源高賴御退治_一可_レ有_二御陣立_一云々去廿二日被_レ申_二源高賴治伐之_一給旨云々廿七日就_二源高賴御對治_一御陣立也御陣所三井寺光淨院也同十一月十八日於大津御陣山内一族宮内大輔其外名字者等被討云々私云此說日限小異云々其後將軍家ハ六角カ住所觀音寺ノ城ヲ攻ラル高賴打負ケ城ヲ落テ又甲賀山ノ奥ヘ隱レ深ク蟄居シ出サリタルヲ猶其行衛ヲ搜サレシモ京都未タ物恐ナル間將軍久シク江州ニ御在陣成カタキ故ヲ以テ只御一戰功成テ頓テ御歸京マシ_レケリ皆人御勝利ヲ賀シ奉ル同年十二月防州山口ノ城主大内左京大夫義興上洛シテ將軍家ニ拜趨シ御代替リヲ賀シ奉ル是ハ去ル應仁ノ亂ニ山名方ヲシテ文明ノ比ヨリ味方ニ參リシ故大内介政弘カ子也義興モ先祖代々ノ武勇ニ不_レ劣且又才智度量有テ山陰山陽ノ數州

ヲ打靡威勢ヲ振テ居タリケルカ遙ナル國ヲ隔ケレ共今度速ニ上洛シテ公方ヲ敬奉ル事は又他ニ異ナル有道ノ大名哉ト皆人はヲ美談シケリ

○豆州堀越御所生害事同御曹司上洛事

其比東國ニ希代ノ事有リ抑伊豆國堀越ノ御所政知卿ト申スハ初洛西天龍寺ノ香嚴院ノ喝食ニテマシ_レケルカ御還俗ノ後關東へ御下向ニテ去ル寛正ノ比ヨリ豆州北條ノ堀越ニ御住居有リシ故皆人堀越殿ト稱ス當時東山殿ノ御舍弟ハ此御所計御存命也其比駿州高國寺ノ城主ニ伊勢新九郎平盛時ト云者アリ後ニハ北條長氏ト改名シ剃髮ノ後ハ早雲寺宗瑞居士ト云ケリ此者文武二道ニ達シ才智拔羣ノ士也其比京都ニ在シ伊勢守貞國ニハ此長氏ハ外叔ノ甥也此者ノ先祖伊勢肥前守盛綱ハ去ル建武年中等持院殿尊氏公天下草創ノ時手越河原ノ合戦ニ討死ヲ遂シヨリ以來代々京都公方家ノ御供衆ニテ有ケルカ一族ナレハ又代々伊勢守共相親シ于斯新九郎盛時ハ先年今出川殿ノ御供申シ勢州へ下リケルカ關東兵亂ノ久シキヲ鑑ミ時運ニ乘シテ我家ヲ興起セント思ケルニヤ京都へハ不歸ノ駿河ノ國府中ノ城主今河義忠ト云人一國ノ守護ニテ盛時カ姉聳也ケレハ是ヲ賴ンテ新九郎ハ駿州へ下リケルニ其比隣國ト合戦有テ義忠ハ討死シ其家督五郎氏親漸ク七歳也ケル間幼稚ニシテ國政ニ疎キカ故ニ彼家ノ一族老臣等我意ニ任セ威ヲ争ヒ分々ニ騷動シテ合戦ニ及事有リ新九郎是大節ニ至テ氏親ヲ介抱シ色々和議ヲ以テ彼爭亂ヲ取扱ヒ終ニ駿河ヲ無爲ニ治メ氏親ノ世ト成シケレハ氏親此忠義ヲ感シテ同國高國寺ノ城ニ富士ノ郡ヲ相添彼新九郎ニ授ケリ新九郎ハ居所モ豆州へ

近ク且又其身モ京者ナル故常ニ堀越ノ御所ヘ參リ仕ヘテ親シク被ニ仰合ヘテリ于レ時其比延
 德三年堀越ノ御所政知卿ニ二人ノ御子オハシマス長男ハ先腹ニテ今年十五歳是ヲ茶々丸殿
 ト申ス二男ハ當腹ニテ十一歳ニ成給フ然ルニ政知モ御籬中モ次男當腹ノ御曹司ニ世ヲ讓ラ
 ント思シ召シ茶々丸御曹司ノ少シハカリ酒狂醉亂ナリクルヲ誠ノ狂氣ト披露有テ獄舎ニ入
 レ置キ參ラセラル御内ノ人々憐レミ申シ密々御用ヲ達シケルニ或時茶々丸御曹司ノ小刀ヲ
 乞ハセ給ケルヲ番ノ侍油斷ノ竊ニ彼獄舎ノ中ヘ小刀ヲ參ラセタリケレハ茶々丸御曹司頓而
 其小刀ニテ寐入タル番ノ武士ヲ一々ニ指殺シ彼武士ノ刀ヲ奪取テ走り出給ツ、先ツ御繼母
 ヲ被ニ指殺シ其後所々ヨリ合力シテ數多ノ兵ヲ催シ同四月五日御父政知卿ヲ攻ラレタルニ政
 知折節無勢ニテ力及ハセ給ハテハ終ニ自害シ果給ケリ御歳五十七歳勝幢院殿ト追號ス哀レ
 ナリケル事共也二男ノ御曹司ハ駿州ヘ落行給フ伊勢新九郎是ヲ聞テ急キ義兵ノ旗ヲ揚ケ人
 數ヲ催シ豆州ヘ馳來テ茶々丸殿ヲ攻ケレハ伊豆一州ノ侍共茶々丸御曹司ハ父ヲ弑セシ惡人
 也此人ニ組セン事勿體無キ事也トテ皆々彼人ヲ叛キ捨テ新九郎ニ加リケル程ニ茶々丸御曹
 司獨身ト成テ可ニ合戰ニ様モ無ク堀越ノ御所ヲ落テ相州ヘ逃行キ三浦介平ノ時高ヲ頼給時高
 甲斐々々敷頼マレ參ラセテ御曹司ヲ吾館ニ入置參ラセ三箇年ヲ過ケル處ニ新九郎長氏ハ其
 レヨリ豆州ノ諸士ヲ相從ヘ終ニ伊豆一國ノ守護ト成テ故政知卿ノ讐ヲ報シテ茶々丸殿ヲ伐
 ント謀ル一分ノ人數ヲ以テ其功成難カルヘキ故ニ上州ノ上杉定正駿州ノ今河氏親ヨリ數多
 ノ加勢ヲ請受ケテ明應三年九月廿三日相州三浦ヘ押渡リ一戰ニ打勝テ三浦介ヲ攻落ス茶々

丸御曹司今ハ落行給ハン方ナク其儘自害シテ果給ケリ法名ヲハ成就院福山廣徳ト號セリ抑
 故三浦介高明ハ主君鎌倉ノ故典廐持氏朝臣ヲ亡シテ其天罰ニヤ己カ養子時高ニ亡サレケリ
 時高己カ惡意ニ同シキ茶々丸殿ノ味方シテ今角亡ケル時モ父ヲ弑セル因果ニヤ時高カ子荒
 次郎義同モ父ト不快ノ事有テ上州ニ在ケルカ上杉方ヨリ催サレ相州ノ案内シテ寄手ノ勢ニ
 加リ三浦ヘ先懸シテ終ニ時高ヲ攻亡ス誠ニ父子共ニ大惡人トソ聞ヘケル三浦ノ館ヲハ上杉
 家ノ沙汰トシ義同ニ授ク賜ル義同即此城ニ居住シ後ニ陸奥守入道道寸ト云シハ此三浦荒次
 郎義同カ事也新九郎長氏ハ其レヨリ名氏ヲ改テ北條ト號シ終ニ武威ヲ以テ豆相ノ二州ヲ打
 從ヘ北條入道早雲ト云シハ此長氏カ事ナリ扱又故政知卿御最期ノ時二男ノ御曹司ハ其年延
 德三年ニ此長氏ヲ頼マセ給テ駿州ヘ落サセ給ケルヲ長氏守護シ奉テ國守ノ今川氏親カ許ヘ
 送り入奉ル氏親思案シテ此若君ノ東國ニマシノテハカノシキ事有マシケレハ只イカニ
 モ京都ヘ上セ奉ラントテ其年延德三年ノ夏ノ比密ニ京都ヘ差上セ奉リ御亡父政知卿ノ御ヨ
 シミ有レハトテ是モ亦天龍寺ノ香嚴院ニ入レ奉リ御喝食ニテマシケル氏親カ思案ヤ深
 カリケン此喝食ノ御曹司後ニハ公方トナラセ給ヒ終ニ世ニ出給ケル義澄將軍是也

○河州正覺寺城合戰畠山政長自害事

去程ニ京都ニハ文明一統ヨリ爾來去ル應仁亂中ノ棟梁細川勝元山名宗全畠山義就等宗徒ノ
 名將各病死セシメケレハ當時古キ人トテハ畠山尾張守政長ハカリソ殘リケル此政長本ヨリ
 一方ノ柱礎トシテ武功ノ譽並フ人無ク官位モ從三位左衛門督ニ被ニ成下ニ管領職ニモ三箇度

迄補任セシカハ其威勢強ノ三職四職ノ面々ヨリ御供衆ニ至ル迄皆彼人ノ下風ニ立ツ然レハ
 政長驕ヲ極メ書札ノ文章モ古ノ法ト替リ四職ノ人ヲ始トシサナカラ被官ノ如ニス因茲一色
 赤松山名ノ面々色々此義ヲ歎訴シテ政長ヲ恨合ケル此政長ノ讐敵故右衛門佐義就カ子畠山
 上總介義豐河州譽田ニ在城シテ毎度政長ト合戦ス將軍義植公ハ元ヨリ政長御一味ナレハ御
 合力有ヘシトテ輕々敷御出馬有リ政長即チ將軍家ノ御供シテ數多ノ人數ヲ引率シ于時明應
 二年ノ春ノ比河州正覺寺ニ楯籠リ近日譽田ヲ攻ント議ス義豐力滅亡近キニ有リト見ヘケル
 處ニ管領細川右京大夫政元ハ先祖ニ替テ惡逆ノ人ナリケレハ亡父勝元ノシタシミヲモ不レ
 顧念ニ政長ト威ヲ争ヒ恨ヲ含ム最中ナレハ此時ヲ幸トシ跡ヨリ京都ニ蜂起ノ多勢ヲ率シ義
 豐ニ加テ却而政長ヲ攻ントス是ニ因テ京極山名桃井一色此人々ヲ始トシ何レモ政元一味ナ
 ル故義豐ニ加リケレハ義豐數萬ノ合力ヲ得却而逆寄シテ正覺寺ヲ攻ニケル于時四月廿八
 日政長方ニハ諸家ノ面々ハ皆敵ト成ケル程ニ残り留ル譜第ノ輩遊佐齋藤志貴杉原ノ者共斯
 ナ先途ト防キ戦フサレ共敵ハ四萬餘騎味方ハ纔ニ千餘人叶フヘシ共見ヘサリケレハ事ノ急
 ニナラヌ先ニ公方ヲ落シ參ラスヘシトテ將軍ヲハ御馬ニ召サセ參ラセ夜ニ紛レテ御出城有
 リ其レヨリ漸々大和國筒井ノ城ヘ落着給フ角テ其夜モ明ケレハ敵陣次第ニ多勢加リ四方ヨ
 リ取卷テ可レ落道モ無リケル城ノ中ノ面々今ハ遁レヌ所ナレハ尋常ニ腹切ント誰々モ思ヒ
 切テ心ヲ靜メ待居タリ政長ノ嫡子御見丸ト申スハ三歳ノ時常徳院殿ヨリ一字ヲ賜リ名ヲ尙
 順ト付キ給テ今年ハ十三歳ニ成給フカ是モ同シク籠城有シニ政長ハ平ト云フ侍ヲ呼出シ御

見丸ヲモ招キ寄セ此子ヲ汝ニ預ルソイカナル知慮ヲモ廻ラシテ此城ヲ落行カセ再度當家開
 運ノ時ヲ待ヘシト有ケレハ平申シケルハ仰御最ニ候ヘ共某ハ此度御最期ノ御供セント存切
 テ待候アハレ若君ノ御事ハ某カ一族平ノ三郎左衛門ニ被ニ仰付ニ候ヘト云フ三郎左衛門モ是
 非御最期ノ御供致サン若君ノ御供ヲハ餘人ニ被ニ仰付ヘシト頻ニ辭シ申ケリ政長大ニ怒リ
 汝ハ不覺ノ申シ事哉死ヲ今日ニ期シ唯今自害セン事ハ最安キ事也生ヲ後日ニ延ヘ尙順ヲ守
 リ立テ世ニ出サント致ス事ハ至テ大切ノ忠義也早々ト宣ケレハ平ノ三郎畏テ泣々座敷ヲ立
 ニケル扱三郎カ謀慮ニ此比公方ノ御慰ニ參リ居テ舞謳ナトシケル桂ノ遊女等カ裝束共ヲ取
 リ付テ御見丸ヲ桂ノ姿ニ作り立彼女共ノ中ヘ入レ交セ三郎ハ桂カ下部ノ男ノ眞似シテ鼓ノ
 類舞ノ裝束ナントモ包ミ物ノ内ヘ取入レ畠山重代ノ長刀ヲハ竹ノ筒ヘ入レテ背ニ擔敵陣ノ
 前ヲ通リケルカ敵方ニモ桂ヲ知タル人多ク其レト思ヒ通シケレハ咎ル者モ無リケリ敵陣
 遙ニ落延ケレハ御見丸ヲハ馬ニ乗セ鞭ヲ進メテ落シ參ラス角テ今日四月廿八日ノ夜ニ入テ
 正覺寺ノ城中ニテ政長最期ノ酒宴ヲ始メ其時城中ニ籠ラレケル葉室大納言光忠卿ヲ始メ參
 ラセ一味ノ面々ニ盃ヲ廻ラシ心靜ニ念佛申シ車座ニ並居テ各々腹ヲ切ラントス政長ハ藤四
 郎吉光ノ脇差ヲ提ケ腹ヲ三度切給シニ三度ナカラ切レサリケレハ政長大ニ怒テ其刀ヲ投ヤ
 リ給ケレハ傍ナル藥研ニ當リ藥研ヲハ裏表二重迄通シケル其ヨリシテ此短刀ヲ藥研藤四郎
 トソ名付ケリ扱ハ重代ノ名劍ニテ此刀ノ主人ノ死ヲ惜ミケルソヤト皆人感歎シタリケル是
 ナ見テ丹下備後守冠リ落シノ信國ノ刀ヲ扱テ己カ股ヲ二刀突通シイカニモ刃心能候是ニテ

遊ハサレ候ヘトテ政長ノ前ニ差上レハ政長頓而此刀ヲ逆手ニ取直シテ腹十文字ニ搔破リ又其刀ヲ光忠ニ參ラスル光忠卿モ其マ、自害マシ、ケレハ其ヨリ次第ニ腹切テ二百餘人ノ者共一騎モ不レ殘只一同ニ令ニ自害ニ城ニハ火ヲ放テ片時ノ煙ト燒捨ケリ其ヨリ將軍ノ御行衛ヲ尋搜シ參ラセケルニ和州筒井ノ城ニマシ、ケレハ彼城ヨリ取奉テ政元其外一味ノ面々各歸京セシメケリ或記ニ云ク明應二年癸丑二月十五日武家材河内御陣立也畠山右衛門佐死去而子次郎義豐微弱之間畠山左衛門督政長子尾張守申ニ御動座ニ可レ退ニ治次郎云々家ノ面目也八幡被レ取ニ御陣ニ廿五日正覺寺江有ニ御陣替ニ云々四月廿二日細川右京大夫元政取ニ立申鎌倉殿御子息香嚴院ニ爲ニ將軍ニ云々武家材爲ニ畠山次郎御退治ニ河内御動座之條京中成ニ御敵ニ了此間葉室新大納言光忠卿執權之間細川爲ニ下知ニ於ニ路次ニ欲レ討ニ光忠ニ葉室一品父落行ニ云々後四月廿四日河内正覺寺御陣落居畠山父子没落云々武家材爲ニ上原左衛門大夫ニ生捕申風聞正覺寺燒失葉室光於ニ路被レ討云々五月二日河内御所上洛上原其外細川被官守ニ護之ニ置ニ申龍安寺ニ云々同月廿一日畠山次郎出仕也去十九日上洛云々同廿七日武衛京極出仕六月廿八日河内御所落ニ行左衛門大夫所ニ給云々私云ク此說信用者歟與ニ本文ニ小異

○畠山家由來事

然ルニ此畠山政長ハ公方家三代ノ管領職近代無雙ノ名大將ナリ其手柄多キ中ニ去ル應仁ノ亂ニ山名方ノ多勢洛中ノ軍ニ打勝テ相國寺ノ燒跡ニ陣取リ既ニ公方家ノ花ノ御所ニ攻近屬キ御所方難義ニ及フ處ヲ此政長手勢加勢合而纔二三千人數ヲ以テ今度ノ合戰ハ政長一人

ノ惣勝ノ見セ申サン諸人證據タルヘシト自身高聲ニ呼リ掛ク敵ハ諸家合而二三萬餘ノ大勢ヲ一戰ニ切崩シ悉追散シ引殘ル敵兵ヲハ彼寺ノ蓮池ヘ切込ミ大ニ勝利ヲ得ラレシヨリ山名方ノ者共立直ス事不レ成ノ其ヨリ文明年中マテ只對陣ニ日ヲ送リ洛中ノ合戰無ク終ニ御所方ノ御利運ト成ニケリ然レハ應仁ノ亂ノ惣勝ハ誠ニ政長一人ノ惣勝也ト天下ノ人皆感稱シタリ抑又畠山ノ家傳ヲ尋ルニ昔公方家ノ御先祖足利上總介義兼妾腹ノ一男ニ足利太郎義純ト云人有キ其比鎌倉ノ將軍實朝公ノ御時武州ノ畠山次郎重忠御敵ト成テ滅亡シケルニ其時ノ執權北條右京大夫義時ノ執奏ニテ彼重忠ノ娘ヲ此義純ニ妻合セ畠山ノ家ヲ相續サセ名字ノ所領ヲ賜テ是ヲ畠山遠江守義純ト名ノラセラル扱義兼ノ本妻ハ北條義時ノ妹ニテ此腹ニ儲給シ義兼ノ次男義氏ト云ケル子ヲ足利ノ家督トシ當家ヲ相續シテ是ヲ足利左馬頭義氏ト云削髮ノ後ハ正義禪門ト號シテ是公方家ノ御先祖也是ヨリシテ畠山義純ノ子孫モ代々足利家ニ隨順有テ一族ノ歷々タル故ニ建武年中等持院殿尊氏公天下草創ノ比ホヒ畠山一族ノ衆中モ隨分忠戰軍功ヲ盡サレタリ因ニ茲義純五代ノ孫尾張守家國ノ嫡子畠山阿波將監國清ヲ等持院殿ヨリ鎌倉ノ執事トシテ關東ノ政務ヲ委附セラレ左馬頭基氏卿ノ後見ニ成シ下サル道誓禪門是也其後數年ヲ經テ寶篋院殿義詮公ノ御時康安年中道誓不慮ニ御敵ト成シ時其舍弟尾張守義深同式部大輔國熙モ兄ト一所ニ御敵ト成ケルカ無ニ幾程ニ貞治三年ニ道誓病死セシカハ義深國熙御免ヲ蒙リ道誓カ子阿波守清貞等モ罪科悉免許有テ元ノ如ク公方家ノ味方ニ參リ一族彌忠勤ヲ抽ケル鹿苑院殿義滿公ノ御時尾張守義深ハ河内國ノ守護ト成テ多年南方

ノ御敵ヲ押へ和田楠ノ一黨連々ニ被ニ退治一因茲和田隅屋甲斐庄ヲ始テ降參ノ楠黨彼家ノ被官ト成シ者多シ其後義深ハ身罷其子右衛門佐基國器量有ル人ニテ彌忠功有ケル中ニ明德二年ノ冬ノ頃山名陸奥守氏清同播磨守滿幸謀叛ヲ起シ攻上テ洛中洛外合戦ニ及シ時基國軍功ノ賞トシテ大和國ヲ加領セラル應永元年ノ冬鹿苑院殿御隱居有リ其御子勝定院殿義持公征夷大將軍ニ被レ任同六年基國始而管領職ニ被ニ成下一其翌年ノ冬防州ノ大名大内介義弘謀叛シテ攻上リ泉州堺ニ旅陣セシヲ公方家彼表へ御動座有リ管領以下諸家ノ輩御供申攻下テ合戦ニ及シ時基國同其嫡子尾張守滿家父子手ヲ碎キ一戦シテ終ニ敵將義弘ヲ討取リ莫大ノ戦功忠勤ヲ抽タリ此時ノ賞トシテ紀伊國ヲ賜リ既ニ紀伊大和河内三州ノ大守ト成シ下サル其後ハ都鄙久シク戦伐ノ煩ヒ無ク南朝モ一統シ天下大ニ治テ公方家ノ繁昌他ニ異ナルカ故ニ後世ノ美談ニモ應永ノ安治ヲ口實トス同十二年基國職ヲ辭シテ後剃髮ヲ遂ケ長福寺徳元禪門ト號ス功成リ名遂テ身退共謂ツヘシ同十三年正月十七日徳元禪門卒去ス是當家ノ中興也同尾張守滿家モ父ニ劣ラヌ器量ノ人ニテ應永十七年勝定院殿ノ管領職ニ任セラレ數年ヲ經テ後辭職シケルヲ重而又上意ヲ蒙リ同廿八年ヨリ再度管領職ニ任シ專ラ公門ノ權ヲ執ル其後應永卅五年正月十八日勝定院殿御逝去有リ御嗣子無キニ因テ公方ノ家督不レ定天下ノ人心危キヲ踏テ貴賤不レ安ノ時管領滿家其頃ハ剃髮シテ道端禪門ト云ケルカ熟思案シテ柳營ノ繼嗣ハ天下ノ重任也管領顯職ノ身タリト云共私ニ定ムヘキ事ニ非ストテ鹿苑院殿ノ諸公子又ハ鎌倉ノ御所持氏朝臣何レ成共天下ノ武將ニ可レ然御方ヲ神勅ニ任セントテ七日精

進潔齋シテ石清水八幡宮ニ社參シ祈誓ヲ凝シ御鬮ヲ取タリシニ鹿苑院殿ノ御三男青蓮院門跡義圓僧正ヲ御鬮ニ取當奉ル頓而此由披露有テ僧正御還俗マシマシ征夷大將軍ニ被レ任公方家ヲ御相續有ケル普廣院殿義教公是也其比朝廷モ御代替ニテ後小松院ノ御繼嗣無ク伏見宮彦仁親王俄ニ踐祚御即位有リ是モ道端心ヲ碎キ東西ニ奔走シテ父子還幸ノ警固ヲ勤メ隨分皇門ノ忠ヲモ勤ケリ人皇一百三代後花園院ト申セシ御門ハ此伏見ノ宮彦仁親王ノ御事也是ヨリ今ニ至テ皇統更ニ斷絶無シ角テ公方家御代替リ朝廷御即位調ケレハ其年正長元年ノ冬道端入道ハ管領職ヲ辭退シ嫡子左衛門督持國ニ家ヲ讓世ニ立テ道端ハ隱居シ天年ヲ終テ卒去シケル眞觀寺ト云シハ此人也持國モ後ニハ剃髮シテ徳本禪門ト云フ其弟ヲ右馬助持富トシケル慶雲院殿義勝公ノ御時嘉吉二年ノ秋ノ比徳本禪門管領ニ被レ任其後辭職シケルヲ又慈照院殿義政公ノ御時モ兩度迄當職ニ補セラレ終ニ康正元年ノ春三月廿六日徳本ハ卒去シ光孝寺トシ號シケル是即今ノ政長養父ニシテ政長ノ實父ハ右馬助持富也加様ニ代々公方家ノ老臣トシ功業天下ニ顯レテ家門繁昌也ケレトモ衰運ノ時至レルニヤ政長今角ク亡給痛ハシキ事哉ト其頃ノ人ハ云合ケリ

應仁後記卷之上終

應仁後記卷之中

○堀越御曹司被任ニ大樹一事付前將軍家御沒落事

角テ細川政元ハ河州ヨリ歸洛シテイカ様此世ニモ公方ナクテハ不レ可レ叶ト相議シタル處ニ幸關東堀越ノ御所ノ御次男ノ天龍寺香嚴院ニオハシマシ喝食ノ御身ニテ未タ落髮シ給サルカ是又東山殿ノ御甥ニテマシマセハ是ヲ公方ニシ奉テ可レ然ノ趣其比九條禪定殿下政基公ニ内縁有テ様々被ニ仰下ニケル故政元此儀ヲ承伏ノ早速ニ取立奉リ彼喝食ノ御曹司御元服マシ御實名ヲ義通ト申シ奉ル其後義高ト改ラレ終ニハ義澄公ト申ケル今年明應二年十一月左馬頭ニ被任同十二月御年十六歳ニシテ征夷大將軍ニ被任公方ト仰カレ給ケリ抑モ今年ノ四月御前公方ヲハ上原左衛門大夫ト云ケル者カ和州筒井ノ城ヨリ取奉テ頼而政元計ヒ申シ將軍職ヲ解官有テ忝モ前將軍義植公ヲ伯々下部紀伊守ニ預ク置奉リ獄舎ヲ造テ入置參ラセ遁世者只一人配膳ノ役ニシ侍ラセケル男女共ニ彼獄舎ニ出入スル事堅ク制禁シタリケルカ前將軍家ノ伯母御前ノ比丘尼御所通賢寺ニマシケル只此御方計コソ番人ノ免許ヲ得ラレ折々獄中ニ御見廻マシケル御物語アラレケル或時彼遁世者ヒソカニ前將軍家ヲ進メ申シケル様ハ君イカニモノ早速ニ此御所ヲ落サセ給ヒ何方ニモ御座ヲ被移御運ヲ開カセ給ヘシ御本意ヲ遂ラレナハ某カ子孫ヲハ必御取立給ハラセ候ヘ某ハ御跡ニ殘リ留テ水火ノ責ニ遇トテモ御行衛ヲハ申スマシキトイト懇ニ申シ上ル前將軍家聞シ召サレサラハ其意ニ任スヘシ汝カ忠義ノ程生々世々ニ忘ルヘカラス子孫ニ至テハ必取立召仕ハレント御約束有

ケリ其後前將軍家ハ頼而御伯母御前ト一ツ乘輿ニ召サレツ、獄舎ノ中ヲ忍出安々ト遁レ落給テ北國へ御下向有リ扱其御跡ニ彼遁世者ハ此事ヲ深ク隠シ何事無ク御座ノ所ニハ日々御膳ヲ捧ケツ、又獨シテ御物語ヲ申シ上ケイツモ此所ニ御座有ル體ニモテナシテ人シレヌ様ニソシ居タリケル昔鎌倉ニテ頼朝卿ノ御時清水ノ冠者義高ノ囚レ所ヲ忍出落行カレタリケルニ乳母子ノ海野小太郎幸氏カハカラヒケルニ相似タリ角テ十日計過テ此事既ニ隠レ無ク顯レケレハ政元ヨリ此遁世者ヲ擲捕テ様々ニ拷問シ公方ノ御行衛ヲ尋問タリケレ共終ニ此者落サリケレハ後ニハ河原エ引出シ首ヲ刎テ捨ニケリ其日伯々下部紀伊守カ父豊前守頼死シケレハ世ノ人皆伯々下部カ公方ニ惡シクアタリ申セシ御罰ニヤト云合ケル此遁世者カ舉動ハ褒ヌ人コソ無リケル去程ニ前將軍家ハ北國ニ落サセ給フニ道々味方ヲ催サレ漸ク越中國放生津ニ着御有リ御手ニ屬スル面々ハ能州ニ畠山修理大夫義元長九郎左衛門越中國ニ椎名神保石黒左近大夫小坂ノ輩加賀國ニ富樫介政親越前ニ朝倉若狹ニ武田多田治部大夫等也角テ此面々御供申攻上ラセ給ヒケレ共政元威勢強フシテ大軍ヲ促シ江州ニ遮リ留メトス于レ時明應三年閏四月前將軍家山門ニ御陣ヲ召サレ衆徒御味方申ス處ニ京ヨリ多勢攻來テ中堂モ僧房モ悉燒拂ヒ終ニ前將軍家御一戰無利シテ其レヨリ又中國へ御沒落有リ周防國マテ御著成テ當國ノ大守大内左京大夫義興ヲ御頼有ケレハ此人ハ器量有ル大名ニテ甲斐々々シク頼マレ奉リ前將軍家ヲ己カ居城山口エ迎取奉テイツキカシツキ申シ上ル頼而雲州ノ尼子九州ノ少貳大友等エ相觸テ皆御味方ニ參リケレ共又輕々敷ク攻上ラセ給ナラハ御勝利モ

計難シ只此所ニ御滯座有テ時節ヲ御待御開運ヲ遂ラルヘキ由義興諫メ申上ケル故前將軍家
 モ此儀尤ト被ニ思召一先ツ周州山口ニテ數年ヲ送ラセ給ケルサレ共其頃中國モ山陽山陰兩道
 共ニ皆一遍ノ戰國ナレハ大名モ小名モ軍ノ隙ハ無リケリ又其頃江州ニ石丸波守利光ト云
 者有リ前將軍家ノ味方ナレトモ敵ヨリモ其マ、ニテ差置タリシニ美濃國ノ齋藤法印妙椿ト
 中惡クシテ妙椿江州ヘ亂入シ旗落寺ニ陣ヲ取ル妙椿ハ兼而約束有ケレハ越後國ノ住人上杉
 相模守房能ヨリ數多ノ加勢ヲ乞請テ三千餘人ヲ相催シ小山ノ城ニ出張シテ晝夜四十餘日攻
 戰ケルカ終ニ石丸打負テ父子兄弟皆一所ニ討死シ失ケリ畠山中務少輔政光ハ先年前將軍家
 ノ御供シテ河州正覺寺合戰ノ時はモ大和國筒井城迄落タリケレ共此城ニテ前將軍家ハ敵陣
 ニ囚レ給又政光其レヨリ江州エ落來リテ此石丸カ許ニ隱レ居ケルカ今度石丸亡ヒケレハ政
 光ハ頼ム木ノ本ニ雨ノ降ケル心地シテ又斯ヲモ立出テ前將軍家ノ御跡ヲ慕ヒツ、遙々中國
 ニ赴テ防州山口マテ下リ著キ拜仕申タリケレハ前將軍家御感有テ御自筆ノ御書ヲ下サレ
 ケル其詞ニ云

今度正覺寺供奉之輩馳上京都敵同意候處相殘堪忍一段忠節殊就當國下向一馳參之條感悅
 候彌抽戰功一者可爲神妙一候也

明應三年七月十三日

畠山中務少輔トノ

御 判

○雪敲事付畠山義豐自害事

畠山尾張守尙順ハ和州奥ノ郡ニ隱レ居テ年月ヲ送ラレケルカ彼家人ニ木澤ト云侍有リ此者
 ノ仕合セ才覺ヲ以テ尙順ノ軍用資糧ヲ續ケテ再度本領ヲ安堵セシム其子細ヲ尋ルニ彼木澤
 ノ某ハ主君左衛門督政長正覺寺ノ城ニテ自害ノ後イカニモシテ主人ノ敵ヲ伐亡シ尙順ヲ本
 領ニ還シ入レハヤト忠義骨髓ニ徹シ思ケルカ木澤其頃浪人ニテ落魄ノ身ナル故軍用ノ儲無
 レハ不力及泉州ノ堺ノ庄ニ落行キ商人ニ成テソ歎キ居ケル然處或時木澤ハ大雪ノ降ケル夜
 菜屋ト云町人ノ家ノ前ヲ行過ケルニ木澤カハキタル木履ニ雪ノ多ク付キタルヲ深夜ナレハ
 菜屋カ門ノ闕ニアテ、丁々ト打付ケ雪ヲ敲キ落シケルニ其マ、内ヨリ戸ヲ開テ袖ヲ引テ行
 ク者アリ闇夜ニテ誰共シレスアヤシケレ共木澤ソレニモ不騷シテ物音モセス袖ヲ引カレテ
 内エスヘリ入タレハ座敷ニ引入レテ屏風ノ中ニ請シ入レ女房二人燈ヲ持來リ熟々ト木澤ヲ
 見テアキレ果タル風情ニ見ユル是ハ其亭主菜屋ト云町人ノ商賈ノ爲ニ高麗國ニ渡海シ永々
 ノ留守ナル處ニ菜屋カ妻ノ他ノ男ニ密通シテ夜ナ夜ト通ヒ來ル者有リ然レハ今夜モ菜屋カ
 妻ノ彼忍男ト契約シテ待居タル處ニ其レニハアラス木澤カ木履ノ雪敲キヲ忍男ノ通ヒ來テ
 門ヲ敲ク音カト思ヒ戸ヲ開テ木澤カ手ヲ取り引入レケルトソ聞ヘシ木澤頓而其氣色ヲ見取
 リケレハ女房ニ向テ申様我ハ是此家ノ亭主菜屋ト知音ノ者ナレハ菜屋頓而高麗ヨリ此所ニ
 歸リ來ラン時汝カ不作法ヲ告聞カセント云ケレハ菜屋カ妻女手ヲ摩テ此事隱シ給ルヘシト
 様々ニ佗言シ金銀財寶持來テ色々ノ引出物シ様々ニ宥メケレ共木澤終ニ不承引ニ引出物ヲ
 ハ皆返シテ床ノ上ニ笛ノ一管有ケルヲ懷中シテソ歸リケル是ヲハ妻女夢ニモ不_レ知_レ香_ニ程

經テ後彼菜屋高麗ヨリ頓テ歸リ來ルヘシト先立テ申シ越ス其待儲ノ爲ニトテ妻女ハ家内ヲ掃除シケルニ彼床ノ上ニ置ケル笛ノ更ニ不見ケルヲ此笛ハ常ニ菜屋カ秘藏シテ自愛セシ笛也無クテハ不可レ叶トテ色々ニ尋ル内ニ或下女ノ申シケルハイツソヤ雪ノ夜ニ來シ男コソ其笛ヲ懷中シテ取テ歸リタリト云フ其ヲ能ク尋問ハ木澤ニテソ有リケル木澤ハ是非共ニ此笛ヲ證據ニノ菜屋ニ委細ヲ告知ラセ彼妻女カ不作法ヲ云顯サント旬ル程ニ彼妻女驚キ騷キ此事イカ、セント歎ク妻女カ父ハ臙脂屋ト云テ堺ノ庄ニテ並無キ福者ナルカ此事ヲ聞泣悲テ木澤カ許エ尋行吾娘ノ不作法ヲ夫ノ菜屋ニ告給ハ、娘ノ一命危キ上ニ部類眷屬ノ外聞マテ恥恐ル、事ナレハ此事イカニモシテ隱シ遂給ヘシ其報恩ニハ金銀財寶何様ノ御所望ヲモ相叶ヘ申スヘシト涙ヲ流シ手ヲ摩リ様々ニ詫言シケリ其時木澤申シケルハ然ラハ眞實心底ヲ不レ殘語リ申サン某今マテハ輕キ商人ト成居レトモ元來ハ故畠山政長ノ臣下也イカニモシテ先君ノ讎ヲ報セン爲ニ合戰ヲ思ヒ立ツ河州平野ノ城ヲ攻テ敵ノ上總介義豐ヲ伐ント志シ時節ヲ待ト云ヘ共當家ノ面々皆近年浪人ノ身ト成リ困窮シテ金銀米穀ノ儲ナキ故ニ一陣ノ支度モ叶カタシ是ヲ以テ年來ノ忠志大義ノ計畧延引ニ及事是吾一生ノ大患也然レハ吾等平野ノ城ヲ攻ン時其方ハ富家ナレハ兵糧金銀ヲ見續キ給ヘシヤト云フ臙脂屋ハ商人ノ身ナレ共木澤カ義志ニ感信シ又吾娘ノ一命ヲモ救ハン爲ニ其コソ安キ御所望ナレ何分ニモ兵糧金銀ヲ相ツ、ク申スヘシト其約束ヲ堅メケル木澤扱ハ心安シトテ彼笛ヲ臙脂屋ニ遣シ其後畠山ノ家人杉原齋藤志貴丹下宮崎安見遊佐等ニ觸レ遣シ大軍ヲ催シ畠山尙順ノ紀州ニ隱

レマシノケルヲ大將ニ取立テ忽ニ蜂起シケレハ臙脂屋モ即チ兼約ノ如クニ金銀兵糧ヲ望ノ通り運送ス其レヨリ尙順逐日多勢ニナリ給テ先ツ河州高屋ノ城ヲ攻オトシ桃井兵庫助一色某等カ籠居タルヲ討取テ其ヨリ警敵ノ畠山總州義豐ヲ伐ント議セラル義豐ハ河内國平野ノ城ニ居給シカ其頃細川政元ヨリ加勢ヲ受ケ和州ヲ退治スヘシトテ和州河州ノ際ニ於テ合戰度々ニ及ケルヲ尙順其隙ニ多勢ヲ率シテ平野ノ城ヲ取卷キ息ヲモ不繼セ攻ケル程ニ終ニ此城攻落サレタリ義豐ハ平野城ヘ立還ル事モ不レ叶其マ、敗軍シテ于時明應八年正月廿七日上總介義豐終ニ伴拔ト云所ニ於テ自殺シテ失給又其子彈正忠義英ハ平野ノ城ヲ落去テ行方不レ知成給ヌ尾張守尙順ハ父ノ敵義豐ヲ討取テ本意ヲ達スルノミニアラス紀伊大和河内三箇國ノ本領共ヲ悉取還シ河州高屋ニ在城シテ再度家運ヲ開カレケル是併第一木澤カ忠節故トソ世上ノ人モ感シケリ

○赤澤宗益攻ニ落高屋城ニ事

畠山義豐自殺ノ由聞ヘケレハ細川右京大夫政元大ニ怒リ頓而尾張守尙順ヲ追討ノ爲ニトテ赤澤宗益入道澤藏軒ヲ大將トシ多勢ヲ相添エ差遣ヌ此勢先ツ和州ヘ打入リ相從フ人數ヲ催シケルニ當國ノ住人越智古市ヲ始トシテ皆味方ニ參リケレハ京方猶大軍ト成テ河州譽田ノ城ヲ攻ル此城ハ尙順隨一ノ味方ナレハ其急ヲ救ハン爲ニ尙順又多勢ヲ率シ先ツ天王寺ヘ出張シ後城ヘ後詰シケルカ澤藏軒ト合戰ニ尙順忽打負悉敗北シテ譽田ノ城モ責落サル其レヨリ澤藏軒ハ猶勝軍ノ威勢ニ募リ進テ高屋ノ城ヲ攻ル處ニ同十二月十八日終ニ此城モ攻落サ

レテ畠山尙順ハ又此城ヲ退去シ再度紀州ノ廣ト云所エ落行キ殘徒數多討捕ラレテ細川方ノ軍兵數度ノ勝利ヲ得タリケル抑此高屋ノ城ハ安閑天皇ノ御廟所也ケルヲ要害能キ所也トテ尙順始而城郭ニ取立居住セラレシカ靈神ノ祟ニヤ程無ク落城シタリケル去程ニ赤澤宗益入道ハ故畠山義豐ノ子彈正忠義英ヲ取立テ上總介ト稱號シ高屋ノ城ニ入レ置キ河内ノ國ノ守護職トシ甚タ威勢ヲ振ハセケル尾張守尙順ハ紀州廣ノ庄ニ隱レ居テ今年十八歳未タ若冠ノ身ナレ共剃髮ノ姿ト成テト山入道ト號シケルカ又敗軍ノ士卒ヲ集メ明應九年九月廿八日ニ河州ヘ亂入シテ高屋ノ城ヲ攻ラレケルニ細川政元是ヲ聞テ高屋ノ城ノ後詰トシ又赤澤澤藏軒ニ江州ノ内堀ト云者ヲ大將トシ五千餘騎ノ軍兵ヲ河内國ニ被ニ差向ニ此勢高屋ニ下着シテ又ト山ト合戦スト山入道ハ新手ノ敵ニ切立ラレ悉敗軍シケルヲ城中ノ兵共後詰ノ勢ニ力ヲ得テ追驅々々戦ケレハト山彌々追散ラサレ畠山彌次郎石植以下同氏ノ一族七人迄生捕ニセラレケルト山入道ハ辛々ノ命生キテ又紀州ヘ落行給フ澤藏軒カ手柄ノ程褒ヌ人コソ無リケル抑此澤藏軒宗益ハ清和源氏ノ隨一小笠原ノ末流ニテ細川家ノ勇士也始ハ卑賤ニテ常盤十郎朝經ト名乗彼家ニ仕ヘケルカ毎度武功ヲ抽ケレハ次第ニ出身シテ一方ノ將ト成テ當時政元ノ軍代ヲシ度々ノ手柄ヲ顯シケリ

○和州所所合戦事

明應九年庚申九月廿八日主上崩御マシノケレバ洛中ノ悲歎淺カラス後土御門院ト御追號奉テル頓而新帝踐祚有リ其翌年辛酉二月廿五日改元有テ文龜ト號ス文龜元年四月晦日栗程ノ大

電降ケリ是唯事ニ非スト云去程ニ前將軍家ハ其比防州山口ニマシノケテ諸國ヘ御内書或ハ奉書ヲ被レ廻御勢ヲ促シ再度御歸京ノ義ヲ催サレシニ九國中國ノ諸士等過半歸服シ奉ルサレ共上方ニ多勢ノ味方可レ然大名ノ御手ヲ合スル者無キ故御上洛ノ御事モ如何有ラントタメラハレテ空シク月日ヲ送ラセ給フ畠山入道ト山ハ猶紀伊國ニ蟄居シケルカイカニモノ先敗ノ恥ヲ清メテ前將軍家御歸洛ノ御手ヲ合セント晝夜心ヲ盡ケル先年度々ノ合戦ニ討殘サレタル家ノ子郎黨漸所々ヨリ馳集リ程無ク多勢ニ成ケル程ニ同二年又旗ヲ揚テ大和國ヘ出張シ越智伊賀守カ籠居タル越智ノ城ヲ攻落シヌ此時越智カ臣下ニ武者大將ノ鳥屋ト云フ者父子一番ニ渡リ合セ散々ニ戦ヒケルカ痛手負テ死スヘカリシヲ郎黨等肩ニ懸テ漸ニ引退キ鳥屋カ子ハ十六歳ニテ無ニ比類ニ戦ヒ討死シケリ其夜彼城攻落サレテ城主伊賀守何方ニ無ク落失ケリ此事京都ニ聞ヘケレハ鳥屋父子カ舉動公方家憐ミ思召サレテ御詠歌ヲ被レ下ケリ

子ヲ思フ燒野ノ雉子ホロノト涙モ越智ノ鳥屋啼ラン

去程ニ細川政元ハト山入道又蜂起ノ由ヲ聞テ何程ノ事カ有ヘキトテ赤澤宗益澤藏軒ニ其弟福王寺并ニ喜島源左衛門和田孫四郎柳本等其外江州ノ内堀ヲ始トシ三千ノ軍兵ヲ大和國ヘ差遣シト山ヲ伐ントス文龜二年五月三日此勢和州ヘ打入テト山方ノ諸城ヲ攻ル同月七日澤藏軒ハ南都西大寺ニ陣取ケルカ其夜彼寺炎上シテ澤藏軒陣ヲ開クト山入道ハ同國信貴ノ城ニ居給ケル處ヲ同八月ヨリ細川勢打圍テ攻レ共不落サレ共寄手ハ先年數度ノ勝軍ニ誇ケレハト山入道カ籠城何程ノ事ヲカ仕出スヘキトテ大將ヲ始メ皆油斷シテ居タリケルニト山入

道ハ先年度々ノ負軍ニ懲果テ今度ハ士卒一同ニ思切リ若此城ヲ攻落サレハ生テ再度有マシ
キト各々覺悟ヲ究ケル故同十月五日城中ヨリ逆寄シテ細川勢ヲ切崩スサレ共敵モ強勢ニテ
隨分防キ戰程ニ畠山家宗徒ノ輩遊佐モ平モ討死セシム相殘ル齋藤譽田杉原二員等分捕高名
數多シテ終ニ一戰打勝ケレハ澤藏軒ヲ始トシテ細川方ノ軍兵悉敗軍シテ其マ、京都ヘ引返
シヌト山入道勝利ヲ得テ先敗ノ恥辱ヲ雪カレケル此由防州ヘ聞ヘケレハ前將軍家御感有テ
御内書ヲ被ニ成下ニ其狀ニ云ク

十月五日信貴城合戰之時遊佐九郎次郎平三郎討死之由注進去月晦日到來畢言語道斷且忠
節且不便雖_レ然無_ニ異儀_一相踏候由先以大慶候彌成敗可_レ爲_ニ肝要_一候仍細川式部大夫不_レ存_ニ
疎畧_ニ通神妙候佐々木中務少輔_一内書事即遣_レ之候猶政親義陸可_レ述候謹言

十一月十七日

御 判

畠山尾張守殿

トソ有ケル

○江州合戰事

文龜二年七月十二日京都ニ於テ公方家御官位御轉任有リ從四位下參議左中將此時御名義高
ヲ被_レ改義澄ト付カセ給フ同廿一日御參内有リ同三年三月十四日從三位ニ叙セラレ消息ノ宣
下有リ上卿ハ中山中納言宣親卿職事ハ萬里小路賢房卿トソ聞ヘシ扱又江州ノ住人佐々木六
角四郎高頼ハ去明應ノ頃前將軍家江東御征伐ノ時居城觀音寺ヲ落テ甲賀山ニ隱_レ居ケル處

ニ其後數年ノ亂中ニ程無ク居城ヘ立歸リ本領其外所々ヲ從ヘ又大名ト成リ居ケルカ其頃彼
家臣伊庭ト云者謀叛ヲ起シ六角ニ敵對ス因_レ茲佐々木家ノ軍勢一ツニ分_レ爭戰ニ及_フカ故
ニ南郡悉騷動シ今茲文龜三年四月四日當國百濟寺モ兵火ノ爲ニ燒失ス然_レハ江南亂中ノ費
ニ乘テ江州ヲ退治セント赤澤入道澤藏軒多勢ヲ率シ江州ヘ亂入ス所々ノ城ヲ攻取テ甚々猛
威ヲ振ヒ働ク同國音羽ノ城主蒲生下野守貞秀ハ昔當國ノ湖上ニ百足ヲ射テ龍宮ヘ渡リシト
云傳ヘタル俵藤太秀郷カ後胤ニテ武勇ノ士也剃髮ノ後ハ智閑トソ云ケル澤藏軒是ヲモ攻ヨ
トテ音羽ノ城ヲ取卷キ日夜稠ク攻ルト云ヘ共城強ク能防テ可落様モ無リケレハ寄手攻アク
ミテ徒ニ日數ヲ送り延々ト圍ミ居タリ城中ニ鑄物師ノ安河ト云者籠リ居ケルカ希代ノ弓ノ
上手ニテ彼カ射ケル矢先ニ立ツ者一人トシテ命ヲ不_レ失ト云事無シ澤藏軒ハ音羽城ヨリ三
町程遠サケテ本陣ヲ取テ居タリケルカ陣ノ前ニ五尺廻リノ柳ノ木ノ在ケルヲ彼安河カ射ケ
ル矢ニテ羽アキラセメテ射通シケレハ是ヲ見ル人々皆舌ヲ卷テソ畏懼ケル頓而此柳ノ木
ヲ切テ城中ヘ送リ名譽ノ精兵トソ褒美シケル扱江州ノ國人次第々々ニ寄手ニ靡キ從ヒケレ
ハ澤藏軒カ人數二萬人ニ及_フサレ共城主智閑入道ハ少シモ不_ニ心屈_一シテ一通ノ書ヲ寄テ澤
藏軒ヘ送リケリ其狀ニ曰

合戰雌雄依_レ難_ニ相決_一數日御在陣御苦勞令_ニ推察_一候寔是令_レ驚_ニ雷鼓之猛威_一被_レ顯_ニ鶴翼之
秘術_一條輕_レ命重_レ義尤感入候浴_ニ久年之恩波_一諸國之猛卒抽_ニ忠勤_一盡_ニ粉骨_一事是又神妙候仍
掛替之弦五百張令_ニ進入_一宜_レ被_レ立_ニ御用_一候當時城中之輩恰似_ニ鷹前之雉子_一墮_ニ草底_一歟今

更率卑賤之塾衛而迎花洛之勇將遂合戰決勝負捨命曝屍事武道面目自他嘉幸
不_レ過_レ之候早破_二四圍之構_一靡_二凱歌之旗_一武勇佳名可_レ被_レ傳_二後代_一者也恐々謹言
卯月廿八日

澤藏軒 御陣所 蒲生國人等

トソ書送ケルサレ共合戦ヲモ不遂城兵ハ上下志ヲ一ニシテ堅固ニ防居ケル程ニ終ニ寄手ハ
長陣ニ困窮シ他國ニテノ事テハ有リ糧米モ盡果ケレハ先ツ此城ヲハ重而又攻ヘシトテ四面
ノ圍ヲ解キ纏メテ寄手皆々引返ス處ヲ智閑入道城兵ヲ拂テ多勢ヲ引具シ中山ト云所ヘ切出
小谷繩手ト云地ニテ前後ヨリ狹ミ立悉切崩シヌ澤藏軒打負テ細川方ノ軍兵悉敗軍シ旬々京
都ヘ引歸ス蒲生入道カ武勇皆人稱美セシメケリ

○細川家亂根事

昔皇胤二流ニ分レ北朝ノ持明院殿ト南朝ノ大覺寺殿ト天下ヲ爭ヒマシ_レケルニ終ニ北朝
一統シテ南方ハ歸服マシ_レケリ公方家近年兩派ニシテ今出川殿ト堀越殿ト大樹ノ位ヲ代
謝アリ又應仁亂前ヨリ畠山モ兩家ニ分レ斯波家モ二方ニ立並_レテ合戦互ニ止時無シ唯細川
家ハカリコソ先祖常久禪門ノ遺徳深キ故ニヤ今ニ仁孝ノ澤厚フ_レ一家モ睦シク六代マテ繁
昌シテ大名高家ノ手本共成給シ家風ナルニ世既ニ澆季ニ及テ時運衰微ニ至レル歟當管領右
京大夫政元行跡厲シテ思慮邪ナルカ故ニ是モ子孫二流ニ分レ終ニ兄弟世ヲ爭テ互ニ挑合給
フ其濫觴ヲ尋ルニ政元ノ不義無道先祖ノ人々ノ志ニ違シ故也抑細川家ノ先祖ト云ツハ八幡

太郎義家ノ御孫足利判官義康ニ二人ノ子有リ一人ハ足利上總介義兼トテ是公方家ノ御先祖
タリ今一人ハ矢田ノ判官代義清トテ是細川ノ先祖也此義清元來義康ノ嫡男ナレ共源平ノ亂
ノ時木曾義仲ノ妹壻ナルカ故ニ彼ニ同意シ一方ノ大將軍ト_レ備中國水島ノ軍ニ利ヲ失ヒ斯
ニテ義清討死シ給フ其子孫代々朝廷ノ武臣ナリシカ共勢微ナル故ヲ以テ足利家ニ隨順ス足
利家ノ繁昌ハ上總介義兼ノ御母君ハ熱田大宮司季範ノ娘ニテ右大將賴朝卿ノ姨母御前且又
義兼ハ北條右京大夫義時ノ縁坐タルニ依テ自然ト鎌倉ノ交リ高_レ其ヨリ累代北條家ノ婚姻
ヲ不_レ相離_二其威勢強カリケレハ義兼コリ其子孫代々ニ至ル迄是ヲ足利御當家ノ嫡流トス因_レ
茲義清ノ曾孫モ代々彼家ヘ身ヲ寄給フ者也然レハ足利ノ氏族ニ是ヨリ近キ分レハ無シ去ル
建武ノ頃等持院殿尊氏公天下ヲ知シ召サレシヨリ義清ノ子孫細川氏ノ人々代々御當家棟梁
ノ氏族トシテ或ハ執事管領ニ任セラレ然ルニ彼嫡類細川相模守清氏ハ虎口ノ讒言ニ依テ心
ナラス御敵ニナサレケレ共其ニモ氏族同心セス終ニ細川一家ノ中ヨリ清氏ヲ誅シ出サレタ
リ扱此外ノ一類ニハ未タ一人トシテ御敵ト成ケル人ハ無シ今ノ政元ノ先祖ハ細川武藏守賴
之剃髮ノ後ハ常久禪門トテ近代無雙ノ名臣ナルカ未タ右馬頭ト云シ時御敵徒彼清氏ヲモ討
取テ其外數箇度ノ戦功ヲ全シ後ニハ鹿苑院殿義滿公ノ御幼稚ナルヲ杳々守リ立奉リ貞治應
安ノ比未タ南北兩朝ノ戦國ナルニ文武二道ヲ宗ト_レ百戰百勝ノ功ヲ立給フ數年ヲ經テ後終
ニ南朝ヲ歸服セシメ天下ノ亂ヲ一統シテ萬民ヲ安治セシメケレハ公方家代々ノ鴻基ヲ開テ
天下泰平ノ世ヲ定メラレシ大功業ノ管領也ト末代迄モ稱美シケル其ヨリ彼一統代々管領職

ニ補シ政元迄ハ六代也サレハ當家ノ外斯波畠山黨モ相替テ管領ニ任スト云ヘ共是等ハ其先祖斯波修理大夫高經畠山尾張守義深昔日公方ノ御敵ト成テ後降參シタル子孫ナレハ細川家トハ各別也然ルニ近代應仁ノ亂ノ時モ右京大夫勝元ハ畠山政長ノ方人シテ山名入道宗全ト合戦ニ及ハントス其時ノ上意ニ誰成共政長ヲ救フ者ハ御敵ニナサルヘシト被仰出タリケルニ猶細川ノ一族衆政長ニ加勢セント云フ勝元忠有テ智惠深キ人也ケレハ思案ヲ廻ラシ申サレケル様當家將軍ノ執權トシ先祖賴之賴元滿之持之某共ニ以上五代一人トシテ終ニ御敵ノ名ヲ汚サス未タ公儀ヘ對シテ一箭ノ弓ヲ引事ナシ然ル處我今政長ヲ合力シテ御敵ト成ナラハ主君エハ不忠人先祖ヘハ不孝也當家ノ瑕瑾是ニ不過終ニ天下ノ人望ニ背テ天罰不可ト遁トテ目ノ前ニテ死セントスル方人ノ政長ニ合力加勢モシ給ハス其年ノ春ヨリ公方家ヲ守護セシメ山名方ヲ御敵トシ應仁元年ヨリ文明九年マテ十一年ノ對陣ニ毎度ノ合戦大方ハ山名方ノ勝利ナレ共公方家ノ御敵ナレハ下尅上ノ天罰ニヤ分國ノ家臣共上ヲ學フ下ニシテ皆以己カ主人ノ山名方ヘ敵對シ自國ノ騷動難義ナレハ彼徒黨等ヌケノニ皆東陣ノ味方ト成ル細川方ノ者共ハ軍ノ仕様ハ鈍ケレ共勝元ノ忠義ニ効御敵ト成ル名ヲ恥テ一人モ主人ヘ叛ク者無ク西陣ヘ降ル人無リキ爰ヲ以テ莫大ノ戰功成就シテ終ニ勝元政長ハ運ヲ開テ領國ヲ不レ失山名方ノ一族ハ京都ニモタマリ不レ得散々ニ成テ亡ケル是唯勝元忠義ヲ守リ先祖ノ志ヲ崇給フ故也然ルニ政元其子トノ亡父ノ志ヲ引違ヘ上總介義豐ヲ一味シテ畠山政長ヲ討ノミニアラス公方家ノ御敵ト成テ將軍ノ御位ヲ恣ニ替奉ル事主君ヘ不忠先祖ヘ不孝是ニ過シ

ト見ヘケレハ天下ノ人望ニ背ケル程ニ滅亡近キニ有ヘシト皆人サ、ヤキ合ニケリ

○同政元邪行事

其レノミナラス政元ハ心ノ儘ニ奢チ極メ君臣上下ヲ不レ辨諸事ヲ舉動ケル故ニ公方家ヲモ疎畧ニシテ上意ニ背ク事多シ公方家内々此趣安カラス口惜ク思召暮サレケレ共今御衰微ノ折カラ政元ヲ伐亡サレノ事思モヨヲ又時節ナレハ誰御味方申サン者無シ還而ナマシヒナル事ナト御企有ナラハ御身ノ爲惡シク成テ忽ニ大變有ヘキ危機鏡ニカケテ覺ヘケレハ毎事ノ御鬱憤日夜只御胸ヲ焦シ給フ故去ル文龜二年ノ秋御述懷ノ餘リニヤ同八月七日北山岩倉ノ金陵寺ヘ入御有テ既ニ御遁世有ラントス此事隱レ無リケレハ公家昵近ノ面々并細川等俄ニ彼寺ヘ馳參テ様々宥メ奉リ勅書ヲ被成下テ敵慮ノ趣重カリケレハサスカ公方家モ御默止カタクシテ御所ヘ還リ入ラセ給ヒ先ツ御安堵ノ分ナリケリ其後政元モ又述懷シテ明ル文龜三年二月ノ比京都ノ宅ヲ脱出テ家人安富筑後守カ居所榎ノ島ニ隱レ居テ一切幕府ノ事務ヲ抛ツ角テモ事行クヘカラチハ同四月廿三日公方家即チ榎ノ島ヘ御成有テ様々宥メ仰ラレテスナハチ政元承伏シ翌廿四日歸京ス其後漸々ニ御和睦打トケ給ケルニヤ今茲永正元年正月十日公方家御參内ニ政元供奉申シケルカ御執奏有ケル故歟政元折烏帽子小素襖ノ裝束ニテ天盃ヲ頂戴ス寔ニ希有ノ面目也是ハ去ル永享ノ比先祖故右京大夫持之朝臣ノ例トソ聞ヘシ彼ニ付ケ是ニ付ケ政元ノ奢侈世ニ超タリ抑政元ハ世ノ人ニ替リ行年四十歳ノ頃迄女人ニ近屬事ヲ禁シ精進潔齋繁ノ魔法飯綱ノ法愛宕ノ法ヲ行ヒ澄シ經ヲ誦シ多羅尼ヲ呪シサナカラ出

家山伏ノ如クナレハ見ル人皆身ノ毛ヲヨタツ計也サレハ男子モ女子モ無ク家督ヲ繼ヘ
 キ様無レハ家長ノ面々色々ニ唯此事ヲ諫ケリ其頃當公方家義澄卿ノ御母堂ハ柳原大納言隆
 光卿ノ御娘令ノ攝政九條太政大臣政基公ノ北ノ政所トハ御連枝ニテマシマス故公武ノ貴賤
 オシナヘテ九條殿ヲ崇敬ス政元當時公方家ノ權ヲ執テ驕ヲ極ル餘ニヤアラヌ心出來テ政基
 公御末子ノ公達ヲ己カ養子ニ申シ受テ吾童名ヲ付奉テ聰明丸ト號シ其後今年十二月十日此
 聰明丸元服ノ時ハ忝クモ公方家御手ツカラ加冠ナサレテ細川源九郎澄之ト名ノラセラル角
 テ公家武家相共ニ此澄之ヲ崇敬シイツキ冊カキケル程ニ九條殿モ繁昌スサレハ古ヘ鎌倉ノ征
 夷大將軍賴經卿ト申セシハ光明峰寺攝政殿ノ公達ナルヲ武家ノ上將トナシ給シサヘ珍敷例
 也其レハ右大將賴朝卿ノ親戚ニテ右大臣實朝公ノ跡目ナレハ輕キ事トハ云難シ今ノ澄之ハ
 マサシク攝政相國ノ公達ナルガ將軍ノ家ノ執事政元カ子ト成給テイカメシキ事トシ給事未
 世トハ云ナカラ淺猿アヤシカリケル次第也ト誇人モ多カリケル其後又如何有ケン政元熟案スルニ
 吾家ハ代々公方ノ管領ヲ相勤メ親類數多有ル處ニ他家ノ子ヲ養テ家督ヲ立ル者ナラハイハ
 レ無キ所行ニテ一家ノ面々モ他家ノ大名モ同心舉用スヘカラスト急度思ヒ屬ケル程ニ彼九
 郎澄之ニハ丹波國ノ守護ヲ讓リ彼國ヘ差遣シ今茲永正元年ノ春ノ頃家臣藥師寺與一郎元一
 ナ使トノ阿波國ヘ差遣シ彼國ノ一族細川慈雲院入道成之ニハ孫讚岐守義春ノ子ノ十一歳ニ
 成給フヲ養子ニセント所望セラル成之モ義春モ細川宗徒ノ一族ナレハ早速同心スヘケレ共
 政元ノ行迹難ニ見届覺ヘケレハ後難如何有ヘキトテ様々辭退シ給ケルヲ元一古今ノ例ヲ引

テ種々様々ニ理ヲ盡シテ申シ達シケル程ニ成之義春漸ニ同心シテサラハ養子ニ參ラスヘシ
 ト堅ク契約セラレタル政元悅テ頓而此子ヲ元服サセ是モ公方家ヨリ御一字ヲ申シ受ケ細川
 六郎冠者澄元トソ名ノラセケル未タ若年ナレハトテ上洛ヲモサセス阿波國下ノ屋形ニ差置
 カル下ノ屋形トハ阿波國ノ守護所也昔常久禪門大忠功ノ人ナル故攝津丹波阿波讚岐四箇國
 ノ守護ニ補セラレケル時自身ハ在京シテ管領職ヲ相勤メ四國ニハ一族共ヲ賦リ置カル中ニ
 モ阿波國ニハ舍弟讚岐守詮春ヲ留メ置テ分國ノ政事ヲ執行ハセテ是ヲ下ノ屋形ト號ス常久
 禪門嫡流ノ管領家ヲハ上ノ屋形ト名付ケリ今ノ義春モ詮春ノ子孫ナレハ上ノ屋形ニ子無キ
 時ハ必下ノ屋形ヨリ可相續筋目也カ、ル由來ノ有ナカラ政元何事ソ身ノ榮耀ニ不ニ飽足ニ奢
 ナ極ル餘ニヤ攝家ノ貴族ヲ養テ終ニ一家ヲ二流トシ後日ノ殃ヲ招ク不遠慮ノ義是只事ニア
 ラス政元不忠不孝ナレハ忽天罰ヲ蒙テ一家此時滅亡セン其先表トソ覺ヘケル

○藥師寺騒動事

抑藥師寺ハ細川家被官ノ中ニモ歴々ノ者也今ノ藥師寺與一郎元一ハ攝州ノ守護代ニテ淀ノ
 城ニ住シ其弟與次ト共ニ其頃名高キ勇士也度々合戰ノ手柄ヲ顯シ忠功諸人ニ越タリケルカ
 就レ中與一ハ一文不通ニテ女才無キ物ナレ共天性正直ニテ理非曉キ徳有ケレハ細川一家ノ
 人々皆是ヲ重ンセラルサレハ此元一ナレハコソ此年月様々政元ヲ諫言シオホセテ終ニ一類
 ノ澄元ヲモ養子ニハセサセケル然ルニ近年政元ハ政務ヲハ疎畧ニシテ一向魔法ヲ行ツ、空
 上ヘ飛上リ空中ニ立ナントシテ不思議ヲ顯シ後々ハウツ、無キ事ノミ宣テ時々狂亂ノ如ク

ナレハイカ様今ノ分ニテハ當家ノ滅亡近キニ有ラント見ヘニケリ因レ茲元一モ諫言及カタ
 ケレハ赤澤宗益入道澤藏軒ト相談シ六郎冠者澄元ヲ家督ニ取立テ政元ヲハ隱居サセ細川ノ
 家ヲ末長久ニ治ムヘシト頓而評議一決シテ永正元年九月四日藥師寺元一ハ淀ノ城ニ楯籠リ
 同六日赤澤宗益京ヲ落シカ是モ多勢ヲ催シテ淀鳥羽ヘ責上ル由巷説ス且又西ノ岡ニモ土一
 揆起リ是モ京都ヘ攻入ル由洛中ノ風聞頻ニシテ皆人騒動シケル程ニ政元是ニ驚テ元一カ弟
 藥師寺與次ヲ討手トシ多勢ヲ遣シ淀ノ城ヲ攻圍ム與次ハ當城ノ案内者ニテ兄ニ劣ラヌ剛ノ
 者故淀ノ城ヲ攻詰ケルニ城兵モ能ク防キ同十日寄手ノ隨一讚州ノ守護代安富某ヲ討取同十
 四日西岡ノ土一揆ハ散々ニ打負四ノ宮ト云者父子淀城ヘ落入然處兼而味方ニ頼ミ置シ前將
 軍家御方四國ノ細川慈雲院河州ノ畠山ト山等後詰ノ出勢遲キ故ニ久敷抱カタクシテ同廿日
 終ニ淀ノ城攻落サレ四ノ宮父子ヲ始トシテ悉討死シ城將藥師寺ノ與一ハ生捕ト成テ京勢歸
 陣ス政元大ニ悅テ與一ハ汝カ心ニ任セ腹切ラセ申スヘキ由弟與次ニ命セラル與次畏リ候ト
 テ船橋ノ邊ニ先年與一ガ菩提所トテ建置タル一元寺ト云フ寺ヘ具シ行キ與一ニ腹ヲ切ラセ
 クリ與一最期ニ云ケルハ某主君ヘ野心ノ企有ルニ非ス只是細川ノ家ヲ長久ニト思フヨリ事
 起リシ者也某一世ノ中終ニ無二一心者故ニ其心ヲ名ニ顯シ與一ト云ヒ一元ト名乘リ寺ヲモ
 一元寺ト名付タリ唯今腹ヲモ一文字ニ切ヘシトテ腹一文字ニ切テ死ケリ生年廿九歳也同與
 次ハ今度兄與一ヲ討タル忠賞トテ公方家ヨリ御感狀ニ桐ノ御紋ヲ下サレ政元ヨリ兄ノ與一
 カ跡目所領ヲ賜リ攝津國ノ守護代ニ舉用セラレ名ヲモ改テ三郎左衛門トソ名乘リケル昔源

ノ義朝カ父爲義ヲ誅伐シテ左馬頭ニ任セラレ忠賞セラレシ如ク也トテ皆人爪ハシキヲシテ
 嘲リ惡ム抑此合戰ニハ政元方ノ香西又六郎近郷ノ土民ヲ驅リ出シ今度味方シテ相働カハ地
 子錢半分宛相免スヘキ由觸レ約束ス因レ茲所々ノ郷民幾等モ無ク味方ニ加リ多勢ヲ以テ淀
 城ヲ攻落セリト風聞ス扱又赤澤澤藏軒宗益ハ先年政元ノ氣ニ違テ高野山ニ蟄居セシヲ與一
 元一是ヲアハレミ様々政元エ歎訴シテ此比宗益勘氣ヲ許サレ在京シテ有ケルニ此亂出來ケ
 レハ宗益ハ政元ヘモ不仕ヘ與一ヘモ不組シテ京都ヲ逐電シ遁世シテ有ケルカ與一元一亡テ
 後又様々ニ政元ヘ佗言シケレハ政元聞受ケテ再度宗益ヲ許シテ召仕ハレケリ同十月二日政
 元ヨリ細川右馬助同阿波守等ヲ大和國ヘ差越サル是ハ彼國人越智十市ノ輩河州ノ畠山ト山
 入道ニ從テ京都ノ下知ヲ不用故也トソ

○兩畠山和陸事付細川澄元上洛事

永正元年十二月廿五日畠山尾張入道ト山ト同苗上總介義英ト兩家和陸シテ河内國富田ノ八
 幡宮ニ會シ互ニ和平ノ酒宴シテ年來ノ遺恨ヲ忘ル是公方家ノ御下知ニ依テ也サレハ和平ノ
 驗ニトテ此八幡宮ヘ鎧太刀等ヲ兩家ヨリ奉納シテ誓約ヲ相堅ム紀伊大和河内ノ人々國民等
 迄和睦シテ相悅事限無シ然レハ五畿内ハ暫ク安治セシメケレ共又兵亂ノ世トナルヘキ妖怪
 既ニ顯レテ同二年ノ春天下大飢饉餓孳岐ニ滿タトヘハ十人ノ者ハ九人ハ死スル計也同三年
 諸國ニ億萬ノ鼠出來テ耕作ノ米穀山林ノ竹木ヲ悉ク喰損フ是ハ凶年ニテ餓死ノ者ノ亡靈ヲ
 ラントテ諸國在々所々ニ於テ餓孳ノ骨ヲ取集メ是ヲ收メ寺ヲ立テ吊ヒ祭ケル程ニ頓而此鼠

ノ静リケルコソ不思議ナレ同年ノ秋春日山ノ大木七千餘本枯果タリ是ハ藤原氏ノ人凶事也
 ト取沙汰ス如何様カ、ル奇怪ノ上ハ近日又イカナル亂カ出來ラント諸人安堵ノ思ヒヲナサ
 ズイマ、シクソ見ヘニケル去程ニ細川六郎澄元ハ其頃未阿波國ニ居給ケルカ祖父ノ慈雲
 院入道成之ハ一家ノ宿老ニテ知惠深キ人ナリケレハ信京都ノ爲體ヲ察スルニ政元ノ行跡
 逐レ日昏亂スル程ニ當家ノ安否計リ難シ澄元急キ上洛シ養父ノ行衛ヲモ見遂ク一家ノ治亂
 ヲモ可ニ執計ニ旨被ニ下知ニ澄元畏リ候トテ阿州ヲ立テ上洛ス于時四月廿一日也此澄元未タ十
 三歳ノ若輩故ニ實父讃岐守義春ヨリ三好筑前守之長并ニ高島與三郎二人相共ニ武勇ノ達者
 ナ撰出シ澄元後見ノ執事トシ輔佐ノ臣ニ命セラル中ニモ此三好ハ阿波國ノ守護代ニテ是モ
 小笠原ノ末孫名譽ノ者トソ聞ヘケル後ニハ改名シテ長輝ト號シ剃髮ノ後ハ希雲居士トソ稱
 シケル又政元ノ家臣ニ香西又六郎元近ト云者有リ武勇ニモ長シケレハ讃岐國ノ守護代トシ
 一方ノ將ト成リ居ケルカ常ニ三好ト中惡クシテ互ニ確執ノ心ヲ狹ミ威勢ヲ猜合ケルニ又其
 比藥師寺ノ三郎左衛門ハ兄ノ與一ヲ誅シテヨリ政元ニ寵セラレ重恩ニ耽リ權威ニ慕テ傍若
 無人ニ舉動居ケルカ今度三好之長カ澄元ノ後見シテ在京セシヨリ以來香西藥師寺カ非法ノ
 下知ヲハ不用シテ威勢高ク舉動ケル程ニ今更洛中ノ諸人ハ我モ我モト澄元ヲ崇敬シ三好
 等ニ奔走スルヲ香西藥師寺二人共ニ大ニ猜憤テ確執日々ニ重リケリ其レヨリシテ此者共ハ
 アハレ六郎殿ニイカナル事モ出來ヨカシ三好等ヲ亡シテ本意ヲ遂ント思廻ラス是ノ早大兵
 亂ノ根サシ也扱又同年ノ秋和州未タ治ラス國人所々蜂起ニ因テ今度ハ政元ヨリ赤澤澤藏軒

宗益ヲ被ニ差向ニ同七月廿九日宗益等京ヲ立テ和州ニ赴キ國人ノ叛ク者共一々ニ退治ス然レ
 共八月二日ノ合戰ニ其弟福光寺討死ス同九月四日敵徒ノ取籠リシ多武峯ヲ責落シ神社佛閣
 悉ク燒拂テ甚タ猛威ヲ顯ス故ニ程無ク國人一揆ノ輩悉ク承伏シケレハ宗益思ノマ、ニ和州
 ナ退治シ歸洛シケリ又翌年四月若州ノ武田丹後ノ一色ト牟楯シ武田援兵ヲ請フニ依テ同九
 日政元若州ニ下向セラル先立テ彼兩家丹後ノ國ニテ合戰ヲ遂ルノ處ニ武田悉打負引返ス
 因レ茲政元歸洛セラレケリ

○細川政元被ニ害死ニ事

角テ永正四年ノ夏香西又六郎元近藥師寺三郎左衛門竹田源七郎新名某等寄合ヒ密謀シケル
 様主君細川政元ハ近年物狂ハシフシテ行迹政道踈畧ナレハ此人存命スルナラハ當家必滅亡
 スヘシ六郎殿ノ世ト成ラハ三好彌々權威ニ誇テ世ヲ傾テ覆サン所詮彼等ニ先立テ政元ヲ弑
 シ奉リ丹波ノ源九郎御曹司澄之ヲ細川ノ家督ニ立京兆ノ家ヲ相續シテ六郎殿ヲ退ケ三好黨
 ナ亡スヘシト謀叛一決シケレハ頓而政元ノ右筆戸倉ト云者ヲ語ラヒ置同六月二十三日政元
 ハ例ノ如ク愛宕精進齋シテ沐浴ノ爲ニトテ湯殿ヘ立入給フ處ヲ戸倉スルノト走り寄テ
 終ニ政元ヲ刺殺シヌ于時生年四十二歳無慙ト云モコトハリ也此時シモ常々政元ノ傍ヲ不離
 近仕シケル波々伯部ト云ケル小姓ノ童何意モ無ク湯明衣ヲ持來シ處ヲ戸倉是ヲモ切付ケリ
 薄手也ケレハ後ニハ蘇生ノ一命ヲ助リ疵モ漸ク愈タリケル政元敢無ク亡ケレハ香西藥師寺
 カヲ得テイサ此次而ニ六郎殿ヲモ討取ント同廿四日香西又六同孫六同彦六兄弟多勢ヲ率シ

澄元ノ館へ押ヨスル三好高島等思儲シ事ナレハ百々ノ橋ヲ相隔ス先途ト防戦フ敵方ノ戸倉一陣ニ進ミ來ル處ヲ波々伯部キツト是ヲ見テ昨日深手ハ負ケレ共ヲノレハ正シキ主君ノ敵也遁スマシト名乗リカケ散々ニ突合ヒ終ニ鍵ニテ戸倉ヲ突伏セ郎黨ニ頸ヲソ取ラセケルアツハレ忠義ノ若武者哉ト皆人はヲ褒タリケル又澄元ノ方ヨリモ奈良修理進元吉ト名乗テ出香西彦六郎ト太刀討シテ終ニ彦六ヲ討捕タリ同又六郎モフカデ負ケルカ翌日死ス奈良元吉モ深手負ケレハ屋形ノ内へ引テ入ル大將澄元モ三好高島モ心ハヤタケニ勇メ共合戦不意ニ起テ味方纔ノ小勢ナレハ防難ク見ヘニケルヲ三好高島等評議シテ斯ヲハ先ツ落行テ重而本意ヲ遂ヘシト主君澄元ヲ守護セシメ江州差テ落行ケリ同廿五日此比中三好等カ居住セシ佛陀寺ヲ焼拂フ洛中洛外騷動シ又大亂トソナリニケル然レハ此變ヲ幸トシ中國ニオハシマス前將軍家御蜂起有ヘシ先ツ是ヲ防キ止メラレヘシトテ京都ノ公方家ヨリ中國ノ味方エ御内書ヲ被ニ差下一ケリ

就右京大夫生害之儀都鄙可レ及ニ大變ニ候然者今出川可有ニ出張ニ候所詮其以前罷向取懸可レ致ニ合戦ニ候抽ニ軍忠ニ者尤以可レ爲ニ神妙ニ猶貞宗朝臣可レ申候也

七月五日

御判

毛利治部大輔トノ

如レ此ノ趣各々へ被ニ仰下ケル

○源九郎澄之最期事

是ヨリ先キ政元ヨリ亂國退治ノ將帥トシテ丹後國へハ赤澤澤藏軒宗益ヲ被ニ差越ニ相從フ人数三百餘騎河内國へハ宗益弟ノ福王寺并喜島源左衛門和田源四郎ニ大和攝津ノ勢ヲ差添ヘ遣シ置レタリケレハ彼國々ニテ日々ノ合戦ニ每度味方勝利ヲ得テ國人數多歸服シケル處ニ政元切害ノ變異ヲ聞テ味方ノ軍勢騷動シ皆散々ニ落失ケル程ニ敵共今更蜂起シテ數日ノ軍功空シク成リ剩ヘ多勢ニ無勢當リ難ク味方ノ軍兵悉討取ラル流石ニ此近年鬼神ノ如ク呼ハレタル澤藏軒入道宗益モ歸陣叶難シテ丹後ノ國久世戸ノ文殊堂ニシテ國人ニ取詰ラレ宗益自害シ失ニケリ去程ニ京都ニハ香西藥師寺相談シ同七月八日丹波ノ源九郎澄之ヲ迎取り是ヲ京兆ノ跡目管領職ト仰ケル因レ茲同十一日澄之ノ沙汰トシテ故政元ノ葬儀ヲ營ム此澄之實ハ九條殿ノ御子ナルニ其人カラモ麗シク禮儀作法モ賤シカラテハ今更公家武家モテナシマヒラセタリケルカ洛中ハ要害ノ地ニアラストテ丹波ヲ後ニ當テ巖峨ニ住居シ給ケル元ヨリ公方家モ御許容アリ江州ノ六角モ味方ニ參リケル程ニ山城國守護代香西又六郎元近藥師寺三郎左衛門等思ノマ、ニ威ヲ振フテ一家ノ權柄ヲ司リ榮華ニ誇テ明シ暮ス角シテ程モ無ク五十餘日ヲ過ケル處ニ三好之長ハ才智有ル勇士ニテ六郎澄元ヲ相伴ヒ近江國甲賀ノ谷エ落行キ山中新左衛門ヲ頼ンテ近江伊賀ノ軍士ヲ催シ一家ノ細川右馬助同民部少輔淡路守護等一味シテ且又秘計ヲ廻シテ畠山家ヲ頼入り大和河内ノ勢ヲ招キ程無ク人数ヲ引具シテ同八月朔日京都ヲ差テ攻上ル昔ヨリ主君ヲ伐タル惡逆人ニ誰與スヘキ様無レハ在京ノ諸人等香西藥師寺ヲ背キ捨テ我モ我モト澄元ニ馳加リ程無ク多勢ニ成ケル程ニ頓而澄元大將トシ

三好ハ軍ノ差引シテ九郎澄之ノ居給ケル嵯峨ノ嵐山遊初軒エ押寄一度ニ関ノ聲ヲ揚テ入替々々攻カ、ル館ノ内ヨリ高聲ニ九郎殿ノ御内一宮兵庫助ト名乗リ懸ク一番ニ切テ出甲賀勢ノ望月ヲ初トシテ寄手七八騎切テ落シ終ニ討死シテングリ是ヲ軍ノ初トシ敵味方入亂レ散々ニ戰ケルカ九郎方ノ者共ハ次第ニ落失相殘ル香西藥師寺等斯ヲ先途ト防ケレ共多勢ニ無勢叶難ク終ニ藥師寺討死シケレハ香西又六郎元近モ流矢ニ當テ亡ケリ波々下部伯耆守ハ澄之ニ向テ申ケルハ君ノ楯戈ト思シ召ス一宮香西藥師寺等モ討死仕リ味方彌殘リ寡ク敵ハヤ四面ヲ取圍ンテ今ハ遁レヌ所也敵ノ手ニ懸ラセ給ハンヨリ御自害然ルヘシト云フ九郎澄之ソレハ覺悟ノ前也トテ硯ヲ出シ文ヲ書キ父ノ殿下母ノ政所ヘ參ラスヘシトテ同朋ノ童ニ渡サレケル其文ニハ澄之此年月丹波ノ國ニテ物憂カリシ事共又御二人ヨリ先立テ角亡ヒ果參ラセ御歎ヲ殘ス悲シサトヲ書ツ、ケ給ツ、奥ニハ一首ノ歌有ケリ

梓弓張テ心ハ強ケレト引手スク無キ身トソ成ケル

扱鬢ノ髮ヲ少シ切添ヘ泪ト共ニ卷籠テ名殘惜クニ渡サレケル其場ヲ不レ去澄之ハ今年十九歳ヲ一期トシテ雪ノ肌膚ヲ押ハタヌキ尋常ニ腹切り死シ給ヘハ波々下部伯耆守頼而介錯シ奉リ其身モ其ニテ腹切テ館ニ火ヲ掛ケ燒死ケル此人々ヲ始トシ香川安富等討死ノ面々自害ノ者都合百七十人トソ聞ヘシ寄手ノ大將澄元ハ養父ノ敵ヲ討取リ三好ハ主君ノ讎ヲ報シ香西兄弟藥師寺等數多ノ頸共取持タセ悦ヒ勇ンテ歸洛セシム澄之ノ同朋ハ乳母ノ局ヲ伴ヒテ九條殿ヘ落行キ記念ノ文ヲ奉リ最期ノ有様語リ申シ上ケレハ父ノ殿下政基公モ母ノ北ノ政

所モ御歎限無トカヤ

應仁後記卷之中終

應仁後記卷之下

○細川六郎澄元任管領職事

丹波ノ九郎澄之滅亡ノ後細川六郎澄元ハ公方家ノ管領ニ推成テ右京大夫ニ任官ス于時行年十四歳此人心ハ剛ナレ共未タ若冠ニテ諸事ノ巨細ヲ知サル故政務ヲ行事不叶萬端ハ後見三好之長ニ委附セラル之長其頃剃髮シテ希雲居士ト稱シ嫡子下總守長秀ヲ澄元ノ執事トシ父子相共ニ彼家ノ權ヲ執リ公方管領ノ大小事ヲ心ノ儘ニ執リ行ヒ諸人ニ無禮ヲ不憚驕ヲ極ケル程ニ幾程無ク諸士ニ惡マレ所々ニ澄元ヲ背ク者コソ出來ケレ就中細川家被官ノ歷々京都ニ奈良修理進元吉攝州ニ伊丹兵庫助元扶丹波ニ守護代内藤備前守貞正等一味同心ニ相談シテ九條殿ヘモ其好ミ有ケレハ殿下ヨリモ被ニ仰合先ツ其器量モ勝レツ、細川一類ニ今無雙人ナリトテ細川民部少輔高國ヲ四國ヨリ呼上セ管領若冠ノ内ハ此人在京シテ政務ノ後見セラルヘシト也外ニハ箇様ニ名付ケレ共内ニハ密ニ相計テ此高國ヲ故澄之ノ跡目ト稱シ澄元ヲ退ケテ三好ノ輩ヲ亡スヘシト相企テ所々ノ味方ヲ相催ス九條殿下モ今更ニ御心移ラセ給ヒ正シク故澄之ノ怨敵ナレハイカニモシテ三好家ノ者共ヲ失マホシク覺サレケル高國ハソレヨリシテ伊勢參宮ト稱シ京ヲ出テ攝津丹波一味ノ輩數多催シ中國ニオハシマス前將軍家義植卿ヘ申通シ又兵亂ヲ企テ諸國ヲ反覆セシメシ故ニ永正五年ノ夏ノ頃中國ノ多勢攻上ル由聞ヘシカハ澄元方ノ人々此小勢ノ分ニテハ大敵防キ難カルヘシ一先ツ身ヲ隱シ重而人數ヲ相催シ大功ヲ立ヘシ迎同四月九日ノ夜大將澄元ハ京ノ宿所ヲ自燒シテ坂本ヘ落行ケレハ

三好父子モ没落ス頓而翌十日民部大輔高國ハ即歸洛シタリケル扱澄元ト希雲居士ハ又江州ヘ忍行テ甲賀山ノ山中新左衛門ヲ頼シテ居ケリ三好下總守長秀ハ勢州サシテ落行ケルヲ其比ノ伊勢國司北畠材親卿ハ高國ノ聲也ケル故討手ヲ差向ケ攻ラレケルニ長秀終ニ打負テ山田ノ中島ト云所ニシテ其弟頼澄等主從十二人自害シテ死失ケリ公方家義澄卿モ京都ノ御住居叶難ク思召サレ同月十六日御所ヲ開キ落サセ給テ忍而江州ノ朽木谷ヘ入ラセ給ヒ其レヨリ三四年當國ニソマシケル

○前將軍家御歸洛御還職事付盜賊御誅伐事

去程ニ前將軍家義植卿ハ去ル明應二年ヨリ京都ヲ退去マシケレテ防州ノ大内介義興ヲ頼マセ給ヒ同國山口ノ館ニマシケレテ今年永正五年マテ其間十六年御蟄居有ラセ給ケルカ御運ヲ開カセ給ヘキ時節到來セシ故ニヤ政元澄之滅亡シテ京都ニ障ル事ナケレハ今ハ御歸京有ヘシトテ中國ヲ立セ給同四月廿七日泉州堺ノ津マテ御上著有リ斯ニテ義尹ト御改名有シト也扱御供ノ人々大内左京大夫義興畠山尾張入道ト山ヲ始トシ此年來味方ニ參テ御歸洛ノ時ヲ待得タル西國ノ大名共大友備前守親治大宰新少貳教頼松浦原田山鹿宗像酒殿宇佐千手立石秋月等其外都合三萬餘騎御供申テ攻上ル五畿内近隣ノ諸大名我モ我モト降參シテ御勢ニ加リケル程ニ御歸洛ノ御供程ヲ六萬餘騎トソ聞ヘシ加様ニ皆人降參シケルニ攝州ノ住人池田筑後守ハカリ澄元ノ味方ヲ不變シテ池田ノ城ニ楯籠ル頓而細川高國ヨリ從父兄弟ノ中務丞尹賢ヲ差遣シ同五月上旬ヨリ池田ノ城ヲ攻ラレケルニ城兵少モ不屈ノ筑後守數度ニ於

テ切テ出寄手ハ毎度打負ケリサレ共此城後詰モ無ク兵糧モ盡果ケレハ一族池田遠江守降人ニ成テ城ヲ出ル相殘軍兵共今ハ不可叶トテ同氏廿餘人雜兵七十餘人切テ出寄手ノ多勢ヲ追拂ヒ城中ヘ引返シ于レ時五月十日筑後守ヲ始トシ一族七十餘人一同ニ腹切テ城ニハ火ヲ懸ケ燒キ捨ケリ是程移リ替ル世ノ中ニ池田一人心ヲ不レ變討死シケルハ名譽也トテ皆人美談セシメケリ同六月八日前將軍家御歸洛有リ洛中洛外ノ貴賤賀シ悦フ同月十日御參內有ケレハ公卿殿上人サシツドヒ參ラセテ珍シキ事ニ思テ寄セ賀シ奉テゾヨメキケリ其中ニ九條殿下政基公ハ前將軍家ノ御手ヲ取ラセ給ツ、足下ノ早ク上ラセ給ハ、ヨモ九郎ヲハ討スマシキ者ヲトテ御落涙トソ聞ヘケル或書云ク永正六年六月十七日三好筑前守父子等自ニ近江國ニ出ニ張於如意嶽ニ取レ陣及ニ三千人ニ云々午刻京兆^高被官其外大内衆杉陶等畠山被官遊佐衆悉皆二三萬人向ニ彼嶽ニ今夜可ニ攻落ニ之處夜半以後甚雨其隙三好以下落行秋岡以下奉公衆神部被討生捕及ニ六十人ニ開陣也云々抑今度前將軍家御歸洛有テ御本意ヲ遂ラル、事且又此年月様々ノ介抱皆是大内介カ忠孝故也トテ其恩賞ニ義興ヲ管領代ニ被ニ成下ニ抑往古ヨリ斯波細川畠山此三家ノ外管領ニ任スル例無キニ義興希代ノ公恩也ト其比皆人目覺キ事ニソ申シケル頓而禁中宣下有テ同七月朔日義植卿ヲ從三位權大納言ニ拜セラレ征夷大將軍ニ再任セラル凡ソ公方家ニハ此例有ト云ヘ^此武家ノ將軍再任ノ義是始トソ聞ヘシ頓而其日義澄卿ヲハ解官セラレケル程ニ前公方トソ申シケル法住院殿是也翌年三條殿ノ古御所ヲ點檢シテ御殿ノ造營有ケル比假御所ニマシノケルニ永正六年十月廿六日ノ夜御酒宴ノ後御寢所ヘ入ラセ給

ヒ番衆沈醉ノ隙ヲ伺テ同夜ノ子ノ刻ハカリニ盜賊共殿中ヘ忍ヒ入り御重寶ヲ奪取ケリ醉臥タル當番ノ面々油斷ノ知サリケレハ盜賊安々ト御寢所ヘ忍入タリシヲ將軍少シモ騷カセ給ハス御寢卷ノ小袖ハカリヲ召レ御太刀ヲ拔給テ夜盜ノ輩ヲ即時ニ四人切リ伏セ給フ然レ共九箇所ノ御手疵ヲ蒙ラセ給ケリ或説ニ御手疵ハ七箇所ニテ勸阿彌ト云ケル同朋盜賊ノ手引ヲシタリ共云フ何レノ道ニモ危カリケル御事天運ニ叶ハセ給フ故ナカラアツハレ武勇ノ御舉動哉ト皆人感シ奉ル御疵療養有テ程無ク御平愈也シカハ同十二月十九日表御所ヘ出御有リ大名小名御太刀御馬獻上シテ各々參賀シ奉リ御祝儀斜ナラサリタリ此時又禁中ヨリ御轉位ノ宣旨有テ從二位ニ任シ給ケル

○前公方家御沒落事

今茲永正六年ノ秋八月七日ノ夜大地震夥シ其レヨリ以後七十餘日震動猶止サリケレハ國々ノ堂社佛院大厦民屋顛倒スル事其數ヲ不知多カリケルニ此時天王寺ノ石ノ鳥居モ倒レニケリ剩ヘ八月廿七日同廿八日ニ遠州ノ海邊夥ク波打來テ數千ノ在家ヲ流シ捨テ死亡スル者數ヲ不知陸地三十餘町悉海ト成テ旅人俄ニ船ヲ設テ往行ス其レヨリ此所ヲ今切^ギノ渡リト名付ケリ誠ニ亂世末代ト云ナカラ類稀ナル災變也去程ニ前公方義澄卿ハ細川澄元三好入道御供ニテ江州ニマシノケルカ主從一所ニ蟄居シテハ大義ノ計畧難カルヘシトテ澄元三好ハ阿波ノ國ヘ忍行キ四國ノ味方ヲ催ヘシトテ暇ヲ賜リ渡海セシム前公方家ハ當國ノ九里カ崎ヘ渡御成テ九里備前守ヲ賴マセ給ヒ深ク忍テ御坐有ケル諸國ノ大名等皆分國ノ亂ニ隙無シテ

味方ニ參ル者無レハ只當國ノ住人六角四郎高頼ヲ深ク頼マセ給ケル此由京都へ聞ヘシ程ニ翌年ノ春數千ノ討手ヲ江州へ被ニ差向ニ同二月十四日六角勢山門ノ衆徒ト一味シ敵山ニ楯籠ルヲ寄手取卷キ攻ケル處ニ六角一家ノ多勢ヲ以テ彼表へ後詰シ同月廿日合戦ヲ遂ケルニ京勢打負歸洛セシム或記云ク永正七年二月十六日爲ニ近江國伊庭九里等退治ニ細川京兆高被官遁世者當阿彌號ニ雲龍軒ニ向ニ打手ニ也物大將右馬助云々今日晚景右馬助出陣也細川京兆稱レ行ニ鷹野ニ相向在ニ今熊野ニ廿八日雨降雲龍軒攻ニ九里ニ之處合戦雲龍軒并戸田等大零被レ討殘軍勢共被ニ追散ニ云々三月五日細川就ニ近江義ニ可ニ遁世ニ之由風聞然間室町殿御ニ參詣今熊野被レ宥細川ニ仍今日細川歸京云々且又江北ノ守護京極大膳大夫高濑ハ六角ト中惡シテ常ニ合戦止サリタレハ今度モ京都ノ味方トシテ多勢ヲ遣シ江南ノ佐和山ノ城ヲ攻ル六角是ヲ防カントテ一家ノ人數ヲ引具メ佐和山ノ城へ後詰シ同三月十八日鳥井本ト云所ニシテ一戦ヲ遂ル六角勢散々ニ打負漸々江南へ引歸シヌ其後又軍起テ六角京極敵味方愛智川ヲ隔テ對陣シイツ果ヘキ事共不見ヘ去ニ因テ六角ハ續テ京都へ攻上ルヘキ義勢モ無ク唯分國ヲ治ントシ江州ノ亂ニ手透ヲ不得ノ年月ヲ送リタル翌年ノ春前公方家ハ九里カ館ニテ二男ノ若君御儲有リ角テイツ迄當國ニ御座有テモ此亂中ニ六角ヲ頼マセ給テ御本意ヲ遂ラレ難シ其上此比ハ京都ノ大樹ヨリ様々仰下サレテ密々六角モ京都へ心ヲ傾ル由告知ラセ申ス人有ケレハ旁以當所ニハ御坐有ヘカラストテ今茲永正八年ノ春彼若君ヲ御同途有テ九里カ崎ヲ御退去有リ道々忍テ御成有テ播州へ御開キ彼國ノ守護赤松左京大夫義村ヲ頼マセ給フ義村ハ應仁

ノ亂ニ武功ヲ立タル次郎法師政則カ家督ニシテサスカノ大名其上忠貞陳カラヌ者ナレ共是モ家人浦上ヲ始トシテ國人等逆亂シテ騒動ノ最中ナレハ早速ノ御用ニ立難シサレ共御請申シ上テ奔走申シ上ケレハ斯ニ暫ク御安坐有テ二男ノ若君ヲ義村ニ預ケ下サレケリ此若君後ニハ公方トナラセ給シ義晴卿ノ御事也是ヨリ先ニ前公方家嫡男ノ若君有ケルヲハ細川澄元預リ參ラセ阿波ノ國へ御渡海有テ四國ノ者共カシツキ參ラセ杳ニ年經テ後左馬頭義維ト申シ奉リシ阿波ノ御所トハ是也抑前公方家二人ノ若君ヲ澄元義村ニ御渡シ有シ事一ツハ此兩人無二ノ忠臣ナル故ニ此面々ノ心ヲ擊セ給ヘキ御謀ノ爲也一ツハ又戰國ノ最中ナレハ御父子分レ分レニ御坐有テ何地ニテモ一方ハ御運ヲ開カセ給ヘキ御巧トソ聞ヘケル最ニ淺カラヌ御思慮ナルヘシ扱モ細川澄元ト三好希雲入道ハ其比四國ニ有ケルカ是モ播州へ尋來テ前公方家ト相共ニ赤松ヲ頼ミ國人共ヲ様々ニ相頼ンテ近日四國ヨリ多勢ヲ催シ京都迄攻上ラシ時各モ手ヲ合セテ出勢シ給ルヘキ由色々ニ懇望申シケレハ國人共モ漸ニ同心シテサラハ其時播州勢モ攻上ルヘキ由約諾ス國守義村ハ本ヨリ同心一味シケリ

○四國勢攻上攝州合戦事 付前公方家御逝去事

澄元希雲等播州勢ト一味シテ又様々ニ秘計ヲ廻ラシ河州ノ畠山上總介義英ヲモ相語ラフ四國ノ者共細川一家ノ輩ハ本ヨリ同心ノ味方也和泉守護元有モ與力シテ人數ニ不足アラサレハ同秋七月細川右馬頭政賢ヲ指南トシ澄元ト兩大將ニテ多勢ヲ催シ渡海シテ和泉國マテ攻上リ深井ノ庄ニ陣取タリ此由京都へ聞ヘケルニ折節在京ノ勢寡ケレハ高國先ツ五百餘騎ヲ

攝州へ差下ス此勢萬代ノ庄ニ陣取タルニ四國勢モ不寄來空ク日數ヲ送リケレハ同七月十三日京方ノ兵深井へ押寄セ輕々敷ク合戦ヲ始ケルニ澄元勢ノ横合ニ駈立ラレテ京方悉打負同國堺ノ庄へ引退ク勝ニ乘テ澄元勢ハ中島邊迄攻入タリ攝州兵庫ノ津へハ細川淡路守成春兵船ヲ着ク押上ツテ難波ノ庄マテ攻上レハ高國方ノ勇士河原林對馬守正賴同國蘆屋ノ庄ノ上ナル鷹尾ノ城ニ楯籠テ是ヲ防キ留ントス淡州ノ軍勢等此城ヲ攻落サントテ深井ノ庄ニ陣取タリ正賴此由ヲ京都へ注進シタリケレハ高國馬廻柳本宗雄其子波多野孫左衛門能勢因幡守荒木大藏少輔長鹽等三十餘頭ノ人數ヲ遣シ河原林ヲ援ハレケルニ此勢七月廿六日蘆屋ノ原ニテ淡路勢ト取合既ニ軍始リケレハ鷹尾ノ城ニ籠居タル河原林是ニ氣ヲ得テ城ヲ拂テ切テ出テ横合ニ突崩セハ淡州勢悉ク切立ラレテ數百人討取ラレ漸々退陣シテ日ヲ送リ居タル處ニ播州ノ赤松勢約束ヲ不變打立テ同八月初ツカタ攝州へ攻上ル大軍防キ難キガ故ニ京勢當所ヲ引拂テヌケノ歸洛シケレハ同キ八日九日播磨淡路ノ大軍鷹尾ノ城ヲ取卷息ヲモ不繼セ攻ケル程ニ流石ニ剛ナル河原林モ二日目ノ合戦ニ精力盡果テ同日ノ夜ニ紛レテ城ヲ出テ落行ケリ播州勢ハ手合セノ軍ニ打勝テ其レヨリ同國伊丹ノ城ヲ攻居タリ去程ニ四國五畿内播州ノ御敵一同ニ蜂起シ大軍京都へ攻上ル由聞ヘケレハ大内義興モ細川高國モ此小勢ニテ防ヘキ様ナケレハ一先ツ京都ヲ御退去有テ重而諸國ノ味方ヲ催シ頼而御歸京有ヘシトテ同八月十六日將軍ヲス、メ奉テ義興高國御供申丹波國へ落行當國ノ守護代内藤備前守貞正カ館ニソマシケル政賢澄元大ニ悅ヒ山中新左衛門九里以下ノ多勢ヲ引具シ京入

ノ小川ノ屋形ヲ本陣トシ諸士洛中ニ充滿タリ前公方家聞召サレ是モ御歸洛有ヘシトテ播州ヲ御立有テ江州ニ着カセ給ヒ岡山ノ城へ入御有ケルカ御運ヤ盡タリケン俄ニ重病ヲ受サセ給ヒ醫療ノ力不レ及ノ永正八年八月十四日前公方義澄卿終ニ當城ニテ御逝去有ケリ御年未タ三十二歳衰ナリケル御事也御法名ハ旭山清晃即是法住院殿ノ御事也或記云永正八年七月廿七日京勢自攝州開陣八月十五日京勢并右馬助在^{山崎}之處南方敵西岡衆蜂起之間落^{行丹}波云々十六日今朝敵就^可出京^{室町殿}細川大内以下落^{行丹}波不^及弓矢^{武家}御所燒失云々今日敵右馬頭以下上洛近江御所^澄細川澄元未^{上洛}廿二日竹内刑部大夫就^{上洛}物忿云々

○佐々木六角四郎高賴參將軍味方事

去程ニ將軍家ハ内々秘計ヲ廻ラサレ今度モ色々ニ宥メ仰下サレテ江州ノ佐々木六角四郎高賴ヲ賴マセ給フ抑當國ノ兩佐々木家ト申ハ共ニ人皇五十九代宇多帝ノ後胤佐々木源三秀義カ末孫也六角ハ佐々木一家ノ惣領ニテ一類國人彼下知ヲ不^輕京極ハ庶流ナレ^先祖佐渡判官入道道譽ト云人等持院殿御舊友ニテ忠功多キ人ナル故代々公方家御寵臣于今四職ノ隨一也近年ハ六角家武威強ノ彌々江州ヲ打靡ケ近國マテモ威風ヲ懼ル然ルニ今將軍家ヨリ様々ニ上意ヲ被^成下^{義興}高國モ賴^遣シケレハ終ニ六角高賴モ將軍ノ味方ニ參ケリ其比高賴任官ノ大膳大夫ト申シケルカ餘ニ老衰シタリトテ一男ノ龜壽丸ニ家ヲ讓リ是ヲ六角近綱ト云クルカ片足短シテ立居不自由也其上武勇モ勝レサレハ公方ノ御大事ニハ立カダキ

人也又高頼ノ二男吉侍者ト云人禪僧ニテ相國寺ニ居給ケルカ是ハ心モ剛ニシテ器量アル人ナレハイサヤ取立參ラセント彼家ノ宿老共多賀備後守田中四郎兵衛蒲生下野守等相談ヲ調ヘ將軍ヘ令ニ言上ニ今度吉侍者還俗シテ六角四郎定頼ト名ノラセ是ヲ高頼ノ名代トシ將軍家ヘ奉リ御禮申上ケレハ將軍家御大悅マシクテ即定頼ヲ執奏有テ彈正少弼ニ任セラレケリ此時定頼木刀ヲ腰ニ指シ將軍ノ御前ヘ出ラレケルヲ是ハ如何ニト御尋有ケルニ其時定頼某ハ本出家ノ身ニテ刀ヲ不ニ持申ニ候ト答ヘ申シ上ラレケレハ將軍家笑ハセ給ツ、即時ニ國行ノ御ハカセヲ賜リケルトソ聞ヘシ

○船岡山合戦事

同秋將軍家ハ丹波ノ國內藤カ館ニマシクケルカ諸方ノ御味方牒シ合サレケル程ニ多勢ヲ從ヘ京都ヲ差テ攻上ラセ給ケル御供ノ人々ニハ大内左京大夫義興畠山尾張入道ト山細川民部少輔高國同式部大輔高基伊勢兵庫頭貞宗齋藤法印妙椿土岐美濃守成頼佐々木彈正少弼定頼同中務大輔勝秀大友備前守親治畠山修理大夫義元遊佐彈正忠石黒左近大夫多田治部大夫進士九郎小坂神保長九郎左衛門朝倉彈正左衛門同太郎左衛門等都合御勢三萬餘騎ト聞ヘケル在洛ノ四國勢小川ノ館ニ在ケルカ攻上ル敵ヲ防ントテ紫野ノ上ナル船岡山ニ砦ヲ構ヘ大將細川右馬頭政賢相從フ輩畠山上總介義英ノ執事遊佐河内守四國勢ニハ三好入道希雲居士同山城守等一萬餘騎ニテ陣ヲ取り寄來ル敵ヲ待懸テ大徳寺今宮邊迄透間モ無ク扣ヘタリ細川右京大夫澄元ハ丹州ノ住人竹内刑部大輔等五百餘人ヲ相從ヘ小川ノ屋形ニ留テ船岡山

ヘハ出サリケリ去程ニ同八月廿三日將軍ノ御勢大内細川ヲ初トシテ多勢丹州ヨリ攻上テ西山ニ篝ヲ燒ツ、ケ雲霞ノ如ク夥シ明レハ廿四日辰巳ノ刻多勢山上ヨリ手ヲ分テ柳本宗雄等ハ今宮林ヘ差向ヒ大内勢ハ舟岡山ヘ差向フ將軍ノ御本陣ハ長坂山ニ備ラレ先驅ノ御勢齋藤法印ノ手ノ者土岐佐々木六角カ勢共我劣シト一番ニ寄來ルヲ畠山家ノ遊佐神保湯川平等斯ヲ先途ト防ケレ共悉切立ラレ立足モ無ク引退ク二番ニ内藤備前守島村彈正河原林等息ヲモ不繼セ攻驅ル荒手ノ大勢ニ透間モ無ク切立ラレテ義英カ陣代遊佐河内守同彈正忠等ヲ始メトシテ悉討死シ畠山家ノ者共殘リ寡ク成果既ニ危ク見ヘケル處ヲ大内介義興カ先陣陶三河守興房横合ニ進ントテ切崩ス此時興房カ家人宮川甲斐守ト云者生年十六歳名譽ノ鎧ヲ合セテ高名シタリケル程ニ軍散ノ後將軍家御褒美有テ御感狀ニ添ラレ御太刀ヲ下シ賜ケリ其レヨリ敵味方入亂レテ思々ニ攻戰フ大内介カ馬廻勢五百餘騎ニテ切テ驅レハ三好入道父子ノ兵是ヲ防キ戰フ處ニ義興自身重代ノ長刀ヲ提ケ眞先ニ進テ敵三騎薙伏セ三好父子ニ渡リ合自身ノ切り合ヒ度々ニ及フヲ互ノ郎黨驅隔テ不惜身命攻戰ヒイツ果ヘシ共見ヘサリケル竹内刑部大夫モ小川ヨリ助ケ來テ敵五騎切テ落シ其後鎧ヲ執テ數回突戰比類ナク相働ケレ共佐々木彈正少弼定頼馬廻リ荒手ノ勢只一文字ニ横合ヲ入テ切立ケル程ニ終ニ政賢三好父子モ敗軍ノ小川ヲ差テ引退ク竹内刑部大夫モ十騎許ニ討ナサレシカ終ニ主從留リ切死シタリケル去程ニ四國勢散々ニ討負ケ此上ハ何トソシテ京兆澄元ヲ落シ申セトテ大將右馬頭政賢ハ小川ノ屋形ニ落留リ殘徒ヲマトメ防矢射テ羅漢橋ニテ討死シケリ其隙ニ三好父子ハ澄

元ヲ伴フテ難無ク攝州へ落行ケル大内勢細川勢今日京都へ入り替ル惣テ此軍ニ四國方討死ノ數二千三百餘人ト記ス中ニモ大將政賢ハ當時一家ノ名將ニテ澄元ニハ妹婿也又御所方ノ戸部高國ノ爲ニモ正シク小舅ニテ有ケレハ敵モ味方モ惜合ケリ其外細川和泉守護并遊佐山中竹内等宗徒者共討死シテ今日御所方大ナル御勝軍御威勢遠近ニ震ヒシカハ此比迄播州ノ赤松勢攝州ニ留リ居テ伊丹城ヲ攻タリケルカ船岡山ニテ四國勢敗北ノ由ヲ聞テ伊丹城ヲ卷ホクシ生瀬口ヘソ落行ケル

○江州九里備前守誅伐事

將軍家御本陣ハ高雄山ニ御坐有テ民部少輔高國モ御供ニ侍シカ今度合戰御勝利ニテ御敵政賢ハ討死シ澄元ハ落行ヌ洛中無爲ニ歸シケル程ニ同九月朔日將軍家御歸京有テ妙本寺ニ御寄宿有リ貴賤大平ヲ賀シ皆人安堵ヲ相悦フ抑近年大内介カ介抱莫大ナル處ニ今度又船岡ノ軍功皆是義興カ忠節也トテ將軍家大ニ御感マシ／＼ケレハ當時天下ノ政務皆義興ヲ宗トシ管領ニ替ル事無キ故諸人悉ク崇敬之ノ扱又江州ノ住人九里備前守山中新左衛門等先年ヨリ三好ト一味シ動レハ前公方家ヲ隱シ參ラセ再亂ノ張本人也山中ハ其頃討死シ九里ハ六角家へ隨身セリト云へ共後難計リ難ク每度彼家ノ下知ヲモ輕ンシケル程ニ六角高賴モ後メタクテ過ラレケルニ今度嫡子定賴ノ將軍家ノ味方申船岡山ノ軍功故ニ是モ執奏有テ從四位下ニ叙シ下サル然レハ君恩報謝ノ忠ニ事寄セテ九里ヲモ失ハハヤト思ヒ密ニ將軍家へ言上シテ先頃再亂ノ張本人九里備前守ヲ伐申ヘク候トテ即加勢ヲ申請ケリ然レ共彼者ハ九里カ崎

ト云究竟ノ要害ニ多勢籠居タリケレハ合戰ニテハ討難シト定賴又深ク知謀ヲ廻ラシ知ラヌ體ニテ近日定賴ハ伊勢參宮ニ赴ヘシ九里ヲモ同道スヘシト種村三河守伯修理進田中二階堂ノ者共ヲ供ニ連レ定賴纒ノ體ヲシテ九里カ館へ入來ス九里備前守悦テ様々ニ響應シ數獻ノ酒ヲ勸ケルニ定賴モ供ノ者共モ皆以沈醉シ定賴ハ醉伏ストテ備前守カ膝ヲ枕ニシ空寢入シテ居タリケル九里ハ是ニ打窺キ油斷シタル處ヲ兼而期シタル將軍ノ御加勢其外多賀吉田永原等二千餘騎ニテ館ヲ取卷闕ヲ作テ攻入ケル其時定賴驚タル風情ニテコハ如何ト云マハニ太刀ヲ拔持備前守ヲ切殺シ殘徒一々誅伐シテ無難打勝本望ヲ遂ラレケル

○斯波今川於遠州一軍事付朝倉出身事

是ヨリ數箇年洛中ハ治リケレ共諸國ノ兵亂ハイツ果ヘシ共不見へ就中斯波家ノ領國ハ越前尾張也遠江國ハ本今川家領地セシテ是モ中比ヨリ斯波家ノ領ト成來ルニ今又斯波家衰ヘテ今川家ハ應仁ノ亂ニモ不相雜ニ威猛ニ遠州ヲ押領セルトス其比三河國臥蝶ノ住人ニ大河内備前守欠綱ト云者有リ本ハ當國ノ守護吉良氏ノ家禮也シカ近年國中ニ武威ヲ振テ遠三兩國ノ士ト相親ミ一揆ヲ語ヒ黨ヲ結テ惡逆度々ニ及フ此欠綱先祖ハ源三位賴政ノ二男源太夫判官兼綱ヨリ十一代ノ末孫ニテ家ノ紋丸ノ内ニ十六葉ノ菊ヲ着ケレハ皆人菊一揆トノ號シケル此時今川修理太夫氏親ハ領國駿河ニ居住シケルカ如何ニモシテ大内介義興カ如クニ上洛シ公方家へ忠ヲ盡シ大功ヲ立ント企ケレ共路次ノ遠州尾州ハ皆斯波家ノ領國ニテ度々合戰ニ及ケレハ不遂ニ其功一此節大河内欠綱ハ斯波家ノ味方ト成テ信濃三河ノ勢ヲ語ヒ遠州

ヲ押領ス先ツ是ヲ退治ノ爲ニ永正十年ノ春三月氏親一萬ノ兵ヲ率シ遠州ニ打入テ笠井ノ庄
 楞嚴寺ニ陣ヲ取ヌ斯波治部大輔義達ハ尾州ノ勢ヲ率シ遠州ノ井伊次郎直親ヲ相伴ヒ深嶽ノ
 城ニ籠ラレケルヲ今川ノ先陣朝夷奈十郎泰以ト云者只一手ニテ深嶽山ニ寄來リ案内ヲ知テ
 一夜討シ忽城ヲモ攻落シテ數百人ヲ討捕ヌ尾州勢悉打負同國奥ノ山ニ引退ク大河内欠綱等
 散々ニ落失タリ翌年又甲州ノ武田次郎信昌兄弟矛楯シテ合戦ニ及ヒ氏親ニ加勢ヲ請ケレハ
 駿遠兩國ノ勢二千餘騎ヲ差遣ス此勢甲州勝山ノ城ニ籠リ居テ戰ニ隙無レハ相殘ル今川家ノ
 兵無勢ナラント推量シテ同正月ヨリ大河内欠綱又蜂起シ信濃三河尾張ノ一族并浪人共ヲ相
 語ラヒ又々尾州ヨリ斯波義達ヲ請待シテ遠州濱松ノ庄引間ノ城ニ楯籠リ天龍川ノ前後在々
 所々ヲ押領ス今川氏親是ヲ聞テ六千餘騎ノ兵ヲ率シ同年五月下旬遠州ニ發向シケルニ折節
 洪水夥ク天龍川ニ漲ケルヲ氏親川船三百餘艘ヲ竹ノ大繩ニテ悉繫寄セ船橋ヲ拵ヘテ多勢一
 同ニ押渡ル斯波勢モ川端ニ打出大河内高橋等矢軍シテ防ケレ共散々ニ切立ラレ又悉敗軍ス
 今度ハ遠引モ不叶纔五十餘町カ中ニ悉被追包テ城四ツ五ツニ楯籠リ同六月ヨリ八月迄相戰
 シカ後ニハ寄手ノ今川勢ヨリ駿州安部山ノ金彫ノ者ヲ呼寄セ城中ノ井水ヲ悉彫崩サセ水一
 滴モ無シケレハ城兵術計盡果同八月十九日引間ノ城々攻落サレ大河内欠綱同弟巨海新右衛
 門高橋以下楯籠ル軍兵千餘人討死シ斯波治部大輔義達ハ降人ト成テ出ラレケルヲ氏親ノ下
 知トシテ一命ヲ助ク普濟寺ト云禪院ニ入置キ義達今日ヨリ遠州ニ望ム事ナク自今以後堅ク
 今川家ニ向テ敵對スヘカラスト誓約ノ起請文ヲ取堅メテ剃髮黑衣ヲ着セ太刀刀ヲ奪取テ後

尾州ニ送り返サレケル是ヨリ斯波家ノ武威衰ヘ尾張ノ國人モ皆義達ヲ疎シケレハ彼下知
 ニ屬者無シ然レ共三州ノ住人戸田彈正少弼諏訪信濃守等猶大河内カ殘徒ヲ催シ遠州ニ亂入
 シテ合戦度々ニ及ケリ就中三州ノ堺舟方山ノ城代多末又三郎ト云者今川方ニテ在ケルヲ彼
 一揆等攻落シ又三郎討死シケレハ掛川ノ城主朝夷奈備中守泰以又兵ヲ將ヒ寄來テ船方ノ城
 ヲ攻取ル角ノ遠州ニモ合戦ノ隙無リシカ終ニハ國人等今川家ニ歸服シテ斯波家ハ衰ヘ果ニ
 クリ抑此斯波氏ハ足利氏族ノ中ニテモ嫡流ノ良家也其由來ヲ尋ルニ元祖上總介義兼ノ孫足
 利左馬頭泰氏ノ一男尾張守家氏ノ子尾張將監宗家ヲ始而斯波ト稱號ス宗家ノ孫尾張修理大
 夫高經ハ等持院殿ノ御時建武ノ亂中天下草創ノ初メ御敵ノ惣大將新田左中將義貞ヲ討取リ
 後ニハ越前尾張遠江ノ守護職ニ被任道朝禪門是也其後寶篋院殿ノ執事職ニ御頼ミ有リ此時
 始而此職ヲ天下ノ管領ト名付ラル道朝ノ舍弟伊豫守家兼ハ奥州ノ探題職ニ下サレ彼國ノ御
 敵北畠ノ餘類ヲ退治ス道朝ノ男子數多者リ一男陸奥守家長ハ建武ノ亂ニ鎌倉ニテ討死シ二
 男左京大夫氏經ハ九州ノ探題職ニ補シ鎮西ノ御敵菊池ヲ征ス三男左衛門佐氏賴遁世ノ後四
 男治部大輔義將父ノ家督ヲ相續シテ管領職ニモ三箇度迄被補任其ヨリ代々管領職ト成リ仁
 木細川畠山ニ相並ヘリ且又公方ノ御先祖ハ彼泰氏ノ三男次部大輔賴氏ヨリ御相續有ケリ是
 ハ賴氏ノ御母堂ハ北條修理亮時氏ノ娘ナレハ鎌倉執職ノ權威ニ因テ角定リタルトカヤ然ル
 ニ斯波家ハ代々尾張守ニ任セシ故ニ名氏ヲ尾張トモ名付ケ又應安年中ヨリ代々洛中ノ二條
 武衛陣ト云所ニ宅地ヲシメ居ケル故ニ武衛家共稱號シケリカ様ニ足利氏族ノ嫡流御當家代

々忠功ノ大名ナレ共時運衰ヘテ今カク微カシ果ケリ斯波家ハ角成果テ有テモ無キカ如クナルニ又彼家ノ被官人朝倉太郎左衛門敏景ト云者ヲ越前ノ守護代セサセ置カレケルニ此敏景應仁ノ亂後文明ノ比時節ヲ見合セ公方家ノ味方ト成テ主君斯波家ヲ押除テ越前國ノ守護ト成リ代々公方エ忠戰ノ功ヲ立ツ其後公方家ニテ日本六十餘州ノ大名守護都合六十六人ノ數ヲ定ラレシ時陪臣ヲモ入ラレケル程ニ此朝倉ヲモ其數ニ入ラレタリサレ共京童共ハ猶香箱ハリト異名シテ笑ケルトソ聞ヘシカ、ル凡下ノ者ナレ共果報ヤ善カリケン度々ノ忠戰功積テ永正十三年夏六月當時ノ管領代大内介義興ノ吹舉ニ依テ敏景カ彦孫朝倉彈正忠孝景ニ白キ傘袋虎皮鞍覆御免許有リ剩後ニハ次第ニ經上テ御相伴衆ニ加リケル誠ニ君臣盛衰ノ運榮枯一時ニ變易セリ

○大内介義興歸國事

去ル永正八年ノ亂ヨリ以來洛中無爲ニ治リ一戰ノ煩無レハ公方家御安坐マシ、テ今ハ當代心安シト大内左京大夫義興様々歎キ申シ上テ公務管領代ヲ辭退ジ將軍家ヨリ御暇ヲ申賜リ本國周防ニ歸國シケリ于時永正十五年八月二十三日此事既ニ相定ケレハ將軍家モ深ク名殘ヲ惜マセ給フ凡此廿餘年義興カ忠義軍功天下ニ並フ人無レハ其大功ヲ被感テ御執奏有ル故ニ今度義興ヲ從三位ニ宣下セラル且又今迄領スル處周防長門豊前筑前其外安藝石見山城合而七箇國ノ大守管領ニ封セラレ面目ヲ施シ歸國セシム抑此大内介ハ防州吉敷郡山口ノ城主トシテ累代ノ大名也其家傳ヲ尋ルニ來歷寔ニタヤスカラス人皇三十四代推古天皇十九年

辛未百濟國餘璋王第三子琳聖王子ト云ケル人歸服ノ爲ニ來朝シ周防國佐波郡多々良濱ニ船ヲ繫ク琳聖ノ子ヲ正恒ト云フ推古帝ヨリ多々良ノ姓ヲ賜事往々姓尸錄日本紀載之云々正恒始而館舍ヲ建テ大内ト號ス其後中絶シタリケルニ朱雀帝天慶ノ頃藤根ト云人彼家ヲ相續ス藤根ヨリ十代ノ後胤大内備盛ト云人後鳥羽院御宇源平ノ亂ニ軍忠有テ右大將賴朝卿ヨリ恩賞ニ預リ大内介ト號シテ千葉三浦ニ相並フ備盛四代ノ孫周防權介重弘ト云フ又小野氏共稱號シ六波羅ノ評定人也元弘建武ヨリ亂世ニ及テ重弘ノ孫大内周防權介弘世法名道階ト云シ入武威ヲ以テ周防長門石見三州ノ守護ト成テ終ニ武家ノ味方ト成ル其子左京權大夫義弘法名佛實號ニ香清寺當時無雙ノ名將也父ノ跡ヲ嗣テ三箇國ヲ領スル處ニ應安年中公方鹿苑院義滿公自ラ九州ニ御下向有テ菊池ヲ御退治有ケル時義弘先陣ヲ承テ軍忠ヲ抽ケル故ニ其恩賞トシテ豊前國ヲ賜リ合而四箇國ノ守護トナル其後明德ノ山名カ亂ニ又戰功ヲ抽テ紀伊和泉兩國ヲ加領セラレ六州ノ大守ト成ル然處ニ義弘君恩ノ餘リ日々奢侈ニ募テ終ニ公方家ノ命ニ背キ御敵ニ成ル故ニ應永六年己卯泉州堺ノ津ニ於テ義弘忽滅亡ス其子ヲ新介持世ト云フ幼年ナルカ故ニ幸ニ戰場ヲ遁レ去テ舊領ニ蟄居セシム鹿苑院義滿公寛仁大度ノ御政道ニテ彼家累代ノ忠義ヲ不ニ思召忘レ弘世ヲ赦免有テ義弘カ弟左京權大夫盛見ニ彼家ヲ嗣シメ紀伊和泉兩國ノ新恩ヲ滅シ殘而四箇國ヲ被ニ宛行ニ盛見孝弟ナル者ニテ能ク弘世ヲ撫慈シケルカ或時大内家ノ老臣鷲津刑部少輔弘爲ト云フ者謀叛ヲ企テ彼家ヲ傾ケルニ盛見即兵ヲ起シ合戰數度ニ及テ終ニ防州吉敷郡淺倉ト云所ニ於テ弘爲ヲ討捕鷲津一家ノ輩ヲ悉誅伐ス且又

年光推移テ鹿苑院義滿公モ其御子勝定院義持公モ御逝去有リ普廣院義政公御治世ノ時ニ至テ盛見種々ニ歎訴セシメ大内家ノ一跡周防長門石見豊前四箇國ノ守護職ヲ終ニ其甥持世ニ讓テ盛見ハ隱居セシメケリ永亨三年辛亥六月廿八日盛見卒去ス行年五十五歲此人ノ德行後世美談ノ事多シ誠ニ名譽ノ達人也持世即家督ヲ嗣テ大内新介修理大夫ト云フ隆清寺ト號ス卒去ノ後其子教弘家ヲ嗣テ左京大夫ニ補任シ長亨頃卒去シ號ニ關雲寺其子左京大夫政弘ハ應仁ノ亂世ノ人也法名直正號ニ法泉寺今ノ義興ハ此政弘カ一子也代々其家ノ貴族トシテ世々關西ノ名將ニテ角大功ヲ立タリケル

○四國勢蜂起攝州所々合戰事付若槻伊豆守辭世事

去程ニ義興歸國シテ今ハ洛中無勢ノ由其隱レ無リケレハ四國ニ在ケル細川澄元同執事三好入道時節好シト悦ヒ同永正十六年ノ秋所々エ廻文ノ味方ヲ催シ蜂起シケレハ不レ移ニ時日ニ千餘人馳集其レヨリ播州攝州エモ頼ミ遣シケル處ニ播州勢ハ出ヤラス攝州勢ニハ池田故筑後守カ嫡子池田三郎五郎時ヲ得タリト馳來テ某今度攝州口ノ先陣ヲ仕ラント同國有馬郡田井ト云處エ出來テ勢揃セシ處ニ京都ノ高國方川原林對馬守正賴池田民部丞鹽川孫太郎等相談シテ同十月廿二日池田カ陣エ夜討ニ來ルサレ共味方ニ廻リ忠ノ者有テ此事池田ニ告ケル程ニ三郎五郎用心ノ天クラク雨フリケルニ却而逆討ノ競攻寄手不意ヲ討レ敗軍シテ三十餘人討取ラレ殘徒這々ニ引退ケリ池田ハ其日討捕タル頸共ニ合戰ノ次第ヲ記シ添阿州エ遣シタリケレハ京兆澄元感悅ノ攝州豊島ノ一郡ヲ三郎五郎ニ賜リ改名サセラレテ池田彈正忠

トソ呼レケル寔ニ父子二代忠功ノ者トソ聞ヘシ去程ニ前ノ管領細川京兆澄元同執事三好入道希雲居士等物始メ好シト悦ンテ多勢ヲ率シ四國ヲ立テ攝州兵庫ニ着船シ人數都合一萬餘人先ツ高國ノ味方川原林對馬守正賴カ籠居タル越水ノ城ヲ取卷テ大將澄元本陣ハ神呪寺ノ南ナル鏡ノ尾山ニ備タリ三好入道希雲居士海部久米河村香川安富ノ者共ハ廣田中村西宮ニ透間モアラセス陣取テ入替ノ攻戰フ越水城兵精兵ヲ揃テ是ヲ防ク其中ニ一宮三郎宗是ハ名譽ノ強弓ニテ十箭放セハ七八箭ハ必敵ヲ射倒ス故ニ寄手是ニヒルミ恐レ敵味方はテ感ス此由京都エ聞エケレハ高國悦ヒ執シ申サレ一宮ハ久敷キ勘氣ノ者ナレ共忽ニ赦免有テ剩丹波ノ内ニテ本領安堵ノ上ニ加恩ノ所領ヲ下シ賜ル去程ニ細川高國大將ニテ丹波山城攝州ノ味方ヲ觸レ催シ同十一月廿一日高國京都ヲ討立テ路々諸勢ヲ待合セ同十二月六日攝州池田城ニ着キ越水ノ城ノ後詰シテ相從フ軍勢ハ昆陽野間九十九町高木河原林武庫森部水堂新田濱田武庫河邊ノ上カラ下迄陣取バ今年ハ戰ヒ暮シケリ扱有ヘキニ有ラサレハ明ル永正十七年正月十日高國二萬騎ノ勢ヲ率シ諸方ヲ手當シ切テ驅リ合戰ヲ始ラル先ツ先陣ハ丹波守護代内藤備前守貞正一番ニ競驅テ阿波勢ヲ切崩シ百餘人討取ケレ共内藤終ニ打負二百餘人討死シテ其儘ソコヲ引退ク二番ニ是モ高國方攝州ノ住人伊丹兵庫助元扶ト名乗テ中村口エ切テ驅リ逆茂木ヲ引ヤフリ木戸ノ内マテ攻入テ午ノ刻ヨリ酉ノ終マテ戰ヒケレ共是モ打負引返ス阿波勢兩度ノ軍ニ打勝首數五十餘討取ケル然レハ越水ノ城兵モ後詰ノ勢ニ力ヲ得テ退手ノ木戸口押開キ當國大島ノ住人荏部與次郎同弟次郎太郎ト名乗リカケ勇ミ驅テ突テ出ル

澄元方ヨリモ田井藏人ト名乗り出追ッ返シツ切合ケルカ終ニ藏人ハ討レタリ菴部兄弟モ田井ヲ討取タリタレ共深手負テ城中エ引入レ二三日過テ死ケリ角テ城中ハ去年ヨリノ籠城ニテ兵糧盡果氣屈シケレハ同二月三日城ノ本人對馬守正頼ハ阿部藏人ト相談シ夜半ニ城ヲ開テ立退ケル城兵何レモ落散ケルニ若槻伊豆守長澄一人残り留リ吾身老果テ餘命無シ何ノ爲ニ命ヲ惜ンテ此城ヲ落行ンヤトテ扇ヲ敷居直テ先祖源三位頼政ノ最期ノ昔ヤ思出ケン辭世ノ歌ヲ讀置腹切テ死失ケリ

花サカマ今ノウキ身モ古ヘモ身ノナル果ハカハラサリケル

トソ讀ケル若槻カ舉動皆人感涙ヲ催ケリ去程ニ高國ハ諸方ノ軍ニ打負ケレハ斯テハ立去テ池田伊丹久々知長洲尼ヶ崎邊ニ陣取替ラレケレハ澄元方ニハ悦ヒ勇テ同十六日三好入道競驅テ難波ノ庄毘陽富松生島七松濱田ニ陣取一萬餘ノ兵ヲ率ニ尼ヶ崎長洲エ取掛ケ息ヲモ不繼攻戰フ大物ノ庄ノ北横堤ニ於テ高國方香西與四郎ト四國方ノ三好孫四郎ト互ニ名乗り出散々ニ戰ヒ切り合タリケルカ勝負ハ不屬ノ相引ニシタリケル高國ハ今日ノ軍ニモ又打負陣所エ引入ラレケルカ兔ニ角ニ此分ニテ當表ノ合戰叶難ク覺ヘケレハ其日ハ暮テ雨フリケルニ高國夜中ニ陣所ヲ忍脱ケ出テ京都ヲ差テ引歸サル四國勢ハ逃ヲ追テヒタ攻ニ攻上レハ高國既ニ危シテ京エモ不歸得ニ直ニ江州エ落行給フ是マテモ猶將軍ハ京都ニ留リマシノケリ或說今夜高國忍テ歸洛シ六角堂ニ落着テ將軍ヲ誘ヒ申シケレハ將軍家京ヲ落サセ給フ事御承引無キ故ニ高國吾館ニ歸リ翌十八日ノ曉江州ヘ落給フ共云ヘリ抑攝州西ノ宮邊ニハ

毎年正月十日迄ハ西ノ宮大明神ノ御神事ニテ居籠リト云事有テ此所ノ民共此日ノ食物ヲ兼而イトナミ拵ヘ置キ門戸ヲ閉チ籠リ居物忌シテ靜リ居高聲ニハ物ヲモ不レ言例日也若シ此日他所ノ人來テ此事ヲ知ナカラ態ト當所ノ人ニ物ヲ言セントテ門戸ヲ敲キ詞ヲ掛レハ其人必神罰ヲ蒙ルト云ナラハス梟ル奇特ノ神日ヲ不憚高國軍ヲ始シ故其神罰ニテ合戰ニ打負タリト皆人恐レ云合ケリ扱又同國伊丹ノ城ニ籠リケル伊丹但馬守野間豊前守二人共ニ四國勢ニハ取り卷カレヌ高國ハ引取ラレヌ今ハ早爲ン方無シ去ナカラ我々此城ヲ築キ置敵ノ爲ニ燒捨ラレン事口惜キ次第也最此城ヲ開テ落行ヘキ事本意ニ非ストテ伊丹ノ城ニ火ヲ掛テ悉燒拂ヒ但馬守豊前守二人腹切テ煙ノ中ニ枕ヲ並死失ケルトソ聞ヘシ

○三好希雲居士降參自害事

細川高國沒落シケレハ同二月廿七日三好入道希雲居士京都ヲ差テ攻上ル威勢權柄アタリテ拂テ見ヘニケル同三月十六日細川右京大夫澄元神呪寺ノ陣ヲ拂テ伊丹ノ庄エ移リケレハ攝津國ヨリ京都マテ軍兵巷ニ滿々タリ然ルニ三好希雲居士ハ去年阿波國高津ト云所ニテ一方ノ主君ト仰キ來ル細川淡路守成春ヲ弑シ討タリケレハ是ハ敵ナカラモ主筋ノ人ナルニ希雲放逸ノ舉動ナレハ行末頼シカラシトテ危フム人多カリケルカ案ノ如ク此度京都ノ高國方ヲ難無ク追落シタリケレ共味方ニ參ル者モ無ク剩ヘ今迄味方シタル者モ希雲カ驕ヲ惡ンテアハレ何事モ有レヨカシ敵ト成テ思知セント巧ム族モ多カリケル或記云ク同五月朔日三好筑前守爲ニ六郎澄元爲ニ家督御禮ニ參ニ室町殿進ニ上御馬御太刀御禮物貳百貫云々去程ニ高國ハ

江州ニ落留リ將軍ノ上意ト稱シ近國ヘ相觸レ第一ハ佐々木彈正少弼定頼ヲ頼ミ給フ六角勢ハ不及申朽木民部少輔植綱蒲生右兵衛大夫定秀三上永原其外近江ノ國人共又越前ノ朝倉勢美濃ノ土岐勢丸毛齋藤利綱ノ軍兵共各味方ニ馳參シケル程ニ頼而多勢ニ成給ヘハ急キ定頼ヲ始トシテ都合其勢四萬餘人京都ヲ差テ攻上リ東山白川表如意カ嶽淨土寺吉田河原邊ニ陣シテ夜ハ篝ヲ燒ツ、ケ雲霞ノ如ク充滿タリ三好希雲居士ハ落殘ル四國勢五千餘人引卒シニ條三條四條高倉邊ヘ出群々ニ陣取ケル處ニ同日希雲カ一味ニ頼切タル香川安富久米川村等九頭ノ者共敵方ヘ降參ノ彌々無勢ニナリニケリ希雲ソレヨリ三條ノ等持院并膏藥道場ニ陣取テ一向ニ三條ノ御所ヲ頼マヒラセタリケレ共將軍家御同心無シ希雲彌無力兔ヤセソ角ヤトスル所ニ同日高國方ノ大軍山上ニ充滿攻下リ丹波國ヨリ内藤モ上洛シテ高國ニ加リケル程ニ希雲今日午ノ刻ヨリ兩三度ノ合戦ニ悉ク打負ケレハ阿波讚岐ノ者共海部ヲ始トシテ悉落失二千餘ノ殘兵殘寡ク成ケル程ニ勢力盡果テ一戰モ叶難ク其ヨリ散々ニ陣ヲ開テ同キ五日ノ夜希雲唯一人比丘尼御所曇華院ニ逃入テ密ニ忍居タリケル三好等敗軍ノ由攝州ニ聞ヘケレハ細川澄元ハ伊丹ノ庄ニ陣シケルカ中々此陣ノ無勢ヲ以テ大敵ニ取籠ラレナハ萬ニ一モ利ヲ得ヘカラス早々四國ニ落行ヘシト有ケレ共海上モ又心許ナシトテ同七日ノ早朝ニ生瀬口ニカゝリ先ツ播州ニ落テ行ク攝州ノ高國方河原林對馬守泉州堺ノ津ニ在シカ是ヲ聞テ早船ニ取乘リ海上ヲ漕走テ澄元ヲ追駈ク雜兵二百ハカリ討取テ道々難義ニ及ケレ共澄元馬廻リ宗徒ノ者共所々ニ於テ防矢射討死シケル其隙ニ澄元ハ無レ恙播磨ニ落着給ヒケリ

叔又三好希雲居士ハ曇華院ニ忍居テ其夜落ナハ落ヘカリシニ運命ヤ盡タリケン其子三好孫四郎長則芥川孫次郎長光モ此所ニ尋來テ暫止リ居タリケルヲ頼而此事顯レテ高國方ノ軍兵多勢程無ク押寄テ曇華院ヲ取卷タリ希雲遁ル、方無シテ比丘尼御所ヲ頼ミ高國方ニ降參シテ一命ヲ乞ケレハ高國モ聽受クサラバ先ツ二人ノ子共テ此寺ヨリ呼出セヨトテ長光長則兩人ヲ曇華院ヨリ呼出シ同日高國彼等ニ對面シテ赦免ノ趣云渡サレ其マ、上京ノ安達力宿所ニ入置カル翌十一日希雲居士并故越後守カ子三好新四郎ヲ曇華院ヨリ取出シテ百万遍寺ニ入置カレ既ニ彼等カ一命ヲ助ケラレケル處ニ細川故淡路守成春ノ子彦四郎尙春頼ニ高國ヘ歎訴シテ希雲ハ全某カ父ノ讎ニテ候條是ヲ賜リ誅シ度由様々望ミ申サレケレハ終ニハ請受テ彦四郎ノ軍兵共百萬遍寺ヲ取卷テ自害遲シト攻ニケル希雲居士今ハ早遁レ行ヘキ様ナケレハ今日此寺ニテ希曇モ新四郎モ腹切テ死ケルカ誠ニ弒逆天罰ノ報ニヤ今日ハ亡君淡路守成春ノ一周忌ニ相當レリトテ其比皆人取沙汰ス生年六十四歳也骸ヲ千本ニ葬法名節開正忠ト號扱又細川彦四郎ヨリ希雲カ子共兩人三好孫四郎長則芥川孫次郎長光ヲモ請受テ可誅由高國ニ所望有ケレ共是ハ先日降人ト成テ赦免セシ者共ナレハ今更不可殺トテ其許シ無リシ處ニ彦四郎ノ軍兵共亡君ノ讐ヲ報セントテ同十二日多勢寄來テ安宅カ宿所ヲ取卷ケレハ兄弟ノ者共此由ヲ見且又父希雲モ殺サレタリト聞ケル程ニ今ハ誰カ爲ニ一命ヲ惜ムヘキヤ腹切テ父ニ追着申サントテ兄弟最期ノ盃ヲ取カハシ沐浴シ看經シテ三好長則芥川長光二人ノ者共心閑ニ自害シケリ皆人美談シタリケル同十五日長則長光新四郎モ希雲ト同ク千本ニ

テ葬儀ヲイトナミケルト也

○高頼澄元卒去事 付高國任ニ管領職ニ事

細川高國ハ思ノ儘ニ希雲ヲ討取同十二日將軍へ御禮申上ル佐々木大膳大夫高頼ハ隱居ノ身ニテ有ケレ共今度ハ何トカ思ケン味方ニ加テ江州ヨリ上洛ス此人ハ去ル永正十五年七月九日嫡子近綱死去シケルヲ深ク歎キ居タリケルカ二男彈正少弼定頼武勇モ勝レ器量有テ度々忠功ヲ勵シケレハ近年ハ將軍モ高國モ此定頼ヲ頼マセ給ヒ動者江州エ御催促有テ後御敵每度退散ス因茲諸國モ彼威風ニ懼レ武士ノ面目不過之偏ニ彼家再興ノ繁昌ナレハ高頼老後ノ愁眉ヲ開テ將軍家エ拜趨シ様々忠志ヲ盡サレケルカ今茲永正十七年ノ夏上洛ノ後御暇賜テ功成名遂々喜悅ノ同八月歸國セシム然處其後不ニ幾程ノ同月廿一日一病ノ煩無ク忽然ト卒去セラル法名ヲハ龍光院花山宗椿居士ト稱ス此高頼ハマサシク去ル應仁ノ兵亂ニ遭テ今迄存命ナル人ハ此人計也ケルニ今角死去セラレケレハ今ハ古例ヲ尋ヌヘキ方モ無シトテ將軍モ高國モ深ク追悼マシノテ百首ノ和歌ヲ詠セラレ彼追福ニソ備サセ給ケル扱又御敵ノ張本細川京兆澄元ハ攝州ヨリ播磨へ落行其ヨリ四國エ押渡テ故法住院殿ノ御曹司ヲモリ立參ラセ今一度上洛シテ高國ヲ亡シ三好希雲カ讎ヲ報シテ本望ヲ遂ント志シ時節ヲ待居タリシ處ニ運命限有ケルニヤ同年ノ夏ヨリ病ヲ受ケ同六月十日阿波國ニテ死去シケリ眞乘院ト法號ス生年二十五歳トゾ聞ヘシ三好希雲自害セシメ細川澄元病死シケレバ今ハ御敵盡果タリトテ將軍家御安堵ニテ洛中無爲ニ治リケリ細川高國ハ思ノ儘ニ管領職ニ補任シテ武藏守

ニ拜セララル抑此高國ハ故細川民部少輔政春ノ嫡子也當家ノ嫡流ナラテ共一分ノ器量數年ノ忠功ヲ以テ今此職ニ經上ツテ公方家ノ政道ヲ心ノ儘ニ執行ヒ威勢諸人ニ超過シテ門葉共ニ繁昌ス此高國本ヨリ文武ニ暗カラテバ其比和歌ニ心ヲ寄シガ聲ノ伊勢國司北畠材親卿ニ相談シテ六百番ノ歌合ヲ興行ス又射御ノ藝ヲ中興シテ子息六郎植國ニ申シ付ケ上ノ馬場ニ於テ犬追物ヲ執行フ此時小笠原備前守波々伯部源次郎伴出羽守等其役々ヲ勤ケリ政道專執行ヒ威勢甚ダ盛ンナレハ諸將彼家風ヲ慕ヒ萬人皆管領ヲ仰カヌ者コソ無リケレ

應仁後記卷之下終

此頃洛陽客語曰傳聞佐々木高賴一男近江守近綱一名氏綱云永正十五年七月九日卒去其弟
 彈正少弼定賴家督繼其子大膳太夫義賢入道承禎至云氏綱無子孫事古記既明白也然處近
 世寬文比氏鄉名乘者有父ハ仁左衛門云江州堅田鄉小分ナル土民也氏鄉ヲハ幼年ヨリ敵
 山へ遣或寺ノ住僧仕シム其僧愛メ召仕ニ此童性サカシク常ニ書讀又書寫事好成長スルニ
 應シテ記憶盛ニシテ辯説人勝レリ容貌威儀氣高クシテ起居舉動優美也是以賤民子トハ不
 見貴人種類乎疑雖レ然其心奸佞シテ其巧大膽欺四方ヲ遊歴シテ謂吾父祖前江州大守源氏
 綱ヨリ出無レ紛佐々木家正統也偽自六角兵部號氏鄉名乘剩佐々木六角家世系偽記己カ名
 其末書載是云立テ諸侯へ仕ン事求終僞事不可達ガ故身ヲ售事不成シテ幾許年月送空
 ス然テ後晩年ニ到テ京都僧房潜居奴婢二三人ヲ仕テ古家貴種人ノ世ニ落魄シテ沈淪タル
 眞似ヲシスマシ私中務大輔號不識者欺レテ憐ヲ起シ惠施者モ有又識之者爪彈ヲシテ是
 惡或是笑嘲ル角テ年月ヲ送處又洛僧永月ト云奸人古書墨跡ヲ似僞是ヲ欺售集テ身産業爲
 私法橋號狩野氏名乘者有京都ノ尹官是ヲ聞糺明遂永月ヲ捕罪ヲ唱テ粟田口ニ磔ニス因茲
 其餘官位ニ不レ任シテ官位名ヲ犯ス者往々糺明ニ逢於是氏鄉驚大懼レ忽中務大輔名ヲ改
 罷尙後難憚テ心毎不安深僧房傍隱居如臨深淵一如蹈薄冰危命保元祿ノ初終氏鄉房
 中病死ス行年七十許辛苦スト云共刑罰免タル事豈大ナル幸ニアラズヤ寔賤丈夫ナル者也
 氏鄉所レ記刊本江源武鑑二十卷大系圖三十卷倭論語十卷寫本淺井日記二卷關原軍記六卷
 勢州軍記二卷等氏鄉所記也大概彼書中己カ先祖ト稱ル者事迹ヲ作實ラシク書載置是ヲ證

據シテ己ガ僞ヲ蔽隱サン爲也不亦大奸乎舊記稱ノ僞作スル事世爲人爲其害甚誰カ是ヲ
 惡マザラント云予答云子談スル處予素聞ニ適就中當世舊記ヲ僞書スル輩氏鄉不可限抑
 太平日久シフ萬民安樂ノ遠近情通ス寔四海一家ノ如夫今世諸侯諸士ハ往昔名將名士後胤ニ
 アラサル者寡其家々ニ所藏先祖事迹古記實錄傳來持貯其精粗有ト云共遺迹彰彰明白也貴
 賤ト無小大ト無皆江城集居談論相正ス往昔證據分明遺證文揭焉タルカ故舊記眞僞是非得
 失體然知易キハ只江城集居成然處近年邊鄙遠境淺才等東土證據有事不レ知欺或知テモ不レ憚
 欺又不學淺識ニテ眞僞邪正不レ辨欺謾ニ不正ノ舊記ヲ作り虛誕憶說ヲ交へ僞テ刊本ト爲
 シテ世ニ行ヒ秘書ト稱テ售廣メ是又世ノ爲人ノ爲其害甚シキ者也豈氏鄉ニ可レ限乎ト云
 客諾シテ感レ之于時寶永己丑春三月記之

應仁後記卷十終

明治十五年一月一校同三十三年七月再校了

近藤瓶城

續應仁後記總目錄

卷第一

- 主上御即位公方家御代替事
- 細川家臣香西四郎左衛門讒死事
- 三好一黨蜂起桂川合戰事
- 京軍事
- 柳本彈正振逆威事附公方家江州朽木谷御開事
- 柳本彈正遭殺害事附播州騷亂事
- 公方家石清水御社參事
- 京勢發向丹州合戰付攝州蜂起事
- 阿波御所上津宮位事附河州高屋城軍事

卷第二

- 公方家御官位御昇進事附細川禪門所々潛行事
- 常桓禪門浦上村宗攝州出張事
- 天王寺合戰尼崎大物崩事
- 三好元長蒙細川晴元勘氣事
- 三好海雲居士於顯本寺自害事
- 三好筑前守元長上津所々合戰事
- 常桓禪門最期事
- 畠山上總介義英自害事
- 三好氏家傳由來事

卷第三

- 公方家御歸洛事附土一揆亂山科本願寺炎上事
- 畿内近國一揆所々騷動事
- 大神宮炎上勢州一揆亂事

紀州一揆亂畠山卜山禪門病死事
三好孫次郎範長所々合戰事
細川次郎氏綱蜂起事
北國兵亂德大寺實通卿以下最期事

洛中法華亂事 附細川時國生害事
畠山家騷亂河州落合川合戰事
法住院殿御贈官御贈位事
遊佐方三好方所々合戰四國勢渡海事

卷第四

新將軍御元服記

卷第五

公方家北白川御籠城御和陸事
細川右京大夫晴元亭御成事
三好兩家所々合戰晴元攝州出馬事
公方家都落事 附御違例御鷹狩事
前公方家再度御違例同御夢事 附新城御造立事
三好與伊丹雅興和陸事
同御追悼和歌事

攝州舍利寺合戰事 附細川畠山兩家和陸事
三好長慶同宗三宿意牟楯事
攝州江口合戰三好宗三討死事 附晴元沒落事
萬松院殿逝去御葬儀御中陰同詠歌事

卷第六

進士九郎賢光欲殺三好長慶事
公方家與三好御和陸事

防州山口亂事
長慶丹州出勢事

細川讚岐守持隆生害事

公方家又京都御退座事

畿内近國所々退治事 附長慶威勢事

天下大飢饉 附後奈良院崩御新帝御即位事

六角與松永久秀對陣事 附公方家再度御和陸御歸京事

河州畠山家騷動事

卷第七

三好長慶父子上洛任官事
長尾入道謙信自越州上洛事
六角家蜂起勝軍地藏山表對陣事
泉州久米田合戰三好實休居士討死事

畠山高政沒落河州退治事 附和州所々軍事
三好義長館御成事 附晴元入道和融安堵事
畠山蜂起三箇城軍事
河州教興寺表合戰事 附長慶畿内一統平治事

卷第八

細川晴元同氏綱三好義興死去事
慶壽院殿御參宮事 附三好長慶病死事
三好三人衆與松永禪正久秀牟楯事
阿波御所義榮被任左馬頭事 附三好松永取合事
左馬頭殿御上津富田庄普門寺入御事
松永方蜂起南都合戰事 附大佛殿炎上事

江州佐々木六角家騷亂事
室町御所合戰大樹御最期事
左馬頭殿將軍宣下事 附三好義次心替事

卷第九

新公方家南都御沒落江州御潛居事

同若州越州御動座事

越前國一乘谷入御事同朝倉館御成事

朝倉義景母任二位尼御成事附南陽寺花御會事

二條殿下越州御下向事附新公方家御元服御祝又御成事

織田信長武功出身由來事

江州淺井家成立事

新公方家越州御開事

同濃州着御事附信長催促事

卷第十

信長江州征伐事附新公方家御入洛事

新公家南方御退治御仕置事附義榮御逝去事

新公方家將軍宣下御參内御祝事附信長歸國事

松永彈正久秀和州勸事

六條本國寺合戰事

信長急而上京事附所々仕置事

二條御所造營御移徙事附禁中御修理事

續應仁後記第一

○主上御即位公方家御代替事

應仁大亂ノ後天下トコシナヘニ戰國ト成リ諸大名皆己カ領國ニ割據シ互ニ國郡鄉村ヲ爭テ
 毎ニ合戰ノ止ム時無ク凶年打續テ萬民其身ヲ不レ安貴賤只ハ危難ヲ懷キ日ヲ送ル角シテ日本
 一州ハイツ治ルヘシ共不レ覺ヘ淺猿キ世ト成ケレハ朝廷ノ陵廢武家ノ衰微タトヘテ謂ン方
 モ無シ此時ノ今上皇帝ハ後土御門院第一ノ皇子一品勝仁親王ノ宮正シク人皇ノ初神武天皇
 ヨリ一百五代ニ當ラセ給テ去ル明應九年ノ秋御踐祚有ト云ヘ共御世度乏ク絶々ニテ未タ御
 即位ノ禮儀ヲ執行ハレシ御支度無シ禁裏仙洞其外諸公家ノ宅地ハ皆亂中ニ燒果テ公家ノ面
 ヲ多分ハ諸國ニ離散シテ皆大名ニ身ヲ寄セ命ヲ繫カレ日ヲ送ラル留リ殘ル人々ハ次第ニ寡
 ク成マ、ニ其日其夜ヲ送り兼テ京都ハ大形空地ト成リ野原交リニ荒果タリサレ共禁裏ノ朽
 殘シ纒ナル御所ヲシツラヒテ皇居マシマシタリケルカ踐祚ノ後遙ニ二十餘年ヲ經テ大永元
 年ノ春ノ比漸々由故有テ御即位ノ禮ヲ行ハルサレ共其形ハカリトソ聞ヘシ日本開闢ヨリ以
 來カ、ル不思議ノ例ヲ不レ聞カ如何ナル時節到來ニヤト貴賤上下歎キ合ケリ其後大永六年
 ノ夏崩御有テ後柏原院ト申シ奉リシハ此御門ノ御事也武家衰微モ又同ク公方ノ位ハ名ノミ
 ニテ天下ヲ治ル權威ヲ失ヒ大亂ヨリ以來ハ諸國ノ大名小名等在京上京諸奉公ヲ不ニ相勤ニ近
 習ノ外ノ者共皆御下知ヲ不レ用故武家役諸稅ヲ不ニ貢納ニ剩公方ノ御料所ヲモ所々ニ於テ押
 領ス因レ茲御料ノ御所帶日々ニ困窮シテ動スレハ大名ニ御身ヲ寄セラレ朝夕ヲ送ラセ給フ

是又公方家初テヨリ以來前代未聞ノ衰廢也加之古ヨリ上ヲ學フ下ナレハ諸國ノ武士等君臣ノ義ヲ失ヒ或ハ君父ヲ弑シ其所領ヲ押領スルモ有リ或ハ國家ヲ他ニ奪ハレ臣僕ニ膝ヲ屈シテ餉食族モ有リ君臣互ニ敵ト成リ兄弟並テ世ヲ爭ヒ父子心ヲ置合ケレハ人倫立難ク淺猿ト云モ猶餘レリト諸人歎キノ上ニ歎キヲ添フ去程ニ大永元年辛丑春三月七日公方家義植卿淡州撫島エ御渡海ノ後當時ノ管領細川武藏守高國カ計ラヒニテ同陸奥守尹經等ト公方家御相續ノ評議ヲ決シ先年江州岡山ニテ御逝去有ケル故將軍義澄卿次男ノ若君ヲ赤松左京大夫義村カ預リ置奉テ播州ニ在坐ケルヲ公方ニ冊キ申サントテ迎ヘ取り同年七月六日彼若君十一歳ニテ御入洛アリ同月廿八日若君御叙爵同十一月廿五日正五位下左馬頭ニ任セラレ同年十二月廿四日御元服有テ御名ヲ義晴公ト稱ス加冠ハ即武藏守高國也同廿五日義晴公禁色昇殿ヲ聽サレ給ヒ征夷大將軍ニ宣下有テ是ヨリ公方ト崇メ申シ高國彌々威ヲ振フ今日前公方義植卿ヲハ將軍職ヲ解官セラレタリケルカ無ニ幾程ニ大永四年四月九日阿波國撫養ト云所ニテ義植卿御逝去ト聞ヘシ惠林院殿是也扱又管領高國ハ京都ノ幼君ヲ輔佐シ在洛シテ公方家ノ權ヲ執リ諸事小大ト無ク心ノ儘ニ執リ行フ從父兄弟ノ細川右馬頭尹賢ヲハ典廐ノ家ヲ相續サセ彼跡目ト號シテ攝州尼カ崎城ニ居セシメ西國ノ沙汰ヲ決斷セシメテ是モ威勢ヲ振ヒケル此尹賢ハ高國實方ノ叔父中務丞春供ノ二男也同五年四月高國今年四十二歳ノ厄年也迎剃髮ト成リ法名ヲ松岳道永居士ト號シ一子ノ六郎植國ニ家督ヲ讓リタリケルカ誠ニ厄年ノ祟リニヤ植國程無ク病ニ侵サレ同年十月廿五日無レ敢死去シタリケリ生年十八歳清源院ト

諡ス道永愁歎限無シ

○公方家石清水御社參事

大永六年二月十六日石清水八幡遷宮ニ因テ公方家社參ノ御成有リ出御ヨリ數日以前ニ飯尾近江守定宗ヲ彼山エ遣シ置レ社家神人ノ雜訴等萬事ヲ決シ執行ハシメ管領道永禪門ハ多勢ヲ率シテ山上ヲ警固セシム畠山尾張守植長是モ多勢ニテ山下ノ宿院ヲ警固シ非常ヲ誠ム當日ニハ山城攝津兩國ノ守護代等各兵士ヲ將テ東寺ヨリ石清水マテ辻堅メノ役ヲ勤メ用心緊ク相構テ男山ノ御成ヲ相守ル公方家ハ御裝束ヲ召サレ塗輿ニテ出御有リ御供ノ面々細川右馬頭尹賢畠山播磨守政基細川和泉守元有一色新九郎伊勢守貞孝伊勢備中守御同朋古阿彌御走衆結城左近將監能勢彌太郎飯河能登守安東平次郎小林五郎西郡四郎等也其外管領ノ家臣二十人御供ヲ勤ム御出ノ奉行松田丹後守御物奉行蜷川式部三上大藏扱禁中ヨリ勅使トシテ傳奏廣橋大納言守光日野中納言内光高倉右衛門督永家勸修寺右少辨晴秀白河神祇伯雅業土御門陰陽頭有春等各參向セシメラル公方家先ツ當所ノ善法寺ニ着御有テ其レヨリ本社エ御參詣御相伴ニハ日野廣橋并ニ細川畠山等御供トソ聞エシ御奉幣事終テ甲冑弓矢太刀神馬ヲ獻上有リ其後當山神宮ノ縁起ヲ拜覽有テ諸式無ニ異儀ニ相濟ケレハ同十七日公方家京都エ還御マシマス往返ノ御儀式諸事嚴重ニ遂ラレタリ

○細川家臣香西四郎左衛門讒死事

今茲大永六年ノ夏四月吉辰新帝御踐祚有ト云ヘ共是モ公武衰微ニシテ其儘ハカリニ數年ヲ

經テ漸天文五年ノ比御即位ノ禮ヲ行ハル是ハ防州ノ大内介義隆富祐ノ者ニテ其御料ヲ調進セシ故也角テ近年ハ京都シハラク靜謐成シ處ニ又不慮ノ亂出來ル其由緒ヲ尋ルニ細川家ノ領國丹波ノ國ニ住シケル香西四郎左衛門元盛ト云者ハ道永禪門ノ家臣ニテ彼家ノ沙汰ヲ執行ヒ威勢諸人ノ上ニ立テ驕ヲ極メタリケルカ此者ノ弟ニ柳本彈正忠ト云者有リ若年ノ時ハ美童ニテ道永禪門男色ニ耽ラレケル程ニ此者ヲ寵愛セラレ成人ノ後今ニ至テ俸祿身ニ餘リ榮耀人ニ超タリケレハ香西柳本此兄弟カ權威肩ヲ並ル人無リキ然ル處此比細川右馬頭尹賢ノ居城攝州尼カ崎ノ城ヲ築ントテ道永諸家ニ命セラル一家ノ人々日夜土石ヲ運ハセテ造營ノ役ヲ勤ム香西兄弟モ尼カ崎ニ下リ居テ此役ニ預リケル處ニ尹賢カ人夫ト香西カ下部ノ男ト土一簣ヲ争ヒ出テ口論ニ及ヒ兩方ノ人夫共數百人宛引分レテ瓦礫打ニ成ケルカ他家ノ人々様々ニ取扱ヒ和平セサセテ兩方エ分ク隔テ右馬頭ノ者共ヲハ城中エ入レシメ香西カ人夫ハ丁場エ歸リタリケルニ下知ヲ聞分ク又香西方ノ溢レ者共少々尙モ居殘リ謾ニ城中エ石礫ヲ投入ケリ右馬頭大ニ怒テ和平ノ上ニ又狼藉ヲ働ク事以ノ外ノ奇怪也サレ共此段ハ香西カ慮外ナレハ下部ノ者共ヲ谷ムヘキ事ニ非ト云テ怒ヲ押ヘテ靜メラレケル香西モ奢ノ故ニヤ其後此事ヲ尹賢エモ不ニ陳謝サラヌ體ニソ舉動ケル右馬頭彌以鬱憤ヲ挾レシカ此兄弟日來ノ奢リニ又此事ノ有ル上ハ如何ニモノ此者共ヲ失ヘキト巧マレケル然ルニ此香西ハ本ヨリ文盲不學ノ者ニテ常々料紙十四五枚宛ニ判形ヲ認置キ手書ニ召仕シ矢野宗好ト云者ニ彼判紙ヲ預置テ諸方書通ノ度毎ニハ宗好次第ニ狀ヲ書テ書札ヲ進返シタリケルニ此比イカ、シ

タリケン彼宗好ハ香西カ命ニ背キ浪人シテ居タリケルヲ尹賢キツト思ヒ着ケテ潛ニ宗好ヲ招キ寄セ色々ニ語ラヒ濟シテ彼判紙ノ相殘テ宗好方ニ在ケルニ秘計ノ狀ヲ書セケリ其趣ハ道永禪門ノ仇敵阿州ノ故細川澄元ノ殘徒三好家ノ者共ト香西元盛カ一味シタル書札ヲ認即香西カ判形無レ紛様ニ拵サセ尹賢其書札ヲ潛ニ道永ノ許エ持參シテ香西カ隱謀無レ紛事也ト是ヲ證據ニシ誠ラシク云立テ終ニ讒言シフセラレケリ道永禪門心淺ク是ヲ誠ト聞承テサラハ事ノ起ラヌ前ニ早ク香西ヲ誅ヘシト尹賢ニ示シ合サレケルカ又急度思出シテ香西元盛誅セラレハ弟ノ柳本我ニ仕ル事成マシ年來此柳本ハ道永カ命ニ替ラント契約シケル事有レハ名殘惜キ者哉ト様々思案セラレケル漸々ニ案シ出シテ道永禪門ヨリ香西ヲ誅スレハ彼ハ謀叛ノ者ナレハ不及ニ是非ニ次第也柳本彈正ニハ道永少シモ異心有レ之マシキ由眞實ヲ顯シタル起請文ヲ書認兼而文箱エ納メ置扱香西エ擊手ヲ催ス猶モ彼者謀叛ノ實否ヲ直談ニ問ヒ糺シテ實正ナラハ誅スヘシトテ擊手ノ者ヲハ定メ置テ時大永六年七月十三日道永禪門ノ館エ香西ヲ召レケル香西四郎左衛門元盛ハ此事夢ニモ知ラサリケレハ何心モ無ク急キ道永ノ館エ參テ遠侍エ入來セシニ若殿原二人出向テ太刀ト刀ヲ渡サレヨト云フ香西少シモ不レ騒シテ太刀刀ヲ渡シ蹲踞シテ何事ニヤト思シ體也其間暫ク時刻移リタルヲ道永禪門待兼テ香西ハ遲キント云レシヲ右馬頭尹賢聞違ヘタル振ヲシテ彼二人ノ若殿原ニ香西遲キト宣フソ早ク斬レト申サレケレハ二人ノ若殿原其儘ニ走り寄テ香西ヲ斬倒シ即頸ヲ伐落ス無慙ト云モ愚也道永禪門是ヲ聞テコハ如何ニト有ケレ共不及レ力事濟ケリ其後道永ヨリ彼文箱

ヲ柳本カ方エ遣ス書中ニハ其方兄ノ香西ハ謀叛人ノ事ナレハ國家ノ爲ニ誅スル也其方今更恨ヲ可レ含事ニ非ス年來ノ契約ヲ不ニ相忘ニ向後彌々忠義ヲ盡シ仕ヘシ我又少シモ不ニ相替ニ懇款ヲ可レ施由ヲ誓詞ニ認メ云送ラレケリ柳本彈正ハ起請文ヲ不レ披シテ道永ノ館エ持參シ是ハ無ニ勿體ニ仰也兄ノ香西元盛ハ逆心ノ罪科ニテ誅セラレシ事ナレハ某少シモ恨ヲ含ミ申ヘカラス兄カ罪科ニ御構無ク故ノ如ク某ヲ可レ被ニ召仕ト御厚恩生々世々ニ報シ難シ此上某ニ於テハ向後一入ニ奉公ノ忠ヲ抽テ可ニ相勤ニ候也トテ感涙ヲ流シ宿所エ歸リ其レヨリ彌相勤テ奉公ノ忠義ヲ盡ケレハ諸人モ是ヲ感信シテ流石ニ道永禪門ノ年來目利シテ柳本ヲ寵セラレシハ尤ノ事共也是程ノ忠臣モ世ニ稀ナラント褒合ケル

○京勢發向丹州合戰事 附攝州蜂起事

角テ兩月ヲ經ケル處ニ丹波國住人波多野備前守植通ト云者ハ香西柳本等カ兄也ケルカ植通丹州ヨリ上洛シテ如何シテカ聞出シケン香西元盛カ死刑ニ遭シ事ハ右馬頭尹賢讒言無實ノ故ニシテ誠ノ逆心無リケル由懇ニ洩レ聞テ波多野大ニ腹ヲ立弟ノ柳本彈正ヲ招テ此由委細ニ云聞カセ此上ハ汝カ兄ノ敵ナレハ尹賢ヲ誅セン爲ニ某ト一所ニ成リ本國丹波エ下向シテ旗ヲ揚ヨト諫ケレハ柳本忽ニ同心シテ貴方ノ仰御尤也扱ハ某只今迄道永禪門ニタラサレテ口惜次第也萬端畏入候迎俄ニ心替リケレハ其ヨリ波多野ニ打連テ丹州エ往ントセシカ能ト其色ヲ人ニ見セシト波多野ヲハ先エ遣シ柳本ハ夜ニ入テ嵯峨ノ大堰川エ夜川狩ノ網引テ鮎ヲ取ニ出ルト披露シ家ノ子郎黨引具シテ宿所ヲ立出ケリ其ヨリ兄弟ハ丹州ヘ下リ着キ兄

ノ波多野備前守ハ當國八上ノ城ニ籠リ弟ノ柳本彈正ハ同國神尾寺ノ城ニ籠テ彼國ノ赤井五郎等ヲ一味シ又道永ノ仇敵四國ノ三好家エモ牒シ合セ根ヲ深クシ本ヲ固メテ後同年ノ冬十月忽謀叛ノ旗ヲ揚ケリ道永禪門是ニ驚キ彼輩退治ノ爲ニ同月廿三日右馬頭尹賢ヲ大將トシテ池田彈正河原林修理進内藤彈正長鹽民部丞奈良修理進藥師寺九郎左衛門同與次波々加部兵庫助同三郎左衛門荒木大藏其外馬廻衆ヲ相添都合軍勢八十餘組ヲ丹波國エ被ニ差下ニ此勢丹州エ亂入シテ同月十八日ヨリ神尾寺ノ城ヲ責ケルニ同廿日ノ夜城中ヨリ物馴タル足輕ヲ勝ツテ長鹽カ役所エ夜討シ頸數二十餘擊取テ物始メ吉ト相悅フ又同ヤ晦日ニ當國ノ住人赤井五郎時家相從フ國人ヲ引具シ三千餘人ニテ柳本カ後詰ニ來ル尹賢是ヲ聞テ十三頭ノ人數ヲ引分ケ赤井ニ向テ合戰ヲ遂サセケルニ京勢悉打負三百餘人討死ス此時若槻故伊豆守賴澄カ子モ京方ニテ討死シケレハ父子二代忠義ノ武士也トテ皆人はヲ感シケル扱京勢ノ中ニモ藥師寺九郎左衛門荒木大藏丞ハ少シモ不レ敗戻リ返シテ赤井方ノ山口ヲ始トシテ二百餘人討取ケレハ軍終テ後此忠賞ニ藥師寺ヲ備後守ニ成サレ荒木ヲ安藝守トシテ召レケル此二人ノ外相殘ル京勢十一頭皆打負テ我先キニト京都ヲ差テ逃上ル大將尹賢ハ矢上ノ城ヲ攻居ラレシニ神尾寺表ノ合戰京勢打負タリト聞ヘテ諸勢悉逃散リ騷動シケル程ニ心ナラス敗軍シテ尹賢モ諸勢相共ニ京都ヲ差テ引歸サル斯ニ攝州ノ住人池田彈正ハ波多野備前守カ甥也ケルニ本ヨリ四國ノ味方ナレハ俄ニ丹波方エ裏返リテ河原林鹽川等カ引退ク路ヲ遮テ矢軍ヲ仕掛ケル程ニ京勢ハ退キ兼テ既ニ危ク見ヘケル處ニ同國ノ有馬源次郎重則其比道永ノ味方ナ

ル故ニ是ヲ頼ンテ京勢ハ漸々皆有馬ノ郡ニ落着タリ池田モ是ヨリ不長追己カ居城エ引入ケル扱又去ル永正ノ亂ニ道永禪門ノ仇敵トシ其後病死シタリケル細川故右京大夫澄元ノ浪人武者共此亂ヲ幸トシ攝州ニ蜂起シテ島下郡中島エ亂入ス同キ彼味方三宅吹田ノ輩モ時ヲ得タリト悦ンテ川ヲ渡テ彼勢ニ馳加リ吹田ニ陣ヲ取ケル程ニ當國ノ所々悉騷動ス然共道永方ノ伊丹兵庫助國扶ハ兼而當國ノ留守居ヲシテ丹波エ不向居タリケルカ國中ノ亂ヲ靜ムヘシ迎伊勢ノ神戸ト評議シテ同年十二月十二日多勢先ツ吹田エ押寄合戦ニ打勝ケリ敵ノ大將吹田ハ生年十六歳ニテ美少年也ケルカ其場ヲ不引尋常ニ討死シケリ是ヲ始テ百餘人擊捕リ殘徒ヲ追拂テ伊丹勢ハ大ニ悦ヒ京勢先敗ノ恥辱ヲ雪ヌ此由京都エ注進シケレハ道永禪門大ニ感シ兵庫助國扶ニ褒美ノ狀ヲ賜リケル三宅吹田カ殘黨悉落散ケル程ニ故京兆故典廩兩家ノ浪人共モ皆々中島吹田ヲ引退キ泉州堺ノ津ニ集リ頓ニ四國エ注進シテ先敗再興ノ本意ヲ遂ント擬ス

○三好黨蜂起桂川合戰事

其比四國ニハ三好家ノ餘類等猶威ヲ振テ有ケルカ去ル永正ノ亂ニ彼家ノ棟梁三好希雲居士カ道永禪門エ降參シタリケルヲ承引シナカラ約ヲ變シテ籠ニ飼鳥ヲ殺スカ如ク忽希雲ヲ殺サレケル事於レ今一類鬱憤不ニ相止イカニモ餘黨ヲ催シ今一度京都ヲ差テ攻上リ故希雲カ讎ヲ報ノ道永ヲ亡サント各矢志ヲ挾ンテ計義ヲ企ケル程ニ此度道永家ニ柳本カ亂起テ丹州攝州ノ騷動ヲ能幸ノ時節トス先ツ公方故法住院殿御一男ノ御曹司ヲ故管領右京太夫澄元

カ死期マテ預リ奉テ四國ニ於テ御成長アリ此御曹司ヲ阿波御所ト仰稱ノ一方ノ武君ニナシ奉リ各拜趨申上ル是ハ京都ノ公方家ト御同年ノ御所也且又故京兆澄元カ一子聰明丸ヲ取立テ後ニハ必此人ニ管領職ヲ續セント各筋目ヲ正フノ授國人等ヲ相催ス先ツ大將軍ニハ是モ永正ノ亂ニ京都ノ小川ニテ討レ給シ細川故右馬頭政賢ノ子彌九郎澄賢ハ元ヨリ故典廩實子ノ跡目紛レ無クシカモ故澄元ノ姉ノ子也旁以歷々ナレハ是コソ寔ニ典廩ノ家督也トテ即チ細川右馬頭澄賢ト稱號シ是ヲ今度上洛ノ惣大將ト相定メ聰明丸幼稚ノ間ハ當家ノ萬端皆澄賢ノ下知スヘキ定メ也角テ同十二月十二日澄賢大將ニテ同和泉守護并三好越後守勝時子息左衛門佐同新五郎川村彈正等淡州洲本ノ館ニテ勢揃シ同十三日泉州堺ノ津ニ着テ攝州島下郡中島ニ陣ヲ取リ斯ニテ年ヲ越ル程ニ堺ニ在ケル故京兆故典廩兩家ノ浪人武者其外四國家エ志有ル輩共所々方々ヨリ馳參テ程無ク多勢ニ成ケレハ丹波勢ト牒シ合セ京都ヲ差テ攻上ラントス道永禪門是ニ驚キ諸國ノ味方ヲ被ニ相催レハ大永七年ノ春ニ成リ正月ノ中ハ未タ合戦不始同二月道永討立給ヘキヲ無勢ナルカ故ニ其内越前ノ味方朝倉太郎左衛門孝景カ雪消次第馳登テ手合セント約束セシテ今ヤト相待テ延引セラレケル内ニ丹波ノ敵共蜂起ノ四國勢ト一手ニ成リ同二月三日先陣柳本彈正等多勢ヲ催シ攻登テ藥師寺兄弟力籠タル山崎ノ城ヲ取卷キ同四日ニ攻落ス兄ノ藥師寺備後守ハ城ヲ開テ高槻ノ入江カ許ニ落テ行ク弟ノ藥師寺與次ハ城ヲ不レ去鍵ヲ執テ數回突立戦ケルカ此者ハ柳本彈正カ小舅ナレハ柳本走り寄テ與次ニムスト取着數人馳寄鍵ヲ奪テスハヤ與次殿降參アレ助ケ申ト云ケレ共與次

聞テ云様ハ忠臣ハ二君ニ不レ仕ヘ其今何ノ面目有テ四國ノ衆ニ面ヲ向シ降參思モ不レ依違草摺ヲ疊揚ケ腹ヲ切ントセシ處ヲ柳本ヲ始テ多勢又取着キ與次カ刀ヲ奪取テ腹ヲモ切ラセス働カセス終ニ其儘人ヲ附ケテ道永ノ陣エ送り遣ス哀レ義ノ有ル勇士哉ト其比皆人美談シケリ角テ山崎ノ城攻落サレヌト聞ヘシカハ攝州上郡ノ芥川ノ城太田ノ城茨木ノ城安威ノ城福井ノ城三宅ノ城共皆々聞落ニ明退ケル程ニ柳本彈正力ヲ得テ急キ此由ヲ泉州堺エ注進スサラハ手合セニ攻登レヨ迪三好左衛門尉勝長同弟新五郎政長ヲ軍將トシ二月九日堺ヲ立テ同十一日山崎ニ着陣シ柳本兄弟ト軍評定事終テ兩手ノ人數一同ニ打立攻登ル翌十二日京勢ノ先陣出向テ桂川ヲ相隔テ互ニ矢軍ノ其日戰暮シケレハ兩陣夜ニ入テ久我ニ陣ヲ取居タリ同キ十三日公方家ハ六條エ御動座有リ道永禪門ハ妙本寺エ出張ノ其外京勢ハ北海道鳥羽ダウモリ森邊ニ透間モ無ク陣取り若州ノ住人武田伊豆守信豐ハ西七條泉乘寺ニ陣取テ各兩方ヨリ攻入ル敵ヲ待懸タリ然ル處ニ三好兄弟一手ニ成テ桂川ヲ打渡リ伊豆守ト合戦シケルニ武田勢打負ケ逸見粟屋ヲ始トシ八十餘人打取ラレ殘徒悉敗軍ノ敵既ニ京入スルト聞ヘシカハ道永禪門先是ヲ防キ留シ迪自身人數ヲ率シ桂口エ馳向ハル日野大納言内光卿ハ武家ノ人ニハアラテ共道永ノ從父兄弟ナレハ是ヲモ同途ノ彼表エ差向ハル斯ニ大和國ノ住人奈良修理進元吉同嫡子與三郎二人道永ノ前ニ進ミ出只今某等敵陣ニ馳向ヒ宗徒ノ者共討取テ討死ノ見セ申サント云捨一番ニ駈向フ三好方ノ先陣赤澤新二郎香西又七郎ト名乗タルヲ奈良カ手エ擊捕其外ノ敵勢ヲ悉ク切崩ス丹州ノ敵徒波多野備前守荒手ヲ入レ替助ケ來テ面モ不レ振戰ケレ

ハ終ニ奈良修理進同源五郎モ討死ス是ヨリ味方崩レ立テ弓手モ馬手モ敗軍ス大納言内光卿モ終ニ遁ル、處無ク生年卅九歳ニテ討死マシマシケル程ニ道永ノ馬廻リ荒木父子ヲ始トシ隨一ノ者共十餘人ヒタヒタト討死シケル其内ニ道永禪門ハ何事無ク落延給ケリ惣テ京勢雜兵共二三百人擊捕ラレ悉敗北ス丹波四國ノ者共モ八十餘人討レケリ中ニモ一方ノ大將三好左衛門尉ハ公方家ノ御本陣エ弓ヲ引ケル天罰ニヤ今日ノ軍ニ纒ナル手負ケルカ其疵終ニ不レ愈メ死去シケルトソ聞ヘシ去程ニ公方モ道永武田等モ悉敗軍ナレハ京都ニタマルヘクモ無ク同十四日江州差テ落サセ給フ四國勢モ柳本等モ本望遂テ入洛シケルカ又如何思ケン柳本ハ山崎エ歸テ城ニ屯シ四國勢ハ攝州下島郡ニ陣取テ此由阿州エ注進シ後日ノ下知ヲ待居タリ

○阿波御所御上津御官位事 附河州高屋城軍事

同三月二十二日阿波御所ハ十七歳細川聰明丸ハ十四歳ニテ阿州ヨリ御渡海有リ今日泉州堺ノ津エ着セ給ヘハ皆人渴仰シ奉リ此旨京都エ執奏ス同キ七月十三日御所御元服マシノ御稱號堺冠者義維ト申セシカ程無ク勅命ヲ蒙テ從五位下左馬頭ニ任セラル此時故三好希雲居士カ嫡孫筑前守元長モ御供申テ攻登リ堺ノ津ニ在ケルカ攝州ノ伊丹城ハカリ未タ道永禪門ノ味方ニテ殘リ居タルヲ攻落サントテ人數ヲ率シテ尼カ崎エ押渡リ同月十七日ヨリ伊丹城ヲ攻ケレ共城主伊丹彌三郎國扶大剛ノ者ニテ防戦ケル程ニ可ニ攻落ニ様ナケレハ同キ十月迄城ノ四方ヲ透間無ク取卷テ遠攻シテ居タリケル扱又柳本彈正ハ手勢二千餘人ヲ率シ山崎ノ城ヲ出テ河州高屋ノ城ヲ攻ル抑此高屋ノ城ハ本ヨリ常桓禪門ノ隨一ノ味方畠山尾張守尙順

入道ノ居城也シニ近年尙順ハ嫡子彌三郎植長ニ當城ヲ讓リ置キ其身ハト山禪門ト名乗隱居シテ紀州ノ廣ト云所ニ世ヲ遁レテ住給フ然ルニ當城ハ昔安閑帝御廟所ノ跡也トテ恐レ敬テ本丸ヲハ遠ザク二ノ丸ニ居住ス其比高屋無勢ナレハ寄手ヲ防キ兼毎度城兵危ク見ヘタリ扱モト山禪門ハ今度桂川ノ合戦ニ聳ノ日野大納言内光卿討死ノ由ヲ傳ヘ聞カレ孫ノ新宰相晴光卿ノ行衛ノ程無ニ心許ニ思ハレケレハ紀州ヲ立出上洛シ日野家エ訪ヒ給シカ又能キ次而ナレハト思ヒ忍テ江州エ立越ヘ公方家エ拜謁シ御訪申上ラル然處エ河州ヨリ飛脚來テ高屋ノ籠城毎度ノ合戦植長ノ難義ヲ告ケタリケル公方家モ道永モ大ニ驚キ給ケレ共無勢ナレハ爲方無シ頓テ北國ヨリ朝倉等多勢ヲ催シ參陣スヘキヲ待合セ高屋ノ後詰スヘキ由延々ノ沙汰ナリケルヲト山禪門申サルハ北國勢ヲ相待ツ内ニハ高屋ノ籠城堪難ク候ヘシ城ノ未タ落ヌ前ニ某一人ナリト罷向ヒ候ヘシトテト山禪門只一人高屋ヲ差テ下ラレケルニ今迄屬來レル家人共ヲモ汝等ハ所々エ打散リ跡ヨリ多勢ヲ催メ來ヘシト各皆分ケ遣シト山禪門只一人河内國エ忍下テ交野郡禁野ノ里ニ大塚兵衛ト云フ有徳ナル民ノ有リケルニ此者ノ家エ落著テ兵糧ヲ遣ヒ扱大塚ニ云合メテ近郷ノ土民ヲ催シ夥敷松明ヲトホサセ二三千人方々ニ蜂起サセ太鼓ヲ打立テ其夜上道下道ヨリ後詰ニ寄ル體ヲ見セケリ高屋ノ寄手等はヲ見テ扱ハ江州ヨリ公方管領多勢ヲ召連後詰ニ向ヒ給ト見ヘタリ味方纒ノ人數ニテ合戦不可叶ト我モ我モト騒出テ攻口ヲ卷ホクシ落支度ノ外ハ無シ此城ヨリ大和路ニ水越ト云道ノ有ルカ是ハ昔安閑帝御廟所ノ時平人ノ通レハ祟リ有リトテ常ニハ往來無リタルヲ其ヲ幸ト人ノ無キ忍

路ヲ心安ク落行ント寄手ノ柳本勢皆々此水越道ヲ落テ行ク然處ト山禪門先立テ角有ヘシト思案セラレ兼テ此水越道ニモ其用意ヲ仕置カレケレハ水越山ノ所々ヲ堀切リ石弓ヲ仕掛ケ置野伏共驅集テ落人ノ行ク處エ石弓ヲ放シ矢ヲ射掛ケ夜中ノ事テハ有リ散々ニ討取リケル程ニ柳本カ勢共二三百人此道ニテ亡ケリ高屋城中ノ者共モ敵ノ退クニ力ヲ得テ平神保二見宮崎等オメキ叫ンテ切テ出落兼ル寄手ノ者共悉追拂テ斯彼ノ民ノ家々隱レ居タル敵共ヲ數多生捕切テ取ル柳本彈正散々ニ打負留々山崎ノ城エ引テ入り危キ命助リケリ寔ニト山一人ノ知謀ニテ城モ無シ恙寄手ヲ一時ニ追散シ五百餘人討取ケル名譽ノ手柄トソ聞ヘシ

○京軍事

去程ニ公方管領ハ江州ニマシノ近國ハ大名小名御頼御催促先ツ當國ノ兩佐々木六角京極其外ノ國人共越前ノ朝倉能登ノ畠山越中ノ椎名神保濃州ノ齋藤持是院法印ヲ始トシ所々ヨリ味方ニ參リケル程ニ御勢程無ク三萬餘騎ニ成ケレハ此者共ヲ御供ニテ同年十月御上洛有リ東寺西七條唐橋鳥羽鶴森ニ透間モ無ク陣取テ南方ノ敵ニ差向ラル此由西岡鷄冠手方ヨリ堺エ注進頻ナレハ四國方ノ者共兼テ丹波勢柳本等示シ合セシ事ナレハ雙方打立テ我モ我モト攻登ル同十月十八日元長ヲ始トシテ三好一黨モ伊丹城ヲ卷ホクシ道ヲ廻リ攻上ツテ洛陽ノ北エ行過テ西院ニ陣ヲ取ル丹波ノ波多野柳本等ハ五條六條七條ノ諸法華堂ニ陣取タリ道永禪門ハ南方ヲ專ト手當シ備ラレシニ敵思ノ外北方エ回テ寄來レハ今更案ニ相違シケリ同十九日細川故澄元ノ聳也ケル河州ノ畠山上總介義英モ本ヨリ四國勢ト一味シ五百餘騎ニテ

攻登リ泉乘寺口ヲ差塞テ西院ノ陣ト取續カントスル處ヲ朝倉太郎左衛門孝景越前勢ヲ率シ
只一手ヲ以テ畠山ト合戦シ悉打勝テ彼家ノ歷々遊佐彈正忠安陪大西等ヲ始トシ百餘人討取
タリ是ヲ見テ西院ノ三好勢荒手ヲ入替切驅テ朝倉ト戦ケルカ太郎左衛門孝景是ニモ自身手
ヲ碎テ切テ回リ戦ケレ共宗徒ノ從卒二百餘人討レケレハ敵味方戰疲レテ相引ニ引取タリサ
レ共三好家ノ者共朝倉カ武勇ニ恐レテ再度切テモ不驅シテ對陣ニ日ヲ暮ス道永禪門ハ今
孝景カ武功ヲ感シテ褒美ノ狀ヲ賜リケル其詞ニ云ク

去十九日從ニ泉乘寺取出ニ於ニ西院口ニ自身手碎即切崩遊佐彈正忠安陪大西始百餘人討捕之
趣忠節無ニ比類ニ候討死或被レ蒙ニ手疵ニ之族且者感悅且者愁歎候彌可レ被レ勵ニ軍功ニ事尤候
恐惶謹言

十月

朝倉太郎左衛門殿トソ有ケル

細川道永禪門判

既ニ今年モ暮行ク程ニ敵味方空シク對陣ニ疲勞スル處ニ三好筑前守元長ト朝倉太郎左衛門
孝景ト兩方出合相談ノ明レハ大永八年戊子ノ春正月兩細川敵味方和睦ノ扱相調ケリ其趣公
方家管領ハ何ノ子細モマシマスヘカラス扱細川聰明丸ハ一家ノ惣領タル故ニ今春十五歳首
服任官シテ右京大夫晴元ト名乘リ是ヲ堺ノ屋形ト號ス去冬雙方エ屬キ登リシ國々ノ諸勢各
々皆分國エ歸陣スヘキ由相定ラレケル程ニ敵味方ノ貴賤上下互ニ悅ノ眉ヲ開テ和睦既ニ成
就シケレハ國々ノ諸勢等皆分國エ歸陣ス細川晴元モ公方エ御禮申上堺津エソ歸ラレケル

○柳本彈正振ニ逆威ニ事附公方家朽木谷御開事

其年改元有テ享祿元年ト成ル同正月廿八日敵味方和睦ノ驗ニ雙方人質取カハスヘキ處ニ三
好元長カ從父兄弟三好新五郎政長ト柳本彈正一味シテ忽ニ和睦ヲ破リ堺ノ津エ下着シ晴元
エ讒言シテ三好元長異心有テ道永禪門ト一味ノ由其外ノ事共モ様々ニ相支ヘヌ元長ハ何心
モ無ク道永エ拜謁シ今度ノ和睦ヲ賀シ悅テ靜ニ堺エ下着シケルニ晴元若輩故政長柳本カ讒
言ヲ信シテ今更元長ニ對面モ不仕給サレ共元長ハ主君エ背事無シテ恨ナカラモ月日ヲ送
ル藥師寺備前守同三郎左衛門伊丹彌三郎等攝州上下郡被官共皆晴元エ降參シテ堺エ來テ拜
謁シ東西ニ奔走シケル程ニ次第ニ晴元威勢ニ募ル京方ニハ逐レ日ヲ無勢ニ成リ兩佐々木朝
倉等モ今春和睦ノ時皆分國エ歸陣シケレハ公方モ道永モ御人數ハ纔也和睦ハ破レタリ京都
ノ御住居危シトテ敵モ未タ寄來ラヌニ又江州エ落サセ給ヒ公方ハ當國ノ住人佐々木民部少
輔植綱ヲ頼セ給テ朽木谷トテ名ヲ得タル山谷ノ堅固ノ館ノ中ニ御身ヲ潛メ在々ケリ扱其御
跡ニ少々四國勢入洛セシメタリケレ共三好ト柳本中惡シク挑合テ更ニ諸人不ニ安堵ニ物怨ノ
ミニ月日ヲ送リ今年空シク暮ニケリ柳本彈正ハ彌々晴元ノ出頭シテ日増シニ權威ニ募リケ
ルカ伊丹彌三郎元扶ト牟楯ノ義出來テ享祿二年正月元日柳本勢伊丹エ押寄せ戰ヲ始ム不意
ノ事テハ有リ伊丹打負テ一族六人討死ス京都ニ在ケル三好遠江守鹽田若狹守等伊丹カ味方
ナル故ニ急キ柳本カ籠タル山崎エ驅着ケ戰ケル程ニ柳本切崩サレ山崎ノ城ヲ落テ河内國牧
方ノ道場ニ引籠ル其レヨリ柳本ハ晴元ノ命ヲ受テ大和國ヲ退治セントス同四月廿七日柳本

打立テ赤澤大和守幸純カ和州南都ニ在ケルヲ押寄テ生害サセ同五月朔日同國內山ノ寺ヲモ
 燒拂テ甚逆威ヲ振ケリ三好筑前守元長ハ堺津ニ在ケルカ加様ノ事共皆晴元ノ若氣故ニ柳本
 等邪行ノ舉動猛惡ノ爲體何レモ其心ニ不遇共却テ晴元ハ元長ヲ惡ミ諫言ヲ不被用角テ
 ハ長々ト當津ニ在テモ詮無シトテ同八月十日元長ハ本國阿波ニ歸帆シケリ柳本彈正高島可
 竹軒等彌是ニ力ヲ得大ニ悅今ハ早誰ニ恐レン者モ無レハ心ノ儘ニ晴元ノ威ヲ假リテ同月十
 八日ヨリ又伊丹ノ城ヲ攻ケルニ城兵モ隨分防戰テ數月ヲ送タリケレ共見續味方ハ無シ同十
 一月廿一日子ノ刻ハカリニ落城シテ城主伊丹彌三郎元扶ヲ初トシ今迄相從フ家ノ子郎黨三
 十七人討死シテ失ニケリ

○柳本彈正遭ニ殺害ニ事附播州騷亂事

其レヨリ彌柳本ハ威勢ニ誇テ近國ヲ傾ケルカ横惡ノ餘リニ天罰通ルノ所無ク終ニ不慮ノ殺
 害ニ遭テ亡失ケリ其次第八明レハ享祿三年ノ夏ノ比播州三木ノ城主別所小三郎重直ト同國
 依藤ト云者ト所領ヲ爭ヒ一分ノ手勢ヲ以テ依藤ヲ伐事成カタキカ故ニ京都エ登テ柳本彈正
 ヲ憑ム是ハ縁者ナルカ故也柳本同心シテ人數ヲ率シ播州ニ馳下テ別所重直ト諸共ニ依藤カ
 城ヲ攻ケル處ニ同六月晦日ノ夜イカナル者ノシワザニヤ誰共知レス柳本彈正ヲ刺殺シ置
 タリケル是ハイカニト云程コソ有レ寄手ノ惣軍悉騷立テ友崩レニ敗軍シ斯彼コエ引立ケ
 ルヲ依藤競立テ城兵ヲ拂テ討テ出敗軍ノ寄手ノ兵百餘人討捕終ニ柳本彈正カ頸ヲモ寄手ノ
 中ヨリ奪取テ悅事限無シ浦上村宗ハ本ヨリ依藤カ味方ナレハ勝ニ乘テ別所ハ存外ノ曲者也

トテ西播ノ多勢ヲ催シ東播エ寄來テ別所有田小寺ノ三城ヲ攻此三ノ城主ハ皆赤松ノ一族ナ
 レ共賴ム味方ハ無シ三城共ニ攻落サレ一千餘人討レケレハ東播ノ諸侍皆浦上ニ歸服ス然レ
 ハ東西一統シテ今播磨一國ハ皆浦上カ旗下ニ屬シテ村宗逆威ヲ振畢又抑此播磨國ハ元來赤
 松氏ノ領國ナルニ近年赤松衰微シテ其臣下浦上氏當國ノ權柄ヲ取事久シ其來由ヲ尋ルニ去
 ル應仁ノ亂ヨリ以來村上源氏ノ名將赤松次郎法師政則軍功ヲ以テ先祖ノ如ク備前播磨美作
 ノ三州ヲ切取り専ラ公方家エ忠勤ヲ抽且又是ヨリ先キ譜代ノ家人等忠貞ノ餘謀慮ヲ廻ラシ
 テ南朝遺孽ノ宮ヲ伐奉ル三種ノ神器御歸洛ノ義皇家ノ忠功他ニ異ナルニ因テ彼是ノ執奏ヲ
 以テ莫大ノ君恩ヲ蒙リ從三位ニ任セラレ左京太夫ニ補セラル寔ニ近代無ニ比類ニ武功ノ大守
 也然ルニ此政則ハ故細川右京太夫勝元ノ吹舉ニ依テ箇様ニ一家ヲ再興シケル其報恩ト思ケ
 ルカ又ハ管領勝元ノ聳ト成テ威ヲ募ラント思ケルカ其比勝元ノ息女ニ洞仙院ト云フ比丘尼
 ノ極メテ醜女ノ在ケルヲ無理ニ所望シ還俗セサセ是ヲ娶テ政則カ妻室トシ一族郎黨モ皆此
 室家ヲ崇敬シケルニ一人ノ女子ヲ儲テ後去ル明應五年四月廿五日政則四十二歳ニテ死去シ
 クリ男子無リケレハ家督相續ノ事ハ政則存生ヨリ申シ置ケル故ニ因テ赤松家ノ惣領筋故信
 濃守範資ノ末孫七條ノ藏人元久ノ子ヲ養テ政則カ女子ヲ妻合セ遺跡ヲ續シメ是ヲ赤松左京
 太夫義村ト號シ即此頃ノ播州ノ守護也然ルニ此義村ハ養父死後ノ入り聳ニテ家人等ニモ侮
 ラレ且又舅女ノ洞仙院ニモ惡マレケル角テ年月ヲ經ケル中ニ一人ノ男子ヲ儲ケ是ヲ才松丸
 ト云フサレ共夫婦ノ中モ睦シカラス只守護ノ名ノミニテ國中ノ政事ハ洞仙院ト同室家ト二

人ノ女姓ノ取扱フ事ト成來レリ于レ時彼家ノ執事浦上掃部助村宗權威ヲ振テ國中ヲ進退ス如何シタリケン洞仙院ト室家トヘ村宗無ニ取リ入テ多年此二女ニ睦シクシ終ニ逆意ヲ巧ケル扱此掃部助村宗モ元來赤松ノ一族ニテ去ル應仁ノ亂ニ武功有シ浦上美作守則宗カ子也ケリ然レハ義村ハ村宗カ逆心ヲ怒テ去ル永正十六年十一月ノ比ヨリ村宗カ居住シケル備前國三石ノ城ヲ攻ル此城ハ去ル觀應ノ古ヘ佐和善四郎カ籠タル要害無雙ノ名地ト云ヒ其上村宗モ究竟ノ剛ノ者且又後詰モ數多有ケレハ其年ハ責落サレス漸々扱ニ成ケレ共翌年モ又合戰未タ不止ノ三箇年ノ間君臣度々戰ヲ挑ミケル後ニハ次第ニ義村ニ味方寡ク既ニ危ク見ヘケル處ニ大永元年ノ冬終ニ洞仙院ト室家トノ取扱ニテ事濟ケリ其趣ハ義村ヲハ隱居サセ剃髮ノ定印居士ト號シ樂人ト成テ政事ニ不レ構義村ノ子息才松九今年纔七歳ナルヲ赤松ノ家督ニ立播州備州ノ守護ト仰キ村宗其執權シテ彌々國中ノ政事ヲ取行ヒ諸事萬端ハ本ノ如ク洞仙院ト室家トノ心ノ儘ニ成シ遂ケルセメテモ此儘ニテ可ニ指置モアラスシテ終ニハ明ル大永二年二月廿七日ノ夜村宗情無クモ花房菅野岩井ナント、云者共ヲ遣シテ播州ノ室ノ津ニテ忽主君義村入道定印ヲ弑シケリ寔ニ淺猿キ所行也然レハ村宗ハ當時無雙ノ惡人ナレ共洞仙院ト後室ト此二女ニ親昵シ譬ヘハ古ヘ鎌倉ノ世ニ北條カ尼將軍ノ執權シテ天下ヲ治己カ家ヲ富榮ヘタル如クニシテ赤松ノ一族家人國民迄己カ手ニ屬ク恣ニス若違背スル者有レハ二女君ノ仰也トテ忽ニ誅伐シ漸々ニ威強ク成テ遂ニ播州ハ不レ及レ謂ニ備前美作ノ内ヲモ執リ治メ權威ニ誇テ居タリケルサレ共浦上カ自分ニ三州ノ守護トモ成難ケレハ上部ニ

ハ才松丸ヲ主君ト仰キ是ヲ元服サセ赤松次郎冠者政村ト稱シテ纔ニ主從ノ禮儀ヲ勉ケル政村幼少也ト云ヘ共父ノ義村ヲ村宗ニ殺サレタル鬱憤常々肝ニ銘シテ只明暮何トソシテ浦上カ一家ヲ亡シ父ノ讎ヲ報セント心腑ニ籠テ在ラレケレ共若今其色ヲ立タラハ吾身モ必又村宗ニ殺サレテ孝心ノ大義ヲ不レ遂謀慮徒ニ空シカラント思ハレケレハ上部ニ少シモ其色ヲ不レ顯サ萬事小大ト無ク皆村宗ニ打任セ吾身ハ何事ニモ不レ構ノ態ト愚カナル舉動ヲシ徒ニ日ヲ送テ本意ノ時變ヲ待居給フ心ノ内コソ恐シケレ赤松家ノ一族同キ國人等無レカシテ皆浦上ニ附屬フサレ共内心ニハイカナル時節ノ變モアレカシ政村ヲ取立テ浦上村宗ヲ亡サハヤト思フ人コソ多カリケル浦上村宗ハ彌々權柄ヲ振テ榮耀ニ長シ奢ヲ極メ欲ヲ恣ニシテ威勢ヲ隣國ニ顯ス然レ共逆威ノ行末心許無ク思ケルニヤ情思案ヲ巡シテ後楯ニ頼マント防州ノ大内介義隆ニ便リ親シム終ニ嫡子ヲ元服セサセ義隆カ一字ヲ乞請テ浦上備前守隆宗ト名ノラセ義隆ノ味方トシテ備州三石ノ城ニ居サセ吾身ハ政事ヲ司テ播州ニソ居住シケル

續應仁後記卷第一終

續應仁後記卷第二

○公方家御官位御昇進事 附細川禪門所々潛行事

享祿三年庚寅正月廿日爲勅使大外記清原良雄江州高島ノ郡朽木谷エ參向シテ公方家ヲ權大納言從三位ニ任セラル去程ニ道永禪門高國モ同シク朽木谷エ落行テ公方家御一所ニ暫時忍居ラレシカ君臣一所ニ隱レ居テハ大儀ノ計畧叶カタシ諸國ヲ忍回テ密々諸將ヲ相カタラヒ人數ヲ催シテ敵徒ヲ退治シ本望ヲ達セント公方家エ御暇ヲ申請朽木谷ヲ立出テ伊賀國エ打越仁木伊賀守義廣ヲ賴マル其レヨリ伊勢エ立越國司北畠中納言材親卿ノ許エ行テ斯モ暫時ハ賴居タモフ此伊勢國司材親卿ハ元來道永禪門ノ聲ナレハ懇ニ馳走シテ何時モ加勢ヲ參ラスヘキ由心ヲ不レ殘賴マレケリ斯ニ滯留シ給フ中ニ道永法名ヲ改ラレ細川常桓禪門ト號セラル伊賀伊勢共ニ其比ハ國中兵亂ノ最中ニテ未ニ一統カ故ニ大儀ノ催シ叶難シ迎又江州エ立歸リ六角ト京極ト兩佐々木家ヲ語ラフニ兩將共ニ申サルハ今迄度々賴マレ申シ隨分合戦手ヲ碎キ和睦迄調ヘシニ又々加様ニ成果給ヘハ此上ノ御賴ハ如何ト辭退有ケレハ扱ハ當分賴難シトテ越前國エ下テ朝倉ヲ語ラハル朝倉孝景モ佐々木家ノ返事ノ如ク今迄每度御催促故自國ノ仕置ヲ差置テ隨分見續申シケレ共今ハ早勢力勞レテ御味方成難キ由ヲ申ス扱ハ是モ賴モシカラスサレハトテ纒ノ人數ニテハ四國ノ大敵從ヘ難シ中國へ押渡リ大名共ヲ賴ミ見ントテ同國敦賀ノ津ヨリ船ニ乘テ常桓禪門海上ヲ漕渡リ出雲國エ着岸シテ當國ノ大名佐々木尼子修理大夫經久ヲ賴マレケレ共京都モ四國モ遙ナル國ヲ隔タレハ御味方申テ出

勢シカタク且又當時戰國ニテ近隣ニ敵數多有レ之故四境無ニ心許シテ足長ニ遠國ノ働思モ不レ寄ト云放ツ扱ハ遠國ハ誰トテモ角有ヘキニ遠遠ノ地ハ賴行テモ詮無シトテ其ヨリ常桓取テ返シ又京近ク忍上テ其比播州ニ居住シ威ヲ振フ浦上掃部助村宗ヲ賴レケル村宗ハ一議ニモ不レ及甲斐々々數賴レマイラセ常桓ニ申ス様御心安ク思シ召セ某不肖ノ身ト云ヘ共公方管領ノ味方ニ參テ備前播磨兩國ノ人數ヲ催シ近國ヲモ相語ヒ御敵ヲ退治シテ忠義ノ功ヲ立ヘキ由懇ニ領掌ス常桓大ニ悅給ヘハ村宗又申ス様昔時越前國ハ代々武衛家ノ領國ナル所ニ彼武衛家老ニ朝倉太郎左衛門敏景ト云者有テ應仁文明ノ亂中主君ノ武衛ヲ叛キケレ共北陸道ヲ伐平ケ都鄙運送ノ路ヲ開テ公方家ノ味方ト成シカハ故細川勝元ノ吹舉ヲ以テ公方慈照院殿ヨリ忠功ヲ御感有リ武衛ヲ押除テ朝倉即越前國ヲ賜リ御免ヲ蒙テ守護大名ノ數ニ列セラレ忽陪臣ヲ離テ諸侯國主ノ身ト成タリ剩其子孫代々御加恩ヲ忝ハ今ノ孝景ハ御相伴衆ニ被ニ成下レ彼家ノ面目武士ノ本望何事カ如レ之哉某村宗ハ元來赤松カ氏族ナレ共先祖ヨリ因循シテ未タ家人ノ名ヲ不レ遁レ某今武威ヲ以テ備播兩州ノ下知ヲ司ルト云ヘ共國人等動モスレハ先名ヲ厭テ命ヲ叛者多シ是ヲ以テ國郡喧ク貴賤安堵ヲ成シ難シアハレ今度忠勤ヲ抽テ御本意ヲ達シ奉ラハ彼朝倉カ例ニ任セテ某村宗ヲ播州ノ守護ニ成サレ公方家直參ノ諸侯ノ數ニ入ラルヘクモヤ候ラント望ケレハ常桓此條子細有ラシト堅ク契約シ給ケリ浦上村宗大ニ悅ヒ分國他國エ相觸テ公方管領ノ味方ヲ催ケル程ニ元來公方家御幼少ノ御時當國ニ御座有テ其好ミ有ル人共ナシカハ味方ニ參ラサランヤト我モ我モト馳參テ其勢引モ切ラ

サリケリ

○常桓禪門浦上村宗攝州出張事

同キ亨祿三年庚寅秋細川常桓禪門ヲ大將ト仰キ浦上掃部助村宗諸軍ノ下知ヲ司テ播磨備前美作三州ノ人數ヲ催シ細川晴元退治ノ爲ニ先ツ攝州ニ發向ス同八月廿七日浦上カ先陣攝州ノ神呪寺ニ陣ヲ取ル其比右京大夫晴元ハ泉州堺ノ津ニ居住ス攝州ノ晴元方高畠甚九郎ハ伊丹城ニ籠リ池田筑後守ハ池田ノ城ヲ守リ藥師寺三郎左衛門國盛ハ富松ノ城ニ在ケルカ同九月廿一日播州勢神呪寺ヨリ富松ノ城ニ朝驅シテ即時ニ攻落シ廿餘人ノ頸ヲ取テ手合ノ軍ニ打勝チ物始吉ト悅テ暫時富松ノ城ニ陣取居ル此由堺ニ聞ヘケレハ晴元攝州ノ味方手薄ニシテ防戰無ニ心許トテ山中遠江守藥師寺次郎左衛門ニ泉州衆ヲ相添多勢彼表ニ差向ラル此勢即チ攝州ニ打入テ伊丹城ヨリ高畠ニ案内サセ富松ノ城ニ押寄テ播州勢ト合戦シケルニ晴元方ノ者共悉打負阿波勢ノ井上新八郎ヲ始テ卅餘人討レケレハ殘ル軍勢悉敗北シ匄々ノ體ニテ引退キ高畠ハ伊丹ニ歸城シ山中藥師寺堺勢ハ同國尼カ崎大物ノ城ニ引籠ル其ヨリ常桓方エ日々ニ晴元方ヨリ降參スル者多シテ逐レ日多勢ト成ルサテハ此大軍ニテ大物ノ城ヲ攻ヨヤトテ同十一月六日大物エ取懸ケ入替ヘ入替ヘ攻ケル程ニ大敵防難シトテ城中一方ノ大將藥師寺次郎左衛門ハ堺ニ人質ヲ置ナカラ忽降人ト成テ常桓方エ出ニケリ是ヨリ城中崩レ立テ終ニ大物ノ城ハ攻落サレ城將河原林左衛門尉山中遠江守ヲ始トシテ究竟ノ者共五十餘人討取ラレ常桓方ノ軍兵毎度ノ勝軍ニ日々威勢募リケレハ晴元方ノ滅亡近キニ有ラント見ヘニ

ケリ扱モ藥師寺次郎左衛門七歳ニ成ル男子ヲ人質ニ出シ置テ敵陣ニ降參スル事不義不忠ノ舉動也トテ翌年三月十五日晴元ヨリ彼人質ヲ堺庄ノ釋迦堂ニ張付ニシテ殺サレケル

○三好筑前守元長上津所々合戰事

晴元方毎度ノ負軍大物ノ城サヘ攻落サレ味方悉氣ヲ屈シ敵方ヘ降ル族モ有リ又落テ行者モ有リ次第ニ無勢ニ成ル儘ニ危キ體ニ見ヘケレハ日々四國ヘ使ヲ馳テ一類家人ヲ催サレ合力勢ヲ憑レケルサレ共當家第一ノ執事三好筑前守元長ト近年晴元不和ナレハ誰有テ見續ク者モ無シ斯ニテ晴元差當ル難義ニ迫テ今更先非ヲ悔ヒ心ヲ傾ク様々ニ詞ヲ盡シ頻ニ元長エ佗言シ懇欵ヲ顯シ頼レケレハ元長モ流石ニ此事難ニ默止ニ翌年亨祿四年ノ春漸ク元長心折レテ此旨畏入候ト晴元ヘ承服ス因レ茲同二月廿一日元長先ツ堺ノ津ヘ上リ着テ晴元ヘ拜謁シ君臣和睦ノ上ニ敵味方ノ委細ヲ聞受ケ最懇ニ合戦ノ内談シケレハ晴元大ニ悅テ俄ニ懇誠ヲ盡シ元長ヲ奔走セラレケル然レハ此日比元長ヲ情無ク爲シ傍輩共早晚俄ニ詞ヲ替ヘ色ヲ直シ身ヲ下シテ皆彼人ノ下風ニ立ツ最目覺シキ事共也サテハ元長罷歸テ四國勢ヲ催シ急キ又馳登テ常桓ヲ退治仕ラン迪元長即チ四國ヘ歸テ家ノ子郎黨國人ヲ相催ス扱又晴元ノ伯父細川讚岐守之持ハ未一度モ上方ヘハ不レ登シテ下ノ屋形ト仰カレ四國ノ政事ヲ執行テイツモ讚州ニ居ラレシヲ此度元長勸メケルハ若シ堺ノ陣破レテ御所モ晴元モ敵ノ爲ニ得ラレナハ四國トテモ頼ミ無シ今度ノ一戦ハ當家ノ安危存亡ノ大事也急キ堺ヘ打テ登リ晴元ヲ見續給ヘト頻ニ諫ケル程ニ讚州之持モ此諫言ヲ同心シテ是モサテハ何時成共堺ヨリノ一左右次第攻

登ラント示シ合サル扱ハ味方根強也トテ四國ノ多勢各々打立元長ヲ大將トシ不日ニ堺へ漕
 登ル扱モ攝州ニハ高島甚九郎伊丹ノ城ニ在ケルヲ今年ノ春常桓方ヨリ多勢ヲ以テ入替々々
 攻ケルニ城ハ終ニ落サリケレ共堺ヨリ後詰ハ無シ高島力盡テ同二月廿八日アツカヒニ成テ城ヲ
 渡シ城主高島ハ同國池田ノ城へ引籠ル常桓方ノ軍兵勝ニ乘テ時刻ヲ不レ移サ同三月六日ヨ
 リ池田ノ城ヲ攻ケル程ニ城主池田筑後守唯一日ニ攻落サレ阿州ヨリ加勢ニ籠リシ有森ノ某
 ヲ始トシテ二百餘人討死ス城兵東條又四郎ト波多野孫四郎二人ハ寄手ノ圍ヲ切り抜ケ遙々
 ト落行ケレ共終ニ落延難クシテ同國山田ト云所ニテ二人共ニ自害シ失ヌ常桓方ノ猛勢又此
 度モ打勝テ近日堺へ押寄ヘキ由頻ニ告テ來リケレハ堺ニ在ケル晴元方ノ者共以ノ外ニ騷立
 テ此小勢ノ分ニテ大敵ヲ引受防戦叶難カルヘシ御所モ晴元モ一先ツ四國へ落行テ重テ本意
 ヲ遂ラルヘシト落支度シテ薙メク處ヘ三好筑前守元長究竟ノ四國勢一萬餘人引率シテ堺ノ
 津へ參着シ晴元ニ馳加ル大將ヲ始トシテ晴元方ノ諸勢等大ニ勇ミ力ヲ得テ是ヨリ上下忽ニ
 色ヲ直シ專ラ合戦ノ評議有リ常桓ニハ是ニモヒルマス近日堺ヲ攻落サントテ常桓禪門浦上
 以下中國勢二萬餘人且又畠山兩家ノ人數モ相加テ多勢悉打立先手ノ輩ハ淀川ヲ打越シ島下
 郡中島へ陣替シ惣勢ハ住吉ノ小松原ニ陣ヲ取ル三好元長ハ本ヨリ武勇ノ達者ニテ其比諸方
 ニ勝レタル名將也ケレハ敵ノ思モヨラヌ内ニト元長自身潛ニ堺ヲ打立テ早々中島住吉へ逆
 寄ニ押寄セ敵未陣所ヲ取堅メヌ其内ニ手早ク一戰シテ悉打勝播磨勢ノ剛ノ者谷福島ヲ始ト
 シテ八十四人討捕リ勝鬨ヲ作テ堺ノ庄へ引取ケレハ是ニテ四國方ハ旗色ヲ直シテ大ニ悦ヒ

常桓方ハ手初メノ軍ニ利ヲ失フ扱有ヘキニ有サレハ常桓方ノ軍勢ハ天王寺今宮神戸渡部津
 村邊ニ無ニ透間ニ陣ヲ取リ福島川ノ上下兩所ニ橋ヲ掛渡シ都合其勢二萬餘人近日堺へ押寄セ
 四國ノ輩一人モ不レ漏討捕ント猛威ヲ振テ進ケル堺ノ庄ニハ近々此津へ敵來ラハ如何セン
 トテ町人共驚騒キ仰天ノ俄ニ門々ノ前ニ垣ヲ結用心緊シクシタリケレハサナカラ當津御禊
 ノ日ニソ似タリケル此由元長ヨリ四國へ注進シケル程ニ同キ三月廿五日細川讚岐守之持荒
 手ノ四國勢八千人ヲ引率シ堺ノ津へ着陣シテ晴元方へ馳加ル當方又々多勢ニ成テ彌々勇進
 ム處ニ今度常桓ノ味方ニ參テ隨一ノ者ト頼レケル畠山家老木澤左京亮長政忽ニ心替シ降人
 ト成テ晴元ノ味方ニ加ル角シテ日々晴元方ハ人數モカサミ競誇テ今ハ當津ニ楯籠テ敵ヲ待
 事不レ可有レ之イサ此方ヨリ押寄テ合戦ノ雌雄ヲ決スヘシトテ同五月十三日四國ノ猛勢等
 堺ノ津ヲ出張シ三手ノ軍兵手分シテ天王寺表へ差向フ先ツ一手ハ細川右馬頭澄賢香川中務
 丞ヲ大將ニテ筑島ニ陣ヲ取ル又一手ハ三好山城守ヲ大將トシ東條七條一ノ宮久米河村ノ者
 共吾孫子菊田ニ相備フ三好元長ハ三方ノ惣大將シテ住吉ノ澤ノ口遠里小野ニ支ヘ居タリ三
 方ノ人數都合一萬五千餘人日々天王寺ノ常桓方へ取驅ク矢軍ニ日ヲ送ル且又阿波御所ト晴
 元ハ未タ若年ノ御事ナレハ先ツ御出陣不レ可有トテ堺津ニ留置マイラセ其警衛トシテ今登
 リノ細川讚岐守之持八千餘人ヲ相率シテ堺ヲ根城トシ緊ク固メテ守護シ居ケリ

○天王寺合戦尼ヶ崎大物崩事

去程ニ常桓禪門ト浦上掃部助村宗ハ大軍ヲ率シ足長ニ出張シテ勇ミ誇テ在ケレ共四國勢日

々カサミ敵ノ猛威次第ニ募テ味方弱メニ見ユルカ故ニ此體ニテハ中々合戦成難シサラハ加勢ヲ呼上サン迪又播州へ使ヲ馳テ此度當家一大事ノ合戦ナレハ備前播磨ニ殘ル者共貴賤老若ヲ不レ分有ト有ラユル者共等兩國惣人數ヲ打フルフテ悉馳登リ味方ノ勢ニ加テ一戰ノ雌雄ヲ決スヘキ由火急ノ催促云遣ス備播兩州ニ相殘ル者共是ヲ聞テ我劣ラシト播州へ驅集リ直ニ攝州へ驅登ル軍勢夥敷路次引モ不レ切充滿タリ赤松次郎冠者政村此時迄ハ未播州ノ留守シテ居ラレシカ今度攝州ノ陣立難義ニシテ合戦ノ勝負危キ由催促ノ趣聞届候上ハ一人ト云共誰有テ殘リ留ルヘキニ非ス急キ某モ馳登テ浦上ニ力ヲ合スヘシトテ明石修理進ニ先陣ヲ打タセ我身モ人數ヲ率シ夜ヲ日ニ繼テ攝州へ馳上ル備播ノ惣軍一同ニ天王寺ノ陣ニ參會シテ夥敷集リケレハ常桓禪門モ村宗モ此合力ニ色ヲ直シ悦合事限無シ此大軍ニテハ敵タトヒ何萬人有トテモ物ノ數トスヘカラス近日先ツ當所ノ敵ヲ追散シテ直ニ堺ノ津へ可ニ押入ト勇ミ進ム就レ中赤松政村ハ同キ六月二日西宮六太寺ニ着陣シケルカ斯ニテハ陣場ノ構不宣トテ程無ク神呪寺へ陣替シタリ其内軍中ニテ色々ノ雜説有ケレハ浦上村宗イフカシク思ヒ疑テ頓テ神呪寺ノ陣へ見廻來テ政村今度合力トシテ早速此表御參陣忝存ル由一禮ヲ述面談シテ本陣エ歸リケレ共互ニ用心嚴ク見ヘタリ常桓禪門モ政村ノ參陣返ス返スモ祝着ノ由様々ニ謝シ申サレケリ抑政村ハ播州ヲ打立ケルヨリ忍テ晴元ニ申シ遣シ人質ヲ渡シテ頼レタルハ某カ亡父ノ仇敵浦上掃部助村宗ヲ討取テ年來ノ鬱憤ヲ散シ孝行ノ本意ヲ達シ事唯此時ニ過ヘカラス其爲ハカリニ某ハ今攝州へ馳登レリ速ニ四國ノ味方ニ馳參テ彼素懷ヲ遂

ヘシトテ頓テ内通ノ契約相調無ニ一心晴元ノ味方ト成剩今度合戦勝利ノ後ハ讃岐守之持ノ聲ニ成ラント約束ノ一味ノ堅メヲシタリケレハ翌六月三日ノ朝四國衆モ加勢ニ來テ政村忽神呪寺ノ陣ニ於テ晴元一味ノ旗ヲ擧ケ俄ニ浦上カ陣ニ向テ弓鐵炮ヲ放掛ル是ヲ見テ今登リノ面々ハ不レ及レ謂ニ初ヨリ浦上ニ附キ屬テ登リ居タル者共モ備前播磨美作三箇國ノ軍兵是皆赤松譜第ノ家人或ハ一族國人ニテ政村本意ヲ達セン事常々願シ事ナル上ニ此比味方ハ負色也時節好シト悦ヒ我劣ラシト浦上ヲ打捨々々陣々ヲ拂テ政村ニ馳加リ四國勢ノ味方ト成ル角テ浦上村宗ハ手勢ハカリ纔ニ殘テ落留ル者稀也ケレハ危キ體ニ成果タリ常桓禪門モ村宗モ如何セント周章ケレ共爲方ナケレハ先斯ヲ引退ント様々評議セラレシカ播磨エ歸ル道々ハ赤松衆ニ隔ラレスモ彼コモ遮ラレテ跡エモ先エモ行難シ兎ヤセソ角ヤ有ヘキト云ヒ案スル程コソ有レ翌四日ノ早朝ニ三好元長大將シテ四國ノ大軍一同ニ開テ作リ大鼓ヲ打テ本津今宮天王寺エ煙嵐ヲ捲テ押寄ル浦上村宗先ヲ馳ケ常桓禪門後陣ヲ詰テ斯ハ遁レヌ處トテ必死ヲ究メ手ヲ碎キ四國勢ニ渡リ合切ツ斬ラレツ驅出々々身命ヲ不レ惜戰ケレ共敵ハ幾手モ荒手ヲ入レ替透間ヲアラセス競驅テ息ヲモ不レ繼攻掛ケレハ多勢ニ無勢叶難ク終ニ味方敗軍シテ右往左往ニ逃散ケル程ニ浦上掃部助村宗マツ先ニ討死ス一族ノ島村彈正ト云者敵數多討取ケレ共精力盡果テ引退事モ叶難ク終ニ敵ト引組テ野里川エ飛入り水ニ溺レ死タルヲ其比皆人褻合ケリ不思議也其レヨリシテ此野里川ニ武者ノ顔ノ甲ニ有ル蟹數多出來テ今ノ世迄モ有ケルヲ此所ノ者共彈正カ靈魂也トテ島村蟹ト名ヲ付タリ其外浦上ニ屬從ケ

ル播州ノ者共三百餘人討捕ラル殘ル者共ハ野里川エ追込マレ水ニ溺レテ死スル者五千餘人ト云傳フ常桓禪門ノ宗徒ト頼マレタル細川和泉守護元有伊勢兵庫助國扶川原林日向守波々伯部兵庫助藥師寺三郎左衛門國盛等一足モ不引去思々ニ討死ス其外ノ者共是モ野里川エ追込マレ或ハ落行者共モ斯彼ニテ討取ラレ亡ル者二千餘人野里川ハ時ノ間ニ手負死人ニ押埋マレテ岡ノ如ニ高ク成ル其外ノ殘徒等少々尼カ崎ニ落留リ集リ居ケル處ヲ三好山城守一秀又追驅テ切崩セハ斯ニテモタマリ不レ得又方々エ逃散タリ伊勢六郎左衛門貞能ト浦上内藏助ハ生瀨口エ落行ケルヲ政村晴元兩家ノ者共手シケク追詰テ終ニ内藏助六郎左衛門遁レ難ク二人共ニ自殺シ失ケリ今度ノ合戰大勝利ハ偏ニ三好元長カ手柄ノ程天下ニ隠レ無リケル且又赤松政村ハ多年時節ヲ待ツケテ今度ノ戰場ニ父ノ敵浦上ヲ目ノ前ニ討取ル事智惠深シトソ沙汰シケル此時ノ合戰ヲ世ノ人攝州ノ大物崩レト云ナラハス

○常桓禪門最期事

去程ニ三好筑前守元長ハ合戰ニ打勝テ四國勢赤松勢何レモ頸數多討捕ケレ共未タ細川常桓ノ頸ハ見ヘサリケル程ニ方々エ手分シテ常桓ノ行衛ヲ捜シ索ル村々里々ハ云ニ不レ及木ノ茂リ艸ノ陰迄尋ヌ所ハ無リケリ常桓禪門ハ六月四日ノ戰場ヲ落延テ播磨路エ赴キケレ共敵徒路々ヲ遮テ落行方モ塞リケレハ大物ノ庄ノ民家エ入テ紺屋ヲ頼テ忍居ラル紺搔ノ男奇特ナル者ニテ甲斐々々シク頼マレ頼テ我家ノ藍瓶ヲウツ伏テ其中ニ常桓ヲ隠シ納レ置テ己レハサラヌ體ヲシテ布ヲ染テ居タリケル三好家ノ者共所々方々ヲ捜シケレ共常桓見ヘ給ハサ

レハ餘リニ尋兼ケルニ其中小サカシキ者有リテ瓜ヲ數多持來リ折節彼家ノアタリニ遊居ケル童部共ヲ近着ケ若此邊ニ落人ヤ隠レ居ケン其レヲ教ヘ聞カスルナラハ此瓜ヲトラセント云フ炎天ノ嗜物ニテハ有リ童部共瓜ノホシサニ何心モナク云様ハアレナル紺屋ノ背戸藍瓶ノ下ニコソ坊主一人隠レ居タリト告ケレハ扱ハ其コソ恠シケレ逆捜ス兵共紺屋エムスト押入テ紺搔ノ男ヲ搦置其外多勢シテ彼藍瓶ヲ取ノケ隠レシ法師ヲ出シ見ケレハ疑モ無キ常桓也三好山城守大ニ悦ヒ常桓禪門ヲ生捕テ即チ堺ヘ注進ス晴元之持其外ノ衆中相談シテ生テ置ヘキ敵ナラチハ早々切腹サスヘシトテ即山城守ノ檢使トシテ同六月八日寅ノ刻ハカリニ尼カ崎大物ノ庄廣德寺ニ於テ常桓禪門ニ腹ヲ切ラセケルトソ聞ヘシ其時山城守一秀ハ情深キ者ニテ常桓最期ノ御用有ラハ何ニテモ承ラント懇ニ申シケレハ常桓悦ヒ然ラハトテ行水ヲシ身ヲ清メ心閑ニ經ヲ誦シ硯料紙ヲ乞受テ流石スキタル道ナレハ三十一字ノ歌ヲ案シ短尺數多認テ是ヲ銘々ニ届ケ給リ候ヘト三好一秀ト寺ノ住持ニ頼ミ置慇懃ニ一禮述ヘ畢テ尋常ニ自殺シ失ケレハ一秀モ住持ノ僧モ哀レテ催シ感涙シテ彼短尺ヲ銘々ニ届ケ遣シケルトカヤ常桓今茲四十八歳法名ハ三友院トソ號シケル其短尺ノ歌ハ先

辭世

無ト謂ヒ又有ト謂フ言ノ葉ヤ法ノ眞ノ心成ラン

院ノ御所様エ

犬追物今一度ト思ヒコシ有増シハ只イタツラニコソ

伊勢國司エ

繪ニ寫シ石ヲ作りシ海山ヲ後ノ世迄モ目カレスソ見ン

御上様エ

此海ノ波ヨリ高キ浮名ノミ世々ニ絶セス立ヌヘキ哉

能登ノ姉上エ

世間ニ迷フテ事ナキ者ヲ迷ヒト云ヘル言ノ葉ハ何

珊瑚侍者エ

夕立ノ空タノメナル宿リ哉

其比連歌師ノ宗碩吟歎ノ餘リニ即此發句ヲ用ヒテ百句連歌ヲ興行シ彼追善ニセシトノ聞ヘシ

○三好元長蒙晴元勘氣一事

三好筑前守元長無二ノ忠功一戰ノ勝利ヲ得テ常桓禪門滅亡セシカハ今ハ争フ者モ無ク細川右京大夫晴元一家ヲ一統シ文武ノ政事ヲ執行ハ、亂世モ漸ク年ヲ經テ靜謐ニ成行ヘキカト諸人安堵ヲ爲ス處ニ如何ナル天魔ノ所行ニヤ晴元未タ若輩ニテ佞奸ノ者ヲ相近着ク讒者ノ實否ヲ不_レ被_レ亂故又兵亂ノ世ト成ケリ其子細ヲ尋ルニ今度降人ト成來レル木澤左京亮長政希代ノ惡人ニテ種々ニ諂ヒ取り納テ晴元エ出頭シ其外ノ出頭人三好神五郎可竹齋ナント、相擬シテ三好元長野心ノ由ヲ晴元エ讒言シ種々ノ秘計ヲ廻ラス程ニ晴元愚ニシテ其ヲ眞ト

心得元長ヲ疑ヒ惡マル、サレ共讚岐守之持ハ元長カ忠義ヲ感シ色々晴元エ云開テ今年ノ中ハ未タ勘氣モ無リケリ是ノミナラス木澤長政ハ今晴元エ出頭シテ細川家ニ時メク故ニ己カ本主人畠山上總介義英ヲ物ノ數トモ不_レ思シテ毎事無禮ヲ盡セシ程ニ義英是ヲ憤リテ終ニ人數ヲ將ヒ陣立メ長政カ居城攝州飯森ノ要害ヲ攻メトス元長カ一族三好遠江守等義英ニ頼マ_レ寄手ニ加ル木澤出張シタリケレ共一戰ニ打負引入レテ飯森ノ城ニ楯籠リ晴元エ後詰ヲ乞フ晴元ハ泉州堺ニ居住アルカ一議ニモ不及長政ニ同心シテ今茲亨祿四年ノ秋八月廿日多勢ヲ率シ自身飯森ノ城後詰ノ爲ニ攝州中島三寶寺迄出張シテ畠山ト一戰シ百餘人討捕ル畠山義英軍ニ討負飯森ノ城ヲモ不_レ攻シテ散々ニ引取ケレハ晴元其跡ヲ慕テ三寶寺ヨリ富田ノ庄迄攻登リケル處ニ細川讚岐守之持又種々ニ諫言シテ晴元ノ軍ヲ留メケル故漸々晴元承引シテ富田庄ヨリ堺ヘ歸陣ス抑畠山義英ハ晴元ノ姉驛也然レハ近キ縁親ト云一方ノ大將タル人ヲ今參リノ降ノ木澤長政ニ思替テ彼レヲ最負シ義英ヲ討メトスル事謂レ無キ邪行晴元ノ心ノ中頼モシカラス愚サヨト皆人心ヲ放チケリ角テ今年ハ過行ケルニ其比柳本甚次郎ト云者京ノ三條ニ楯籠テ洛中ニ逆威ヲ振フ是ハ柳本故彈正カ子也去ル亨祿二年父ノ彈正邪義ヲ搆テ公方家ノ和議ヲ破リ晴元エ讒言シテ始テ晴元元長ヲ不和ニス剩其比元長カ方人也トテ攝州ノ伊丹元扶ヲ責殺シヌ父積惡ニテ横死セシニ今又其子甚次郎洛中ニ狼藉ス彼是難ニ差置_トテ元長カ下知トシテ三好山城守一秀ヲ大將トシ逸見市原森飛驒守鹽川若狹守等三千ノ人數ヲ差登セ亨祿五年正月廿二日京都三條ノ館ニ於テ柳本甚次郎木島ヲ始テ五十餘人

ヲ討捕リ伊丹元扶カ弔合戦ト云合ケリ是ニテ彌元長ハ晴元ノ惡ミヲ受ケ此時始テ勘氣ヲ蒙ル扱元長ヲ最負ノ面々畠山上總介義英丹波ノ波多野大和衆等ナント有ケレ共元長ハ堺ノ南ノ庄エ引籠ミ某晴元異心無キ申シ分ケノ爲ニトテ本取切り僧衣ヲ着テ法名ヲ海雲ト名乗リ讚岐守之持ヲ頼テ色々陳謝ス之持モ晴元エ元長カ剃捨タル本取ヲ爲レ持遣シテ此義ヲ様々申分有ケレ共晴元終ニ承引ナケレハ讚岐守之持モ佗言仕兼テ晴元エ述懷シ鬱憤ノ餘リニ予此津ニ居テ詮無トテ堺ノ庄ヲ引拂ヒ同キ三月三日阿波國エ下ラレケリ是ヨリ堺ノ町中何共無ク騒立テ様々ノ雜説起シ程ニ町中大小ノ小路ヲ指堅メ何レモ通ヒハ無リケリ

○畠山上總介義英自害事

同年五月十九日畠山上總介義英士卒ヲ將テ彼家ノ逆臣木澤左京亮政ヲ伐ントテ飯森ノ城ヲ攻ラレケルニ三好遠江守和州ノ筒井等ヲ始テ皆義英ニ加リケレハ城中多勢ヲ防兼テ已ニ難義ニ及フ間長政頓テ可竹軒ヲ頼ンテ晴元エ後詰ヲ乞フ細川晴元一分ノ少勢ニテ後詰相叶カタキカ故ニ妹婢ナリケル山科ノ本願寺ヲ頼遣ハス此本願寺上人ハ一向宗門ノ惣本寺ニテ檀徒幾千萬ト云フ數ヲ不知ラ上人早速同心有テ攝州石山ノ道場エ下向シ近國ノ一向門徒エ悉觸遣シ飯森後詰ノ義ヲ催ス抑此宗ノ門徒ハ一向專念ノ信心深シテ上人ノ仰ト云ヘハ身命ヲ不レ惜マ得失ヲ不レ省如何ナル催促ニモ唯一筋ニ趣キ立ツ宗門ノ習ナレハ時刻ヲ不レ移サ檀那ノ土民三万餘人驅集リ同六月十五日飯森ノ城ノ後詰シテ面モ不レ振命モ不レ惜マ寄手ノ人數ヲ悉切立ケル程ニ寄手忽敗軍シ畠山家ノ侍宮田ヲ始テ二百餘人討取ラレ三好遠江守

モ兄弟上下百餘人討死ス箇井ヲ始テ大和河内ノ軍兵等皆々敗北ノ散々ニ成果タリ上總介義英ハ一戰ニ打負ケ一類ノ畠山植長ヲ頼テ河州高屋ノ城ニ籠ラレケルヲ一向門徒等此勝軍ノ勢ニ誇テ其儘同日ニ高屋エ押寄攻戦ケル程ニ斯ヲモ又追落サレ義英ハ爲方無ク同國石川ノ道場エ落テ隠レ居給フ木澤方ノ寄手等走散尋出シテ又斯エモ攻入ケル程ニ同六月十七日終ニ石川ノ道場ニテ畠山上總介義英ハ木澤カ爲ニ自害シ給フ哀ト云モ愚也此義英ハ故右衛門佐義就ニハ孫故上總介義豐ノ子ニテ一方ノ大將也ケレハ惜ム人多カリケル凡古ヘハ花一揆或ハ桔梗一揆ナント云テ旗ノ紋ヲ一同ニシ侍ノ組々一手ヲ分ケ定テ其品々ヲ一列ス何ノ比ヨリカ此作法絶果テ土民ノ徒黨シテ軍ヲ起ス者ヲ名付ケテ土一揆ト云ナラハス民ノ字ヲ畧セル者ヲラシ然ルニ近年ハ土民ノ徒黨每度蜂起シ皆人士ノ字ヲ畧セシメテ其ヲ只一揆トノミ云ナラハス然レハ今度ノ一揆ヲハ世人皆一向一揆トソ云ナラハシケル

○三好海雲居士於顯本寺自害事

一向門徒一揆ノ輩義英ヲ討テ後イサヤ此競ニ三好元長入道海雲ヲ討取ラント堺ノ津エ差向フ同月十九日ノ夜海雲居士ハ妻子ヲ近着ケ申サル、ハ敵今ニモ攻寄テ多勢路ヲ遮ラハ落行事難カルヘシ某此寺ニテ腹切テ失ヌヘシ其方ハ如何ニモシテ嫡子千熊ヲ伴ヒ急キ阿州エ落行テ此所ノ有様ヲ讚州之持エ申シ上ケ千熊ヲ預ケ奉テ家ノ運ヲ待給ヘト暇乞シ給ケルニ妻女モ名殘ヲ惜ツ、同枕ニ死ヲ遂ント涙ヲ流シ申サレケレ共供ノ侍押分ケ妻女ヲモ千熊ヲモ早疾々ト追立テ小船ニ取乗セ漕出シ阿波國エ落テ行ク海上遙ニ隔テ夜ハホノノト明ニケ

リ此千熊丸成長ノ後ハ四國五畿内凡ハ天下ニ威ヲ振シ三好修理太夫長慶ト云シ人也去程ニ明レハ六月廿日和泉河内攝津三箇國ノ一揆十萬餘人馳集テ三好元長ノ陣所堺津南ノ庄ニ取掛ケ関ヲ作テ攻驅ル三好山城守鹽田若狹守隨分防キ戰テ一先ツ一揆ヲ追散スト云ヘ田寄手ハ無レ限リ大勢幾重共無ク取圍テ入替々々息ヲモ不レ繼セ攻驅ル南庄ノ者共モ早晚一揆ニカタラハレ俄ニ心替リシテ所々ヨリ敵ヲ引入ケレハ今ハ早何方ヲ防留ヘキ様モ無シ海雲居士軍ニハ取アハス敵ヲ防ニ不レ及トテ日來信仰セシ日蓮宗ノ顯本寺ニ楯籠リ是コソ閑所ナレ思ノ儘ニ腹切ヘシト云處ニ敵斯エモ寄來テ寺ノ四面ヲ取卷タリ其比阿波ノ御所義維ハ河州四條ノ道場ニマシノケルカ是モ顯本寺エ入御有テ一揆等取コメ奉ル海雲居士ハ當寺ノ本堂ニ端坐シテ腹十文字ニ搔切リ腸ヲ繰出シテ天井エ投着ク臨終正念ニ死去シケリ其腸ノ迹近世マテ顯本寺本堂ノ天井ニ殘リタルト聞ヘシ三好山城守一秀御供申サントテ續テ腹切死タリケレハ鹽田若狹守同子供二人加地丹波守父子其外都合二十餘人尋常ニ並居テ腹切死ス御所侍ノ上杉等はモ八人自害シケリ今日三好方死亡ノ者上下七十餘人一揆ノ寄手等モ三十餘人討レケリ阿波御所モ既ニ御腹召サルヘキ時元方ヨリ使者來テ御刀ヲ奪マイラセ人餘多警固シ奉テ本ノ如ク四條ノ道場ニ送り入レ奉ル誠ニ危キ事共也扱モ時元ハ云甲斐無キ者共ノ讒言ヲ信シテ老臣海雲居士ヲ殺セシ事一家ノ衰運何事カ如レ之哉假ヘハ世ノ諺ニ云ナラハス天竺ニ有ト聞ク銘々鳥ト云鳥胴ハ一ツニテ啄ハ二ツ有リ二啄互ニ餌物ヲ爭ヒ一方ヲ喰伏レハ殘ル啄モ胴モ一度ニ倒レ死ス今晴元ノ舉動此鳥ニ不レ異頓テ滅亡シタマハン

ト心有ル人ハ謂合ケル

○三好氏由來事

抑此三好氏ハ今陪臣ニ類スト云ヘ共其先祖不レ賤カラ家門又他ニ異ナリ昔清和源氏ノ棟梁鎮守府將軍兼伊豫守賴義ノ三男刑部丞義光ヲ號ニ新羅三郎ニ堀河院ノ御宇ノ人也其子孫甲斐信濃常陸三箇國ニ繁昌ス就中義光ヨリ五代ノ後胤小笠原次郎長清ハ鎌倉右大將賴朝卿ノ治世ノ時信州ノ豪傑也長清ノ子ヲ彌太郎長經ト云フ是ヨリ代々鎌倉ノ寵遇ヲ得テ武家ノ禮節ヲ司ル于レ斯龜山院御宇文永四年丁卯阿波ノ國三好ノ領守右馬頭盛隆ト云者鎌倉ノ下知ヲ叛クニ因テ長經カ一男小笠原民部少輔長房討手ノ使ヲ蒙テ彼盛隆ヲ退治ス恩賞行レテ三好ノ庄ヲ賜リ長房信州ヲ出テ阿州ニ移リ彼庄ニ居住シ彼領ヲ知行シ名氏ヲ改テ三好阿波守長房ト名乗ル是當家ノ先祖也長經ノ一男信濃守長忠ハ父ノ遺跡ヲ嗣テ信州ニ居住シ于レ今子孫榮耀ス小笠原氏族是也扱又三好長房カ子ヲ孫次郎長政ト云フ長政カ子ヲ左近將監長種其子彦三郎長景其子左京進長直其子治部少輔長親其子民部少輔長宣其子阿波守長宗其子信濃守義永其子式部少輔長之長カ子三好筑前守之長入道希雲居士是也然レハ元祖長房ヨリ希雲居士迄十一代三好ノ庄ヲ領シ來ルサレハ光明院ノ御宇建武ノ亂ヨリ以來等持院尊氏公ノ味方トシ度々軍功ヲ抽テ阿波ノ小笠原ト云レシハ此三好氏ノ者共也或說ニ長房ヨリ長宗迄八代ノ中ハ阿波ノ小笠原ト稱號セリ九代目ノ信濃守義永ヨリ始テ小笠原ヲ改メ三好氏ト號ス共云リ兩說未ニ分明ニ然ルニ等持院殿ヨリ代々公方家ノ御治世ニ公命ヲ賜テ阿波讚岐ノ國

人ハ皆細川管領ノ麾下ニ屬ス角テ數箇年ヲ經ル中ニ細川代々威勢強ク阿讚兩所ノ國人等何レモ細川カ家臣ノ如クニ成リ來テ自然ト彼家ノ被官ト成レリ中ニモ應仁ノ亂後ヲ經テ三好式部少輔長之ハ細川讚州家ノ執事ト成ル死去ノ後其子筑前守之長武勇ノ者ニテ彼跡ヲ嗣キ讚州家ニ奉仕シクルニ去永正年中ニ京都ノ管領右京大夫政元ノ懇望ニテ阿波ノ屋形讚岐守義春ノ子細川六郎澄元ヲ養子トシ上洛ノ時義春ヨリ此三好之長ヲ澄元後見ノ執事トシ諸事皆此人ニ委附セラル于レ時澄元十三歲上洛有シ處ニ無幾程養父政元ハ一方ノ養子源九郎澄之ノ爲ニ弑セラレヌ此時之長ハ義兵ヲ催シ澄元ヲ大將トシ忽澄之ヲ討取リ彼餘黨惡逆ノ輩ヲ悉誅伐シテ其名ヲ遠近ニ振ヒ澄元即公方家ノ管領職ヲ相續ス其比或人ノ謂クルハ去ル應仁年中ヨリ兵亂初テ以來諸國ノ鬪諍ハ皆是私欲ノ爲ニ有名人ノ軍ハ無リシ處ニ今度澄元兵ヲ興シ父ノ仇ヲ報シテ澄之ヲ伐取事是ヲ義戰ト謂ヘシ迎大ニ感歎シタリケリ是即法住院公方家ノ御時也是ヨリ之長カ威權大ニ振フ頓テ執事職ヲ嫡子下總守長秀ニ相讓リ其身ハ剃髮シ希雲居士ト法名ス然處細川武州入道常桓逆威ヲ企テ故澄之方ノ殘徒ヲ催シ前公方惠林院殿ヲ取立參ラセ聳ノ伊勢國司材親卿等ヲ相語ラヒ終ニ澄元希雲等ト爭戰ニ及フ此時勢州山田ノ庄ニテ下總守長秀同弟孫三郎賴澄合戰ニ打負兄弟自害ノ失ス于レ時永正五年戊辰四月十一日ノ事也其後澄元方ト常桓方ト爭戰鬪諍十餘年或ハ勝或ハ負テ雌雄定ラサリシ處ニ永正十七年庚辰ノ夏終ニ澄元京軍ニ打負江州ニ沒落ス希雲居士ハ洛中ニ忍居タリシヲ常桓方ヨリ搜シ出サレ降參セシヲモ無ニ赦免ニ百萬遍寺ニテ希雲ハ誅セラレニタリ其三男芥川孫次

郎長則四男三好孫四郎長光モ安達カ宅ニテ自害セシメ于レ時五月十一日父子三人同日ニ滅亡ス且又希雲居士カ弟三人有リ所謂越後守勝時山城守一秀遠江守勝宗ト云フ越後守勝時カ子二人アリ嫡子ハ左衛門尉勝長トテ去ル亨祿ノ亂於ニ陣中ニ死亡ス二男新五郎政長父兄ノ家督ヲ繼テ威猛ノ士也剃髮改名メ今ノ宗三居士是也然レハ希雲居士滅亡ノ後阿波國ニ於テ三好家ノ者共故下總守長秀カ嫡子筑前守元長ヲ希雲居士カ跡目トス一家ノ輩皆是ヲ物領ト崇ンテ各々彼下知ヲ蒙ル是即希雲居士カ嫡孫ニテ今ノ元長入道海雲居士是也故下總守長秀ト同死セシ孫三郎賴澄カ子ハ一男政成次男政康二人共ニ下野守ト云フ希雲ト同死セシ孫四郎長光カ子ヲ三好日向守長縁ト號セリ此外同氏ノ親族數十輩他門ノ外戚數十家部類相連リ家ノ子郎黨不知レ數武勇ノ威勢誰有テ外ヨリ傾ク難キ處ニ海雲宗三不快ニシテ近年内亂ニ及事誠ニ彼家衰運ノ時節到レル者歟

續應仁後記卷第二終

續應仁後記卷第三

○公方家御歸洛事付一揆亂山科本願寺炎上事

享祿五年壬辰秋改元有テ天文元年ト號ス扱モ公方家ハ去ヌル享祿元年ニ京都御退座ヨリ以
 來江州高島郡朽木谷ニ御潜居有リ御歸京ノ時節ヲ待セ給タリケレ共腹心ノ臣ト頼マレケル
 細川常桓禪門ハ去年ノ夏攝州ニ於テ討レヌ今ハ誰有テ取立奉ラン味方ノ大名有ラサレハ彌
 ヲ御運開カレ難ク思召煩マシケル處ニ細川右京大夫晴元カ一方ノ主君ト仰ケル阿波御
 所義維ハ三好家ト御一味故ニヤ海雲居士滅亡以後ハ河州四條ノ道場エ入レ置マイラセ晴元
 異心ヲ醜ノ朽木谷エ使者ヲ參セ御歸洛ノ義ヲ催サル因茲今年公方家朽木谷ヲ出サセ給テ思
 ノ外ニ御歸洛アリ即チ本ノ如ク三條ノ御所ニ御住居有テ公方ト仰カレ給フ事寔ニ時節到來
 ヤト皆人愁眉ヲ開キ悦フ頓テ右京大夫晴元ヲ管領職ニ任セラル晴元今茲ハ十九歳也未タ泉
 州ノ兵亂靜ラサル故ニ在京モ成難ク其儘堺津ニ居住シ諸方ノ一揆ヲ征セントス抑昔ヨリ戰
 亂ノ世多シト云ヘ共武士ヨソ軍ヲ起シケレ近年ハ武士毎日ノ戰亂ハ風俗ト成テ不レ珍ラ土
 民町人細工人或ハ出家禪宜山伏有ト有ユル者共ガ斯ニテハ徒黨ヲ結ヒ彼ニテハ一揆ヲ企テ
 二六時中四季晝夜ニ騷動ノ止時無レハ一瞬ノ間ト云ヘ共人心安堵ヲナス事無ク當時ノ爲體
 前代未聞ノ亂世也然ルニ攝州ニハ一向宗土一揆等去ル比右京兆晴元ノ味方ヲ三好海雲ヲ
 討タリケルニ幾程無ク一揆等ト晴元ノ家人ト不和ニ成テ同八月四日晴元隨一ノ味方木澤左
 京亮長政ニ向テ一揆ノ奴原喧嘩ヲ仕出シ切テ駈ル路次ニテノ事デハ有リ思モヨラス木澤カ

者共散々ニ切立ラレテ其恥辱ヲ雪メントテ其日本澤勢ハ泉州境ノ東ナル淺香ノ道場ヲ始ト
 ノ近郷ノ一向寺ヲ悉放火ス是ヨリ和泉河内攝津大和四箇國ノ一揆等蜂起ノ翌五日晴元ノ住
 所堺ノ庄エ押寄ケルヲ木澤長政自身多勢切テ出一揆ノ奴原ヲ悉追立切マクツテ先敗ノ恥ヲ
 雪タリトテ大ニ是ヲ悅タリ其時一揆ノ大將ハ戰場ヲ逃落テ和州吉野ノ川西ト云處ニ隱レ居
 タリト云傳フ流石土民ノ軍立駈リ口ハ強ク共逃タル迹ハヒロカリケリ同日攝州ノ一揆等
 池田城エ取掛攻戰ト云ヘ共是モ不レ叶扱ニ成テ引退ク角テ五畿内ノ一揆逐レ日廣大ニ蔓リ其
 勢重テ堺ノ庄エ攻來ラハ晴元滅亡近カルヘシ取扱ヒ給ルヘシトテ急キ晴元ノ舅江州ノ六角
 左京太夫定頼エ頼遣ハス定頼同心ノ家臣長原太郎左衛門進藤山城守馬淵源左衛門横山等ヲ
 宗門ノ本寺山科ノ本願寺エ差遣シ色々取扱ト云ヘ共本願寺上人今更檀徒ニ背キ難シトテ定
 經晴元ノ旨ヲ不レ承伏セ其取扱ヒ手切シケレハ長原爲方無ク急度思案仕出シ常々一向宗門
 ト中惡シキ日蓮宗ノ寺檀ヲ頼ム洛中廿一箇寺ノ日蓮宗ノ大寺共皆此義ヲ同心ノ彼宗門ノ檀
 徒ヲ催ス此日蓮門徒等モ常ニ信心深ク本寺ノ下知トサヘ云ヘハ身命ヲモ不レ惜最頑ナル
 宗門ナル故本寺二十一箇寺ノ此催ニ同心ノ洛中洛外ニ有ト有ユル日蓮宗ノ諸檀徒等悉ク蜂
 起シ一揆ト成テ數萬ノ人數徒黨セシメマツ直ニ山科エ押寄セ本願寺ヲ攻ル程ニ寺中ニモ形
 ノ如クノ者共有テ隨分防キ戰ケレ共多勢ニ無勢叶難ク終ニ攻落サレ今茲八月廿四日山科本
 願寺忽ニ燒拂ハレテ金銀珠玉ヲ鑲タル近國無雙ノ大伽藍只一堆赤土ト成ル寺中ノ輩上人ヲ
 始メテ蛛ノ子ヲ散スカ如ク諸方エ逃散リ没落セシカハ日蓮宗ノ一揆等大ニ悅ビ歸陣シケリ

○畿内近國一揆所々騒動事

同年ノ秋和州ノ一揆等勃興ノ當國高取ノ城ヲ攻ケレ_レ此城主越智ノ某隨分防戰テ終ニ一揆ヲ追拂フ同十月南都ノ町中一揆ヲ企テ僧房ヲ燒立ケレ_レハ僧房ヨリ此返報トテ又町中ヲ燒拂フ一揆ノ大將ハ一向宗ノ門徒鴈金屋願了同餘五郎ト云者也角テ當國宇多吉野伊賀國名張ノ一揆等悉組合テ伊勢國ニ亂入ス國司北畠晴具是ヲ防キ留ント有ケルニ老臣等思案シテ懸ル賤キ土民ノ奴原當家歷々ノ侍計ヲ差向テ防カスヘキ事本意ニ非ス其損寡カラストテ當國山田ノ庄ノ穢多非人ヲ相催シ乞食多勢ニ紙小旗ヲ差連サセ其旗一様ニ穢多ト云字ヲ書付テ武士ノ真先_{他イ}エ押立進マセケル程ニ流石和州ノ一揆共モ此小旗ノ文字ヲ見テイカナル賤キ我々ニテモ穢多非人ヲ相手ニシ合戰ハ成マシトテ其ヨリ散々ニ成ケル處ヲ先ノ穢多ヲ押除テ跡ヨリ武士共進出一揆ヲ追驅追詰テ悉ク討捕退治シケリ角テ一揆等蜂起ノ年貢諸稅ヲ不_レ收納_レ財用乏_レノ武士困窮ニ及カ故ニ先ツ此亂ヲ鎮メ_レン連同年ノ冬晴元ヨリ攝州ノ一揆退治ノ爲ニ當國富田ノ道場ヲ燒拂ヒ同日池田伊丹衆一味シ同キ下郡ノ道場共ヲ放火シテ一向坊主等ヲ悉誅伐セシカ共一揆等はニモヒルマズ_レ去ル頃本願寺炎上ノ義日蓮門徒ノ所行ナレ共是ハ只晴元ノ謀慮ヨリ事起レ_レハ法敵ノ張本細川晴元ヲ攻ヘシトテ畿内ノ一揆等多勢ヲ促シ明レ_レハ天文二年正月元日ニ晴元ノ味方ナル攝州尼カ崎大物ノ城ニ押寄セ城主松井越前守ヲ攻詰テ其レヨリ同二月十日泉州堺津ニ押入晴元ヲ攻ケルニ防兵寡シテ中々一戰成難ケレ_レハ晴元斯ニハタマリ不得早々堺ヲ落去テ小船ニ忍乘リ淡路國ニ落給フ一揆ハ堺ニ亂レ入テ落留

リシ者共ヲ悉ク討捕リ本願寺上人ヲ堺ノ津ニ入レ置マイラセ悦合事限リ無シ彌々一揆等勝ニ乘テ同年三月五日ヨリ攝州伊丹城ヲ攻ルニ廊下ヲ一町餘宛ニ拵ヘ其中ヲ往來シ晝夜ヲ分タス攻寄テ一揆ノ者ノ尼女房迄埋草ヲ運ヒ持來テ堀ヲ埋メ屏ヲ乘越城兵是ヲ防兼テ既ニ難儀ニ及處ニ木澤左京亮長政又色々ニ頼ミ調儀シ日蓮宗ヲ相カタラフ洛中ノ日蓮宗寺々皆同心ノ僧房檀徒又々多勢ヲ催來テ伊丹城ノ後詰ノ一揆等ト合戰ス一揆等數日ノ戰ニ疲タレハ同月廿九日新手ノ日蓮宗ニ悉切立ラレ一揆五百餘人討死シ殘徒四方ニ逃散タリ日蓮門徒等勝利ヲ得サラハ此一揆共ノ在々所々ヲ退治セ_レン連下郡ノ村々々々押寄々々燒討ノ悉退治シ濟シタリ扱ハ此表一遍ニ心安シ連細川晴元ハ淡路國ヨリ歸帆シテ同四月六日ノ夜池田ノ城ニ落着ケル斯ニテ各々評議シテ堺庄ヲ取返サント多勢ヲ催シテ同月廿九日ニ打立堺ノ庄ヲ攻ケル程ニ一向門徒等悉攻破ラレ本願寺上人ハ堺庄ヲ落去テ攝州西成郡石山ノ庄ニ居住セラル此石山ハ元ヨリ大河帶ノ如ク岡ヲ卷テ要害堅固ノ勝地也シカモ海陸自由ニ繁昌ノ地ナルカ故ニ此所ニ伽藍ヲ建テ上人即チ安居シ給フ今ノ大坂ト云ハ此地也右京大夫晴元ハ元ノ如ク堺ノ庄ニ入り替テ斯ニ居住シ人數ヲ催シ武士ニハ木澤左京亮等僧ニハ又日蓮宗ノ僧俗數多勢揃シ同キ五月五日大坂ニ押寄セ攻ルト云ヘ共元ヨリ堅固ノ要害ニ防ク兵多_ク攻落ス事成難ケレ_レハ漸當分ノ和議ヲ扱ヒ同キ廿日ニ寄手ノ諸勢等悉歸陣シケリ同八月九日大和山城兩國ノ武士等打立テ土一揆ヲ退治シ和州飯田ニ於テ一揆ノ張本人雁金屋願了同與五郎ヲ擊捕ル又同月十一日三好伊賀守馳向ヒ攝州御園ト云所ニ於テ下郡ノ一揆ヲ伐取ル加様ニ

所々ニテ伐取レ共跡ヨリ蠅ノタカルカ如ク泉ノ涌テ出來ル様ニ又々一揆等騷動ノ靜カナル日ハ無リタリ同九月六日攝州ノ河原林カ家人等一揆ト同意シ小清水ノ城ニ忍入り三好家ノ篠原等ヲ八人討取リ城ヲ攻取ル三好伊賀守同久助伊丹池田等相談シテ同廿三日小清水ノ城ヲ攻クル程ニ河原林カ者共防キ兼降參シテ同月廿四日城ヲ開テ同國ノ中島ニ没落ス

○大神宮炎上一揆亂事

其比伊勢國司北畠晴具卿ハ勢南ノ多藝ニ住シ武威專ラ盛ニシ和州ニモ打入り宇智郡ノ諸士ヲ靡カス是故ニ大和ノ國人越智十市久世滿西等皆島山家ノ方入ナレハ是ヲ防テ合戰ニ及シ處ニ分國勢州ニ又一揆勃興ノ先ツ是ヲ鎮メン爲ニ和州發向成カタタ只勢州ニテ戰暮ス中ニモ當國渡會郡山田庄ハ大神宮ノ神領也然ルヲ當所ノ禰宜神主等悉押領シテ祭用ヲ不遂國司ノ政事ニ違背ノ其下知ヲ不用剩一揆ヲ起シ國中ニ打入テ武士ノ領地ヲ相妨ク就レ中山田ノ住人村山掃部助ト云フ神官大剛ノ者ニテ一揆ノ大將トシ宇治山田湊河崎ニ見朝熊ノ諸勢ヲ催シ國中ニ打出ントス同心スル神官堤春木上部久志本龍福井益三日市喜多山田大路檜垣橋村窪倉ナント、云者悉一味シヌ角テ天文三年甲午ノ春正月晦日國司晴具ヨリ南方ノ諸勢ヲ催メ彼一揆ヲ攻ラレタルニ一揆ノ輩ハ宇治山田ニ屯シ宮川ノ東川原ニ陣取テ防戰處ニ國司方ノ先陣澤秋山等川ヲ渡テ頻ニ驅入り急ニ擊捕ル一揆等忽ニ打負ケ悉敗北ス一族ノ棟梁村山掃部助大神宮ノ社中ニ逃入り拜殿ニ腰ヲ掛テ腹切テ死ヌ淺猿ト云モ猶餘レリ剩火ヲ放カケテ遂ニ當社一片ノ煙ト燒失ス寔ニ此村山ハ希代ノ惡人極罪ノ匹夫ナリ其レヨリ一揆ノ殘

黨等二見鹽合所々ニ於テ擊殺サレ終ニ手ヲ束テテ國司家ニ降參ス漸々ニシテ恩免ヲ蒙リ元ノ如ニ神職ヲ相勤メ其後數年ヲ經テ社頭モ再建成就シタリ又同年ノ秋攝州ニ不思議ノ事有ニ三好伊賀守同久助等イカ、シタリケン一向宗ニ語ラハレ本願寺ト一味シ主君ノ細川晴元ニ敵對シテ棕橋城ニ楯籠ル晴元方ノ伊丹某小中島ト云所エ打出合戰ニ及ケルニ伊丹打負テ一族ノ馬場ヲ始メ十餘人討死ス同十月廿日伊丹池田ノ面々三好神五郎等打立テ潮江ノ庄ノ西田中ニテ伊賀守久助方ト一戰シケル處ニ一揆數多伊賀守ニ相加リ三好新五郎伊丹池田カ郎黨六十餘人討捕リ悉打勝タリ木澤左京亮長政色々ニ知計ヲ廻ラシ様々ニ取扱テ終ニ雙方和睦セシメ伊賀守モ久助モ元ノ如ク晴元ニ歸參シテ又君臣ト成ニケリ寔ニ定メ難ク頼モシカラヌハ亂世ノ人ノ心也

○紀州兵亂事付島山ト山禪門病死事

島山ト山禪門ハ紀州廣ト云所ニ閑居シテ在ラレケレ共近年當國湯川ノ庄ノ住人ニ直光ト云者有テト山ノ命ニ背キ騷動ニ及フ抑此湯川庄司直光ハ昔ノ武田惡三郎信忠カ末孫ニテ代々當國ニ居住シ熊野八庄司ノ隨一ナリト山是ヲ退治ノ爲ニ合戰度々ニシテ終ニ直光ヲ退出シ彼跡ヲ沒收セラル角テ紀州ハ無事也シニ又今茲天文三年ノ春三月當國ノ住人野邊六郎左衛門ト云者是モト山命ニ叛クト山禪門大ニ怒テ此野邊ヲモ沒收シテ北國ニ改易スヘシト議セラル野邊是ヲ聞傳ヘテ當時諸國ノ風俗トハヤカス土民一揆ヲ相カタラヒ徒黨數多蜂起サセ是ヲ味方トシテ己カ館ニ引籠リ彌以敵對スト山禪門今ハ早無勢ニテ退治セン事成難ケレハ

頓テ分國ノ河内勢ヲ差招カルト山ノ孫也ケル遊佐河内守長教河州ヨリ多勢ヲ率シ紀州エ助
 來テ野邊カ城ヲ攻ケルニト山禪門出勢シテ長教ト一手ニ成ル然處ニ先年追放セシ湯川庄司
 直光カ一類共山散場ト云所ニ隱レ忍テ在ケルカ俄ニ蜂起シ一揆ニ加リ多勢野邊カ後詰シテ
 ト山勢ト相戦ヒ其軍甚タ急ナリ此時直光カ一族湯川民部丞カ子ニ業阿彌ト云フ法師武者粉
 川寺ノ邊ニ在シカ急キ馳來テ直光ニ謂ケルハ畠山ト山ヲ討捕テ本領ヲ安堵セン事今此時ニ
 過ヘカラス某何トソシテ敵陣ニ忍入ラント云フ直光悦テ色々ニ謀慮ヲ廻ラシ業阿彌法師ヲ
 禪僧ノ姿ニ拵エ河州ヨリノ使僧也ト詐テ敵陣ニ遣ス業阿彌安々ト獨敵陣ニ紛レ入テ是ハ河
 内ヨリノ使僧ニテ候トテ文ヲ手ニ持大將ニ近屬ケル處ニ業阿彌運命ヤ盡タリケント山禪門
 ハ十徳ノ衣ノ下ニ鎧ヲ着テ遙ノ傍ニ居ラレシヲト山ト不見知シテコレニハ少シモ目ヲカ
 クス遊佐河内守カ床机ニ腰ヲ掛テ諸卒ヲ下知シ居タリケルヲ大將ト山也ト心得業阿彌ユル
 〳ト遊佐カ前エ歩寄テ是ハ河州ヨリ使僧ニ參テ候迎持タル文ヲ差出ス遊佐其文ヲ披テ一
 二件讀處ヲ業阿彌腰ナル刀ヲ拔テ丁々ト二刀遊佐長教ヲ切付タリト山禪門側ニ在テ是ヲ見
 給ヒ其マ、走り來テ彼僧ノ後ヨリ唯一太刀ニ切り伏セ給フ業阿彌ハ生膚也一打ニタマリ不
 レ得切倒サレテ死ケレ共猶モ伏ナカラ其眼ヲ不レ塞メ遊佐ヲハツタト白眼タリ去程ニ大將重
 手ヲ二箇所負テ本陣騷立ケレハ物勢忽敗軍ノ漸ク陣所エ引取ケルヲ野邊湯川等一同シ其夜
 大軍又夜討シ散々ニ切立ケル程ニ畠山方悉打負其夜ト山禪門ハ居城ノ廣エ引退キ給フ遊佐
 河内守長教ハ深手ノ疵ヲ蒙テ匍々河内エ引返シ野邊湯川等思ノ儘ニ一戦ニ打勝タリ扱モ今

度湯川業阿彌只獨敵陣ノ中エタハカリ入テ敵將ヲ疵着ケ其身最期ノ爲體然モ其レ故一戦ニ
 打勝ケレハ此僧名譽ノ勇士也トテ貴賤感歎ノ餘リニ此勇士ニアヤカラント此僧ノ引タル血
 ヲ取テ嘔リケル人多カリケリ扱モト山禪門ハ廣エ歸陣セラレケルニ廣近邊ノ里民共早晚心
 替シテ敵ノ一揆ニ同心シ悉蜂起シテト山ニ向テ相戦フト山ノ家人共思モ寄々事ナレハ多勢
 ニ無勢防兼テ四十八人討死シ終ニ味方敗軍シテト山禪門セシ方無ク其場ヲ遁レ船ニ乗テ淡
 州エ落行給ケレ共運命ヤ盡果ケン幾程無ク重病ヲ受給ヒ河内エモ紀州エモ立歸ル事不レ叶
 シテ淡路國光明寺ト云所ニシテト山禪門死去セラル行年五十五歳トソ聞ヘシ此禪門ハ去ル
 應仁文明ノ亂ニ大功ヲ立ラレタル故管領政長ノ一子ニシテ代々公方ノ厚恩ヲ蒙リ家ノ繁昌
 他ニ超ケレハ世ノ人望モ輕カラス智謀武勇ノ器量有テ每度大功ヲ顯シ寔ニ公方家一方ノ權
 臣累代ノ管領也シカ共近年戰國ニテ衰運惟窮ケルニヤ他國ニ落魄シテ身マカリ給フ者也嫡
 子左衛門督植長ハ其比河内國高屋ノ城ニ居給シカ此訃ヲ聞テ大ニ驚キ或ハ歎キ或ハ怒テ夜
 ヲ日ニ繼テ人數ヲ催シト山禪門ノ死後百箇日ノ佛事過テ急キ亡父ノ讎報シ鬱憤ヲ晴サント
 テ紀州エ出馬シ一揆ヲ攻テ根來寺ノ近邊迄亂入セラレタリケレ共國中ソ々方々ノ徒黨等多
 シテ一旦ニ退治シ難ケレハ河州エ歸ル事モ不叶只イツ共無ク紀州ニ留リ一揆退治ノ事ノミ
 ニテ年月ヲ送ラレケリ遊佐河内守長教ハ去ル頃紀州ニテ深手ノ疵ヲ蒙ケレ共後ニハ平愈シ
 テ河内國ノ政事ヲ行フ斯ニ又畠山總州家ノ臣下木澤左京亮長政ハ先年己カ主君上總介義英
 ヲ弑メ後一姓ノ主筋也トテ植長エ身ヲ寄セ居タリケル遊佐長教ハ忠義ノ者ニテ債國郡ノ體

ヲ見ルニ植長ハ紀州ノ敵ト取合テイツ歸ラルヘシトモ不レ知河州ニ主ナフシテ高屋ノ城空
虛ナラハ家臣國人等又イカナル事カ有ラント思ヒ當家ノ老臣杉原石見守齋藤山城守木澤左
京亮等ト相議シ先植長ノ舍弟石植右京亮長經ヲ畠山ノ家督ニ立河内ノ國ノ主人ト仰テ高屋
ノ城ニ在ラシメケリ

○洛陽法華亂事付細川晴國生害事

天文五年三月廿六日攝州中ノ島ノ土一揆等富田中務丞ト云者ヲ大將トシ當國西難波ニ攻入
リ三好伊賀守同久助カ籠置ク人數ヲ攻落シ長屋岸本等ヲ討捕ル同キ棕橋城ニ籠タル伊賀守
カ方人モ城ヲ落テ信貴城ニ落行木澤左京亮ヲ頼ム伊丹勢ノ籠タル吹屋ノ城モ開退ケレハ一
揆等彌勝ニ乗テ逐レ日峰起セシム又京都ニハ日蓮宗ノ寺々一向宗ニ打勝テ近年威勢ヲ振シ餘
リニ本山ノ延曆寺エ無禮非分ノ企多シ山門ノ衆徒是ヲ咎メ大ニ怒憤ツテ諸國ノ未寺末山ノ
大衆ヲ相語ラヒ山徒大將ト成テ數萬人ヲ引率シ日蓮宗ヲ攻伐ケレハ蓮徒終ニ打負テ今年甲
午閏七月廿六日ヨリ同廿七日迄ニ洛中大地ノ日蓮宗廿一箇寺一字モ不レ貽サ悉燒拂ハレ剩
其餘煙ニ京中過半燒失タリ檀徒ニハ小倉中將公右卿モ廿七日ノ亂ニ討死シ給ヒ平野神主從
二位卜部兼永モ行年七十歳ニテ此時討死ス寔ニ以不思議ノ逆亂是ヲ洛中ノ法華亂ト云ナラ
ハシ後世ノ奇談トス又同月廿九日攝州ニ於テ木澤左京亮長政三好伊賀守同神五郎等一味シ
大坂一向宗ヲ攻ントテ中島ニ攻入ル大坂ヨリモ本願寺門下ノ者共多勢出合ヒ鬪ケレ共寄手
ハ馬武者多ノ一揆ノ歩立勢散々ニ駈立ラレ八百計討捕ラレテ散々ニ落行持來ル城々大形明

ケテ逃散ケル此時三宅出羽守國村ハ本願寺上人ト一味シ故細川常桓禪門高國ノ弟細川八郎
晴國ヲ取立大坂ノ城ニ招待シ大將ト仰キケルカ是モ中島ノ合戦ニ打負タリシヲ同八月廿九
日ノ夜國村案内シテ堺ノ津エ落行處ニ天王寺ノ邊ヲ過ケル時國村何トカ思ケン俄ニ心替シ
テ却テ晴國ヲ害シ首ヲ取テ是ヲ忠節ノ土産物ニ謂立テ晴元エ降參シ又國村カ無道ノ舉動惡
マヌ者ハ無リケリ是ヨリシテ高國方ハ跡形ナク斷果タリ

○三好孫次郎範長所々合戦事

去程ニ兵亂騒動日々ニ盛ニノ京都物念ナルマ、ニ當時在京ノ大名無ク諸士方々エ落散テ守
護ノ者微々也ケレハ公方家京都ノ御住居危キ體ニマシ、ケル是ニ因テ同キ天文八年己亥
ノ六月公方家モ若君達モ京都ヲ御退去ナラセ給テ洛外八瀬ノ里ニ移ラセ給ヒ朽木民部少輔
植綱等相從ヒ奉リ同十年坂本ニ御動坐有リ或ハ慈照寺ニ入御マシマス時モ有リ是一ツハ公
方家御所帶乏ノ洛陽花麗ノ御住居成難キ故共聞ヘヌ細川京兆晴元ハ折々上洛シテ京都ノ政
事ヲ執計ラヒシカ其比故三好海雲居士カ嫡男千熊丸成長ノ三好孫次郎範長ト號シケルヲ讚
岐守之持ノ吹舉ニ依テ晴元ノ執事ト定メ堺ノ庄ノ留守ニ置カル此範長武勇智謀ノ器量有テ
父カ讒死ノ恨ヲ不夾忠義ヲ守テ晴元ノ敵徒ヲ退治シ國亂ヲ靜メントス先ツ故常桓禪門ノ妹
御鹽川伯耆守政年カ攝州多田ノ庄一藏ノ城ニ在ケルヲ攻落サント相議シ三好新五郎政康同
舅波多野備前守等ヲ催シ天文十年辛丑九月六日打立テ一藏ノ城ヲ攻ル且又頃年河州高屋ノ
城主畠山尾張守長經物荒キ人ニテ家老共ニウツマレケル故家臣等僞テ毒酒ヲ勸メ終ニ長經

ヲ弑セリ然ル間當時畠山ノ家臣木澤左京亮齋藤山城守杉原石見守等主君モ無ク面々居城ニ割據シケルヲ能キ幸ト鹽川カ味方ニ頼ム伊丹次郎親興三宅出羽守國盛ハ元ヨリ鹽川カ縁者ニテ一味ス彼是鹽川多勢ナレハ同月廿九日本澤左京亮長政カ陣代舍弟左馬允多兵ヲ率シテ一藏ノ城ニ後詰ス此左馬允ハ伊丹親興カ驍也後詰ノ勢大軍ニシテ一藏ノ寄手叶難ク早々城ヲ卷ホクシテ悉退散シ其日範長政康ハ越水ノ城ニ引入レ波多野ハ丹州ニ歸陣シ池田ハ居城ノ池田ニ歸ル伊丹勢勝ニノリテ越水邊ニ足輕ヲ出シ西宮迄放火ス越水ニ籠ル衆中淡州ニ注進シ急加勢ヲ呼登セテ河原林對馬守カ籠タル西宮松ノ城ヲ攻シニ其夜對馬守ハ城ヲ開テ伊丹ニ落行ク三好方勝利ヲ得テ相悅フ處ニ同十一月十四日本澤齋藤杉原等大和河内ノ多勢ヲ催シ三好方ノ原田ノ城ヲ攻ケルニ隨一ト頼ケル三宅出羽守國村元ヨリ晴元ノ味方ナレハ早々三好方ト成ル木澤等はヨリ味方ヲ氣遣互ニ心ヲ置合テ衆議一味セサリケレハ其夜一宿シテ原田ノ城ヲ卷ホクシ早々河内ニ引テ行ク伊丹次郎親興モ先非ヲ悔テ晴元ニ降參ノ佗言シタリケルヲ當分ハ許サレサリシカ色々ニ歎訴セシ程ニ翌年ノ六月赦免ヲ蒙リ親興ソレヨリ又晴元ニ歸參シケリ

○畠山家騷動河州落合川合戰事

畠山長經横死ノ後彼家ノ執事遊佐河内守長教忠義ヲ盡シ紀州ヨリ左衛門督植長ヲ迎取リ高屋ノ城ニ再住セシメ堅固ニ守護ノ奉仕シケルカ只イカニモシテ故長經ヲ毒弑シタル逆臣トナタハカリテ討亡サント思慮ヲ廻シ色々ニ拵テ先逆徒ノ齋藤ヲタハカリ寄セ高屋ノ城ノ

追手不動坂ト云所ニテ忽ニ誅伐シケリ是ヲ聞テ相殘ル逆臣木澤左京亮杉原石見守等身ノ上ト察シ謀叛ヲ顯シ尼上ノ嶽ニ城ヲ構テ一揆ノ土民ヲ相カタラヒ高屋ノ城ヲ攻メトス其外鹽川伯耆守若州ノ武田粟屋モ皆是ニ一味シ河州ニ集リ當國ノ落合上畠ト云所迄出張シタル處ニ遊佐河内守長教ハ近國ノ三好孫次郎範長ヲ頼テ加勢ヲ乞フ範長同心シテ同氏新五郎政長等ヲ相語ラヒ落合表ニ助來テ天文十一年壬寅三月十七日常所ニ於テ合戰ス敵將ノ木澤杉原三千ノ人數ヲ備テ待懸ル處ニ遊佐方ノ河州ノ住人譽田山城守カ子三寶院ト云ケル法師武者一陣ニ進ミ落合川ヲ渡リ越ス是ニ續テ味方ノ物勢ヒタヒタト川ヲ渡リ合戰悉切マツテ木澤右近粟屋父子ヲ初トシテ百餘人討捕ケル程ニ殘徒忽敗軍シ四角八方ニ逃散ケルヲ遊佐三好兩家ノ者共競立テ追驅々々悉討取ル中ニモ河内國住人三木牛之助ト云者敵將木澤左京亮ヲ討取終ニ其顛ヲ得タリケリ抑此木澤左京亮長政ハ氣カサナル者ニテ度々大軍ヲ促シ武功ハ勝レタリケレ共無雙ノ惡人ニテ先年大物ノ戰場ニテ俄ニ故常禪禪門ヲ叛キ裏返リ又三好故海雲ヲ讒死セシメ其後主君畠山故總州ヲ弑シテ今度モ故長經ヲ毒害ス寔以希代ノ惡人ト謂フヘシ杉原石見守ハ此戰場ヲ落延多年流浪シ居タリケルカ遙ノ後三好家ニ降リ手ヲ摺テ彼家僕ト成果タリ扱モ今日落合川ノ合戰遊佐長教勝利ヲ得テ其威勢強キカ故ニ其日尼上カ嶽ノ城信貴ノ城モ落去シ今ハ此邊ノ敵城ハ飯森ハカリ殘居タリ畠山植長大ニ悅ヒ武功ヲ感シ自筆ノ狀ヲ認テ三木牛之助ニ賜テ高屋ノ城ニ歸陣セラル河内守長教モ感狀ニ太刀鎧ヲ添牛之助ニ與ヘラル寔ニ勇士ノ面目也此牛之助ハ三木攝津守カ兄弟也遊佐長教ノ感狀ニ曰ク

去十一日於落合上島合戰之時一番被_レ初合戰太刀鎧疵蒙_二十三箇所_一或突伏或組討爲_レ驚目御働之上剩木澤左京亮長政討_二捕之_一彼是無_二方量_一御忠義凡別義之御高名且云_二戰功_一且云_二御本意_一無類之御名譽候御感之上既植長被_レ成_二自翰_一候爲_二軍功之地_一八尾之内七百貫被_二宛行_一候全可有_二御知行_一義肝要候次多門鎧一領紫糸太刀一腰吉房進_レ之候併軍功之廣色計候仍感狀如件

天文十一年三月廿一日

遊佐河内守長教判

三木牛之助殿進之

近年戰國ニテ感狀ニ預ル者多シト云ヘ共如_レ此之褒美ノ文章誠以世ニ稀也トテ皆人羨ケルト_レ聞ヘシ

○細川次郎氏綱蜂起事

故細川常桓禪門ノ方人ハ悉絶果今ハ此世ニハ無キ事也ト思シ處ニ其血脉ハ殘ラテ共常桓家ノ諸浪人等一揆ノ徒黨ト相組シテ細川次郎氏綱ト云人ヲ取立是ヲ常桓禪門ノ跡目家督ト名付ケ又一黨ノ張本ヲ定メテ一方ノ大將ヲ立ケリ此氏綱ハ故常桓ノ從父兄弟古ヘ尼カ崎ノ城主ナリケル細川故右馬頭尹賢ノ舍弟也泉州ノ住人玉井ノ某ト云者器量有ケルニヤ諸浪人ト土一揆ヲ催シ多勢此氏綱ヲ大將ニテ天文十二年癸卯七月廿五日當國堺ノ津南庄ニ打入ル其比細川右京兆晴元ハ在京セラレ當庄ニハ留守居ノ様ニシテ松浦肥前守カ居タリケル處ニ此由ヲ聞テ肥前守即蘆屋口ニ出向テ一戰ヲ遂三十餘人討捕リ氏綱玉井等ヲ悉追拂フ俄ノ事ナ

ルニ松浦カ働無_二比類_一トテ其比皆人美談シケリ此由京都ニ聞ヘケレハ晴元急キ氏綱ヲ退治スヘキ由三好範長ニ命セラル範長其ヨリ手勢ヲ率シ同八月十六日堺ニ働キ其外泉州ノ所々ニ打入甚猛威ヲ見セケル程ニ終ニ當國横山ニ於テ軍ニ打勝ツ玉井等敗軍シテ悉逃失タリ其比細川次郎氏綱ハ攝州島下郡喜連杭全ト云所ニ出張シ居給ケレ共泉州横山ノ軍利無シテ玉井等敗北ノ由聞ヘケルヨリ手勢モ落散リ當所ニタマリ難カリケレハ同十九日陣拂シテ歸ラレケリ其後攝州泉州ハ暫時無事ニ成行ケリ

○法住院殿御贈官位事

天文十二年癸卯秋鎮西豐後國守大友修理太夫義鎮上洛ノ公方家ニ拜謁シ其レヨリ三條西殿ニ屬シ奏聞ヲ經テ前ノ公方法住院義澄卿ニ御贈官御贈位ノ儀ヲ訴望ス即チ勅許有テ同九月十一日法住院殿ニ太政大臣從一位ヲ贈ラル其御料ハ皆義鎮ヨリ調進シケリ今一天下ノ亂中寔ニ奇特ノ大名也トテ公方家其忠義ヲ御感悅ノ餘リニ義鎮ヲ九州ノ探題職ニ被_二成下_一ヌ扱モ年來亂世ナルニ又何事ノ有ヘキニヤ天變打ツ、キ今年十月八日ノ曉滿天ノ諸星悉動搖シヒラメキ流レテ石ノ如クニ碎ケ散リ海陸ニ落下ル寔ニ古來未曾有也同年冬十二月是モ九州薩摩國人島津修理太夫義久ヨリ使者新納右衛門尉ヲ以テ鐵炮五挺ヲ公方家ニ獻上シ是又御感有リ抑此鐵炮ト云フ兵器ハ元來異國ヨリ捧出シテ本朝ニハ去ル永正七年ノ比初メテ薩州ノ種子島ニ渡リ其レヨリ諸國ニ擴充シテ日本國中悉ク此術ヲ習練シ永代武人ノ重器ト成ル是併戰國ノ時ヲ得テ事興ル者ニヤ

○北國兵亂德大寺實通卿以下最期事

頃年北國ノ騷動ハ先ツ若州ニ武田ノ家臣粟屋松宮等各一分ヲ立ルニ因テ君臣爭亂ノ止時無シ越前加賀兩國ニハ一向宗門ノ一揆蜂起シテ連年騷動スル中ニ富樫介ハ加州ヲ保事不レ叶分國ヲ去テ流浪ノ身ト成ル朝倉ハ武威未レ衰故越前ヲ全治セリ能州ノ守護畠山故修理太夫義統ハ彼家ノ庶流ナレ共文明ノ比子細有テ管領ニ任セラレシニ是モ分國ニ爭亂出來纒一兩年ヲ經テ管領職ヲ辭退シ能州ニ歸リ騷動ヲ鎮メヌ其後義統卒去シ其子義元家督ヲ繼キ年月ヲ經テ後又義元モ死去シケレハ今又其子修理大夫義繼其家ヲ續テ能州ヲ全治ス其家臣遊佐神保三宅温井等はモ或ハ主君ニ弓ヲ引テ割據スル時モ有リ又降伏シテ臣職ヲ勤ル時モ有リ一治一亂ニ數十年ヲ送り迎フ又德大寺權大納言實通卿ノ母堂ハ畠山故卜山禪門ノ娘ナル故ニ實通卿ハ卜山ノ孫也越中國ニ故卜山ノ領地少々有リ因レ茲實通卿京都ノ亂ヲ避終テ越中ニ下向シ彼領所ニ居住セラル此人隱遁潜居有ラハ中々ノ安泰ナルヘキ處ニ當國ノ住人石黒井越土肥ナント云者共此實通卿ヲ取立主君ト仰テ一分ヲ割據シ繁昌他ニ異ナル故ニ實通卿ノ威勢ノ風義京都迄モ隱レ無ク公卿殿上人京都ノ亂ヲ避給テ實通卿ヲ頼ミ越中下向ノ人多シ角シテ年月ヲ經ル處ニ隣國越後國ノ住人長尾因幡守定景ハ上州長尾ノ庶流ニテ元來上杉ノ家禮也上杉家越後エ分レ來リシヨリ長尾庶流ノ士モ當國ニ附來テ彼家ノ執事ト成リ越後一國ノ政事ヲ奉行シ春日山ニ在城ス定景既ニ死去シケレハ其子孫六郎爲景家督相續ノ武威專盛也シカ惡逆無道ノ男ニテ去ル永正七年庚午夏主君上杉顯定入道ヲ弒シ越後國ヲ押領ス

剩武勇ノ逆威ニ募テ近隣越中國ヲ伐取ント大軍ヲ促シ來ル越中一國ノ諸侍等實通卿ヲ大將トシ人數ヲ集メ出向テ天文十四年乙巳四月九日當國般若野ニ於テ爲景ト合戦ス爲景武勇ハ勝タリ多勢ニテハ有リ軍ノ道ハ鍛煉也一戰悉ク打勝終ニ越中國ヲ奪取ル此時德大寺權大納言實通卿行年三十二歳ニテ爲景ニ殺サレ給フ其外京都ヨリ頼來テ當國ニ居住アル公家ノ面々藏人頭懷世朝臣ヲ始トシテ殿上人九人生害セラレ國人數多亡サレタリ爲景今ハ争フ者無ク越後越中兩國ヲ押領シケル處ニ能州ノ畠山修理太夫義繼親戚ノ好ミヲ不レ忘故實通卿ノ讎ヲ報シテ爲景ヲ伐ント議シ一家ノ從類一國ノ人數ヲ馳催シ越中ノ國ニ攻來テ爲景ト合戦ス爲景武威盛ニ然モ多勢也シカ共惡行ノ天罰ニヤ忽一戰ニ打負ケ宇佐美本庄上條等宗徒ノ家人悉被ニ討取一本國越後エ引退處ニ越中ノ國民等一同ニ一揆蜂起シ斯彼ノ道ヲ遮ル爲景所々ニ於テ相戦ト云ヘ共數度ノ戰術精力盡果終ニ越中ノ國雨溝ト云所ニ於テ忽爲景討死シテ一揆ノ鄉民ニ其顛ヲ刎ラレタリ寔ニ惡逆ノ者ハ天罰不可レ回レ踵ヲ扱又畠山義繼ハ一族德大寺實通卿ノ仇ヲ報シ爲景ヲ伐取テ能越兩國ニ威ヲ振ハル去ル亨德ノ亂ヨリ以來畠山黨衰タリト云ヘ共未タ本家河州ニ全ク庶流能州ニ威ヲ不レ失ハ

○遊佐方三好方所々合戦四國勢渡海事

河州ノ本家畠山植長高屋城ニ再住シ分國ヲ治ラレケルカ天文十四年五月十四日當城ニテ病死セラレ行年四十二歳皆人はヲ惜合ヘリ嗣子無キニ依テ彼家ノ長臣遊佐河内守長教力計ヒニテ植長ノ舍弟播磨守政國ヲ畠山ノ家督トシテ即チ高屋ノ城ニ在ラシメ分國ヲ全治ス此政

國ハ故ト山入道ノ三男也然レ共今ノ世ノ風俗ニテ主人ハ日々ニ威ヲ失ヒ長臣日々威ヲ振フ是ヲ以テ畠山家ハ主人政國ヨリ長臣遊佐カ威勢強ク細川家ニハ主人晴元ハ有テモ無カ如クニテ執事ノ三好權高シ角テ同年乙巳ノ夏氏綱方ノ内藤備前守顯勝丹波國ニテ蜂起シ關ト云所ニ城ヲ構ヘ楯籠リ蜂起ス同國八上ノ城主波多野丹波守晴通一分ノ力ヲ以テ退治難レ叶カ故ニ泉州ニ使ヲ遣シ三好孫次郎範長ニ加勢ヲ乞フ範長許諾メ同氏新五郎等多勢ヲ率シ同七月廿五日丹波ニ打入テ關ノ城ヲ取卷キ同廿七日終ニ彼城ヲ攻メ落シ寄手ノ面々大ニ勇テ波多野ハ同廿八日八上城ニ歸陣シ三好ハ泉州ニ治兵ス範長カ武威肩ヲ並ル者無シ今此分ナラハ氏綱方モ跡形無ク近日滅亡スヘキ處ニ又不慮ノ亂事起ル抑近年ハ公方家御衰微マシテ洛中ヲ避ラレ邊土ニマシテ管領晴元ハ一家ヲ治ル器量無ク或ハ在京シ或ハ攝泉ノ間ニ在テ公方家ニ疎畧ナレハ公方家御歸洛イツ共無シ况ヤ又天下ノ亂ハ不レ及レ謂五畿内ノ騷動サヘ靜リ難ク相見ヘケレハ天文十五年丙午ノ春ノ比ヨリ畠山家ヲ慕ハセ給フ遊佐河内守長教等潛ニ上意ヲ蒙テ細川次郎氏綱ト一味シ故高國方ヲ催メ晴元範長ヲ押倒シ諸國ノ亂ヲ鎮ヘシト密々計議ヲ回ラス處ニ此事既ニ洩聞ヘテ晴元是ニ驚キ又範長ニ下知セラレ此輩ヲ征セントス範長早速ニ承伏シ何程ノ事カ有ヘキトテ今茲秋八月十六日手勢ヲ率シテ泉州ノ堺ノ庄ニ軍立ス氏綱方モ遊佐方モ公方家ノ味方トメ多勢ヲ催ケル程ニ河州和州ハ不レ及レ謂ニ近國ノ大軍馳集テ堺津ニ押寄幾重共無ク取圍テ範長甚難義ニ及フ堺ノ津會合衆ト云ヘル卅六人庄官ノ富家共出合テ色々ニ取扱ヒ範長漸々ニ引退テ一命ハ助リケリ其ヨリ此事可ニ差

置ニアラサルニ畿内過半敵ト成テ當時晴元無勢ナレハ敵徒退治叶ヒ難シ先ツ人數ヲ催ヘシトテ南海ニ使ヲ遣シテ阿波淡路讃岐三箇國ノ勢ヲ招テ又大兵亂事起ル去程ニ大亂連綿シテ諸國大平ノ期遠カルヘキ其天變ヲアラハスニヤ今年八月廿三日酉ノ刻天下一同ニ萬物皆黃色ニ見ヘ道路ニ行逢人ノ面モサナカラ變メ金色ニ見ヘケリ良久シキ程如此ニテ夜ニ入ケレハ漸々ニ暗ク薄ラキテ黃色消テ常ノ如シ寔ニ皇天奇異ヲアラハシ國土ノ諸人ニ先立テ其凶ヲ知ラセ給フ者歟ト皆人不思議ノ思ヲナス角テ同年ノ秋晴元ノ味方山中又三郎ト云者攝州天王寺ノ大塚ニ城ヲ構ヘ居タリ河内勢寄來テ此大塚ノ城ヲ取卷既ニ攻詰難義シケレハ範長方ノ三好新五郎其外今度ノ催促ニテ四國ヨリ登リタル安宅甚太郎冬康淡州ノ勢ヲ率シ後詰ヲセントテ同九月朔日ニ中島ニ打渡リ同三日渡部川ヲ越ス處ニ攝州上下ノ國人三宅出羽守池田筑後守ヲ初テ何レモ氏綱方ト成リ河内勢エ一味シテ大軍引モ切ラサリケレハ三好方ノ者共川ヲモ不ニ渡得ニ漸々屢ニシテ大塚ノ城モ引退タリ其ヨリ三好方ノ諸將ハ同十日池田ノ城ニ取掛ク一番ニ三好加介ニ番淡路勢伊丹勢等攻入テ市場ヲ放火シ迫合ノ軍有リ寄手七人討レケレ共城方ノ池田勢ヲ十餘人討取是ヲ勝色ニテ三好方ノ者共同國尼カ崎ノ城ニ引歸ス扱テモ今度攝州ノ國侍共皆氏綱ノ味方ト成ルニ伊丹次郎親興ハカリ晴元方エ一味シケルヲ晴元大ニ感悅シテ伊丹ニ入城有ケルニ宵ニ親興ヲ兵庫頭ト名ノラセ翌朝大和守ト號シテ官位ヲ執奏セラレケル又同年ノ九月同國芥川ノ城ヲ攻ントテ河内勢出張シケルヲ三好新五郎後詰シケルカ是モ利アラヌ屢ニ成テ河内勢モ陣拂シ同廿日利倉原田ナント云所マテ相働

ケレ共雜說共有テ不_レ及_ニ一戰_ニ河内勢歸陣シケリ攝州每度ノ軍立晴元三好家勝利共不_レ見故
 ニ是ニ力ヲ合セントテ同十月廿二日讚岐守之持ノ陣代三好豐前守之康四國ノ惣勢二萬人ヲ
 催シ連レ讚州ヨリ渡海シテ堺津エ着船ス三好方ノ者共是ニ力ヲ得タリケレハ年内ハ餘日無
 シ緩々ト合戰ノ評議ヲ調テ歲明ケテ春ニナラハ先ツ河内ヲハ差置キ急キ攝州ニ散在シタル
 敵方ノ諸城ヲ攻落シテ其レヨリ河州ニ攻入テ島山遊佐方ヲ不_レ殘退治スヘキ由群議一決シ
 タリケル孫次郎範長モ其比改名シテ三好筑前守長慶ト號シ威ヲ振フ

續應仁後記卷第三終

續應仁後記卷第四

○新將軍御元服記

天文十五年丙午ノ冬公方家ノ若君御年十一歲先例ニ任セ御元服有_レ之然レハ其比攝州表合戰
 ノ騷動ニテ京都物忌ナルカ故ニ御所ニ於テ御儀式成カタシ坂本エ出御有テ當所ノ神職樹下
 成保カ宅ニ於テ御元服ノ儀式ヲ可_レ被_ニ執行_一由被_ニ相_ニ催_一之就_ニ中加冠_一役人者當管領職之
 仁勤仕之古例也雖_レ然當時細川晴元依_ニ御敵對中_一無_ニ管領職_一之故ニ同十一月中旬御加冠之
 役儀被_レ仰_ニ付_一佐々木禪正少弼定賴ニ定賴此趣因_レ無_ニ舊儀_一雖_レ再三令_ニ辭退_一因_ニ上意爲_ニ嚴重_一
 漸令_ニ御請_一可_レ相勤云云抑樹下民部丞成保者代々日吉社家神官也彼宅數十年破壞而雖_レ無_ニ
 正體_一往昔當宅被_レ成_ニ皇居_一例有_レ之於_レ今樹下宅板戸御製被_レ染_ニ宸筆_一有_レ之舊跡如是故今
 度之御儀式於_ニ當所_一可_レ被_ニ相_ニ遂_一云云即被_レ撰_ニ吉日_一來十二月十八日彼宅可_レ有_ニ御成_一云
 云

一役者之定御元服惣奉行攝津守元造朝臣因_ニ舊例_一役_レ之御元服奉行松田丹後守晴秀飯尾大
 和守堯連御加冠佐々木禪正少弼定賴今度就_ニ當役_一被_レ叙_ニ四品_一理髮細川中務大輔晴經當
 家因_ニ先例_一役_レ之打亂佐々木民部少輔植經涓益佐々木中務大輔高保御祝調進大隅民部丞
 秀宗大草三郎左衛門尉公廣御手長伊勢肥前守盛正伊勢次郎左衛門尉貞清御所侍直見代近
 衛殿御所侍林與三郎御雇有_レ之御承仕伏見殿御承仕衆盛嚴御雇有_レ之侍雜司祇公申二人女
 子一人宛石具ス陰陽頭勘解由小路二位在富卿土御門修理太夫有春松明役者御朝夕四人參

上御物奉行伊勢守被官蜷川新右衛門親俊三上與次郎秀長也

一同十二月九日定賴俄ニ進藤山城守ヲ坂本ニ差遣シ樹下宅破壊ノ所々修理以下事被レ申付之

一同月十六日定賴同嫡子義賢江湖ヲ渡テ坂本ニ到リ樹下宅ニ於テ公方家ヲ奉ニ待請ニ從レ是御門警固役目加多次郎左衛門辻堅ノ同年寄楢崎太郎左衛門三上孫三郎三雲新左衛門蒲生下野守勤ニ仕之

御成之次第 十八日

一同十二月十八日辛丑公方家同若君從ニ東山慈照寺ニ到ニ坂本ニ御成于レ時已刻也爲ニ御迎ニ佐々木刑部大輔同四郎兵衛同日未明到ニ于東山ニ參向

一同日御先一番御物奉行蜷河親俊三上秀長各馬上弓持鞞負并張替令レ持畢行列嚴重云々本關道逢坂也

一同日若公御先ニ御成也御服縫物御長絹下計也御下髮并御本結金色也被レ召ニ板輿ニ被レ卷ニ揚御籠ニ事御見物同意也

一御供三騎大館左衛門佐晴光御劔役但被レ納ニ御輿中ニ云云著ニ足半ニ而御供也朽木民部少輔植綱弓持鞞負沓而供奉伊勢守貞孝同レ之三騎共張替被レ爲レ持レ之貞孝弓袋赤色云云皆々赤毛鞞鞍覆白傘袋并御同朋孝阿彌也四人也ニ肩衣袴著レ之其次藤中納言殿御參也藤中納言者高倉殿永家卿也

一若公御走衆六人闔次第本江宮内少輔信富杉原兵庫助晴盛進士修理亮晴舍沼田三郎左衛門

尉光兼安威美作守光備飯河山城守信堅帶刀肩衣四布袴著レ之御小者六人裝束同レ之

一其次公方家御成也御裝束者御肩衣御袴褐色織筋ノ御小袖也御馬大黑毛御供三騎上野民部大輔信孝御劔役但帶ニ右方ニ云々乘ニ葦毛馬ニ着ニ足半ニ御供也細河中務大輔晴經弓持鞞負乘ニ青毛馬ニ沓而供奉大館治部大輔晴忠同レ之但乘ニ鹿毛馬ニ云云三騎共赤毛鞞鞍覆白傘袋被レ爲レ持ニ張替ニ并御同朋孝阿彌供奉四人共肩衣小袴取ニ返股立ニ云々

一公方御走衆十人闔次第伊勢肥前守盛正伊勢次郎左衛門尉貞清千秋刑部少輔晴季石谷兵部大輔光政海老名刑部大輔賴重狩野彌三郎光茂矢島次郎定行眞下彌太郎晴彌大和小三郎某彦部雅樂頭晴直各帶刀肩衣四布袴著レ之御小者六人此内一人持ニ御弓一人着ニ御鞞但虎皮云々一人持ニ御張替但御弓袋白色云々御力者持ニ御長刀御乘替馬小鴉毛掛ニ鞍蓋御先ニ引レ之口付御駭者肩掛ニ替之御輿ニ供奉云々

一御臺所并姬君兩御所其外女房衆御輿都合十二丁皆被レ掛ニ下籠ニ御跡ニ御下向

一其跡御迎警固兩人高島佐々木一類越中刑部大輔孝俊弓百廿張太刀帶百人馬上主從三騎鎧二百本人數以上千餘人田中四郎兵衛尉賴長弓百八十張太刀帶六十人馬上主從二騎鎧百五十本人數以上六百餘人裝束袖細革袴行列

一御成道路從ニ淨土寺ニ南行到ニ若王寺前ニ從ニ若王寺前ニ南行到ニ南禪寺ニ時御下馬有レ之從ニ口岡花山ニ過ニ本願寺屋敷巽方ニ到ニ東小山前ニ到ニ大津ニ於ニ新羅明神前ニ御下馬有レ之從ニ其磯傳到ニ坂本四屋ニ登ニ戶津内兩社ニ到ニ作道ニ北行從ニ梅辻ニ着ニ御樹下宅于レ時申刻也從ニ妙顯

寺前_二辻堅有_レ之其人數目賀田檜崎三雲蒲生等皆是定賴家老也定賴父子御門外伺候即參向御盃頂戴三盃賜_レ之云々

一三寶院殿山科表御出向附_二御跡_一被_レ參上_二先_一于是同月十六日聖護院殿道増十七日近衛殿植家到_二坂本_一御參向


一樹下宅着御以後定賴被_レ叙_二四品_一爲_二其御使_一伊勢守貞孝被_レ參_二向定賴旅宿_一
御元服次第 同十九日

一御元服當日十二月十九日戌二點可_レ然之由有春朝臣就_レ被_二勘選中_一今日被_レ行_レ之
一當日御加持聖護院殿准三后前後七箇日被_レ行_二御祈禱_一畢御舊例三寶院殿御執行云々今度者内々而被_レ行_二御加持_一

一御身固依_二舊例_一有富有春兩人勘_二進之_一
一若君御服御裝束御着用之儀藤中納言殿父子被_レ勤_レ之
一植綱高保晴經定賴元造以上五人白小袖袷白直衣大帷大口著_レ之折烏帽子カケ緒刀海老作鞆

卷也
一御殿樹下カ殿南向也但御座敷ハ西ヲ請セラル、北南三間西東二間中ノ御座敷也疊ハマハ

リ敷ニテ間中通リ路ヲ明ラル、此道御簾カ、ル鑰ニテ上ラル、御座敷ノ御後モ御簾カ、ル御後ノ御簾一臺開テ若君御座エ出御也御扇御傍ニ置カル、末廣也御髮亂サル、御眉ハモ、マユ也御烏帽子召サレテ横眉也



朝夕今一人ハ長リツイマツセウメイヲ持テ伺候ス

南縁 カヨヒ道御簾カ、ル

皇御簾カ、リテオロサル、

御座

朝夕セウメイ右同前


一表へ御出有テ有富有春御身固有_レ之御次管領代定賴著座
一御座ヨリ圓座へ移ラセラル、即管領代座ノ通ノユヒ板へ下リテ着座次ニ晴經御立烏帽子我前へ向テ持參御右ノ脇ニ其マ、オカル、次ニ植經打亂レテ持御前ノ通ニ置廣ケラル、作法有テ退ク次ニ高保御消坏ユスリツキヲ柳筥ニ居御左ニ置キ蓋ハ陰ニ置ル、也次晴經御前ニ伺候ス管領氣色有テ御傍近ク指寄打亂シヨリ御櫛其外道具ヲ取出シ大基モト此本結紫ノ組物也御髮ヲ結上ケハヤサル、際マテ卷上テ止メラル卷様口傳有_レ之其先ヲ御筭ニテ二ツニ分テ兩方ノ御櫛ノ本ヲ小本結ニテ結ハレ其先ヲ是モ紫ノ組物也小高檀紙ニテ何モ包ミ其上ヲ

二所常ノ本結ニテ結テ左ノ御髮ヨリ箆刀ヲ逆手ニ持小本結ト包タルアヒヲハヤサル、也
 ハヤサレタル御髮ノ先ヲ打亂シヘ入ラル、抑此竹刀古ヨリ三振有之一ハ伏見殿一ハ花
 山院殿一ハ裏辻殿御所持此内舊例ニテ花山院殿ニ有之ヲ御當家へ與奪シ御用也刀ハ小鍛
 治也御物ニ成也從ニ往古不レ啄云々此御刀ヲテントハヤサレテ同様ニ一振打セテ懷中有
 テソレニテハヤサル、也昔ノ刀古キニ依テ如レ此故實也扱御立烏帽子ヲ召サセマイラセ
 針ヲサ、ル、事古法ニナシトイヘモ今度定賴古實ニテ望申サレ指ル、也若君右ノ御手ニ
 テ御カ、ヘ有テ晴經御ユスリツキノスハリタル柳篋ノ上ニ御筭ト御櫛ノ齒ヲ外ヘナシテ
 置キ打亂ヲ本ノ如ク取置キ退出ノ時定賴參テ御櫛御筭ヲ取御髮ノ左ヲ三度右ヲ三度水ヲ
 ハ不レ付シテ搔申サル、也御ユスリツキノ水少シ入置候ヘモ終ニ水ハ不レ入儀也前々ハ御
 鬢カ、レ候時先ツ左ノ御手ニテ御カ、ヘアリテ管領被參候時右ヘ取直サレテ搔セラレ
 ヌ御右ノ時左ニテ御抱アリ今度ハ定賴是モ逗留迷惑ノ由被中候ニ依テ始ヨリ右ニテ御
 抱アリ右ヲ付申サル、時御左ニテ御抱アリ御筭本ノ處ニ置ル、定賴本ノ板ノ上ヘ歸座ス
 扱高保出テ御ユスリツキノ取次植綱出テ打亂ヲ取次晴經出テ御烏帽子ノ臺ヲ取ヤマイル
 、也扱定賴内ニ御成候ヘノ氣色申サレテ御烏帽子左ノ御手ニテ御抱ヘ有テ御後ノ籠中ニ
 御成也次ニ定賴座ヲタ、レ候也内々ニテ藤中納言殿永家御髮ヲシテ御烏帽子ヲ召セテ
 ナサル、也

一御末童坊德阿彌白砂ニ蠟燭ヲ持テ出是ハ御承仕ノ役タルヘキ由沙汰アリ頓而御承仕出テ

御常燈ヲ取退次ニ御所持出テ御圓座ヲ取ル

一御所持二重一對矢筈餅一對持出立ツ也左ヨリ始ル行松代持テ出ニ渡之



扱御出御簾以前ノ如ク女中ヨリ御アケ候也御衣裝被レ改定賴御太刀白進上御禮申サル扱
 晴經打敷ノ衣綾ヲ持テ出御前ノ疊ノ上ニ敷ク高保銀器本ノ御膳ヲ持出打敷ノ衣ノ上ニ置
 ル、植綱二ノ御膳持出晴經三高保四植綱御盃又高保衣ナリヲ持テ出板ノ上ニ敷晴經巢ノ
 上ノ御膳本ヲ持テ出ス、シノ衣ノ上ニ置ル、扱アケラル、事持テ出タル人被レ役レ之也打
 敷ノ衣ハ疊テ持出ヒロクテ置トラル、時ハ御前ニテ又疊テ被レ取也又高保衣ヲ持テ出如
 以前御前ニシカル、次ニ六本立ノ饗參ル晴經本御膳ヲ持出二ヲ植綱持出三ヲ高保四ヲ
 晴經持出本御膳ノ向ヒノ板ノ上ニ置ル、次植綱右ニ置ル、次高保左ニ置ル、以上二通有

之扱定頼ノ前へスハル盛正本膳ヲ持出二貞清三盛正四貞清五盛正六貞清此時手長行松ス
 へヤウ御前ノト同前次ニ時經提子片口御子ヲ持出三ノ御膳ノ土器ニ入ラル盛正又提子ヲ持
 出定頼前ニ畏ル時三ノ膳ノ土器ヲ取ウケテソト吸ル、扱前參リタル如ク本ノ人サキ一通
 リアケラル、次定頼前ヲサキ一通スエタル人アケラル、次御前ノヲ本ノ人如元アケラル
 、打敷モ疊テ取ル次ニ定頼前如元アケラル、扱定頼座ヲ立元造朝臣御太刀折紙持出披
 露ノ後退出元造朝臣取申サル、次ニ定頼參テ板ノ上ニテ深御禮中ノ著座次ニ御所持出矢
 筈餅左ヨリ始テ二重迄アケル扱大草調進ノ二重ヲ御所持持出前ノ二重ノ跡置ク矢筈餅ノ
 跡ニ瓶子ヲ置手長大草持也次ニ式三献參ル本御膳時經持參御四定頼前平折貞清持出次ニ御
 前二高保定頼前二盛正前三植綱定頼三貞清御手掛植綱持出御右ノ脇ニ角カケテ疊ノ上ニ
 置ル、定頼前手掛盛正板ノ上ニ置カル、次ニ御片口白晴經持出御提子高保探テ出御座敷
 ノ入口ニ伺候終ニ加ヘラレズ扱御盃一取テ定頼ニ給テ頂戴在取テ座へ歸ル御酌提子ノ人
 退出御前ヨリ始テ定頼前打カ、ヘテ如元アケラル、高保黒太持テ出定頼ニ被下板ノ上
 ニテ被請取ニ退出次ニ盛正黒太刀持出御前ノ中程板ノ上ニ置長ル扱時經黒太刀一腰持參
 シ御禮被申上ヨリモ一腰被下盛正一振被相渡次ニ高保次ニ植綱元造朝臣晴秀堯連同
 前也何モ黒太刀也歸ル時ハ御太刀ヲツキ右ニ歸ル其後盛正進上ノ太刀ヲ取集持テ歸ル元
 造朝臣伺申サレ還御也瓶子二重ハ跡ニ其儘置ル、也
 一 定頼進上折紙目錄也御弓重藤征矢ハサ砂金十兩包金銀御鎧紅糸御馬一疋鶴毛置元造朝臣披露

之

一 今日定頼嫡子左京兆義賢小素袍ニテ伺候内々ニテ大草調進御饗又御肴七獻參ル公廣女中
 エ渡シ申サル
 一 御乳母三千疋折紙勢州被ニ相調進ラスル
 一 定頼父子伊勢守御内々エ伺候
 一 上池院紹胤宮内卿侍從淨忠召ニテ伺候
 一 觀世太夫四郎左衛門伺候桂四人伺候
 一 御大工池上五郎左衛門棟梁衛門御疊大工御簾大工各烏帽子上下ヲ着シ參候ス
 一 定頼内室吳服以前祇候於御内々御盃被下之同内室献上ノ次第公方エ段子五端御盆
 一枚堆紅若君堆金欄五端御盆一枚堆朱御臺所ノ御方へ引合十帖三千疋姫君ノ御方エ練貫三端
 引合十帖宛進ニ献之
 一 從ニ定頼方ニ同朋衆エ小袖被遣之同從ニ内室方ニ同朋衆エ小袖被送之同從ニ女房方ニ桂四
 人エ小袖被遣之
 一 二重瓶子一番三箇日其マ、被置由有之大草調進也
 一 曉天御元服儀式終而禁裏エ御使攝津掃部助晴直爲ニ交攝津守從ニ大御所ニ御太刀一腰正國御馬
 一 疋從ニ若君ニ御太刀白御馬唐鞍唐鞍砂金三拾兩居銀被令進ニ上之傳奏廣橋兼秀卿被案ニ
 内之

二日目 廿日也

- 一 翌廿日御身固有之如昨日作法
- 一 銀器御膳如昨日一同三本立銀器御膳ノ先ニ三ツ並也御配膳御手長皆如昨日
- 一 二重如昨日參ル大隅調進
- 一 式三献參ル大草調進御配膳御手長以下同前
- 一 從若君御馬一疋鞍置之管領代加冠役定賴朝臣被拜領御使因舊例攝津守元造朝臣也
- 一 今朝管領代不參
- 一 二日目御祝事畠山殿御勤役舊例也今度遊佐河内守勤之如前大草大隅兩人ニ六疋疋渡之調進云々進物同前
- 一 御祝過テ晴經高保植綱元造朝臣盛正貞清小素袍被着之
- 一 小笠原民部少輔植盛任備前守爲御禮御太刀金二御所ノ御方へ元造朝臣以女中ニ被披露之
- 一 同日若君御馬乘始有之如舊例御馬河原毛卯定賴朝臣進上之
- 一 御弓一張白木也不張シテ捲ニギリ上ヲ引合紙二重ニ取り堅紙ニ包ミ水引ニテ結フ弦御テウヅ神頭一手也引合ニテ包之御鞍鞭二筋熊柳ヌリタルト紫竹ト也何モ朽木民部少輔植綱調進之一本何モ小笠原民部少輔植盛調進之云々此儀不審

- 一 御手綱腹帶御鞭鞍皆具御沓御指掛子細アリ伊勢守貞孝調進之
- 一 御鞭御沓伊勢二郎左衛門貞清持參之
- 一 御馬引參ル事盛正被勤之尻綱取ハ御厩ノ者也
- 一 庭上ニ公家ノ面々并定賴義賢伺候御劔大館左衛門佐持之并御供衆其外各々庭上ニ伺候但是ハ出御ノ後也
- 一 若君妻戸ヨリ出御御烏帽子ヲ召レ御腰物帶セラル御劔大館左衛門佐晴光御小者千若御沓ヌキヨリ御緒太ヲ參ラセ於庭上御沓ヲ召ル、植盛貞清樣體ヲ被勤御鞭ヲ指レ貞孝懷キ參ラスル也御馬ニ召サル、時御馬口取ハ盛正御鏡植盛押へ奉ル御妻戸ニ向テ鞠ノ懸リ有レ之四本懸ノ水ノ内ヲ三返召サル、貞孝植盛御馬ノ兩方ノ口ニ付テ左へオリ返シ三返ノ後又貞孝懷キテ下シ申サル
- 一 御乘馬始以後表へ出御有リ御三盃參ル上野民部太輔信孝持出之大館左衛門佐晴光御酌取也植盛御太刀進上ス仍御盃頂戴セシメ次ニ御馬御太刀等拜領貞孝申次之也其後御銚子取納ル
- 一 次ニ貞孝御太刀持レ之盛正貞清以金覆輪鞍兩人御禮被申申次ハ信孝也其後還御
- 一 定賴朝臣父子内々ニテ御太刀持參進上之
- 一 植盛自公方家御馬太刀拜領之
- 一 植盛從御臺所御服拜領之

一就大將御推任從大御所御太刀一腰清綱御馬一疋進上禁裏
 一就元服勅使御太刀御馬就大將御推任被申沙汰之御太刀御馬就將軍宣下被申沙汰之御太刀御馬都合三腰三疋廣橋大納言兼秀卿拜領之
 一就御服奉仕之儀御太刀御馬藤中納言永家卿拜領之
 一後日近衛殿前久就為御師範役御太刀御馬御香合御盆等被令進獻之御使藤中納言永家卿也
 一十二月廿日新將軍若君御評定始御判始等有之
 一御評定始圖役松田九郎左衛門尉賴隆奏事飯尾大和守堯連御判始奉行松田對馬守盛秀
 一御前御沙汰有之御吉書始有之
 一新將軍御出御著座元造朝臣サノフヲ持參御座右ノ方ニ被置人數定賴朝臣二階堂中務太輔有泰朝臣町野左近太夫將監康定松田丹後守晴秀今度始而被召加處ナリ元造朝臣也座席ノ次第新將軍御右ノ方ニ定賴朝臣着座元造朝臣向定賴而座少シ下也定賴ノ下ニ有泰座ス有泰ノ下ニ晴秀座ス元造朝臣ノ下ニ康定座ス
 一關取ノ次第元造朝臣有泰朝臣康定晴秀關役賴隆
 一御前ノ通リ真中ニ圓座ヲ一ツ直見持テ出敷之
 一康定御視目錄持參御前シテ置キ歸座三色御合點有テ又康定座ヲ立テ二色取テ退又着座堯連出テ三社ノ事披露發言晴秀也各合點ノ氣色有テ堯連退出シ次ニ評定衆下臈ヨリ皆退

出定賴モ又退出ス

一其後又各々如元著座有テ御判始有之御物七通ヲ硯ノ蓋ニ入伊勢守貞孝持參シテ管領代定賴ニ渡サル定賴又御前へ持參ス其間御前ニ貞孝伺候御判スエラシ果テ管領蓋ニ入貞孝ニ被渡之貞孝持テ出侍雜司ニ被渡之
 一奉寄御判物侍雜司ヨリ康定請取持參御前ニ置キ著座御判スエラレテ後又罷出康定取申サル次ニ御視取申ス侍雜司ニ被渡御判物ハ元造朝臣取テ管領ニ渡ス善法寺ウヘ又御前ニテ管領被渡之扱下臈ヨリ退出其後新將軍還御ナサル
 一其後新將軍又御出座定賴朝臣以下評定衆如前各々着座以前ノ所ニ御圓座一ツ有之其上ニテ各各令披露次第飯尾大和守堯連松田對馬守盛秀飯尾彦左衛門尉盛就中澤掃部介光俊松田九郎左衛門尉賴忠其次座ヨリ晴秀出テ披露シ又着座ス堯連盛秀ハ大帷子脱テ各々奉行衆ノ如ク裏打也盛秀ハ御吉書奉行ノ條大帷子也評定衆又下臈ヨリ退出次ニ貞孝御太刀金多ク持參シテ我際ニ置御前ニ伺候定賴朝臣元造朝臣有泰朝臣康定晴秀堯連盛秀盛就光俊賴隆賴忠御太刀金進上ス是即於御前貞孝取次一腰宛各々被下之事終テ貞孝一腰持參信孝一腰持參如以前ノ貞孝ニ被下之物ノ御太刀貞孝被取之
 一禁裏ヨリノ御太刀廣橋殿被持參新將軍即御頂戴也貞孝御前ニ伺候申次之
 一公家ノ人々御太刀金進上之次第廣橋殿兼藤中納言殿永高辻殿長頭辨殿國光藤右衛門佐殿相有富有泰外記枝官務辰也

一就御元服之儀大御所ノ御方へ廣橋殿高辻殿藤中納言殿同右衛門佐殿金高保持ニ參之次ニ御供衆金悉ク進上之貞孝以內々披露次ニ藤中納言殿就御裝束方之儀系卷被進上之

三日目次第 同廿一日也

一御祝三箇日同前銀器御膳五三本立二重矢筥餅同前但菓ノ上ノ御膳今日ハ不參右大隅調進也

一式三獻大草調進ス御饗五獻内々ニテ參ル同ク大隅調進

一管領父子不參

一御膳打敷ノ絹二日ハ綾三日目ハス、シノ絹皆大隅調進ス

一銀器御配膳以下如元ヲモイモ參ル二本立ノ饗銀器ノ御膳ニ續ク

一大草調進式三獻御手掛迄四色高保晴經植綱被勤之御提子高保御銚子晴經クワヘラレスシテアカル

一二重矢筥餅御所持持テ出ル

一御元服奉行兩人何モ大帷子也

一御供衆異體役者大帷子御手長裏也

一今度桂四人侍雜司四人參向皆々自將軍御服被下之定賴朝臣モ折紙被遣之
同廿二日御成次第

一同月廿二日彈正少弼定賴旅館ニ御成有之御供衆右同斷但裝束者烏帽子袴肩衣也御門堅ノ役目賀田辻堅ノ役三上檜崎三雲蒲生也各着烏帽子等

一御座敷ノ次第大御所ノ御方義新將軍ノ御方義近衛殿義植聖護院殿義三寶院殿義久我殿義飛鳥井殿義廣橋殿義兼烏丸殿義藤中納言殿義日野殿義晴彈正少弼義左京大夫義賢各々左右着座也

一式三獻御二前計リ參進士九郎賢光調進之御湯漬參ル御菓子參ル各々御座敷十五獻雖令用意及夜明日出九獻參リ終ル也

一式三獻參ル時從定賴御太刀一腰白御馬一疋進上新將軍初獻時從定賴義賢兩人御太刀一腰御馬一疋宛令進上兩御所三獻之時御太刀一腰忠御腹卷一領紅糸進上新將軍五

獻之時御繪二幅雲舟御盆進上朱堆新將軍御太刀一腰國御腹卷紺糸進上大御所也此時從新將軍御太刀一腰御腹卷一領宛被下定賴義賢兩人云々

一御一獻ノ時定賴一族面々御太刀持參對兩御所令御禮畢同時於御座敷目賀多檜崎三上三雲蒲生五人以御太刀御馬令御禮畢披露伊勢守勤之

一於御簾中御臺所有御一獻如御座敷之次第御相伴北ノ政所殿并定賴内室也

一從御臺所御煉貫十端引合十帖下賜定賴内室也同又唐織物拜領自今以後御免ノ由被仰出事

一從御臺所御小袖一重宛拜領之面々定賴内室并定賴義賢中務大輔高保等也御小袖者織物也

一於御簾中從定賴內室御食籠進上御所金襴三端御盆一枚進上新將軍織物十端引合十帖進上御臺所也從定賴方引合十帖二千疋奉進上御臺所從義賢方蒼鷹一聯御太刀御腰物御鐙御馬奉獻上大御所之御方也

一御能觀世大夫金春大夫伺候錄物疋被積舞臺御供衆渡之役者也今春大夫三千疋日吉大夫三千疋日吉嵐井田樂嵐井田樂長阿良阿亢阿三人令伺候御庭是舊例也各々折紙千疋宛被遣之

一同日御能組事

高砂觀世大夫田村同野宮今春大夫大會觀世東岸居士同舍利今春八郎道成寺今春羽衣觀世山婆同殺生石今春立田觀世芭蕉同岩船同松虫同狸同

以上十五番及日出終也

一桂四人侍雜司四人其外公方人各々折紙被遣之

一兩御所御供之御童坊二人如舊例千疋宛折紙被遣之

同廿三日

一同廿三日依上意少弼定賴一獻被下之候御湯漬參其後七獻參ル觀世大夫今春大夫御能仕ル夜明及日出也御能組八番難波梅觀世經正同遊屋今春龍神觀世二人禪野守同邯鄲今春吳服觀世

一同日御一獻時山門衆月藏坊西樂院蓮藏院以下十餘人被參御通被見物御能

一同日御一獻以前伊勢守貞孝被定御親云云御祝之儀式三獻參ル進士九郎調進之定賴父子被令御相伴也大御所新將軍兩方從伊勢守御太刀進上之從新將軍御太刀從御臺所御服伊勢守拜領之

同廿四日 還御

一爲御眼請定賴義賢參上常在寺辻堅以下如前

一兩御所從常在寺直到東山還御也御供衆如前御走衆御小者衆肩衣四布袴着之

一舞臺之樂屋以下折紙千疋相副被遣常在寺事

一爲御送佐々木刑部大輔孝俊田中四郎兵衛賴長兩人被參御先到東山被御暇下令歸國畢

續應仁後記卷第四終

續應仁後記卷第五

○公方家北白川御籠城御和陸事

明レハ天文十六年丁未ノ春ニ成ヌ去年ノ臘月ヨリ細川晴元三好黨内談ノ通り細川氏綱遊佐長教等ヲ退治ノ爲ニ先ツ攝州ノ諸城ヲ攻シム驅催ス味方ノ輩先ツ大將ハ晴元ニテ執事三好筑前守長慶諸軍ノ下知ヲ司テ手勢數多相從フ其外去冬上津セシ淡路勢四國勢且又畠山新總州其家臣遊佐越中守木澤大和守等彼是都合三萬餘人攝州ニ發向シ同キ二月九日ヨリ當國原田ノ城ヲ攻ル城兵防兼テ同廿日三好宗三ニ附テ暖ヲ納レ城ヲ開テ渡シケレハ暫ク人馬ヲ休メテ後同廿五日ヨリ同國三宅ノ城ヲ攻ル三月十五日終ニ外郭ヲ攻取リ本城計ニ成ケレハ是モ防戰叶カタク城兵色々佯言シテ同廿二日城ヲ開テ退散ス晴元長慶威勢ヲ振テ直ニ河州ニ攻入ント欲スル所ニ公方家俄ニ河内方ニ御一味ニテ御旗ヲ舉ラレ即洛外北白川御籠城ニ籠ラセ給フ其御方々先ツ公方家同新將軍家扱貴族ニハ近衛殿下植家公是ハ公方ノ御舅也聖護院道増大覺寺義俊是皆殿下ノ御舍弟也其外烏丸大納言光康卿日野大納言晴光卿高倉中納言永家卿日野町三位資將加茂二位在富ヲ始テ公家ノ衆中數多有之武士ニハ大館陸奥守晴光細川中務大輔輝經大館伊豫守晴忠細川宮内少輔陸是伊勢守貞教攝津守元造同掃部頭晴門三淵伊賀守小笠原備前守武田刑部大輔和田伊賀守大和兵部少輔等都合御勢一千九百人此由攝州ニ相聞キ細川晴元一族家人ヲ招集メ此事如何有ラント評議ス執事三好筑前守長慶進ミ出テ主君晴元ヲ諫ケルハタトヘハ公方家ニテモ有レ的面ニ當家ノ衆中ヲ亡サントシ給フ御企

ヲ寛々トシテ可レ被ニ拾置ニ様ヤ有ル某ハ當國ニ留テ細川氏綱ト河内勢ヲ討攻ヘシ貴君ハ人數ヲ召連ラレ早々御上洛可然ト進ケル程ニ何レモ此義然ルヘシトテ人數ヲ二手ニ分ケ一方ハ三好ニ屬ケテ攝州ニ留メ置一方ノ人數ヲハ晴元自身引率シテ京都ヲ差テ攻上ル其威勢オヒタ、シ同四月朔日ニ多勢洛東ニ着陣シテ晴元本陣ハ東山ニ陣取り殘ル軍勢ハ吉田淨土寺眞如堂鹿方谷ニ充滿テ北白川ノ近邊ヲ悉燒拂フ御城無勢ナレハ手サシ出事モナラス寄手今ヤ攻來ルト手ニ汗ヲ握リ落支度スル處ニ晴元如何思ハレケン此御城ヲ攻落サンハイト假安キ事ナレ共攝河兩國ノ敵徒心許無シ先ツ攝州ヲ退治シテ其後心安ク當御城ヲ攻落サントテ義勢ハカリニ敵ヲ威シテ同月十日東山ヲ引拂ヒ攝州ニ歸陣セラル三好長慶大ニ怒テコハイカニ籠ノ中ノ鳥ヲ取ニカサレテ候者哉但貴君モ公方家ト御一味ナリヤト怒リケレハ晴元陳報シテイヤトヨ御城ヲ取卷ナハ當時公方家ノ寵臣六角定頼カ後詰セン事大軍心許ナキ故角ハ計ラヒタリトノタモフ長慶其ヨリ江州ニ使者ヲ遣シ御聲ノ細川殿ヲ公方家ヨリ御野心有リ早々當方ニ御一味有テ御上洛給ルヘシト頻ニ進メケル程ニ六角彈正少彌定頼今迄公方家御味方申ト云ヘ共晴元ハ聲也四國勢ハ大軍ニテ長慶又威猛ノ者也始終如何ト思案シテ即晴元ノ味方ト成リ北白川ニ攻登ラン由同心ノ返事ヲ云送ラル扱此間ニ五月五日晴元并細川讚岐守畠山新總州等ノ勢共攝州芥川ノ城ヲ圍ムニ數日ヲ經テ後扱ニ成リ同六月廿六日城主藥師寺與一郎城ヲ渡シ明夕退ケレハ長慶ノ縁者芥川孫十郎ヲ本領也トテ入レ置カル池田城ヲモ可攻處ニ城主池田筑後守ハ三好宗三ノ聲ナル故先ツ其分ニテ差置同七月七日細川讚岐守

之持ハ難波エ下リ長慶ノ弟三好豊前守之康ハ尼カ崎ニ張陣シ三好長慶同宗三兩山中香西與四郎其外畠山新總州木澤兄弟諸勢等ハ十七箇所ニ陣取テ河州ノ敵ニ差向ヒ段々ニ攻詰ル惣大將細川右京大夫晴元ハ相殘ル多勢ヲ引具シ六角家ト牒シ合セ又々京都ニ攻登テ同七月十二日洛陽ノ相國寺ニ陣ヲ取ル江州ノ佐々木六角定頼同右衛門佐義賢惣大將トシテ相從輩佐々木刑部大夫孝俊田中四郎兵衛頼永目加田三雲等數萬ノ人數是モ同ク攻登テ晴元ニ力ヲ合セ北白川エ押寄ル今ハ早公方家イカニ思召共目ニ餘ル大敵ニ叶難ク見ヘサセ給ヘハ御一戰ニ不及シテ同十九日御城ヲ自燒シテ北白川ヨリ江州エ落サセ給ヒ坂本ニ御座ヲ移サル於是禁裏堂上諸門跡方色々ノ屢始テ公方家晴元定頼ト御和睦有ケリ誠ニ危キ時變也因茲同月廿五日晴元定頼兩將共ニ坂本エ參上シテ和睦ノ御目見申上ル洛中洛外ノ諸人相悅事無限其ヨリ晴元ハ在京セラレタリケルカ同年ノ冬細川ノ庶流ニ玄蕃頭國慶ト云人氏綱ノ味方トシテ浪人武者ヲ集メ一揆ヲ催シテ洛外ニ蜂起セリ晴元急キ討手ヲ遣シ且又六角ノ家老多賀豊後守モ出合テ同十月六日山城國內野ノ西ノ京ト云所ニテ一戰ヲ遂ル玄蕃頭忽打負即討死シタリケル其レヨリ後京邊ハ頁暫ク干戈ヲ止テ騷動スル事稀也ケリ

○攝州舍利寺軍事付細川畠山兩家和睦事

角テ攝州ニハ同キ七月廿一日三好豊前守安宅攝津守松浦肥前守畠山上總介遊佐越中守等天王寺ノ東方舍利寺ト云所迄寄來ケル間河内方ニハ畠山政國ヲ惣大將ト仰キ遊佐河内守長教細川四郎兵衛等斯マテ諸卒出向テ敵味方セリ合有リ近年無雙ノ大セリ合イツ果ヘシトモ見

ヘサリケル三好方ヨリハ畠山上總介ト松浦肥前守一番ニ軍ヲ始タリ角テ數回ノ軍終テ三好方ニハ篠原雅樂助安宅左京以下好キ侍五十餘人雜兵共ニ百人餘討レケレ共河内勢ニハ第一ノ剛ノ者三木牛之助ヲ始トシテ究竟ノ侍四百餘人討取ラレテ續ク勢ハナシ終ニ河内勢敗軍ス三好勢ハ是ニ競フ同廿四日四國勢泉州ノ堺エ打越ヘ急ニ河州ヘ押入ントス同廿六日拾七箇所ニ陣取タル三好勢等住吉ノ遠里小野澤ノ口ヘ陣替シテ四國勢ト牒シ合セ同八月十一日ヨリ諸勢一同ニ河内地エ打入テ若林ト云所ニ陣取敵味方毎度ノセリ合ニ當年ハ戰幕シヌ然處京都公方家ハ晴元定頼御合體也細川次郎氏綱ハ一旦畠山方ノ一味ト云ヘ由緒無シ長教長慶等自分ノ意趣有ニ非ス於是細川畠山ノ兩家和睦ノ義色々屢初テ終ニ翌年ノ天文十七年戊申ノ夏四月雙方同心シテ兩家和睦セシメタリ因茲遊佐河内守長教三好筑前守長慶互ニ合體ノ契約相濟ケル程ニ敵味方相悅ヒ同月廿四日河内勢引入ケレハ若林ニ陣取タル晴元方ノ諸將長慶ヲ始テ皆々堺津エ歸陣ス淡州勢四國勢何レモ歸國シ相悅フ同五月二日三好長慶ハ越水ノ城エ歸陣シテ多年ノ疲勞ヲ休息ス扱モ長慶ハ丹州波多野カ鞞也ケルカ不縁ノ子細有テ妻女離別ノ後内室無キニ依テ今度幸ニ和睦ナレハ遊佐長教ノ息女ヲ娶テ長慶ノ室トシ遊佐三好縁者ト成リ彌々水魚ノ思ヲ成ス且又池田筑前守ハ今度晴元エ參リケレ共縁者ヲ離レテ敵方ト成タル事其罪通レカタシトテ同月六日晴元ヨリ京都ニ於テ筑後守ヲ誅セラレケリ然レ共其子ハ正シク三好新五郎入道宗三ノ孫ナル故ニ遺跡無ニ相違ニ立置テ其子ヲ宗三ニ預ク置カレケリ

○細川右京大夫晴元亭御成事

畿内無爲ニ屬シ京都靜謐ニ歸シカハ公方管領相共ニ繁榮ス因茲天文十七年戊申七月十八日
 管領右京兆晴元ノ亭エ公方家同新將軍家御成有之其外御相伴ハ近衛殿下聖護院門跡一乘院
 門跡大覺寺門跡久我飛鳥井勸修寺日野鳥丸藤中納言各公家方御同途有之公方家エ御進物初
 獻御太刀國光御馬鬃毛三獻御太刀一文字御鎧五獻御鞍七獻御香合御盆堆朱九獻御香爐青磁
 御盆クイシヤツ十一獻花瓶一對古銅木地ノ盆ニ載之十三獻金襴三卷御盆堆朱十五獻御太刀國
 綱御腰物勝光云云新將軍家エ獻上物初獻御太刀國次御馬河原毛三獻御太刀眞常御鎧五獻御
 鞍七獻御香合御盆堆朱九獻沈香御盆堆朱十一獻紅系五斤盆黑塗十三獻段子三卷御盆有之十
 五獻御太刀御腰物何モ勝光云云今日細川家人勤役次第大門役波多野孫四郎香西越後小門役
 芥川孫十郎山中橋左衛門裏門役池田太松丸樂屋奉行山中新左衛門 御成物奉行鹽川伯耆守
 三好宗三御進物奉行飯尾上野介茨木伊賀守雜物奉行并和道祐齋高島伊豆守田井源助平井丹
 後守 御膳奉行波々伯部伯耆守中原五郎左衛門 御酒奉行安久良紀伊守筒井神介穗積右衛
 門尉 御折櫃奉行平井丹後守飯尾越前守 御蠟燭奉行吉阿彌 御前御茶湯伊阿彌物御茶湯
 同明衆灯臺請取作阿彌慶阿彌 諸衆ノ相伴波多野孫四郎長鹽民部丞 御走衆相伴山中新左
 衛門侍雜司相伴中澤左衛門大夫御小者相伴豐田彈正忠年行事長鹽民部丞柳本孫七郎各相
 勤之且又番々次第 御成之間飯尾隼人撫卷掃部官女之間安威若狹守秋山勘解由左衛門兵
 庫之間島田若狹守中村加賀守御對面所津田新左衛門永原兵庫助長尾次郎 御主殿中津帶刀

左衛門鷄冠井六助十八間之間波々伯部源五郎望月太郎左衛門三間入江四郎左衛門中村式部
 丞山角與四郎屏中門藤岡三河守原田孫八郎福井孫七郎竹田彌八郎中津與五郎竹田修理長井
 四郎左衛門藪田左馬允石原左京亮友成與五郎各相勤之今日御成無ニ事故ニ相濟ケレハ兩御
 所御喜色有テ還御マシク晴元ハ喜悅ノ眉ヲ開カレタリ

○三好長慶同宗三宿意牟楯事

細川畠山ノ兩家和睦シテ遊佐三好合體ノ上ハ今ハ畿内近國モ長ク靜謐タルヘシトテ諸人安
 堵ヲナス處ニ三好筑前守長慶ト從父兄弟新五郎入道宗三ト鋒楯ニ因テ又大兵亂再興シ畿内
 長ク太平ノ期ヲ不知其來由ヲ尋ルニ一朝一夕ノ事ニ非ス其根深ク源遠シ抑去ル享祿年中細
 川晴元若年也ト云ヘ共執事三好故海雲陣代ヲ勤テ彼家ノ宿敵故細川常桓禪門ヲ討取り晴元
 ニ忠義ヲ盡セシ事世人是ヲ通知セリ此時晴元ハ阿波ノ御所ヲコソ將軍職ニナシ參ラセ公方
 ト仰キ申サソ所ニ此御所ヲ捨參ラセ有テモ無ガ如クニスル事海雲如何ト諫ル處ニ晴元是ヲ
 無承引剩海雲何ノ罪科モナキニ晴元虎口ノ讒言ヲ信用ソ本願寺上人ヲ相語ラヒ一揆ヲ起サ
 セテ終ニ海雲ヲ伐給フ然其比ハ誰カ讒言共知ル人無レハ只此一事ハ晴元ノ心ヨリ事起レ
 リト見ヘニクリ此時長慶ハ未タ幼少ニテ千熊丸ト號シケルカ即海雲ノ跡目ヲ繼キ家督相續
 ノ後漸々武畧ノ器量ヲ抽テ今筑前守長慶トテ威勢肩ヲ並ル者無シ亡父海雲横死ノ恨ヲ不舍
 シテ主君晴元エ忠義ヲ盡ス長慶カ舉動是又世舉テ通知セリ其比宗三ハ海雲ノ死後ニ細川家
 中ノ權柄ヲ取ント思ハレケレ共自門他門押ナヘテ宗三ニ思屬ク者無ク長慶ヲ崇メ從ヒケル

程ニ宗三彌偏執ノ猶憤深カリケル然ル處長慶能々往事ヲ見聞カレケル處ニ先年亡父海雲ハ一族宗三禪門ト畠山家ノ降人木澤左京亮長政其外可竹軒ナントカ讒言ニ因テ晴元是ヲ伐給ヒシ事分明ニ相知レタリ其上ニ又々今度宗三思慮ヲ回ラシメ長慶繁昌セハ後々我カ爲惡カリナント思フカ故ニ又晴元ニ讒ヲ構ヘ長慶武威ニ誇ラハ阿波御所ヲ取立參ラスヘシ今以テ管領晴元ハ有テモ無キカ如クニテ五畿四國オシナヘテ長慶ニナヒキ從フ事存外ノ曲事也ト晴元ヲ進ルノミナラス公方家エモ内奏ノ公方家ト晴元ト畠山遊佐ナント何レモ内通秘計シテ北白川ノ御籠城畠山ノ蜂起是皆長慶ヲ可伐謀慮ナル處ニ其比長慶思慮深シテ足長ニ京エ不登ラ居ナカラ攝州泉州ノ敵ヲ征シ根ヲ固メ源ヲ深シテ終ニ今一統ノ功ヲ立タレハ宗三カ邪謀空フシテ案ニ相違シタリケル此兩段ハ長慶此年比内々推量見聞セラレタリケレ共證人モ無ク時節モ不至シテ默止居タル處ニ今度長慶ハ遊佐長教カ輩ト成テ畠山家ノ縁者ニ成リ無他事交和シケル故ニ宗三先年ヨリ今年ニ至ル迄度々ノ讒言様々ノ邪義隱謀分明ニ相知タリ於是長慶思案セラレケルハ宗三禪門ハ正シク長慶親族ナレ共怨敵宿惡ノ人ナレハ身ノ爲國ノ爲可指置ニアラス今畿内一統シテ外敵ノ恐レ無ク國家間暇ニシテ時節既ニ到來ス近日先ツ宗三ト同シキ子右衛門大夫ヲ討取テ年來ノ怨ヲ散スヘシ其時若シ晴元ノ宗三ヲ最負セラレハ我モ主君ヲ取替テ細川氏綱ヲ取立テ管領職ヲ續セント遊佐長教ト相共ニ評議決定セラレケル長慶ノ思慮コソ安カラテ去程ニ長慶一味ノ輩ハ先ツ一家ノ衆中他門ニハ遊佐河内守長教筒井入道順照攝州上郡ニ三宅出羽守國村芥川孫十郎入江左近次木孫次郎安威彌四郎

同國下郡ニ池田原田川原林彌四郎有馬源次郎西岡カエテ冠冠手同物集女丹波國ニ内藤備前守播州ニ赤松一家衣笠五郎左衛門兄弟泉州ニ松浦肥前守阿波讚岐淡路ノ國人等皆長慶ノ味方ト成ル攝州ノ伊丹雅興ハ故有テ長慶ニ背ケリ角テ此企テ越水伊丹兩城ニテ僉議區々ナリケル故ニ同八月十一日池田城中ニツニ分レ宗三方ノ者共ヲ悉追出シ敵味方ノ色ヲ立テ長慶ノ舍弟十河民部大夫一存其外三好加介此等ノ人數十七箇所ニ陣取タルヲ宗三ノ嫡子右衛門大夫政勝榎波城ニ楯籠テ彼兩將ト日々ニ攻戰フ宗三方ハ主君細川晴元ト一味シ公方家モ御最負ナル故ニ京田舎一同ニ味方ト成リ末タノモシク多勢也扱モ長慶カ舉動ヲ細川晴元大ニ怒テ浪人ニテ居タリケル勇士川原林對馬守正頼ヲ呼出シ加勢ノ大將トシテ榎波ノ城エ差遣シ宗三一味ノ色ヲ立ラル扱又鼻六角彈正少弼定頼ヲ頼マレケル程ニ江州ハ不及云ニ伊賀國ヲ初テ近國隣郷ノ人數無限相集ル程ニ十七箇所ニ陣取タル十河一存三好加介モ中人ニ語ラハレ晴元エ降參シテ宗三ノ味方ト成ルサレ共其後一存ハ宗三ヲ背テ立歸リ長ク長慶ノ味方ト成ニケリ

○三好兩家所々合戰細川晴元攝州出馬事

角テ其年暮果ケレハ明レハ天文十八年己酉正月十日長慶方ノ軍勢越水ノ城ヲ出テ伊丹表エ押寄セ城邊ヲ放火ス同十九日河州ノ畠山政國モ長慶方エ合力シテ島下郡エ出張ス同廿四日宗三方ニモ多田勢ヲ引率メ池田市場エ朝驅シ悉放火シケリ同二月十八日三好長慶自身打立泉州ノ堺ニ着ク鼻ノ遊佐長教モ當所エ來會シテ合戰ノ評議シケルカ近日攝州ノ榎波中島兩

城ヲ可ニ攻取ト相談ヲ決シ同廿六日長慶ハ尼カ崎ニ出馬シ淡州ノ長慶ノ味方モ悉馳登テ此所ニ驅集リ又遊佐ヲ初テ河内勢ハ十七箇所ニ陣ヲ取ル同三月朔日長慶多勢ヲ率シテ宗三方ノ大將細川右馬頭晴賢ノ籠ラレケル中島ノ城ヲ攻メトス折節宗三モ中島ノ城ニ來ラレシカ當所ノ柴島ト云所ニ晴賢宗三兩家ノ人數屯ヲ張テ在ケル程ニ城ノ西南ノ方濱ト云所ニ出テ隨分防戦ケレ共散々ニ打負宗三方ノ三好加介河原林又兵衛ヲ始トシテ究竟ノ士十六人其外數多討死シ大將危ク見ヘケル程ニ晴賢モ宗三モ城ヲ開テ沒落ス長慶方ニハ河邊孫四郎只一人討死シ今日敢無ク中島ノ城ヲ攻取テ其儘城ニ入替リ人馬ノ息ヲ休居タリ安宅出羽守國村ハ晴元ノ厚恩ヲ忘レ今度長慶ノ味方トナル事晴元大ニ憤テ香西越後守元成ヲ差遣シ三宅城ヲ攻取テ頼而香西ヲ城主トシ晴元ノ人數ヲ籠置カル然レ其中島落城シテ宗三八榎波ノ城ニ落行キ其子右衛門大夫政勝ト一所ニ籠リ居テ日々江州ノ援兵ヲ相待危キ體ニ聞ヘケレハ細川京兆晴元此表心許無シトテ手勢ヲ卒シ出京シテ自身長慶ヲ退治ノ爲ニ攝州ニ下向シ多田ノ鹽川ノ城ニ着給フ宗三方ノ者共大ニ悅ヒ色ヲ直ス頼而晴元大將シテ同廿八日鹽川ノ城ヲ出テ武庫郡中西ノ宮邊マテ働キ民家悉放火ス長慶方ノ淡州勢尼カ崎ニ在ケルカ多勢ニ向テ一戰叶カタシト見テ早々陣ヲ拂テ越水ノ城ニ引入り其ヨリ晴元ハ一藏ノ城ニ歸陣ス同廿九日宗三伊丹勢等河邊郡ニ出張ノ尼カ崎迄放火シケルニ民屋ハ不レ及レ云ニ神社佛閣迄一字モ不レ貽燒拂ケレ共其働鈍フシテ敵一人モ不レ討捕剩同五月朔日ニ東富松城ヲ攻シニ城兵強シテ毎度寄手ヲ追拂ケル程ニ攻ル事不叶シテ宗三モ伊丹モ早々兵ヲ引テ各居城ニ歸陣シ

ケリ扱又同月三日晴元方ノ香西越後守元成ハ三宅城ヨリ出張シ相働處ヲ長慶方ノ三好日向守長縁芥川城ヨリ出テ惣持寺ノ西川原ト云所ニテ行合ヒ即一戰ヲ遂タリケルニ長縁悉打勝テ香西ヲ追拂ヒ姫田山城守久米彌六郎ヲ始テ宗徒ノ侍廿一人討捕晴ナル勝軍シテ長縁芥川城ニ歸陣ス然處同日三日暮果テ宵ノ空明カナルニ幡雲夥敷一天ニ立靡ケリ皆人不思議ノ思ヲナス斯ニ同キ日向守長縁ノ家人ニ白井淨三入道トテ名譽ノ軍氣天文ノ達者有リ未タ其比俗名ニテ白井四郎左衛門ト云此吉凶ヲ尋ケレハ四郎左衛門勘文ヲ引テ云ク箒星幡雲ノ吉凶軍氣ニ於テ專トス今宵ノ幡雲ハ本根南方ヨリ覆出タリ根本堅ケレハ枝葉不レ敵ト云ヘリ南方ハ細川氏綱ノ陣所也今度合戰勝利ヲ得テ氏綱家運ヲ開カルヘシト申ケルカ果シテ相違無リケリ

○江口合戰三好宗三討死事付晴元沒落事

去程ニ細川晴元ハ宗三禪門ノ味方ト成テ三好長慶退治ノ爲ニ攝州ニ下向シ相働キ給フニ依テ長慶モ此上ハ世ニ憚ル處モ無ク今ハ早主君ヲ取カヘ色ヲ立テ細川次郎氏綱ヲ大將トシ諸勢ヲ下知シテ宗三父子ヲ伐ントス同五月五日宗三ハ三宅ノ城ニ忍來テ香西元成ニ參會シ一向合戰ノ評議アリ同九日宗三ノ味方泉州岸和田兵衛大夫河州木澤大和守等河州ニ働入ヘシトテ先ツ泉州ノ堺ニ至リ陣取タル處ニ長慶方河内勢等逆寄シ相戰テ岸和田木澤等ヲ悉追拂フ是ヲ始而日々長慶ノ猛威アタリ難ク見ヘケル程ニ同月廿八日細川晴元モ一藏ノ城ヲ出テ三宅城ニ入り香西一所ニ籠ラレケリ三好長慶是ヲ聞テ敵所々ノ手遣ヲ力無ク相止テ三宅榎

波兩城ニ打集テ籠リ居タリイサ是ヲ不漏シテ兩城共ニ攻落シ悉討捕ヘシトテ細川氏綱ヲ大將トシ三好長慶十河一存遊佐長教等打立テ差向フト聞ヘシカハ同六月十一日三好宗三八手勢并晴元ノ馬廻衆都合三千ノ人數ヲ率シ榎波ノ城ニ立出テ中島ニ出張シ大河ヲ前後ニ相構テ江口ノ里ニ陣ヲ取ル筑前守長慶ハ思モ不寄逆寄ノ敵ヲ請ク中島ヲ根城トシ江口ニ向テ對陣ス長慶方ノ者共敵ヲ見テ嘲ケルハ宗三今三千餘人纔ノ人數ヲ引率シテ榎波ノ居城ヲ出離レ遙々斯ニ來ル事寔ニ是世ノ諺ナル愚人夏ノ虫飛テ火ニ入ル如クナレハ只一戰ニ討散サント勇合フ頼而十河民部大夫安宅攝津守等淡州勢ヲ引率シ江口ノ敵陣ト三宅ノ敵城ト通路ノ地形ヲ取切テ兵糧運送ノ巷ヲ差塞キ對陣ニ日數ヲ經サセテ敵ノ疲勞ヲ待居タリ然レ共宗三八本ヨリ剛強ノ大將ニテ是ヲモ不顧晴元宗三諸共ニ日々江州ニ使テ馳セ六角家ノ多勢ヲ待請ケハ晴ナル合戰シテ中島城ヲ取返シ長慶ヲ討取ント便々ト張陣シテ江州ニ頼ミ遣シ六角父子ノ後詰ヲ待ツ六角父子本ヨリモ晴元ノ縁者ト云ヒ宗三ノ味方ナレハ近日後詰ニ向フヘキ由度々契約シタリケレ共大軍他國ニ出勢ノ義手間ヲ取ル習ナレハ早速出勢成難ク兎ヤ角ヤ日數ヲ經テ漸々ニ支度セシメ定頼ノ嫡男左京大夫義賢一萬ノ人數ヲ催シテ江州ヲ出馬シ先陣ノ人數同月廿四日山崎ニ着陣シ大將ヲ始テ後陣ハ未タ不着陣是ヲ宗三待兼テ前廿三日ノ夜軍中ニテ月待ノ所念ヲセラレシニ一首ノ歌ヲ讀レケル

川舟ヲ留テ江口ノ明暮ニ問ントモセヌ人ヲ待哉

長慶方ニハ軍議シテ今ハ宗三八カリナルニ三宅ノ城ノ通路ハ無シ兵糧ニ迫ル程ナラハ其マ

、置テモ亡ヘシト便々ト月日ヲ送ル中ニ近日六角多勢ヲ率シ後詰ニ來ルト風聞ス然レハ侮テ敵ヲ輕シム其隙ニ味方ノ大事ト成ヘキ也六角勢ノ未タ後詰ニ來ヌ先ニ三宅ノ城攻落サント諸將何レモ進ケレ共長慶一人同心無クサスカニ痛ハシクモ晴元ノ陣ニ向テ弓ヲ引テ軍セノ事此上ナカラ忍ヒ難シ只何トソノ晴元ヲハ先君ノ名殘ニ助ケ置テ宗三八カリヲ討捕ント堅ク同心無キ故ニ諸將各退屈ス角テ合戰ニ當リ障リヲ考テ忌憚ル程ナラハイッ果ヘシモ不覺ノ頼ミ難シト見ヘシ處ニ同廿三日ノ夜十河民部大夫一存諸將ヲ進メテ此上ニハ長慶ノ下知ヲ守リナハ明日ニモ六角等多勢ノ後詰寄來テ味方ハ長陣ノ疲レ武者大負セノ事疑無シ大負スル程ナラハ各々我々長慶マテ皆一同ニ亡ヒ果干悔ス共甲斐有マシ今ハ早長慶ノ下知ヲ待ニ不可及何レモ面々某カ下知ニ從テ討立給ヘト驅催シ翌廿四日ノ曉天一存マツ先ニ進ンテ纔ニ一味ノ勢三百餘騎三宅ノ城ニ押寄マダ明ヤラヌ暗マキレニ関テ作り逆茂木ヲ引ノクテ追手ノ木戸ヲ攻破ル城中數多ノ軍士ヲハ宗三ノ陣ニ加勢ニ遣シ城ニハ弱兵近習ノ者纔百餘人殘留テ防戦ヒカタケレハ一ノ木戸ハ追落サレ二ノ木戸ニ支タレ其中々危ク見ヘケルヲ今一攻ニ此城ヲ攻落サン事心安シ然レ共晴元ニ腹切ラセハ長慶腹立給ヘシト一存敬而思慮ヲ回ラシ城兵ヲハ悉ク城中ニ追入レ押詰テ淡州ノ人數ヲ押ヘニ置キ手出ス事モ無キ様ニシ今ハ早此城ノ退治是迄也打捨テ置ヘシトテ一存人數ヲ相マトメ三宅ノ城ヲ引拂テ其レヨリ同日マツ直ニ江口ノ陣ニ押寄宗三ニ差向テ淀川ノ東ニ打臨ム大河流水漲テ夥數見ヘケレ共四國ノ海賊水練ニ習タル足輕共二十餘騎ヲ先ニ立テ東ノ岸ヨリ一文字ニ渡サセ跡ヨリ一存

多勢ヲ將テ大河ヲ一同ニ押渡リ關ノ聲ヲ揚ケレハ未一戰ニモ不及シテ西ノ木戸ヲ堅メタル別府左衛門カ持口ヨリ悉崩レタリ三好長慶三千餘騎直ニ江口ニ差向テ東方ノ木戸ヨリ攻破ル城兵此比ハ運送ノ路ヲ絶レ兵糧ニ迫テ二三日ハカノシキ食事モ無ク悉ク疲レ果又ハ野心ノ者モ有テ互ニ心ヲ置合ケレハ旁々防戦ナリカタク四面八方ニ敗北シテ我イデマシニト落行處ヲ斯彼コニ追詰テヒタ切ニ切殺ス宗三方ノ宗徒ノ者共天竺彌六郎高島甚九郎平井新左衛門田井源助波宿部左近豐田彈正近江衆ノ加勢新庄備中守守直ヲ始トシ上下八百八十餘人悉討死ス大將宗三八合戦ニ打負シカ水練達者ニテ鎧ヲ脱捨淀川ヲオヨキ越テ難無ク戰場ヲ落延向ノ岸エ上ラレケルヲ河内勢ノ足輕ニ坪井ト云者能見知テ跡ヨリ續テ川ヲ越向ノ岸ニテ切テ懸リ終ニ坪井切リ勝テ宗三ヲ切伏セ頸ヲ捕ル味方ノ大將長慶ハ只一戰ニ打勝テ宗三ヲ討捕リ年來ノ宿意ヲ散シ勝鬨ヲ作テ相悅フ三好右衛門大夫政勝ハ榎波ノ城ニ居ラレシカ父ノ宗三討死ヲ聞テ城兵俄ニ騷立方々ニ逃散ケル程ニ一戰ニモ及カタク政勝早々榎波ノ城ヲ落行テ河原林對馬守政賴ヲ憑テ忍居ケリ細川晴元ハ未々三宅ノ本城ニ居ラレシカ江口ノ味方敗軍シテ宗三討死ト聞ヘケレハ城兵等我先ニト皆々落失ケル程ニ術計盡果テ今ハ早城ヲ開テ渡スヘシ命ハ助ケ給ハレト押ヘノ寄手ニ佗言申シ出サレケル寄手モ流石哀レカリテ城ヲハ請取り長慶ノ内意ヲ得テ晴元主從十一人ヲ寄手ノ淡路勢路次ヲ送り警固シテ外聞ヲ憚態人シラマ丹波路ヲ廻リ伴テ嵯峨迄送り届ケリ晴元此體ニ落フレ果淺マシキ有様ニテ京入セン事面目無シト歎キサマヨヒ居クル由上聞ニ達シケレハ公方家ヨリ伊勢守貞教ヲ上

使トシ軍ノ習不苦ヲ早速歸洛有ヘキ由様々ニ拵ヘ仰下サル貞教モ頓ニ諫メ申サレケレハ晴元漸承伏シ晝ハ人目モ恥カシトテ同廿五日ノ夜ニ入テ旬々歸洛セラレケリ是ヨリ長慶家運ヲ開テ長ク威勢ヲ保ケレハ畿内悉屈服ス

○公方家都落事付御違例御鷹狩事

六角左京大夫義賢ハ父定賴ノ下知ニ從ヒ宗三後詰ノ爲ニトテ大軍ヲ催シ出張シ勢田葦崎土師ノ濱仰木衣川和爾堅田ヨリ打上リ大津松本今道山中ヲ經テ四條五條西ノ岡鳥羽竹田山崎神南邊ニ着陣シ進ンテ攝州エ入ントス義賢本陣ハ東寺九條ニ有ケルカ江口表軍敗レテ宗三討死ノ由ヲ聞テ山崎ノ先陣進藤山城守貞治長原太郎左衛門等早々西ノ岡エ引返ス義賢本陣モ東寺ヲ引去テ北白川エ引入ケリアハレ今一日後詰早ク助ケ來ラハ宗三角ハ有マシキヲ運ノ極ト覺ヘタリ扱モ攝州ノ合戦宗三討死シテ右衛門大夫ハ落テ行キ晴元ハ敵ニ送ラレヌル程ニ畿内四國一同シテ長慶ニ歸服シ細川次郎氏綱ヲ總大將トシテ大軍引モ切ラス京都ヲ差テ攻登ル山洛中ノ騷動頻ニ成リ貴賤山林エ身ヲ隱サント迷惑ケル程ニ角テハ公方家モ當所ニ御安座叶難シ又江州エ落サセ給テ今度ハ晴元諸共ニ六角定賴ヲ御頼有ヘシトテ同月廿七日ノ巳刻ニ公方前將軍家同新將軍家三條ノ御所ヲ出御成テ近江路差テ落サセ給フ公家ノ人々ニハ近衛殿下晴嗣公聖護院門跡道増大覺寺門跡義俊三寶院門跡義堯久我大納言晴通卿是皆近キ御縁座ナレハ相伴テ落サセ給フ扱御供ノ面々管領細川右京兆晴元其外細川右馬頭晴賢同播磨守元常六角左京大夫義賢等其日ハ神樂岡ニ着カセ給ヒ暫ク御休息有テ同キ